

პარლამენტი ეროვნული ბიბლიოთეკა



K 25.293/3



სომხ ხუროთმოძღვრება

სოციალიზმის
ისტორიისათვის
სამართლებრივი

ჟორი პირველი

საბეჭდო

ტფილისი, 1927წ.



სიმონ ხუნდაძე



სტალინის
ისტორიისათვის
საქართველო



სახელმწიფო გამომცემლობა

თბილისი — 1927

სიმონ ხუნდაძე

335.3
საქართველოს
საბჭოთაო
ხ-976

სტალინიზმის
ისტორიისათვის
საქართველოში

ტომი პირველი


გურუაზიულ-უბოპიური სოციალიზმი
საქართველოში.

K25.293
3



სახელმწიფო გამომცემლობა

ტფილისი — 1927





ქართული საზოგადოებრივი აზროვნების ევოლუციის შესწავლა ერთობ ძნელი და რთული საქმე არის. ვისაც ამ დარგში უმუშაენია, ის მიხედვება, თუ რაში გამოიხატება ეს სიძნელე და სირთულე. ამ წიგნის წინასიტყვაობაში ამ საკითხის შესახებ ვრცლად ლაპარაკი, რასაკვირველია, ზედმეტია. მაგრამ ერთი მომენტი მაინც უნდა იქნეს აღნიშნული, სწორედ ის მომენტი, რომელიც ააშკარავებს ჩვენი საზოგადოებრივი აზროვნების შესწავლის საქმის მდგომარეობას:

ჩვენი საზოგადოებრივი აზროვნების ისტორია სრულიად არ არის შესწავლილი და გამოკვლეული: ჩვენ არა გვაქვს მეცნიერულად შესწავლილი და ისტორიულ-ობიექტური საზომით განხილული ჩვენი საზოგადოებრივი აზროვნების ევოლუცია; უფრო მეტიც: ჩვენ მასალებიც კი არა გვაქვს დალაგებული და გამოკვლეული ამ ისტორიისათვის; უამრავ ძვირფას მასალას ჩვენი საზოგადოების სოციალური და ინტელექტუალური ცხოვრების წარსულიდან არქივის მტვერი აყრია და ჯერ კიდევ არ ვიცით, ეს მტვერი უფრო გაიზრდება ამ მასალებზე, თუ მათ ელირსებათ მზის სინათლეზე გამოტანა.

ასეთ მძიმე პირობებში, როდესაც არ არის მთლიანი საზოგადოებრივი აზროვნების ისტორია შესწავლილი, ერთობ ძნელი არის ამ აზროვნების სუეროდან ერთი რომელიმე ნაწილის გამოყოფა და მისი, ასე ვთქვათ, სეპარატიული გზით განხილვა. მით უფრო ძნელია განხილვა სოციალისტური აზროვნების განვითარებისა ქართულს ნიჟადაგზე. სხვა მრავალ დაბრკოლებას შორის ამ მუშაობას წინ ელოდება ერთი საკმაოდ დიდი დაბრკოლება: მტკიცე შეგნება არა მარტო ფართო საზოგადოებისა, არამედ თვით ქართველ მკვლევართა, რომ 60-იან და 70-იან წლებში არა ჰქონია ჩვენში ადგილი სოციალისტურ „გატაცებას“ და თუ რამ იყო ასეთი, იგი ანგარიშში ჩასაგდება არ არის: სოციალიზმის ისტორია ჩვენში იწყება 90-იანი წლებიდან. ასე მსჯელობს ჩვენი საზოგადოებრივი აზროვნების ზოგიერთი მკვლევარი.

ჩვენი აზრი ძირიანად ეწინააღმდეგება ასეთ შეხედულებას: ჩვენ ვფიქრობთ, რომ 60—70—80-იან წლებში საქართველოში საგრძნობ გატაცებას ჰქონდა ადგილი სოციალისტური მიმართულებით — ამის დამამტკიცებელ საბუთებს, იმედი გვაქვს, ბლომად იპოვის მკითხველი მის წინ მდებარე ნაშრომში — და, რაკი გატაცებას ჰქონდა ადგილი, იგი ანგარიშში ჩასაგდებაც არის და შესასწავლ-გაშოსარკვევიც.

საზოგადოებრივი აზროვნების ევოლუცია ობიექტურ-ისტორიულ საზომით უნდა იქნეს განხილული და ამ ობიექტურ-მეცნიერული კვლევის დროს აუცილებლად ისტორიულ ანგარიშზე უნდა იქნეს აყვანილი ყველა ის მნიშვნელოვანი მოვლენა ინტელექტუალური ძიებისა და სოციალ-პოლიტიკური მისწრაფების სფეროდან, რომელსაც კი ჰქონია ადგილი ჭაღარით მოსილ ისტორიულ წარსულში. მეორე მნიშვნელოვანი საკითხია ის, თუ როგორ ისტორიულ-სოციოლოგიურ ფონზე აღმოცენდნენ ეს მოვლენები და რა იყო მათი არსებითი ისტორიული დანიშნულება. რაკი ისტორიულ წარსულში ადგილი ჰქონდა ამა თუ იმ მოძღვრებით გატაცებას — ამ შემთხვევაში სოციალისტური იდეებით გატაცებაზე ლაპარაკი — იგი აუცილებლად უნდა შევისწავლოთ მთელი თავისი ისტორიული ვითარებითა და ფორმებით.

მეორეს მხრით, თანამედროვე ისტორიულმა ეპოქამ კარდინალურად დააყენა სოციალიზმის პრობლემა პრაქტიკულ ნიადაგზე და სოციალური თეორიების რეალურად განაღდება შეუდგა. ამ მხრივ სოციალიზმის პრობლემებისადმი ინტერესი წმინდა პრაქტიკულ-პოლიტიკური ხასიათისაა: პრაქტიკულმა ინტერესმა დაამარცხა და დაიმორჩილა განყენებული თეორიული კვლევა-ძიება. ეს სრულიად არ ნიშნავს იმას, რომ სოციალიზმის პრობლემებს თეორიული ინტერესი დაეკარგოს და რევოლუციონურ პრაქტიციზმს მეცნიერება განედევნოს თავისი სამოღვაწეო ასპარეზიდან. წინააღმდეგ, არასოდეს თეორიული ინტერესი სოციალიზმის პრობლემებისადმი ისე გაცხოველებული არ ყოფილა, როგორც თანამედროვე ეპოქაში: მძაფრმა რევოლუციონერმა ეპოქამ თავისი დაღი დაასვა სოციალისტურ თეორიულ კვლევა-ძიებას და დაუმორჩილა იგი თავის რევოლუციონურ ინტერესებს, ასე ვთქვათ, აბსტრაქციის განყენებული სამეფოებიდან რეალური ცხოვრების ნიადაგზე დააყენა. აქედან წარმოსდგა ის, რომ თანამედროვე სოციალისტური მეცნიერება გაასკეცებული ენერგიით იკვლევს იმას, თუ როგორი მეთოდით, როგორი საშუალებითა და გზებით არის შესაძლებელი სოციალიზმის განხორციელება. ათი წლის საბჭოთა სახელმწიფოს არსებობამ და მოღვაწეობამ უდიდესი მასალა მისცა რევოლუციონურ მეცნიერებას სოციალური პრობლემების ახალ პირობებთან და ეპოქასთან შეფარდებით დამუშავებისათვის. აქ სჩანს თეორიული ინტერესი სოციალიზმისა და მისი პრობლემებისადმი.

მაგრამ თანამედროვე ეპოქის ინტერესი სოციალიზმის პრობლემებისადმი მართა ამ პრაქტიკული და თეორიული მომენტებით არ ამოიწურება. მას აქვს თავისი მესამე მხარეც: თანამედროვე სოციალისტურ მეცნიერებას აინტერესებს სოციალისტური აზროვნებისა და იდეების ისტორიული განვითარებაც, მისი წარსული და უახლოესი მდგომარეობაც; როგორი ფორმებითა და სახით მიმდინარეობდა სოციალისტური აზროვნება წარსულში, რას ფიქრობდნენ ძველი რეფორმატორები მომავალ სოციალისტურ წყობილებაზე და როგორი ფორმით წარმოედგინათ ეს წყობილება, როგორ უყურებდნენ ისინი არსებულ ეკონომიურ ურთიერთობას და როგორ მეთოდსა და საშუალებებს იმუშავებდნენ ისინი მომავალი სოციალისტური წესწყობილების განსახორციელებლად, — აი მთელი რიგი კითხვათა რგოლებისა, რომელთა განხილვა და შესწავლა საინტერესო ხდება ისტორიულობიექტური საზომით. ამიტომ არის, რომ სოციალისტური რესპუბლიკების უმაღლეს სასწავლებლებში სოციალიზმის ისტორია ცალკე დამოუკიდებელი კურსის სახით შეიტანეს აკადემიურ სამეცადინო საგანთა შორის და გამოჰყვეს იგი ეკონომიურ მოძღვრებათა და აზროვნების ისტორიის საერთო ოჯახიდან, რომლის ერთ-ერთ ნაწილსაც იგი შეადგენდა და შეადგენს.

საქართველოში ინტერესი სოციალური საკითხებისადმი ამ ბოლო ხანებში ძლიერ გაცხოველდა: საქართველოს პროლეტარიატი და მთელი საზოგადოება ჩაბმული არის სოციალუისტური მშენებლობის პროცესში და ამიტომ გასაკვირი არ არის, თუ ჩვენშიც ცხოველდება ინტერესი სხვა სოციალურ საკითხებთან ერთად სოციალისტური პრობლემებისადმი: ჩვენ საზოგადოებასაც აინტერესებს ის, თუ როგორი სახით ვითარდებოდა ჩვენში სოციალისტური აზროვნება და როგორი არის მისი ისტორიული განვითარების მთავარი საფეხურები. ფიქრობთ, ეს გარემოება საესებით ამართლებს ამ წიგნის ავტორის პატარა განზრახვას: მიაწოდოს და ინტერესებულ ქართველ მკითხველს მასალები ქართული სოციალისტური აზროვნების ევოლუციიდან. ამ ამოცანების იქით ავტორის პრეტენზიები არ მიდის და ამიტომაც წიგნი ატარებს სათაურს: „სოციალიზმის ისტორიისათვის საქართველოში“ და არა „სოციალიზმის ისტორია“.

ახლა ორიოდ სიტყვა თვით წიგნის შესახებაც, რომელსაც თავისი ისტორია აქვს. თავდაპირველად ჩვენი მიზანი იყო ტფილისის

სახელმწიფო უნივერსიტეტში სოციალიზმის ისტორიის საერთო კურსთან ერთად წაგვეკითხა 3—4 ლექცია ქართული სოციალისტური აზროვნების განვითარებიდანაც, რომ მსმენელს ჰქონოდა დაახლოებითი წარმოდგენა მაინც იმის შესახებ, თუ როგორ გავლენას ახდენდა ევროპისა და რუსეთის სოციალისტური მოძრაობა ჩვენს ინტელიგენციაზე და როგორ მზადდებოდა ჩვენშიაც ნიადაგი დამთავრებული რევოლუციონური თეორიის ჩამოსაყალიბებლად. 1926 წ. ნოემბრის თვიდან ძველი ქურონალ-გაზეთებისა და სხვა საპირო მასალების ხელახლა გადათვალიერებამ და შესწავლამ ჩვენს პირველ მიზანს ფერი უცვალა და მუშაობის დასასრულს ჩვენ მივიღეთ უფრო ვრცელი შრომა, რომლის პირველი ტომის ორი წიგნი ამჟამად მკითხველი საზოგადოების განკარგულებაშია.

პირველი ორი ტომი მთლიანად ეხება მე-XIX-ე საუკუნეს, ხოლო მესამე ტომში, რომელიც, ასე ვთქვათ, მხოლოდ პროექტშია, განხილული იქნება მე-XX-ე საუკუნის საერთო ფონთან ერთად ბოლშევიზმის, მენშევიზმის, სოციალ-ფედერალიზმის, ანარქო-სინდიკალიზმისა და სხვა წვრილ მიმდინარეობათა განვითარების უმთავრესი მომენტები.

მკითხველს ჩვენ წინდაწინვე ვეთანხმებით, რომ ჩვენს პირობებში მის წინ მდებარე წიგნი შეუძლებელია შეცდომებისა და დეფექტების გარეშე დაწერილიყო: ამ ნაშრომს, უეჭველია, აქვს თავისი შეცდომები. ჩვენ ვიმედოვნებთ, რომ თვით მკითხველი საზოგადოება დაგვეხმარება ამ შეცდომების გამორკვევაში და გასწორებაში.

შეიძლება ზოგიერთმა — მხოლოდ ზოგიერთმა — მკითხველმა მისაყვედუროს ვრცელი ციტატების მოყვანა. ეს ჩვენ სრულიად შეგნებულად ჩავიდინეთ: საქართველოში, სადაც ძვირფასი ისტორიული მასალები ჯერ კიდევ დამტვერილი ინახება და სრულიად მიუწოდომელი არის მკითხველისათვის, პირდაპირ დანაშაული იქნებოდა ჩვენ მხოლოდ მიგვეთითებია მასალებისათვის და არ მოგვეყვანა ვრცლად ციტატები. ამ მეთოდით ჩვენ მკითხველს საშუალებას ვაძლევთ თვითვე გაეცნოს ვრცლად მასალას და თავისი შეხედულებაც შეიმუშაოს.

ყველგან, სხვადასხვა ავტორების მოყვანილ ციტატებში, დაცული არის მათი მართლწერა და გამოთქმები.

შესავალი:

- I. სოციალისტური აზროვნების უმთავრესი მომენტები რუსეთსა და საქართველოში.
- II. ჩვენი ეკონომიკა მეცხრამეტე საუკუნის მეორე ნახევარში.



1. სოციალისტური აზროვნების უმთავრესი მომენტები რუსეთსა და საქართველოში.

1859 წელს მარქსი სწერდა, რომ საზოგადოების სოციალური შენობა ეწყობა ეკონომიური სტრუქტურის შეფარდებით. მაგრამ, მარქსის აზრით, არა მარტო საზოგადოებრივი შენობა, არამედ საზოგადოებრივი აზროვნებაც, ფსიხოლოგიაც და მისწრაფებაც მუშაედება ეკონომიური წყობილების ზეგავლენით. ამრიგად, ეკონომიკა საზღვრავს საზოგადოებრივ შენობასაც და საზოგადოებრივ აზროვნებასაც. მარქსი სწერდა: „მატერიალური ცხოვრების წარმოების წესი აუალიბებს თავის მიხედვით სოციალური, პოლიტიკური და სულიერი ცხოვრების პროცესებს საერთოდ. როგორც შეუძლებელია ცალკე პიროვნების შესახებ მსჯელობა იმის მიხედვით, თუ რას ფიქრობს იგი თავის თავზე, ისე შეუძლებელია მსჯელობა ასეთი რევოლუციონური ეპოქის შესახებ მხოლოდ მისი შეგნების მიხედვით... უწინარეს ყოვლისა ეს შეგნება განმარტებულ უნდა იქნეს მატერიალური ცხოვრების წინააღმდეგობებით, საწარმოო ძალებსა და საწარმოო ურთიერთობათა შორის არსებული კონფლიქტით“.

მაგრამ საზოგადოებრივი ცხოვრება არ არის ერთხელ მოვლენილი და უძრავი რამ: იგი ცვალებადობის პროცესში იმყოფება და მისი წინმსვლელობა ხდება სოციალური კანონების სასტიკი ზეგავლენით. თავისი განვითარების განსაზღვრულ საფეხურზე, მარქსის ინიით რომ ეთქვათ, საზოგადოების მატერიალური საწარმოო ძალები ეჯახებიან არსებულ საწარმოო ურთიერთობას, რასაც თავის მხრით შედეგად მოსდევნ სოციალური კონფლიქტები და აზროვნების გაცხოველება: საზოგადოებრივი ცხოვრების ასეთი პერიოდი იწვევს აზროვნებისა და, საერთოდ, იდეოლოგიური ფორმების გადახალისებას, ამოძრავებას, — ფორმების, რომლებშიაც ცალკე ინდივიდები შეგნების სახით ითვისებენ აღნიშნულ კონფლიქტს.

მარქსისტული სოციოლოგიისათვის აზროვნება, მით უმეტეს საზოგადოებრივი აზროვნება, არის არა რაღაც დამოუკიდებელი

თვითმოქმედი მოვლენა, არამედ გარკვეული სოციალურ-ეკონომიკური პირობების ანარეკლი. განსაკუთრებული აზრი, იდეა, სოციალ-პოლიტიკური მისწრაფებანი შეიძლება აღმოცენდნენ მხოლოდ და მხოლოდ გარკვეულ ისტორიულ პერიოდში, როდესაც ამისათვის ეკონომიურად მომზადებულია ნიადაგი, ხოლო სოციალურად არსებობენ საზოგადოებრივი კლასები და სათანადო კულტურული დონე. ამიტომ საზოგადოებრივი აზროვნების ისტორიის შესწავლა შესაძლებელია მხოლოდ და მხოლოდ ეკონომიური ცხოვრების შესწავლით, სოციალური კლასების და მათი ურთიერთობის გამოკვლევით, ერთი სიტყვით, საზოგადოებრივი წყობილებისა და მისი კულტურული ვითარების გაგებით. საზოგადოებრივი აზროვნების ვითარება დამოკიდებულია საზოგადოებრივი ცხოვრების ვითარებაზე, მის სოციალ-პოლიტიკურ მდგომარეობაზე. ამ უკანასკნელის შესწავლა ნათელს ფენს და გასაღებს გვაძლევს პირველის შესასწავლად.

60-იანი წლები ქართული საზოგადოებრივი აზროვნების რენესანსად უნდა ჩაითვალოს. 50 — 60-იან წლებში დაიწყო ქართული ცხოვრების საგრძნობი გამოცოცხლება და ინტელიგენციის საქმიანი მოღვაწეობა. თეატრისა და ჟურნალის დაარსება, წიგნის გამოცემის საქმის დაწყება 50-იან წლებში არ იყო შემთხვევითი მოვლენა; იგი არსებითად გამოხატავდა ქართული კულტურული ძალების მოპილიზაციას; 60-იანმა წლებმა მოგვცეს ამ კულტურული მუშაობის პირველი მნიშვნელოვანი შედეგი — საზოგადოებრივი აზროვნების დიფერენციაცია, ინტელიგენტური ოჯახის ორ მოწინააღმდეგე ბანაკად დაარაზნება: გაბატონებული ძველი თავად-აზნაურული სქოლასტიური აზროვნების წინააღმდეგ ამხედრდა ლიბერალურ-დემოკრატიული წრეების რაციონალისტური და პოზიტიური აზროვნება. 60-იან წლებში თავად-აზნაურულ სქოლასტიურ და რეაქციონურ იდეოლოგიას დაუპირისპირდა ლიბერალურ-დემოკრატიული იდეოლოგია, — ეს იყო პირველი უდიდესი ისტორიული ფაქტი მე-XIX საუკუნის ჩვენი კულტურული ცხოვრების ვითარებაში.

მაგრამ 60-იანი წლები მარტო ლიბერალურ-დემოკრატიული აზროვნებისა და მიმართულებათა აკვნად არ შეიძლება ჩაითვალოს; ამავე პერიოდში პირველი საფუძვლები ჩაეყარა და ჩვენი ცხოვრების გარდამავალ (ძველი მეურნეობიდან კაპიტალისტურ ეკონომიკაზე) ფონზე გაიშლება სოციალისტურმა აზროვნებამაც. ლიბერალურ-დემოკრატიულ აზროვნებასთან ერთად ჩვენს ცხოვრებაში შემოანათეს

სოციალისტური იდეალების ცხოველმა სხივებმა. ქართული ინტელიგენციის ისტორიის მკვლევარი არ. ჯორჯაძე ამ ფაქტს არ უარყოფს, მხოლოდ მას იგი ანგარიშში მისაღებ მოვლენად არ მიაჩნია. თავის „**ინტელიგენციის ისტორიის მასალებში**“ 1912 წ. იგი სწერდა: „მესამოციანობა არის ახალი ერა ჩვენს კულტურაში. მან შემოიტანა ჩვენში მეცხრამეტე საუკუნეში ევროპაში მოარული სოციალ-პოლიტიკური თეორიები და ფორმულები“. ცოტა ზევით იგივე ავტორი სწერს: „მაგრამ მკითხველი შესცდება, თუ იფიქრებს, რომ სოციალიზმი მესამოცე წლებიდან იკეთებს ფესვს ჩვენს მწერლობაში და რომ მასში უნდა ვეძებოთ მიზეზი ლიბერალ და დემოკრატ მესამოციანთა დამარცხებისა. **ნამდვილად კი სოციალისტური აზროვნება და მიმართულება ჩვენს მწერლობაში ოთხმოცდაათიან წლებამდე ანგარიშში ჩასათვალავ მოვლენად არ ჩაითვლება.** არც ნ. ნიკოლაძე, არც ვინმე სხვა ამ მიმართულების ბელადად არ გამხდარა“¹).

ამრიგად, ჯორჯაძე არ უარყოფს სოციალისტური აზროვნების შემოქრას ჩვენში 60-იან წლებში, მხოლოდ იგი მას არ მიაჩნია ანგარიშგასაწევ მოვლენად. მისი აზრით, „მესამოციანობას“ ახასიათებს უმთავერესად ლიბერალურ-დემოკრატიული აზროვნება. მეორე მკვლევარს, ნ. ეორდანიას, სრულიად გამოეპარა ამ ფაქტის არსებობა. თავის „**ქართულ პრესაში**“ (1900 წ.) საერთოდ ამ მწერალმა შესაფერისად ვერ გამოიყენა მარქსისტული მეთოდი ქართული საზოგადოებრივი აზროვნების ისტორიის შესწავლის დროს და მისი „**ქართული პრესა**“ უფრო პოლემიკური ექსკურსიაა, ვიდრე დამჯდარი სერიოზული ისტორიული ნარკვევი.

ჩვენ ვფიქრობთ, რომ 60-იანი და 70-იანი წლების სოციალისტური აზროვნების შესახებ მართალი არ არის არც ნ. ეორდანიას თავისი „გულმაღიწყოებით“ და არც არ. ჯორჯაძე თავისი „ანგარიშთანობით“. ჯორჯაძის კონცეპციით, სოციალისტური აზროვნების ისტორიიდან უნდა ამოიშალოს 25—35 წლების მნიშვნელოვანი მანძილი, როდესაც ჩვენში მოღვაწეობდა, მაგ., ნაროდნიკული მიმდინარეობა, როდესაც ჩამოყალიბდა წვრილ-ბურჟუაზიული უტოპიური სოციალიზმი საქართველოში, როდესაც ნაროდნიკული მიმდინარეობის ერთმა ნაწილმა (მაიაშვილი, ჯაბადარი, ჩიკოძე, გამყრელიძე,

¹) არჩილ ჯორჯაძე: თხზულებანი; ტ. V. გვ. 180—181, გამოც. 1914 წ.

(ციციშვილი) მხურვალე მონაწილეობა მიიღო რუსეთის 70-იანი წლების რევოლუციონერ-სოციალისტურ მოძრაობაში, სადაც ისინი ბუკუნინის ანარქისტული საფლმუნდელოების ნიადაგზე იდგნენ, ხოლო მეორე ნაწილმა 70-80-იან წლებში საქართველოში დააარსა რევოლუციონური პარტია და შექმნა თავისი ორგანოც („იმედი“). როგორც ლიტერატურაში, ისე პრაქტიკულად რევოლუციონური პარტიის დაარსებით, რომელიც მხურვალე მუშაობას აწარმოებდა მოსწავლე ახალგაზრდობასა და ხელოსნებში, სოციალისტურმა აზროვნებამ საგრძნობლად გაიდგა ფესვები აღნიშნულ პერიოდში, და მისი დაუნახაობა ისტორიული უსამართლობა იქნებოდა.

ქართული საზოგადოებრივი აზროვნების ისტორიის შესწავლა 60-იანი წლებიდან არ იქნება სრული, თუ ამ ისტორიიდან ამოვშლით იმ ნაკადს, რომელიც ნაროდნიკული და სოციალისტური მიმდინარეობის სახით შემომდინარეობდა ჩვენს საზოგადოებრივ აზროვნებაში. ამ სოციალისტურ-ნაროდნიკულმა ნაკადმა ლიბერალურ-დემოკრატიულ მიმდინარეობასთან ერთად გააპოხიერა ჩვენი აზროვნება და აავსო ჩვენი სოციალურ-პოლიტიკური იდეალები ევროპის და რუსეთის ახალი თეორიებით. ჩვენში მარქსიზმი 90-იან წლებში ქართველი ნაროდნიკების ბეჭებზე აღმოცენდა: 90-იანი წლების ქართული მარქსიზმი ისტორიულად და ლოლიკურად მოჰყვა 70-80-იანი წლების ქართველი ნაროდნიკების ნაყოფიერ რევოლუციონერ მუშაობას მუშა ხელოსნებსა და მოსწავლე ახალგაზრდობაში. ისე, როგორც რუსეთში 80-იან წლებში, ჩვენშიაც მარქსიზმი 90-იან წლებში ნაროდნიკ-სოციალისტების მიერ გაპოხიერებულ ნიადაგზე აღმოცენდა. ეს ისტორიული ფაქტია.

მაგრამ სანამ ქართული სოციალისტური აზროვნების განვითარების მთავარ მომენტებს გავითვალისწინებდეთ, აუცილებელ საჭიროებას წარმოადგენს გავეცნოთ რუსეთის ასეთივე აზროვნების ევოლუციას. საქართველო არა მარტო პოლიტიკურად და ეკონომიკურად გადაეჯაჭვა რუსეთის ცხოვრებას მე-XIX საუკუნის დასაწყისიდან, არამედ კულტურულადაც, და ქართულ საზოგადოებრივ აზროვნებაზე უდიდეს გავლენას ახდენდნენ ის სოციალ-პოლიტიკური და საზოგადოებრივი იდეალები, რომელნიც მუშავდებოდნენ რუსეთის ინტელიგენციის წრეებში. ამიტომ ძნელია ქართული საზოგადოებრივი აზროვნების გაცნობა, თუ არსებით ყურადღებას არ მივაქცევთ რუსეთის ინტელიგენციის აზროვნების ევოლუციას. მაგრამ ეს გავ-

ლენა რუსეთის საზოგადოებრივი აზროვნებისა ქართველ ინტელიგენციაზე განსაკუთრებით გამოიხატა ქართული სოციალისტური აზროვნების ვითარებაში: ქართველმა ინტელიგენციამ თავისი სოციალისტური იდეალები უმთავრესად რუსეთის სოციალისტური ოჯახიდან ისესხა, თუმცა მასზე, როგორც ქვევით დავინახავთ, დიდ გავლენას ახდენდნენ ევროპის სოციალისტური და უტოპიური სისტემებიც.

მე-XIX საუკუნეში რუსეთის სოციალისტური აზროვნების ევოლუცია შემდეგ ქრონოლოგიურ ფარგლებში შეგვიძლია მოვაქციოთ:

1. პირველი პერიოდი შეიცავს დაახლოვებით 1830 — 1850 წლებს. ამ პერიოდში შეიქრა პირველად რუსეთში სოციალისტური იდეოლოგია; ამ იდეოლოგიის მასაზრდოებელი ნაკადი მომდინარეობდა ევროპის უტოპიური სოციალიზმიდან (სენ-სიმონი, ფურიე და სხვ.). ამ ეპოქაში რუსეთის ინტელიგენცია უკრიტიკოდ ითვისებდა ევროპის სოციალისტურ სისტემებს. ეს არის ეპოქა ევროპის უტოპიური სოციალიზმის ბატონობისა რუსეთის ნიადაგზე. 1830 წლის შემდეგ მოსკოვის უნივერსიტეტთან დაარსდა ორი წრე: ერთი განიცილდა გერმანიის ფილოსოფიური აზროვნების გავლენას, ხოლო მეორე — საფრანგეთის სოციალისტური იდეებისას. ამ უკანასკნელის მეთაურები იყვნენ ჰერცენი და ოგარევი. „... 1830 წლის შემდეგ სოციალიზმმა დიდი გავლენა მოახდინა მოსკოვის მოაზროვნეებზე. რუსეთში ამ დოქტრინაში ხედავდნენ იმ გრძნობების გამოხატვას, რომელნიც უფრო შეესაბამებოდნენ ჩვენი სულის ძირითად მისწრაფებებს, ვიდრე წმინდა პოლიტიკური მიმდინარეობანი“. „სენ-სიმონიზმი დაედგა ჩვენს რწმენას საფუძვლად და უცვლელი დარჩა ძირითად მომენტებში“¹⁾.

40-იანმა წლებმა რუსეთში უფრო ფართოდ გაუღო კარები ევროპის სოციალისტურ უტოპიურ აზროვნებას. როგორც ეპოქის დამახასიათებელი მომენტი, აღსანიშნავია ბელინსკის გადასვლა მემარჯვენე ჰეგელიანიზმიდან უკიდურეს მემარცხენე ფრთაზე. 1841 წელს იგი სწერდა ბოტკინს: „ამჟამად მე ახალს უკიდურესობაში ვიმყოფები — ეს არის სოციალიზმის იდეა, რომელიც გადაიქცა ჩემთვის ყოფნაზე უფრო მაღალ მოვლენად, იდეათა იდეად, რწმენისა და ცოდნის ალფად და ომეგად“²⁾. პ. ანენკოვის გადმოცემით, 1843 წლებისა-

¹⁾ К. Пожитнов: „Развитие социалистических идей в России“ т. I, გვ. 39.

²⁾ იქვე, გვ. 44.

თვის „პრუდონისა და ფურიეს თეორიები, რომელთაც შემდგომ „მოცემულ მატა ლუი ბლანის ცნობილი ტრაქტატი „შრომის ორგანიზაცია“, წარმოადგენდნენ ჩვენში (რუსეთში) განსაკუთრებულ სკოლას, სადაც ყველა ეს მოძღვრება შერეული იყო ერთმანეთში და განურჩევლად, არეულად სწამდათ მათ მიმდევრებს“¹⁾. 40-იანი წლების მეორე ნახევარში რუსეთში ჩამოყალიბდა პეტრაშევსკის ჯგუფი, რომლის უმრავლესობა ფურიეს სოციალისტურ სისტემას იზიარებდა. ეს ჯგუფი ნიკოლოზ პირველის ტანდარმერიაშ აღმოაჩინა 1849 წელს და მისი მეთაურები სასტიკად დასაჯა.

ამ წლიდან თითქოს შეწყდა რუსეთში პერიოდი ევროპის უტოპიური სოციალიზმის მიმბაძველობისა და რუსეთის ინტელიგენცია პერცენის მეთაურობით შეუდგა **ნაროდნიკული სოციალიზმის სახით** თავისი საკუთარი, რუსული უტოპიური სოციალიზმის შემუშავებას. მაგრამ ჯერ ვიკითხოთ: როგორი იყო **სოციალური შინაარსი** 1830 — 1850 წლების „სოციალისტური მიმდინარეობისა“, როგორი სოციალური მოტივები ამოძრავებდა ამ პერიოდში ინტელიგენციას? უნდა აღინიშნოს, რომ რუსეთი ამ ეპოქაში აღარ წარმოადგენდა ეკონომიურად ჩამორჩენილ და განუვითარებელ ქვეყანას. ბატონ-ყმური ურთიერთობის გვერდით საგრძნობლად განვითარდნენ სავაჭრო და სამრეწველო კაპიტალისტური ურთიერთობანი. 1825 წლისათვის იქ 5.261 ფაბრიკა-ქარხანაზე მეტი მოიპოვებოდა; ამ ფაბრიკა-ქარხნებში მუშაობდა 210.568 თავისუფალი და ყმა მუშა. აქედან სჩანს, რომ რუსეთში ძველი ნატურალური მეურნეობა რდევების პროცესში იმყოფებოდა და ახალ სოციალ-ეკონომიურ პირობებში ყალიბდებოდნენ ახალი აზროვნება და ახალი სფლიერი განწყობილებანი. დეკაბრისტების 1825 წლის რევოლუციონური გამოსვლა, როგორც 1858 წელს შესანიშნავად აღნიშნა პერცენმა, **ლიბერალურად** განწყობილი ინტელიგენციის ცდები იყო, მაგრამ ეს რუსული ლიბერალიზმი აღმოცენდა არა ნატურალური მეურნეობის საფუძვლებზე, არამედ რუსეთში ახლად შეჭრილი კაპიტალისტური ურთიერთობის ნიადაგზე. არ არის გასაკვირი, თუ შემდგომ ამ ბურჟუაზიულად განწყობილმა ინტელიგენციამ თავისდა უნებურად შეითვისა ევროპის უტოპიური სოციალიზმის სისტემები, მაგრამ არსებითად

¹⁾ იგეგ. გვ. 43. აგრეთვე II. Анненков: „Замечательное десятилетие“. ჟურნ. „Вестник Европы“, № 1—5 1880 წ.

ამ შეთვისების ფორმებში იმალებოდა რუსეთის პროგრესიული ინტელიგენციის ბურჟუაზიული და ლიბერალურ-დემოკრატიული მისწრაფებანი.

ეს ბურჟუაზიული მიდრეკილება რუსეთის ინტელიგენციის საუცხოვო გამოამჟღავნა ბელინსკიმ, რომელიც 1840 წლიდან უკვე სოციალიზმის უკიდურესობაში იყო გადავარდნილი. 1847 წელს იგი სწერდა ბოტკინს: „მე ვიცი, რომ მრეწველობა დიდ უბედურებათა წყაროა, მაგრამ ვიცი აგრეთვე, რომ ის საზოგადოებისათვის დიდი ბედნიერების წყაროც არის. არსებითად ის (მრეწველობა) მხოლოდ უკანასკნელია, უბედურება კი გამოიხატება კაპიტალის ბატონობაში, შრომაზე მის ტირანიაში“¹⁾. ამიტომ სრულიად საპართიანოდ სწერს ანხ. პოკროვსკი პეტრცენის შესახებ: „როგორც პოლიტიკური მოღვაწე, პეტრცენი წარმოადგენდა დეკაბრისტების ნახევრად თავად-აზნაურული ლიბერალიზმის რუსეთის რეფორმის შემდგომი პერიოდის ბურჟუაზიულ ლიბერალიზმთან შემდგომდებელს“²⁾. ასეთ-სავე სწორ ისტორიულ სოციოლოგიურ დაფასებას იძლევა პეტრაშველების შესახებ ანხ. მ. ბალაბანოვი, როდესაც სწერს: „პეტრაშვესკის არ ჰქონია ჩამოყალიბებული სოციალისტური შეხედულებანი და სოციალისტური სიმალლიდან იგი ხშირად ეშვებოდა, თუ ლიბერალიზმის მიმართულებამდე არა, რადიკალიზმის მიმართულებამდე მაინც. უფრო მეტი დასაბუთებით შეიძლება ეს ითქვას პეტრაშვესკის ჯგუფის დანარჩენ წევრებზე. მათთვის სოციალიზმი იყო უბრალო განწყობილება, ძლიერ ხშირად წარმავალიც, რომელიც გაოსავალს იძლეოდა ბატონყმური თვითმპყრობელური წყობილების წინააღმდეგ პროტესტებისთვის“³⁾. ბ. გორევი საერთოდ ამ პერიოდის რუსეთის სოციალისტებს შემდეგნაირად ახასიათებს: „ევროპული უტოპიური სოციალიზმი იყო მხოლოდ ის იდეოლოგიური ნაპოვნო, რომელშიც, მაშინდელი რუსი ინტელიგენციის შეუგნებლად, იმალებოდნენ მისი (ინტელიგენციის) ნამდვილი ბურჟუაზიულ-დემოკრატიული ამოცანები და მისწრაფებანი“⁴⁾. ამრიგად, 1830—1850 წლებში რუსეთში

¹⁾ იქვე, გვ. 47.

²⁾ М. Покровский: „Русская история“, т. IV, гл. 140.

³⁾ М. Балабанов: „История революционного движения в России“, т. 78, 1925 წ.

⁴⁾ Б. Горев: „Белинский и социализм“, журн. „Печать и революция“, № 4, гл. 2, 1923 წ. მისვე: „Развитие социалистической мысли в России“ — გრანატის ენციკლოპედიური ლექსიკონი, ტ. 40, გვ. 541.

შექრილი ევროპის უტოპიური სოციალიზმის ქვეშ იმაღლებოდა რუსეთის ინტელიგენციის ლიბერალურ-რადიკალური განწყობილება და ბურჟუაზიული სულისკვეთება.

როგორც მკითხველი ქვევით დაინახავს, ევროპის უტოპიური და სხვა სოციალისტური სისტემები 1860 — 1876 წლებში ჩვენშიაც შემოიჭრენ. არსებითად ამ სოციალისტურ სისტემებს ჩვენშიაც თავი შეაფარა ქართველმა რადიკალურ-ბურჟუაზიულმა ინტელიგენციამ.

მკითხველს აქ უნდა მოვაგონოთ შემდეგი: ევროპაში დიდი უტოპისტებიდან **სენ-სიმონი** (1760—1825 წ.) და **შ. ფურიე** (1772—1837 წ.) არ იყვნენ წმინდა წყლის სოციალისტები და მათ სისტემებში თავმოყრილი იყო არასოციალისტური ელემენტებიც. განსაკუთრებით ეს ითქმის სენ-სიმონიზმზე. მთელი რიგი სოციალიზმის ისტორიკოსებისა სენ-სიმონს არ სთვლის სოციალისტად. მართლაც, თვითონ სენ-სიმონის სოციალური სისტემა არ იყო მიმართული ბურჟუაზიულ-კაპიტალისტური წყობილების წინააღმდეგ; მას სურდა მხოლოდ ბურჟუაზიული წყობილების გაუმჯობესება, მისი განთავისუფლება ანარქიის ზეგავლენისაგან. აღსანიშნავია ის, რომ **ინდუსტრიალურ კლასში** იგი თავისუფლად ათავსებდა მრეწველსა და მშრომელს, კაპიტალისტსა და პროლეტარს და თავის თავს ამ ერთიანი კლასის დამცველად სთვლიდა. ამიტომ ის მომავალი წყობილება ინდუსტრიალიზმისა და მეცნიერების, რომელსაც გვიხატავდა სენ-სიმონი, არსებითად გამოხატავდა იდეალიზაციკმნილ კაპიტალისტურ საზოგადოებას: სენ-სიმონი წარმოადგენს სამრეწველო ბურჟუაზიის თავისებურ იდეოლოგს. ისტორიულად სოციალისტური შინაარსი სენ-სიმონის მოძღვრებაში შეიტანეს მისმა მოწაფეებმა (ბაზარი და ანჟანტენი). ფურიერიზმშიაც ბლომად მოიპოვება არასოციალისტური ელემენტები: მაგ. ფურიე არ სპობს საცესებით კერძო საკუთრებას საწარმოო ძალებზე¹⁾, მის ფალანგაში ადგილი აქვს კაპიტალისტებსა და ბანკირებს, რომელნიც ღებულობენ გასამრჯელოს ფალანგის წლიური შემოსავლიდან: **კაპიტალი** (აქციონერი) ღებულობს ფალანგის წლიური შემოსავლის $\frac{1}{12}$, **შრომა** — $\frac{5}{12}$, **ნიჭი** (ტალანტი) — $\frac{3}{12}$. აქედან ჩვენ ვტყობილობთ, რომ ფურიეს მთელი სისტემა გამოხატავს თავისებურ კომპრომისს სოციალისტურსა და კერძო საკუთრების იდეალებს შორის. ასეთი თავისებური შეუღლება უტოპიური სოციალიზმისა კაპიტალის-

¹⁾ შეადარეთ. III. Жид: „История экономических учений“

ტურ ეკონომიკასთან საწარმოო ძალების განუვითარებლობით აიხსნება. ფ. ენგელსი მათ შესახებ სწერდა: „Незрелому состоянию капиталистического производства и незрелости классовых противоречий соответствовали и незрелые теории“. ჩვენშიაც სოციალისტური აზროვნების პიონერები ამ საწარმოო ძალების განუვითარებლობის მსხვერპლი შეიქნენ, ხოლო არსებითად მათი სოციალისტური თეორიები ავსებული აღმოჩნდა თავისებურად შელამაზებული ბურჟუაზული შინაარსით.

2. მეორე პერიოდი რუსეთის სოციალისტური აზროვნების ისტორიაში იწყება პეტრაშევსკის წრის განადგურებით. რუსეთის ნიადაგზე ევროპის უტოპიური სოციალიზმი შეიცვალა განსაკუთრებული, თავისებური ფორმის სოციალიზმით და რუსეთის სინამდვილეში წარმოშობილი ახალი ამოცანების გადაჭრა ინტელიგენციამ მოინდომა თავისებური „რუსული სოციალიზმის“ საშუალებით: ასე აღმოცენდა **ნაროდნიკული სოციალიზმი**. ფაქტიურად ამ სოციალიზმის წარმოშობას ხელი შეუწყო რუსეთის თემის აღმოჩენამ პაკსტჰაუზენის მიერ, რომელმაც პარალელი გაატარა თემსა და სენ-სიმონის ასოციაციებს შორის. მეორე მხრით, 1848 წლის რევოლუციის დამარცხებამ ევროპაში რუსეთის ინტელიგენციას არ გაუშვიათ და ევროპის მოძრაობის იმედები: ევროპის კაპიტალიზმში მან დაინახა ყოველგვარი უბედურების მიზეზები და ამიტომ თავისი გულისყური ისევ რუსეთის ცხოვრებას მიაპყრო. მოვესმინოთ ისევ პერცენს „კოლოკოლის“ (დაარსდა 1857 წ.) ფურცლებზე იგი თავისი სოციალისტური აზროვნების გარდატეხის ისტორიის შესახებ სწერდა: „ვხედავდი რა, თუ საფრანგეთი როგორ გაბედულად აყენებდა სოციალურ საკითხს, მე ვფიქრობდი, რომ იგი ნაწილობრივ მაინც გადასჭრის ამ საკითხს და ამიტომ ვიყავი მე, როგორც მაშინ ამბობდენ, ზაპადნიკი. პარჩიზმა ერთ წელიწადში დამამარცხა; სამაგიეროდ, ეს წელიწადი იყო 1848 წ. უარყოფ რა რევოლუციას, მე სრულიად არ ვარ მოვალე გადავიდე მის (რევოლუციის) მოწინააღმდეგეთა მხარეზე; თებერვლის რესპუბლიკის დამარცხებამ სრულიად ვერ გადამისროლა მე ვერც კათოლიკეში, ვერ კონსერვატორებში: მან ხელმეორედ მომიყვანა საკუთარ სახლში (გულისხმობს რუსეთს). ვიდექი რა დამარცხებულთა ბანაკში, მე მივუთითე მათ იმ ხალხზე (რუსებზე), რომელიც თავის ყოფაში უფრო მეტ პირობებს ატარებდა ეკონომიური გარდაქმნისთვის, ვიდრე საბოლოოდ ჩამოყალიბებული დასავლეთის ერები.

შე მიეუთითო იმ ხალხზე, რომელსაც არა აქვს ყველა ის მანერა, რომელიც შეფერხება, რომელზედაც ევროპაში იმსხვრევა ყოველგვარი ახალი საზოგადოებრივი აზრი, სამაგიეროდ, აქვს **ფეხქვეშ მიწა და რწმენა**, რომ იგი (მიწა) მას ეკუთვნის“¹).

ამრიგად, რუსეთის მოწინავე ინტელიგენციამ დასტოვა ევროპის ცივილიზაცია და კაცობრიობის ხსნა რუსეთის თემში დაინახა. „სოფლის თემი და მუშათა არტელი, — სწერდა 1855 წელს ჰერცენი პრუდონს, — მაძლევნ უფლებას დავასკვნა, რომ თვით სლავური ტომის ბუნებაშია ჩამარხული სოციალიზმის ელემენტები, მაგრამ ფიქრობ, რომ დასავლეთ ევროპის სოციალისტური იდეების დაუხმარებლად სლავურ ერებს არასოდეს არ ეყოფათ სითამამე, რომ პატრიარქალური კომუნიზმიდან გადავიდნენ შეგნებულ სოციალიზმზე. მათ სჭირდება ევროპის ხალხების თანაგრძნობა და დახმარება“²).

სწორედ ამ დებულებიდან წარმოსდგება ის თეორია, რომელიც ნაროდნიკული აზროვნების დამახასიათებელ ძირითად მომენტს წარმოადგენს. რუსეთი თავისი პატრიარქალური თემური წყობილებით და მუშათა არტელებით შესძლებს, კაპიტალისტური წყობილების გვერდის ავლით, კომუნისტური ურთიერთობის განმტკიცებას: კაპიტალიზმი ვერც განვითარდება რუსეთში და არც უნდა განვითარდეს; რუსეთს აქვს საკუთარი გზა, რომელიც არსებითად განსხვავდება ევროპის განვითარების გზისაგან. უარყოფა კაპიტალიზმისა და დაყრდნობა თემსა და არტელებზე ნაროდნიკული სოციალისტური სისტემის მთავარ საფუძვლებს წარმოადგენს. აღსანიშნავია, რომ ჰერცენმა უარყო მრეწველობის განვითარების საჭიროება რუსეთში. „განვითარება მრეწველობისა, ფაბრიკებისა და თვით გავრცელება პოლიტიკური ეკონომიისა, გადმონერგულის რუსეთის ჩვეულებაზე, იძლევა ათასნაირ საშუალებას გამოიყენონ (კაპიტალისტებმა) გლეხები თავიანთ სასარგებლოდ. მემამულე, „თემის პატრიარქალური მეთაური“, თანდათან გადაიქცა ფაბრიკანტად, თეთრი მონების პლანტატორად. მოვაჭრედ. ამიტომ საჭიროა უარყოფა მრეწველობისა, რომელიც არღვევს თემისა და არტელის საფუძვლებს“³). ესეც ნაროდნიკების მოძღვრების დამახასიათებელი მომენტია.

¹) პოეტონოვის დასაბუთებული შრომა, გვ. 78—79.

²) იქვე, გვ. 82.

³) იქვე, გვ. 85.

რუსული ნაროდნიკული სისტემა აღმოცენდა განსაკუთრებით ისტორიულ პერიოდში, როდესაც ჯერ კიდევ არ იყო საკმარისი ვითარებული კაპიტალისტური ეკონომიკა. ამ გარემოებამ თავისებური დალი დაასვა ნაროდნიკულ აზროვნებას — რუსეთის ნიადაგზე წარმოშობილი უტოპიური სოციალიზმის ამ თავისებურ ფორმას. ეს ნაროდნიკული სოციალიზმი რუსეთში შეურყეველად ბატონობდა დაახლოებით 1850 — 1882 წლების განმავლობაში. 1883 წლიდან კი მას ახლად შექრილი მარქსიზმის სახით კონკურენტი გამოუჩნდა, და ამ ხნიდან იწყება ნაროდნიკული მიმდინარეობის დაშლისა და გადახლისების პროცესი.

ხაზგასმით უნდა აღინიშნოს ის, რომ ნაროდნიკული სოციალიზმი თავისი სოციალური შინაარსით არის რუსეთის წვრილი ბურჟუაზიის — ქალაქისა და სოფლის წვრილი მესაკუთრის — რეაქცია კაპიტალისტური ეკონომიკისა და კაპიტალისტური ურთიერთობის წინააღმდეგ, ხოლო თავისი მთავარი პოლიტიკური მრწამსით იგი გამოხატავს რადიკალურ-დემოკრატიული ინტელიგენციის მოძრაობას.

ნაროდნიკული მოძრაობა განსაკუთრებით გაძლიერდა 70 იან წლებში, როდესაც მან აშკარა რევოლუციონური სახე მიიღო და მთავრობის მიმართ შეურიგებელი პოზიცია დაიკირა. ამ ეპოქამდე რუსეთის ნაროდნიკული აზროვნება ვითარდებოდა ჰერცენისა და ჩერნიშევსკის გავლენის ქვეშ. ჰერცენი და ნაწილობრივ ჩერნიშევსკიც¹⁾ რუსეთის უტოპიურ სოციალიზმში წარმოადგენენ „მშვიდობიან“ მიმდინარეობას; მაგრამ ასეთი „მშვიდობიანი“ განწყობილება სრულიად არ შეესაბამებოდა რუსეთის ძაშინდელ პოლიტიკურ სინამდვილეს. რუსეთის სოციალ-პოლიტიკური ცხოვრება სრულიად არ იძლეოდა „მშვიდობიანი“ განვითარების ილუზიას. ამიტომ ჰერ-

¹⁾ მ. პოკროვსკი შემდეგნაირად ახასიათებს ჩერნიშევსკის: „Чернышевский был не только родоначальником нашей аграрной программы, но он, несомненно, был родоначальником и меншевистской тактики, которая в этом и состояла: „зачем булгу поднимать, и что из этого выйдет, нужно спокойствие сохранить“ и потихоньку, да потихоньку, опираясь на буржуазию („образованные классы“ у Чернышевского), постепенно, путем мирного давления этих „образованных классов“, в которых царское правительство не может стрелять, постепенно добиваться от царя всяких уступок... Чернышевский не был в области тактики революционером, а был революционером только теоретически“. (М. Покровский: „Очерки по истории революционного движения в России в XIX и XX в. в.“, гл. 59, 62, 1924 წ.)

ცენი და ნაწილობრივ ჩერნიშევსკიც შესცვალა 70-იანი წლების რევოლუციონურმა ნაროდნიკულმა იდეოლოგიამ, რომელიც თეორიულად იმავე უტოპიურ ნიადაგზე იდგა, როგორც ზემოთ დასახელებული პირები, ხოლო თავისი სამოქმედო ტაქტიკა მან გადაიტანა ფართო გლეხურ მასაში და ნაწილობრივ მუშებში და აშკარა რევოლუციონური ბრძოლის გზას დაადგა. ასეთი იყო ლავროვის, ბაკუნინისა და ტაჩოვის ნაროდნიკული თეორიები. მაგრამ ჰერცენი და ნაწილობრივ ჩერნიშევსკიც ნაროდნიკული მოძრაობის პირველ პერიოდში მარტო თავისებურ „მშვიდობიან“ მიმდინარეობას როდი გამოხატავდნენ — მათი აზროვნება გამოხატავდა აგრეთვე გარდამავალ საფეხურს ბურჟუაზიულ-ლიბერალური რადიკალებიდან წვრილ-ბურჟუაზიულ რევოლუციონურ-დემოკრატიული აზროვნებისკენ.

70-იანი წლების რევოლუციონური ნაროდნიკული მოძრაობა განსაკუთრებულ მნიშვნელოვან ეტაპს წარმოადგენს რუსეთის სოციალისტური აზროვნების ევოლუციაში. ამ მოძრაობამ უდიდესი სამსახური გაუწია რუსეთის საზოგადოებრივი აზროვნების განვითარებასა და მუშათა კლასის გამოუხიზლებას. ამ პერიოდში განვითარდა და უფრო გარკვეულ რევოლუციონურს ფორმებში ჩამოყალიბდა „რუსეთის სოციალიზმი“. ჰერცენმა ნიადაგი ჩაუყარა რუსეთის უტოპიურ სოციალიზმს, ხოლო ბაკუნინმა, ლავროვმა და ტაჩოვმა 70-იან წლებში განავითარეს იგი; ისინი შეეცადნენ შეეფარდებიათ რუსეთის ნიადაგზე აღმოცენებული უტოპიური სოციალიზმი რუსეთის სინამდვილისათვის.

ბაკუნინიზმი, ლავრიზმი და იაკობინიზმი წარმოადგენენ 70-იანი წლების რუსეთის ნაროდნიკული მოძრაობის სამ ნაკადს. თუ ჰერცენს წილად ხვდა ევროპის „მშვიდობიანი“ უტოპისტების მოძღვრებათა გადამუშავება რუსეთის სინამდვილესთან შეფარდებით, ბაკუნინმა, ლავროვმა და ტაჩოვმა, რომლებმაც განაგრძეს ჰერცენის მიერ დაწყებული საქმე, 70-იან წლებში უტოპიური სოციალიზმი გარკვეული რევოლუციონური იდეოლოგიით შემოსეს და ამრიგად ახალი მიმართულება მისცეს ნაროდნიკულ მოძრაობას: ბაკუნინმა განავითარა ანარქისტული უტოპიზმი, ტაჩოვმა — ბლანკისტური, ლავროვმა — ექსპეტიური.

ბაკუნინისა და ლავროვის მოძღვრებას უკვე 70-იან წლებში ჰქონდა საგრძნობი გავლენა ჩვენი ინტელიგენციის წრეებში აღმოცენებულ ნაროდნიკულ მიმდინარეობაზე, ხოლო იაკობინურ სოციალიზმს,

რამდენადაც ვიცით, ჩვენში მიმდევარი 80-იან წლებში გამოუჩნდა, ბაკუნინის დიდ გავლენას განიცდიდნენ რუსეთში მოქმედი ქართველი ნაროდნიკები (გ. ზდანოვიჩი—მაიაშვილი, ჯაბადარი), ხოლო ლაეროვის გავლენას — ადგილობრივად მოქმედი ნაროდნიკული ჯგუფები. რომ ნათელი შეიქნეს 70-80-იან წლებში მოქმედი ქართველი ნაროდნიკების მოძრაობის შინაარსი, საჭიროა მოკლედ თვალი გადავავლოთ რუსეთის 70-იანი წლების რევოლუციონერ-ნაროდნიკულ იდეოლოგიას.

მიუხედავად ბაკუნინის, ლაეროვის და იაკობინინის მოძღვრებათა სხვადასხვაობისა, მათ რამდენიმე ძირითადი საფუძველი მაინც აერთებდა. ეს გარკვევით აღნიშნა ტკაჩოვმა თავისი „ნაბათის“ პირველსავე ნომერში. იგი სწერდა: „ყველა ჩვენი რევოლუციონერები ერთნაირად ფიქრობენ იმ საბოლოო მიზანზე, რომელიც რევოლუციამ უნდა განახორციელოს. ყველა ისინი ამ მიზანს ხედავენ სოციალურ გადატრიალებაში. ყველა ჩვენი უთანხმოება ეხება ერთობ მეორეხარისხოვან საკითხს, საკითხს საშუალებათა შესახებ. ჩვენს იაკობინელებსა და სოციალ-დემოკრატებს ან, როგორც ხშირად ისინი თავიანთ თავს უწოდებენ, ანარქისტებს შორის, გარდა უთანხმოებისა საშუალებათა შესახებ, არის კიდევ მეორე სერიოზული ხასიათის უთანხმოება: ანარქისტებს რევოლუცია სურთ ხალხის საშუალებით, იაკობინელებს კი—სახელმწიფოს საშუალებით“. ის მთავარი საფუძველები, რომელნიც აერთებდნენ რუსეთის რევოლუციონერ-ნაროდნიკული მოძრაობის ამ სამ მიმდინარეობას, მოკლედ შემდეგში გამოიხატებოდა: ა) მათ სწამდათ რუსეთის განვითარების თავისებური გზა, ევროპის კაპიტალისტური სტადიისა და ცივილიზაციის გვერდის ავლით; ბ) რუსეთში სოციალიზმის განხორციელების უპირველეს ეკონომიურ საშუალებას ხედავდნენ სოფლის თემურ წყობილებასა და არტელში, ხოლო სოციალიზმის განმახორციელებელ ძალად მიაჩნდათ ინტელიგენცია და გლეხობა, და არა პროლეტარიატი; გ) უახლოესი რევოლუცია რუსეთში, როგორც ბაკუნინსა და ლაეროვს, ისე ტკაჩოვს, წარმოდგენილი ჰქონდათ, როგორც სოციალისტური რევოლუცია; პოლიტიკური თავისუფლების დამყარება და კონსტიტუციონალურ-ბურჟუაზიული წყობილების შემოღება სავსებით ამოწილი იყო მათი პროგრამიდან.

ბაკუნინმა თავისი ანარქისტული პრინციპები სავსებით შეუწონა ზემოთ მოყვანილ თეორიული და პრაქტიკული ხასიათის დებუ-

ლებებს. ბაკუნინი უარყოფდა სახელმწიფოს, მოითხოვდა მის ქვეყნის სხვრევას და ქადაგებდა თავისუფალი, ფედერატიულად დაკავშირებული თემების შემოღებას.

ბაკუნინი საცესებით დარწმუნებული იყო იმაში, რომ რუსეთის გლეხი თავისი ინსტინქტით კომუნისტი და რევოლუციონერია. ინტელიგენციის მოვალეობაა „არა იდეალების“ შემუშავება, რაც უკვე აქვს ხალხს, არამედ რევოლუციონური დახმარება აჯანყების მოსაწყობად. აქედან შემუშავდა **ბაკუნინის ბუნტარული ტაქტიკა**: „რევოლუციის“ მოწყობა და გამოწვევა შესაძლებელია ყველგან და ყოველ პირობაში. ბაკუნინი უმთავრეს ყურადღებას აქცევდა ეკონომიურ ცხოვრებას, ეკონომიურ ფაქტორებს. აღსანიშნავია ის ისტორიული ფაქტი, რომ ბაკუნინი აღიარებდა ისტორიის მატერიალისტურ ახსნას და ეკონომიური მატერიალიზმი მარქსის ერთ-ერთ მეცნიერულ დამსახურებად მიაჩნდა. მაგრამ, იღებდა რა მარქსის ამ მოძღვრებას, ბაკუნინს აქიდან თავისი ანარქისტული დასკვნები გამოჰყავდა. ბაკუნინის ზეგავლენით მარქსის ეკონომიური მატერიალიზმი რუსეთის ნაროდნიკებშიც შეიქრა. პლехანოვი (მაშინ ნაროდნიკი), აპტეკმანი და სხვები იზიარებდნენ ეკონომიურ მატერიალიზმს. „**ჩორნი პერედელის**“ პარტია, რომელიც 1879 წელს, ვორონეჟის ყრილობის შემდეგ, „მიწა და თავისუფლება“-ს პარტიას გამოეყო, უმთავრესად ბაკუნინის მიმდევრებისაგან შესდგებოდა, ამიტომ იზიარებდა იგი ეკონომიურ მატერიალიზმს. როგორც ქვემოთ დავინახავთ (იხ. თავი „ნაროდნიკები ჩვენში“), **გ. მაიაშვილმა** — **ზდანოვიჩმა** ბაკუნინისაგან შეითვისა მარქსის ეკონომიური მატერიალიზმი და ეს დებულება სარჩულად დაუდვა თავის პირველ ქართულ წერილს „**ივერია**“-ში 1882 წელს¹⁾.

მაგრამ ეკონომიური მატერიალიზმის შეთვისება რუსეთის ინტელიგენციის მიერ სრულიად არ ნიშნავდა მარქსიზმის მოძღვრების მიღებას: აქ მარქსიზმის ზოგიერთი მეცნიერული ელემენტი ინტელიგენციას შეთვისებული ჰქონდა ეკლექტიურად, მარქსიზმის ელემენტებთან ერთად მის აზროვნებაში თავისუფლად თავსდებოდნენ მარქსიზმის საწინააღმდეგო დებულებები. მაგ., **აპტეკმანი** ჟურ. „**ჩორნი პერედელის**“ პირველ ნომერში სწერდა: „თანამედროვე საზოგადოე-

¹⁾ გ. მაიაშვილი — ზდანოვიჩი: „წერილი ჩვენს საზოგადოებრივ მოღვაწეთა მიმართ“, „ივერია“, № 7, 8 და 9, 1882 წ.

ბის კრიტიკამ დაარწმუნა მეცნიერები, რომ საზოგადოებას საფუძვლად უდევს, უმთავრესად, ეკონომიური ურთიერთობანი, რომლებიც პირველ ყოვლისა ისახლეობა დანარჩენი ურთიერთობანი—სახელმწიფოებრივი, იურიდიული, ზნეობრივი და სხვა“. უდავოა, რომ აქ მარქსისტული სოციოლოგიის ძირითადი დებულებაა წამოყენებული, მაგრამ ამ დებულებიდან გამოყვანილია სრულიად მისი საწინააღმდეგო დასკვნები. ეს ეკონომიზმი ავტორს დასჭირდა იმისთვის, რომ დამტკიცებინა რუსეთის თავისებური ეკონომიური განვითარებისა და ეკონომიური გადატრიალების უპირატესობა. ასეთივე დასკვნები ააუქეთა ჩვენში გ. მაიაშვილმა მარქსის „ეკონომიზმს“ 70-იან წლებში¹⁾.

ლავროვიც, რომელიც 70-იან წლებში ერთ-ერთი უდიდესი რევოლუციონერი იყო, ეკლექტიური მოაზროვნე იყო: მარქსის მოძღვრებამ მასზედაც გავლენა მოახდინა, მაგრამ მარქსიზმის ელემენტებთან თანად ლავროვის მოძღვრებაში თავმოყრილია მარქსიზმის საწინააღმდეგო დებულებებიც. ლავროვის გავლენა და მნიშვნელობა რუსეთის სოციალისტური აზროვნების ისტორიაში დიდია და იგი 70-იანი წლებით არ ამოიწურება. იზიარებდა რა დებულებას რუსეთის განვითარების თავისებურობის შესახებ, ლავროვიც ცდილობდა მთელი თავი ყურადღება სოციალისტური რევოლუციისაკენ მიექცია და პირველ რიგში ეკონომიურ-აგრარული პროგრამა წამოეყენებია. ლავროვიც უარყოფდა პრინციპიალურად სახელმწიფოს და თავისუფალი თემების კავშირის მომხრე იყო. მაგრამ მას ხალხი არ მიაჩნდა ჯერ მზად სოციალიზმისათვის და ამიტომ იგი „ხანგრძლივი“ პროპაგანდისა და მომზადების ტაქტიკას აყენებდა, ხოლო შემდეგ შესაძლებელად მიაჩნდა სოციალური რევოლუციის დაწყება: კრიტიკულად მოაზროვნე ინტელიგენციამ უნდა შეიტანოს მასაში სოციალისტური განათლება და მოამზადოს ხალხი სოციალისტური რევოლუციისათვის და მასთანვე განამტკიცოს რევოლუციონური ხალხური პარტია. როდესაც ყოველივე ეს შესრულებული იქნება, სოციალისტური რევოლუციის დაწყებაც შესაძლებელი გახდებაო. ლავროვის ეურ. „ვპერიოდი“ თავის ამოცანას შემდეგნაირად გვიხატავდა: „პროპაგანდა იყოფა ორად: ერთის მხრით, საჭიროა თეორია, მეორეს მხრით — ჯგუფების შექმნა, გზების მოწყობა, შინაურ და საზღვარგარეულ ჯგუფ-

¹⁾ იქვე, აგრეთვე მისი სიტყვა 1877 წ. „50-ის პროცესზე“.

ფებს შორის დამოკიდებულებათა გაუმჯობესება. პირველს (თეორიას) ჩვენ მოვანდომებთ ჩვენს მოღვაწეობას, მთელს ჩვენს თავდავიწყებას. მეორე (ჯგუფების დაარსება) შეუძლებელია გაკეთდეს საზღვარგარეთ. ეს ის საქმეა, რომლის განხორციელებასაც ჩვენ მოველით უახლოეს დროში¹⁾.

ლავროვმა მართლაც საუცხოვოდ გაანაწილა რევოლუციონერთა შრომა: 70-იან წლებში იგი საზღვარგარეთ ამუშავებდა რევოლუციონურ თეორიებს, ხოლო რევოლუციონური ინტელიგენცია ამ თეორიების მიხედვით ამუშავებდა პროგრამასა და აწყოებდა ჯგუფებს. 1872 — 1875 წლებში რუსეთის რევოლუციონერთა წრეებში უმთავრესად გაბატონებული იყო ლავრიზმი, ხოლო მის კონკურენტად გამოდიოდა ბაკუნიზმი. ხალხში გასვლა (*Хождение в народ*), ხალხში სოციალისტური პროპაგანდის გაწევა და ჯგუფების მოწყობა, — აი როგორ ამოცანას აყენებდნენ ლავროვის მიმდევრები. ამ ამოცანის მთავარ მომენტს წარმოადგენდა **მშვიდობიანი მზადება რევოლუციისათვის**. მაგრამ ეს სამოღვაწეო პროგრამა აღარ აკმაყოფილებდა აქტიურად განწყობილ ინტელიგენციას, და **მშვიდობიან** ლავრიზმს ბუნტარულად განწყობილი ბაკუნიზმი დაუპირისპირდა. მართლაც, 1875 — 1876 წლებში ბაკუნიზმმა საგრძნობ გამარჯვებებს მიაღწია, და 1877 წლიდან ლავროვის გავლენა შემცირდა რუსეთის რევოლუციონურ წრეებში და მისი ადგილი დაიკირეს უმთავრესად ბაკუნისტებმა. ამ წლიდან წამოყენებულ იქნა: პროპაგანდის ნაცვლად — აგიტაცია მოქმედებით, ბუნტით, ხალხში გასვლის ნაცვლად — ხალხში მტკიცედ ჩასახლების (*поселение*) პროგრამა. ხალხის სიტყვიერი აღტყინების მაგიერ შეუდგენ მებრძოლი რაზმების მოწყობას²⁾.

ასე შესცვალა რუსეთში 70-იანი წლების მეორე ნახევრიდან ლავრიზმი ბაკუნიზმად. უნდა ვთქვათ, რომ საქართველოში აღმოცენებული ნაროდნიკული ჯგუფები და მიმდინარეობანი 70—80-იანი წლებში აშუკილებლად განიცდიდნენ ლავრიზმის გავლენას: საფიქრებელია, რომ ლავრიზმის ეს იდეოლოგიური გავლენა ჩვენში ინტელიგენციის წრეებზე ხდებოდა უმთავრესად როგორც უშუალოდ — ლავროვის წერილებისა და მიმდევრების გაცნობით, ისე იმ ორგანიზაციების საშუალებით, რომელნიც რუსეთის ტერიტორიაზე მოღვაწეობდნენ და

¹⁾ პოტიტნოვის შრომა, გვ. 226.

²⁾ პოტიტნოვი, გვ. 224.

ლაეროვის იდეოლოგიურ გავლენას განიცდიდენ. ისიც უნდა აღინიშნოს, რომ ლაეროვის ნაწერები ბლომად ვრცელდებოდა ჩვენში: 1876 წ. მღვდელს საბადაშვილს (ნაროდნიკს) უნახეს 51 ცალი ლაეროვის „ჰებერიოდ“-ისა (ჟურნალი და გაზეთი), აგრეთვე სხვა მრავალი წიგნი იმავე ავტორისა. ჩვენში ნაკლებად ჰქონდა ადგილი ბუნტარულ მოვლენებს, აგიტაციას საქმით, იყო მხოლოდ ერთი ორი მაგალითი: ამისათვის ჩენი საზოგადოებრივი ცხოვრება არ იყო განვითარებული. სამაგიეროდ, პროპაგანდისა და მომზადების ტაქტიკა ჩვენმა ინტელიგენციამ 70-იანი წლებიდან საგრძნობლად გამოიყენა: ამ ინტელიგენციამ თავიდანვე სცადა ხელოსნებში და მოსწავლე ახალგაზრდობაში სოციალისტური და რევოლუციონური აზრების შეტანა, საპროპაგანდო ჯგუფებისა და პარტიის დაარსება. აქ ნათლად სჩანს უმთავრესად ლაეროვის უშუალო თუ არაუშუალო გავლენა.

ბაკუნინის ბატონობა რუსეთის ნაროდნიკულ პარტიაში („მიწა და თავისუფლება“ — დაარსდა 1876 წ.) დიდხანს არ გაგრძელდა. 1879 წელს ეს პარტია გაიყო ორ მიმდინარეობად: „ჩორნი პერედელი“ (პლენაროვი, ზასულიჩი, დეიჩი, აქსელროდი და სხვ.) უმთავრესად ბაკუნინის გავლენის ქვეშ დარჩა, ხოლო „ნაროდნაია ვოლია“ (ველიაბოვი და სხვ.) უმთავრესად ტაჟოვის იდეოლოგიურ გავლენას დაემორჩილა. რუსეთის უტოპიური სოციალიზმი თავის ახალ ფაზაში შევიდა: წინათ იგი უაზოდ და პოლიტიკურ ბრძოლას, მას მთელი გულისყური მიჰქცეული ჰქონდა ეკონომიური მომენტებისა და ხალხის — გლეხობის — მასიური მოძრაობისაკენ. ახლა ყოველივე ეს შეიცვალა და პირველ რიგში დადგა პოლიტიკური ძალა-უფლების დაპყრობის საკითხი; ამ დაპყრობამდე კი სოციალისტური პროპაგანდა და აგიტაცია მასაში უნაყოფო საქმედ იქნა გამოცხადებული: ახალი ნაროდნიკული მიმდინარეობის შეხედულებით, მასის ორგანიზაციულმა გამოსვლამ ადგილი უნდა დაუთმოს ცენტრალისტურად მოწყობილი პარტიისა და ტერორისტების ბრძოლას, რომელნიც შეიარაღებულნი უნდა იყონ დინამიტებით, რევოლუციებით და ბომბებით, ასე მოხდა შეტად მნიშვნელოვანი გარდატეხა რუსეთის რადიკალური ინტელიგენციის შეხედულებებსა და განწყობილებებში: ტაჟოვმა გაიმარჯვა ბაკუნინსა და ლაეროვზე¹⁾. ტაჟოვი იყო ახალი ფაზა რუსეთის რევოლუციონურ მიმდინარეობაში. ეს იყო ევროპის იაკობინიზ-

¹⁾ იქვე. გვ. 239 — 240.

მისა და ბლანკიზმის შეუღლება ნაროდნიკულ იდეოლოგიასთან (ნაროდნიკული იდეოლოგიის ბლანკიზმის ფორმებში გამოხვევა¹⁾).

ტაჩოვმა მოქმედების ცენტრად დასახა პოლიტიკური ძალების დაპყრობა რევოლუციონური პარტიის მიერ ხალხში წინასწარი პროპაგანდის გაუწყვლად. „რევოლუციონური ძალების სამხედრო ორგანიზაცია, არსებული ხელისუფლების დეზორგანიზაცია და ტერორიზაცია“ — აი ამ ტაქტიკის გზაზე იდგა ტაჩოვი. პოლიტიკური ძალების დაპყრობისათანავე რევოლუციონური პარტია შეუდგება ახალი ცხოვრების მშენებლობას, — ასეთი იყო მისი სამოღვაწეო სოციალისტური პროგრამა.

3. „ნაროდნაია ვოლიას“ დამარცხებით (80-იანი წლები) თავდება მეორე პერიოდი რუსეთის სოციალისტური აზროვნების ევოლუციაში და იწყება **მესამე პერიოდი**. რუსეთის ნიადაგზე აღმოცენებულ უტოპიურ სოციალიზმს მძლავრი კონკურენტი გამოუჩნდა მარქსიზმისა და მარქსისტული (მეცნიერული) სოციალიზმის შეჭრით რუსეთში. 80-იანი წლებიდან რუსეთის სოციალიზმის უმთავრესი ისტორია განისაზღვრება ორგვარი სოციალისტური სისტემის — მარქსისტულის და ნაროდნიკულის — ბრძოლითა და ვითარებით. ამ მესამე პერიოდში (დაახლოებით 1883 — 1905 წლები) რუსეთის უტოპიური სოციალიზმი განმანადგურებელ თავდასხმას განიცდიდა მეცნიერული სოციალიზმის მიმდევართა მხრივ. მეცნიერული სოციალიზმის წარმომადგენლებმა (პლენხანოვი, ლენინი და სხვ.) განსაკუთრებით 90-იანი წლებიდან ჩასცეს გამანადგურებელი მახვილი ნაროდნიკულ მიმდინარეობას და გამოააშკარავეს მთელი მისი არამეცნიერული და რეაქციონური ბუნება. გარდა ფილოსოფიური და სოციოლოგიური პრობლემებისა, მარქსისტებსა და ნაროდნიკებს შორის წარმოებული კამათი სამ უმთავრეს სოციალურ-ეკონომიური და პოლიტიკური ხასიათის საკითხს შეეხებოდა: ა) როგორია შინაარსი რუსეთის ეკონომიური განვითარებისა; განვითარდა თუ არა რუსეთში კაპიტალიზმი; ბ) რა როლს თამაშობს რუსეთის ეკონომიური და საზოგადოებრივი მოძრაობის საქმეში პატრიარქალური თემი და რუსეთის გლეხობა; გ) როგორი როლი შეუძლია ითამაშოს რუსეთის რევოლუციონურ მოძრაობაში რუსეთის პროლეტარიატს. აი ის

¹⁾ 80-იან წლებში ჩვენ ნაროდნიკთა შორის გაჩნდა მიმდინარეობა, რომელიც მხარს უჭერდა ტერორისტულ ტაქტიკას. ამ მიმდინარეობის საფუძველსა განმარტებული იყო გ. ჩიტაძე, რომელსაც ქვემოთ გავიცნობთ.

ძირითადი საკითხები და მათგან გამოშდინარე სხვა ამოცანებზე, რო-
მელნიც იწვევდენ კამათს ნაროდნიკებსა და მარქსისტებს შორის.
აღნიშნულ პერიოდში.

მარქსიზმის შემოჭრას რუსეთში, ისევე, როგორც ჩვენში
90-იან წლებში, ხელი შეუწყო სამმა გარემოებამ: ა) ნატურალური
მეურნეობის დაშლამ, კაპიტალისტური ურთიერთობის განვითარებამ
და პროლეტარული კლასის ჩამოყალიბებამ. ბატონყმობის მოსპობის
შემდეგ რუსეთში ჩქარის ტემპით განვითარდა კაპიტალიზმი, ხოლო
პროლეტარიატის ეკონომიური ბრძოლა და მოძრაობა საგრძნობ
მოვლენად გადაიქცა: 70-იან წლებში რუსეთში მუშათა 36 გაფიცვას
ჰქონდა ადგილი, ხოლო 1880 — 1885 წლების განმავლობაში გაფიც-
ვათა რიცხვი 56-მდე ავიდა. ეს გარემოება მოწმობს, რომ კლასთა
ბრძოლა ბურჟუაზიასა და პროლეტარიატს შორის 70 — 80-იან
წლებში უკვე ფაქტად იქცა: რუსეთის პროლეტარიატი, რომელიც
800.000 მუშაზე მეტს შეიცავდა, 80-იან წლებში ვეღარ ურიგდება
რუსეთში შექმნილ სოციალ-ეკონომიურ პირობებს, და სწორედ პრო-
ლეტარიატის ამ კლასთა ბრძოლის ნიადაგზე უნდა აღმოცენე-
ბულიყო პროლეტარული პარტია გარკვეული მუშური იდეოლო-
გიითა და პროგრამით. ბ) 80-იან წლებში უკვე დამარცხებულად
უნდა ჩაითვალოს რუსეთის ნაროდნიკული მოძრაობა. სახელოვანი
„ნაროდნაია ვოლიას“ ენერგიული ბრძოლა მთავრობის წინააღმდეგ
უშედეგოდ დამთავრდა, უკეთ, ამ ბრძოლას ალექსანდრე მესამის სა-
შინელი რეაქცია მოჰყვა. ამ გარემოებამ ძალაუნებურად გამოიწვია
ინტელიგენციაში ძველი რევოლუციონური ტაქტიკის გადასინჯვისა
და ახალის შემუშავების ცდა, მაგრამ ამ „ტაქტიკის ძიების“ დროს
ინტელიგენციამ გადასინჯა მთელი ნაროდნიკული მსოფლმხედველობა
და დაინახა მისი სრული შეუსაბამობა რუსეთში შექმნილ პირობებ-
თან. ძველ ნაროდნიკულ იდეოლოგიას ინტელიგენციამ დაუპირის-
პირა მარქსისტული იდეოლოგია. გ) ეს იდეოლოგია ინტელიგენციამ
(პლეხანოვი, აქსელროდი, ლეიბი და სხ.) უშუალოდ შეითვისა მარქსისა
და ენგელსის მეცნიერული საღაროდან.

მაგრამ მარქსიზმი, როგორც მეცნიერული და სოციალ-პოლიტი-
კური მოძღვრება, ერთის ხელის დაკერით არ აღმოცენებულა რუსეთში.
მარქსიზმის განვითარებას აქვს რამდენიმე მნიშვნელოვანი ეტაპი.

პირველი ეტაპი: ძველი თეორიული მარქსიზმი, რომელიც უმ-
თავრესად ეხება პოლიტიკურ ეკონომიას და ისტორიის მატერიალი-

სტურ გაგებას; პირველი ინტერესებდა ბურჟუაზიულ-პროგრესულ ინტელიგენციას, მეორე — ტყაოვის, ლავროვის და ბაკუნინის მიმდევრებს (60 — 70-იანი წლები)¹⁾.

მეორე ეტაპი: მარქსისტული ორგანიზაციები 80-იან წლებში („შრომის განთავისუფლების ჯგუფი“ და სხვ.)

მესამე ეტაპი: 90-იანი წლების მარქსიზმი. ამ პერიოდში აღსანიშნავია სამი უმთავრესი მიმდინარეობა: **ლეგალური მარქსიზმი**, არსებითად ბურჟუაზიული შინაარსის მატარებელი (სტრუვე, ბულგაკოვი, ტუვან-ბარანოვსკი), **რევოლუციონური მარქსიზმი** (ლენინ-პლენხანოვი) და **ეკონომიზმი** — წვრილ-ბურჟუაზიული რევიზიონისტური მიმდინარეობა, მომავალი რუსული მენშევიზმის წინამორბედი.

მეოთხე ეტაპი: 1900 — 1905 წლებში ბრძოლა ორტოდოქსიისათვის ეკონომიზმის წინააღმდეგ. ჩამოყალიბება მენშევიკური და ბოლშევიკური სისტემებისა.

რასაკვირველია, აქ ჩვენ ვერ განვიხილავთ უფრო ვრცლად მარქსიზმის განვითარების ეტაპებს რუსეთში: მოცემული სქემა იძლევა, ცოტად თუ ბევრად, დაახლოებით სურათს იმ მიმდინარეობათა შესახებ, რომელნიც მარქსიზმის სახელით რუსეთში ჩამოყალიბდნენ: **ლეგალური მარქსიზმი**, როგორც გარკვეული სოციალ-პოლიტიკური

¹⁾ ტყაოვმა თითქმის პირველმა ახსენა პრესაში მარქსის სახელი 1865 წელს და თავისი თავი ეკონომიური მატერიალიზმის მიმდევრად გამოაცხადა (იხ. В. Розыньи: Ткачев. 1922 წ.).

ფ. მერინგი ერთ თავის შრომაში ამტკიცებდა, რომ ინტერნაციონალის პა-
აგის კონგრესის (1872 წ.) შემდეგ კ. მარქსმა საკმაოდ დაჰკარგა თავისი პოპულა-
რობა რუსეთში. მაგრამ ისტორიულად ეს არ შეესაბამება სინამდვილეს. 70-იან
წლებში მარქსის პოპულარობა და გავლენა საკმაოდ იზრდება რუსეთში. მარქსის
გარშემო და მისი გეგონიერები მოძღვრებისა და მატერიალისტური სოციალ-
შესახებ ბევრს სწერენ 70-იან წლებში (იხ. Н. Ангарекий: „Легальный мар-
ксизм“, ნაწილი I, გვ. 7—31.) მარქსის პირდაპირ თუ არაპირდაპირ გავლენას
განცდიდნენ რუსების ეკონომისტები: ზიბერი, იანჟელი, კაბლუკოვი, კუდშანი, ნა-
წილობრივ ისტორიკოსებიც — კრედეცკი, ლუჩიკი და სხვ. მაგრამ მარქსს მიმ-
დევრები და თანამგრძნობები ჰყავდა 70-იან წლებში რევოლუციონერების ბანაკი-
დანაც. ამა. ფ. რიზანოვმა ჯერ კიდევ 1901 წ. აღნიშნა მარქსიზმის გავლენა
ტყაოვზე. ეს მოხდა 1865 წ. მაშინ ტყაოვი 21 წლის იყო. 70-იან წლებში რუ-
სეთის რევოლუციონერებში მარქსი დიდი პოპულარობით სარგებლობდა. მეორე
თავის შრომაში იგივე რიზანოვი სწერს: „უკვე 70-იან წლებში მარქსი და ენგელსი
უშუალო გავლენას ახდენდნენ ლავროვზე, რომელიც ლონდონში სცემდა პერიო-
დულ ჟურნალს „Вперед“ (1874 — 77). ლავროვის მიმდევრები რუსეთში, ლავ-

განწყობილება, თორმით იყო მარქსისტული, არსებითად კი ბუროკრატიული შინაარსისა იყო; ეს ჯერ კიდევ 1895 წელს ცხადველი ნიშნა. ლეგალური მარქსიზმის სახით რევოლუციონერმა ინტელიგენციამ სცადა ამოძრავებული პროლეტარიატის გამოყენება ბურჟუაზიის ინტერესებისათვის. შემდეგში ლეგალურ მარქსიზმი გადაშენდა რუსეთში, ხოლო მისი მეთაურები ბურჟუაზიულ ბანაკში გადაბარგდნ. ეკონომიკაში ერთ-ერთი რუსული ვარიაციაა საერთაშორისო რეფორმიზმის და რევინიონიზმისა, რომელიც ევროპის კონტინენტზე (ბერნ-შტეინი და სხვ.) 90-იან წლებში ჩამოყალიბდა. სოციალურად ეკონომიკის ქვეშ თავს აფარებდა წვრილ-ბურჟუაზიული მიმდინარეობა, რომელიც გამოხატავდა სოფლიდან ახლად გამოსულის გაუთლელის, ნახევრად პროლეტარის სულისკვეთებას. ისტორიულად და იდეოლოგიურად ეკონომიზმა ნიადაგი მოუშადა რუსეთში მენშევიზმს, ხოლო 1903-1905 წლებში აღმოცენებულმა ბოლშევიზმა თავისი გენეალოგია დაამკვიდრა იმ რევოლუციონერ-პროლეტარულ მემკვიდრეობასთან, რომელიც 90-იან წლებში შეთანხმებული მუშაობით პლენანოვ-ლენინმა განამტკიცეს.

რა სახით განვითარდა 80-იან და 90-იან წლებში ნაროდნიკული სოციალიზმი? ნაროდნიკების საზოგადოებრივი განწყობილების

რისტები გერმანიის 70-იანი წლების სოციალ-დემოკრატებზე თუ მეტით არა, არა ნაკლები პატრიოსტებით ეპყრობოდნ მარქსს, თუმცა ცდილობდნ შეეერთებიათ მარქსიზმი უოველგვარ იდეალისტურ მოძღვრებასთან. არა ნაკლები ავტორიტეტით სარგებლობდა ის (მარქსი) რუსეთის ბაქუნისტების მასაში, რომლებმაც უარყვეს „ნეჩაევშჩინა“ და შეუდარდეს ბაქუნინის მოძღვრება რუსეთის პირობებს, გადააქციეს რა ის (ბაქუნიზმი) თავისებურ რევოლუციონერ ნაროდნიკულ მოძღვრებად თვით მარქსი და მასთანვე ენგელსიც 70-იანი წლების მიწურულებში ყველაზე უფრო მაღლა აყენებდნ „ნაროდნიკა ვოლიას“ მოძრაობას... „ნაროდნიკა ვოლია“ მარქსს სთვლიდა სოციალიზმის ერთ-ერთ უდიდეს მასწავლებლად. ეს საჯაროდ აღიარა მარქსისადმი ერთს თავის სპეციალურ მიმართვაში, რომელსაც უდიდესი ინტერესი აქვს. ცოტა ქვევით იგვე ავტორი სწერს: „სწორედ რუსეთის ბაქუნისტების რჩევებიდან—პლენანოვი, ზასულინი, აქსელროდი, დეიჩი,—გამოვიდნ პირველი რუსი მარქსისტები, რომელთათვისაც მარქსიზმი იყო არა მხოლოდ ეკონომიური მოძღვრება, არამედ რევოლუციის აღგებრაც“ (იხ. Д. Рязанов: „Маркс и Мендель“, გვ. 245—47.) ასე სწერს მარქსიზმის ერთი საუკეთესო ისტორიკოსი მარქსიზმის გაქცეულების შესახებ რუსეთში 70-იან წლებში. ჩვენი ინტელიგენციის ნაწილი, რომელიც იზრდებოდა რუსეთის რევოლუციონერ ლიტერატურაზე, ამ გზით აუცილებლად ეცნობოდა მარქსის მოძღვრებას და ამის საბუთებს საკმაოდ ვსოულობთ ჩვენს ლიტერატურაში.

გასაცნობად 90-იანი წლების ეპოქაში აქ სიტყვას დავუთმობთ ნაროდნიკს აპტეკმანს. იგი სწერს: „90-იანი წლების ნაროდნიკებს ძველებურად სწამდათ „ხალხი“, მაგრამ ისინი მაინც თავს იკავებდნენ შეემუშავებიან რაიმე ნაროდნიკულ-რევოლუციონური პროგრამა, არ ცდილობდნენ აგრეთვე მოეწყობათ რევოლუციონური სახალხო ორგანიზაციები. 80-იანი წლების ტრადიკული მაგალითი, როგორც „მემენტო მორი“, ცოცხლად იდგა მათ თვალწინ. 90-იანი წლების ნაროდნიკები უმთავრესად მიისწრაფოდნენ მშვიდობიანი კულტურული მუშაობისაკენ სოფლად. მართალია, ეს მოღვაწეობა შეზღუდული იყო სხვადასხვა დაბრკოლებებით — „როგვებით და ზასტაევებით“, მაგრამ რას იზამდით? ყოველგვარი რევოლუციონური ცდა, სანამ მასას ჯერ კიდევ ან გამოუღვიძია, მიგვიყვანდა მხოლოდ მთავრობის აშკარა რეპრესიამდე, უფრო დიდ დაშინებამდე. ახლა დრო არ არის დიდი სასწაულების. ახლა შემოქმედების, ორგანიული მშენებლობის, ენერგიის დაგროვებისა და შენახვის ეპოქაა. დადგება დრო, და ხალხი იტყვის თავის სიტყვას; მაშინ წლობით დაგროვებული ენერგია ნახავს გამოსავალს ყველაზე უფრო ნაკლები ძალის დახარჯვის გზით; მაშინ ჩვენი მშვიდობიანი მუშაობაც დაფასებული იქნება ხალხის მიერ და ჩვენ გამოვალთ მკიდროდ შეკრული რიგებით. მაგრამ ჯერ კი საჭიროა მოცდა“¹⁾.

ამ ციტატაში 90-იანი წლების ნაროდნიკების მეტად დამახასიათებელი სურათია მოცემული. ნაროდნიკობა 80 — 90-იან წლებსათვის მეტად საგრძნობ კრიზისს განიცდიდა: ძველი რევოლუციონური და ტერორისტული მეთოდები და ტრადიციები გადასინჯულ იქნენ და ინტელიგენციის უმეტესმა ნაწილმა მშვიდობიანი კულტურული მუშაობისა და მხადების პროგრამა წამოაყენა. 90-იან წლებში გარკვეული სახით ჩამოყალიბდა ოუსეთში ლეგალური ნაროდნიკობა, რომელიც ორი მიმდინარეობისაგან შესდგებოდა: ერთი იყო მემარჯვენე ფრთა ნაროდნიკებისა (ე. ვორონცოვი, კრივენკო და სხვ.), რომელიც ლიბერალურ პროგრამას აყენებდა, მეორე — ცენტრი, ნ. მიხაილოვსკის მეთაურობით, რომელიც მორიგ ამოცანად პოლიტიკური თავისუფლებისა და კონსტიტუციონალური რეჟიმისათვის ბრძოლის საჭიროებას აცხადებდა. გარდა ლეგალური ნაროდნიკების ამ

¹⁾ М. Башибанов: „История революционного движения в России“, т. 3, 322.

ორი მიმდინარეობისა, 90-იან წლებში ჩამოყალიბდა რევოლუციონერი ფრთაც, რომელიც ცდილობდა წერილი დემოკრატიული წლებში მენტების დარაზმვას და „ნაროდნაია ვოლიას“ რევოლუციონერი ტაქტიკის აღდგენას სხვა ფორმით ამ ფრთიდან შემდეგ წარმოიშვა სოციალისტ-რევოლუციონერთა პარტია.

ასეთია რუსეთის სოციალისტური აზროვნების განვითარების უმთავრესი მომენტები: რუსეთის ინტელიგენციამ უამრავი ინტელექტუალური და ფიზიკური ენერგია შესწირა სოციალისტურ მოძრაობას; ამ ინტელიგენციამ განიცადა ევროპის სოციალისტური სისტემების გავლენა, მაგრამ მან თავისი ორიგინალური რუსული უტოპიური სოციალიზმის სისტემა შეიმუშავა — ნაროდნიკული სოციალიზმი.

ქართულ სოციალისტურ აზროვნებას არავითარი მნიშვნელოვანი ორიგინალური სოციალისტური მოძღვრება არ მოუცია: ამ მხრით ჩვენი სოციალისტური აზროვნება მკლდ და ლარიბია. მაგრამ ქართველი ინტელიგენციის პატარა ოჯახი უცხოეთში შემუშავებული მოძღვრების დიდ გავლენას განიცდიდა. პირველ ყოვლისა, იგი იმყოფებოდა რუსეთის სოციალისტური მოძრაობის გავლენის ქვეშ. მაგრამ იგი ევროპის სოციალისტური აზროვნების გავლენასაც განიცდიდა. ამიტომ ქართული სოციალიზმის ისტორიის შესწავლას შემდეგი ამოცანა აქვს გადასატრელი: მან უნდა გამოარკვიოს ის სოციალური მიზეზი, რომელიც ხელს უწყობდა ინტელიგენციის გადახრას სოციალიზმისაკენ და, რაც მთავარია, გამოარკვიოს, რა სახით ითვისებდა ქართველი ინტელიგენცია უცხოეთში შემუშავებულ სოციალისტურ სისტემას, უკეთ, რა სახეს ღებულობდა უცხოეთში შეთვისებული სოციალისტური სისტემა ქართულ ნიადაგზე. მაგრამ მოკლედ განვსაზღვროთ ქართული სოციალისტური აზროვნების განვითარების მთავარი ეტაპები. ჩვენი კონცეპციით, ქართულმა სოციალისტურმა აზროვნებამ მე-XIX საუკუნეში შემდეგი მთავარი ეტაპები განვიღო:

1. სოციალისტური აზროვნების ფორმები ჩვენში 60-იანი წლების პირველ ნახევარში შემოიტანა რადიკალურად განწყობილმა ინტელიგენციამ. ჩვენში ეს ლიბერალურ-რადიკალური მიმდინარეობა 60-იან წლებში აღმოცენდა იმ ღრმა სოციალურ და ეკონომიურ დიფერენციაციამ, რომელიც საქართველოს თავად-აზნაურობამ და საზოგადოებრივმა ცხოვრებამ განიცადა რუსეთის კაპიტალის ზეგავლენით მე-XIX საუკუნის პირველი 60 წლის განმავლობაში. თუ სო-

ციალური საშო ქართული ლიბერალიზმისა საქართველოს მშობლადურ ნიადაგზე არსებობდა, მისი იდეოლოგიური პრინციპებმა — ნასესხები იყო რუსეთის განმანათლებელ და 60-იანი წლების რადიკალ-დემოკრატიული იდეალების საღაროდან. ისტორიულად ქართული ლიბერალიზმი პირისპირ შეეჯახა საქართველოს ნიადაგზე საუკუნეების განმავლობაში განმტკიცებულ რეაქციონურ-სქოლასტიურ იდეოლოგიას. არსებითად ეს იყო ბრძოლა თავად-აზნაურულ სოციალ-პოლიტიკურ იდეალებსა და ამომავალ ბურჟუაზიულ მისწრაფებებს შორის, თავად-აზნაურობასა, ე. ი. დრომოკმეულ კლასსა, და ბურჟუაზიას, ე. ი. მომავალ კლასს, შორის. როგორც რუსეთში, ისე საქართველოშიაც ბურჟუაზიული იდეოლოგია წარმოიშვა გაბურჟუების გზაზე შემდგარი თავად-აზნაურული ფენებიდან; როგორც რუსეთში, ისე ჩვენშიაც ამ გაბურჟუებული ინტელიგენციის ნაწილი სოციალისტურ უტოპიზმამდე მივიდა, უკეთ, ინტელიგენცია ითვისებდა ევროპის უტოპიური სოციალიზმის გარეგან სამოსს, ხოლო საქმიანობდა ბურჟუაზიულად, ე. ი. შეუჩერებლივ ქანობდა ბურჟუაზიულ პრაქტიციზმსა და თეორიულ უტოპიზმს შორის. როგორც დავინახეთ, პერცენი არსებითად ლიბერალურ-ბურჟუაზიული მოაზროვნე იყო, თუმცა თავის იდეოლოგიას უტოპიურ სოციალისტურ სამოსელში ხვევდა. პეტრაშეველები (40-იანი წლები) ლიბერალურ-პროგრესიული მოაზროვნენი იყვნენ, თუმცა ფურიეს ფალანსტერებზე ოცნებობდნენ. ასეთი ლიბერალ-ბურჟუაზიული მიმდინარეობის სოციალისტური ნიღაბით გამოსვლა ჩვენი საზოგადოებრივი ცხოვრების სცენაზედაც მოხდა 60-იან წლებში. რადიკალურად განწყობილი ინტელიგენცია, ღრმა სოციალური კრიზისისა და გარდამავალი პერიოდის პირობებში, ძალაუვნებურად ითვისებდა რუსეთის 60-იანი წლების სოციალ-პოლიტიკურ თეორიებს და აზროვნების ფორმებს, ე. ი. რადიკალ-ლიბერალურ აზროვნებასთან ერთად სოციალისტურ სამოსელსაც.

მე-XIX საუკუნის მეორე ნახევრიდან ჩვენი ცხოვრების ისტორიულმა მიმდინარეობამ უდიდესი სამეურნეო ამოცანა წამოაყენა. ამ სამეურნეო ამოცანის ძირითადი შინაარსი გამოიხატა ძველი, ძირმომპალი საზოგადოებრივ-ეკონომიური ფორმაციის ახალი კაპიტალისტური წყობილებით შეცვლაში, უკეთ, საქართველოს წინაშე ობიექტური ცხოვრების ვითარებამ საქართველოს გავეროპელებისა და მისი ბურჟუაზიულ-კაპიტალისტურ ქვეყნად გარდაქმნის კარდინალური პრობლემა წამოაყენა. ხოლო საქართველოს ამ ძირითად-ეკონომიურ გარ-

დაქმნას თან უნდა მოჰყოლოდა არა ნაკლები მნიშვნელობის ცვლილებები მის სოციალურ წყობილებაში და იდეოლოგიურ მისწრაფებაში. ფაქტიურად მე-XIX საუკუნის მეორე ნახევარში, როგორც ქვევით დავინახავთ, საქართველო განიცდიდა, მთელი თავისი სოციალური შედეგებით, კაპიტალისტური წყობილების მშობიარობის ტიპიურებს. ჩვენი ცხოვრების ეკონომიური დენა ამ ფორმებით მიიმართებოდა და, ცხადია, ეკონომიური ცხოვრების იმპულსები ძალაუვნებურად აღიზიანებდნენ ჩვენი ინტელიგენციის ცნობიერებასა და აზროვნებას. ინტელიგენცია არსებითად გრძნობდა ჩვენში კაპიტალისტური წყობილების მშობიარობის პროცესებს და ამიტომ იძულებული იყო ამათუიშ სახით პასუხი გაეცა ამ მომენტისათვის. მაგრამ, ამ ობიექტური გარემოების აღნიშვნასთან ერთად, უნდა აღინიშნოს თვით ჩვენი ინტელიგენციის სოციალური შემადგენლობა და მისი ხარისხი. ისტორიული ფაქტია, რომ ჩვენში ბურჟუაზიული კლასი არ ჩამოყალიბებულა და არც არსებულა მე-XIX საუკუნის 70-იან წლებამდე. აქედან ცხადია, რომ ჩვენში წმინდა წყლის ბურჟუაზიული ინტელიგენცია ვერ ჩამოყალიბდებოდა: 60-იანი წლების ჩვენი ინტელიგენციის დიდი უმეტესობა და თითქმის in corpore თავისი ჩამომავლობით არისტოკრატიული იყო, ამიტომ მას ხელაღებით, პირდაპირ, მიკიბ-მოუყიბაედ არ, შეეძლო მიედრო ბურჟუაზიული წყობილება და ბურჟუაზიული იდეალები, მით უფრო, რომ ამ ბურჟუაზიულმა წყობილებამ ევროპაში მეტად გამწვავებული კლასობრივი ბრძოლა და უკუღმართობა შექმნა. სწორედ აქ უნდა ვეძიოთ იმისი ერთ-ერთი მიზეზი, რომ 60-იანი წლების ჩვენი ინტელიგენციის სოციალ-პოლიტიკური პროგრამა საერთოდ აჭრელებულ მასას წარმოადგენდა, რომელშიც თავს იყრიდა სრულიად სხვადასხვა საწინააღმდეგო დებულებები; სწორედ აქვე იმარხებოდა იმისი ერთ-ერთი მიზეზიც, რომ ამ ინტელიგენციის ნაწილმა ძალაუვნებურად შეითვისა სოციალისტური აზროვნების ელემენტები.

მოუხედავად თავისი მრავალსახიანობისა, გაურკვევლობისა და დაუდუღებლობისა, ჩვენ მაინც შეგვიძლია 60-იანი წლების ჩვენი ინტელიგენციის წრეებში მოვხაზოთ სამგვარი ასე თუ ისე დამთავრებული ახალი გადახრა: ა) თავადაზნაურულ-ლიბერალური (ალ. ორბელიანი, კ. მამაცაშვილი და სხვ.), ბ) რადიკალ-დემოკრატიული, ბურჟუაზიული შინაარსით (ს. მესხი, გ. წერეთელი; ამათუიაც წილი აქვს ი. ჭავჭავაძეს); გ) სოციალისტური (ნ. ნიკოლაძე, გრ. თარხან-მოურავი, ან.

ფურცელად, მ. ქიქოძე, ნ. ინაშვილი). მაგრამ ეს „სისტემები“ ხშირად არეული გვხვდება ერთიმეორეში და არ არის შეკეთრად დამთავრებული, მეცნიერული სისწორობით ჩამოყალიბებული, მტკიცე და სწორ-ლარიანი მიმდინარეობა. ეს აიხსნება ჩვენი საზოგადოებრივი ცხოვრების განუვითარებლობით, ჩვენი სოციალური კლასების დაუდუღებლობით.

სწორედ ამით აიხსნება ი. კავკავაძის შრომის სუუევაზე მაღალი ტონით მღერა („აზრდილი“), ნიკო ნიკოლაძის მიერ „კრებულის“ ფურცლებზე სოციალისტური პრინციპების დაცვა, მოხე ქიქოძის მიერ „მნათობში“ სოციალიზმზე და მუშათა საკითხზე წერა, ანტონ ფურცელაძის მიერ მიწის სოციალიზაციის დაცვა და სოციალისტური თეორიებისა და ისტორიის განხილვა, გრ. თარხან-მოურავის მსჯელობა შრომის საკითხებზე, ნ. ინაშვილის მიერ ქალთა საკითხის დაკავშირება სოციალიზმთან, გაზეთი „დროების“ ფურცლებზე (1866 წ. და შემ.) პირველ პერიოდში სოციალისტური ელემენტების შექრა.

მაგრამ ამ გარეგან სამოსელთან ერთად ეს მწერლები და საზოგადო მოღვაწენი შეგნებით თუ შეუგნებლად აყენებდნენ ბურჟუაზიულ-ლიბერალურ პროგრამას და მათი პრაქტიკული საქმიანობაც ამ გზით იყო მიმართული. ეს იყო, ასე ვთქვათ, უტოპიურ-ლიბერალური სოციალიზმის ეპოქა ჩვენში, როდესაც ბურჟუაზიულად განწყობილმა ინტელიგენციამ შეითვისა სოციალისტური აზროვნების ელემენტები, რუსეთის და ევროპის იდეოლოგიის საღაროდან გამოიტანა სოციალისტური სამოსელი. არსებითად კი ამ სამოსელის ქვეშ იმალებოდა ახლად ფეხადგმული პროგრესული ინტელიგენციის ბურჟუაზიული სულისკვეთება. ასეთ გაბრუებულ მდგომარეობაში ინტელიგენციის ნაწილი დარჩა 70-იანი წლების პირველ ნახევარშიაც. 90-იან წლებში ლიბერალური ინტელიგენციის საუკეთესო წარმომადგენელმა გ. წერეთელმა ერთხელ კიდევ სცადა სოციალიზმის გარეგანი სახის შეთვისება მარქსიზმის ფორმებში, მაგრამ მისი ცდა მარცხით დამთავრდა. ლიბერალურმა სოციალიზმმა დაგვიტოვა მხოლოდ ლიტერატურული ნაშთები, პრაქტიკულად კი მისი მნიშვნელობა ბურჟუაზიული ურთიერთობისათვის ხელის შეწყობისა და ბურჟუაზიული პრინციპების გავრცელებაში გამოიხატა.

2. მეორე პერიოდს ქართული სოციალიზმის ისტორიაში წარმოადგენს წვრილ-ბურჟუაზიული სოციალიზმი, რომელიც გარკვევით ჩამოყალიბდა 70-იან წლებში. ნ. ნიკოლაძე, ანტონ ფურცელაძესთან

ერთად, არის ერთგვარი გარდამავალი საფეხური ლიბერალური, სოციალიზმიდან ნაროდნიკული სოციალიზმისაკენ. ამიტომ არის, რომ ანტონ ფურცელაძე მიწის განსაზოგადოების პროექტთან ერთად კაპიტალიზმის განვითარების პროგრამასაც აყენებს. სოციალურად წვრილ-ბურჟუაზიული სოციალიზმი არის ანარეკლი ქალაქად და სოფლად წვრილ-ბურჟუაზიული ინტელიგენციის გამრავლებისა. ერთის მხრით კაპიტალიზმის განვითარებამ, მეორეს მხრით კი გლეხის ეკონომიურმა დაბეჩავებამ წვრილი ინტელიგენცია რადიკალურად დაუპირდაპირა არსებულ წესწყობილებას. იდეოლოგიურად ამ ინტელიგენციამ თავისი მონათესავე რუსეთის ნაროდნიკებში ჰპოვა და თავისი რადიკალიზმიც ნაროდნიკური სოციალიზმის ელფერით შემოსა. თავისი სოციალ-პოლიტიკური იდეალებით ნაროდნიკული წვრილ-ბურჟუაზიული სოციალიზმი მიმართული იყო კაპიტალისტური ურთიერთობის წინააღმდეგ; იგი ცდილობდა წვრილი ხელოსნური მეურნეობისა და სასოფლო — კოლექტიური ეკონომიკის შექმნას წვრილი წარმოების ნიადაგზე.

მე-XIX საუკუნეში ჩვენი ნაროდნიკული მოძრაობა შეიძლება ორ უმთავრეს ხანად გაიყოს. პირველ ხანას წარმოადგენენ 70-80-იანი წლები, როდესაც ნაროდნიკული სოციალიზმი დიდ რევოლუციონურ როლს ასრულებდა ჩვენში მასის გამოღვიძებისა და სოციალიზმის პროპაგანდის საქმეში. მეორე ხანას წარმოადგენს 90-იანი წლები, როდესაც დაიწყო ნაროდნიკული მოძრაობის კრიზისი. პრინციპიალურად ნაროდნიკები ებრძოდნენ კაპიტალიზმის განვითარებას, პრაქტიკულად კი ხელს უწყობდნენ კაპიტალისტური ურთიერთობის შექმნას; ინტელიგენცია პირველ რიგში სევამდა პოლიტიკური ბრძოლის საკითხს და კულტურულ საქმიანობას. ნაროდნიკული აზროვნების ამ პერიოდის დეკადანსის გამოხატველი იყო გ. მაიაშვილი, რომელიც თავისი ბურჟუაზიული მოღვაწეობით გზას უმხადებდა არ. ჯორჯაძეს და სოციალ-ფედერალიზმს. არ. ჯორჯაძემ (მე-XX საუკუნე) განავითარა გ. მაიაშვილის პრაქტიკული საქმიანობა, პრინციპიალური და პოლიტიკური აგრუმენტაციით დაამტკიცა კაპიტალიზმის განვითარების საჭიროება ჩვენში. ჯორჯაძემ ფაქტიურად მიიღო ლალის პოლიტიკური ზედნაშენის მომენტი (ბრძოლა პოლიტიკური თავისუფლებისათვის) და გ. მაიაშვილის ეკონომიურ-კაპიტალისტური საქმიანობა. სოციალიზმ-ფედერალიზმით დაიწყო მესამე ხანა ნაროდნიკულ მოძრაობაში, როდესაც წვრილ-ბურჟუაზიული სოციალიზმი კაპიტალიზმის განვითარების პროგრამას აყენებდა ჩვენში (1900-იანი წლები).

3. **მარქსისტული სოციალიზმის** შემოქრით 90-იან წლებში დაიწყო სოციალიზმის ისტორიაში მესამე მეტად მნიშვნელოვანი და მრავალფეროვანი პერიოდი.

მარქსიზმი პირველად ჩვენში შემოვიდა 80-იან წლებში. მისი შემოპტანი იყო ნაროდნიკული ინტელიგენცია. **გ. მაიაშვილმა** (1882 წ.) ეკონომიური მატერიალიზმის მიმდევრად გამოაცხადა თავისი თავი. არც **ბოსლეველი** (1882 - 3 წ. წ.) ჩამორჩა მაიაშვილს. ამ პერიოდის მარქსიზმი აშკარა ეკლექტიური შინაარსისა იყო. აქ მარქსიზმის ელემენტები შედუღებულია სოციალიზმის სხვა სისტემებთან. ფაქტიურად 80-იანი წლები იყო **მოსამზადებელი ხანა** ქართული მარქსიზმის ისტორიაში. ნამდვილი და დამთავრებული მარქსიზმი ჩვენში 90-იან წლებში აღმოცენდა.

მარქსიზმი აღმოცენდა ახლად ჩამოყალიბებული კაპიტალისტური ეკონომიკის ნიადაგზე: მის სოციალურ ბაზას წარმოადგენდნ ჩვენი ქვეყნის პროლეტარული ელემენტები. ისტორიულად 90-იან წლებში მარქსიზმი დაუპირისპირდა ჩვენი საზოგადოებრივი აზროვნების ფონზე გამეფებულ თავად-აზნაურულ ლიბერალურ და უკვე დრომოქმულ ნაროდნიკულ მიმდინარეობასა და იდეოლოგიას. მაგრამ 90-იანი წლების ჩვენებურ-მარქსისტული მიმდინარეობა სრულიად არ წარმოადგენდა ერთსახოვან აზროვნებას: 90-იან წლებში „მარქსიზმის ფორმებს“ თავს აფარებდა სამი სხვადასხვა სახის სოციალური მიმდინარეობა:

ა) **წვრილი ბურჟუაზია** — წვრილ-ბურჟუაზიული ინტელიგენციის მეთაურობით და ნ. ჟორდანიას იდეური ხელმძღვანელობით. ეს იყო წინამორბედი შემდგომი დროის ქართული მენშევიზმის. ეს წვრილ-ბურჟუაზიული ინტელიგენცია ემიჯნება ძველი ფორპის წვრილ-ბურჟუაზიულ (ნაროდნიკულ) სოციალიზმს, რომლის ეკონომიური პროგრამაც აღარ შეესაბამებოდა ჩვენი ცხოვრების წარმატების საქმეს, და იგი გაოკვევით აყენებს კაპიტალისტური ურთიერთობის განვითარების პროგრამას და პროლეტარიატთან თანამშრომლობის აუცილებლობას.

ბ) მარქსიზმის ფორმებში თავის მოკალათება მოინდომა დამთავრებულმა **ბურჟუაზიულმა იდეოლოგიამაც გ. წერეთლის** სახით. თუ 80-იან წლებში ახლად აღმოცენებულმა ქართულმა ლიბერალურმა მიმდინარეობამ შეითვისა რუსული და ევროპული უტოპიური სოციალიზმის ელემენტები, 90-იან წლებში ერთ-ერთი საუკეთესო წარმომადგენელი 60-იანი წლების რადიკალური ინტელიგენციისა

ცდილობს მარქსიზმის ელემენტების შეთვისებას. ეს არის თავისებური სახე ლეგალური მარქსიზმისა ჩვენში, რომელიც რუსული ლეგალური მარქსიზმის სრულიად დამოუკიდებლად აღმოცენდა. ამ მოვლენის სოციალ-პოლიტიკური მიზეზების გამოძებნა ადვილი საქმეა: მიუხედავად იმისა, რომ ჩვენში კაპიტალისტური ურთიერთობა განვითარდა რუსეთისა და სომხეთის კაპიტალისტების მეთაურობით, ქართული მნიშვნელოვანი ბურჟუაზიული კლასი ჩვენში მაინც ვერ ჩამოყალიბდა. გასაკვირი არ არის, თუ უჯაროდ დარჩენილმა ბურჟუაზიულმა ინტელიგენციამ მტკიცე კავშირის დაქვერ მოინდომა ახალამოძრავებულ პროლეტარულ და წვრილ-ბურჟუაზიულ ელემენტებთან. ბურჟუაზიული ინტელიგენცია დასაყრდენ ბაზას ეძებდა, და ასეთად მან სცნო პროლეტარიატი, რომელიც სურდა თავისი მიზნებისათვის გამოეყენებია. ბურჟუაზიული პროგრამა მარქსისტული ფორმით — ასეთი იყო რეალური სახე ამ ბურჟუაზიული ინტელიგენციისა.

გ) გარდა ზემოთ ჩამოთვლილი სოციალური ფენებისა, ქართული მარქსიზმის დასაყრდენ ბაზად უნდა გადაქცეულიყო საქართველოს მეშათა კლასი — სოფლის და ქალაქის პროლეტარული ელემენტები. ჩვენში ნამდვილი მარქსისტული აზროვნების გავრცელების საქმეში პროლეტარულ წრეებში დიდი დამსახურება მიუძღვის ინტელიგენციას ფ. მახარაძის მეთაურობით.

ამრიგად, 90-იან წლებში „მარქსისტული სოციალიზმის“ ფორმებში თავის შეფარება მოინდომეს ლიბერალურ-დემოკრატიულმა ინტელიგენციამ, წვრილ-ბურჟუაზიულმა რევოლუციონურმა ფენებმა და პროლეტარიატმა. ეს სოციალური ფენები ცდილობდნენ თავიანთი გარკვეული კლასობრივი მიზნებისთვის გამოეყენებიათ მარქსისტული სოციალიზმის ფორმა, ამიტომ მათი ერთ ბანაკში დიდი ხნით ჰარმონიული თანამშრომლობა შეუძლებელი იყო. თუ პირველ ხანებში უთანხმოებას ამ ფენებს შორის ჯერ კიდევ არ ჰქონდა ადგილი ან ძლიერ სუსტად სჩანდა ეს უთანხმოება, შემდეგ, რეალური ცხოვრების ზეგავლენით, იგი ფაქტად გადაიქცა. ბურჟუაზიულმა ინტელიგენციამ თავი გაინთავისუფლა მარქსიზმის გავლენისაგან და თავისი გზით იწყო მსვლელობა (მაგ., ფილიპე გოგიჩაიშვილმა და სხვ.), ხოლო წვრილ-ბურჟუაზიულმა და პროლეტარულმა იდეოლოგიამ შემდგომ თავიანთი დამთავრებული მოძრაობა მოგვცეს მენშევიზმისა და ბოლშევიზმის სოციალური სისტემების ფორმით. მაგრამ ეს უკვე მე-XX

საუკუნის ქართულ სოციალისტურ მოძრაობას შეეხებოდა, რომლის განხილვის ჩვენ ამ ნარკვევში მიზნად არ ვისახავთ.

პიროვნებისა თუ ჯგუფის შესახებ გარკვეული მსჯელობა შესაძლებელია არა იმის მიხედვით, თუ რას ფიქრობს ის თავის თავზე, არამედ იმის მიხედვით, თუ რა როლს თამაშობს იგი თავისი პროგრამებით, სოციალ-პოლიტიკური იდეალებით და პრაქტიკული საქმიანობით საზოგადოებრივი ცხოვრების ურთიერთობაში. ზემოთ მოყვანილი სტემატიური ცნობებიდან მკითხველი ნათლად დაინახავდა, რომ ჩვენ ცალკე ჯგუფების მიმდინარეობებს ვაფასებთ არა მათი სიტყვიერი განცხადებების მიხედვით, არამედ მათი როლითა და მნიშვნელობით ჩვენი საზოგადოებრივი ურთიერთობის განვითარების საქმეში. არა პიროვნება ჰქმნის საზოგადოების ცხოვრებას, არამედ ობიექტიური საზოგადოებრივი ურთიერთობა ჰქმნის პიროვნების სოციალ-პოლიტიკურ მისწრაფებებს. რა ფორმებითა და სახეებითაც არ უნდა გამოსთქვას თავისი სოციალ-პოლიტიკური აზროვნება ამა თუ იმ ჯგუფმა, მისი ნამდვილი სოციალური და კლასობრივი შინაარსის გამოჩენა მაინც შესაძლებელი ხდება. საზოგადოებრივი ცხოვრებისათვის მნიშვნელობა აქვს არა გამოთქმის ფორმას, არამედ თვით გამოსათქმელ აზრს, შინაარსს. სწორედ ამ შინაარსის მიხედვით უნდა იქნეს დაფასებული ქართული სოციალისტური მოძრაობა 60-იანი წლებიდან დაწყებული. ჩვენ ვერ უარვყოფთ, რომ სამოციანმა და სამოცდაათიანმა წლებმა მოგვცეს სოციალისტური აზროვნების ფორმები. მათი უარყოფა ისტორიულად შეუძლებელი და მოუხერხებელია. ამას არ მოითხოვს ქართული საზოგადოებრივი აზროვნების შესწავლის საპირობა. მაგრამ ის კი აუცილებელია, რომ ამ სოციალისტური ფორმების გამოვლენა მოხდეს მათი კლასობრივი და სოციალური შინაარსის მიხედვით. ამის საშუალებას გვაძლევს მარქსისტული სოციოლოგია და მისი კვლევის დიალექტური მეთოდი.

წერილებს წინ წაუფშდვარეთ ჩვენი ცხოვრების მე-XIX საუკუნის მეორე ნახევრის ერცელი სამეურნეო მიმოხილვა, რაც საშუალებას მ. ჯგუფს გავიცნოთ ჩვენი ერის ეკონომიური სტრუქტურა და მისი სოციალური ანატომია — საზოგადოებრივი კლასები აღნიშნულ პერიოდში. ეს კი აუცილებელი პირობაა ყოველი ჯგუფის როლისა და მნიშვნელობის შესასწავლად, თავისი ნამდვილი შინაარსის მიხედვით, ყოველ განსაზღვრულ ისტორიულ პერიოდში. ეკონომიური სტრუქტურა და ამ ბაზაზე აღმოცენებული სოციალური კლასები საზღვრავენ ყოველი საზოგადოებრივი ჯგუფის რეალურ დანიშნულებასა და შინაარსს გარკვეულ ეპოქებში. ამიტომ საჭიროა სოციალისტური აზროვნების ისტორიის მიმოხილვა ჩვენში ეკონომიური და სოციალური კლასების გაცნობით დავიწყეთ.



II. ჩვენი ეკონომიკა მეცხრამეტე საუკუნის მეორე ნახევარში.

რუსეთის მართველობის დაწესებას საქართველოში უდიდესი მნიშვნელობა ჰქონდა ჩვენი ეკონომიური ცხოვრების წარმატებისათვის. რუსეთის სახით ჩვენში მართო აბსოლუტური მონარქიული სისტემა არ შემოკრილა, ამ სისტემამ თან შემოიტანა ახალი ეკონომიური ფაქტორი და ხელი შეუწყო ჩვენში გამეფებული ნატურალური მეურნეობის დაშლას. მე-XIX-ე საუკუნის პირველ ნახევარში საეკონომიკური საქართველოში მნიშვნელოვან ეკონომიურ ფაქტორად გადაიქცა, ხოლო 50-იანი წლებიდან უკვე სამრეწველო კაპიტალის ფორმებიც ჩაისახა ჩვენში, როგორც სოფლად, ისე უმთავრესად ქალაქად; 70-იანი წლების მეორე ნახევრისათვის სამრეწველო კაპიტალი საგრძნობ ძალას წარმოადგენდა ჩვენში. 90-იანი წლებისათვის, რასაკვირველია, მისი მნიშვნელობა უფრო გაფართოვდა და გაიზარდა ჩვენი ეკონომიური ცხოვრების წარმატების საქმეში. ცხადია, რომ ჩვენი სამეურნეო ცხოვრების სიღრმეში შეჭრილ სავაჭრო და სამრეწველო კაპიტალს არ შეეძლო თავისი შესაფერისი ცვლილებები არ გამოეწვია ჩვენს საერთო ცხოვრებაში. ამ ცვლილების ნიშნებს ჩვენ უკვე 50—60 წლებში ვამჩნევთ.

„ძველი პატრიარქალური ყოფა-ცხოვრება იშლებოდა. საქ. საზოგადოებრივი ცხოვრება დიდ გარდატეხას განიცდიდა, როგორც ძველი საფუძვლებისა ხდებოდა ჩქარის ტემპით. სოციალურმა დიფერენციაციამ თავისი გამოსახვა ჰპოვა ქართულ პრესაშიც“. ასე სწერს აღნიშნული ეპოქის შესახებ პროფ. ივ. ჯავახიშვილი¹⁾.

ქართული საზოგადოებრივი ცხოვრების ევოლუციისა და სოციალური წრეების დიფერენციაციისათვის უდიდესი მნიშვნელობა

¹⁾ იბ. პროფ. ჯავახიშვილის წერილი გრანატის ენციკლოპედიურ ლექსიკონში. ტ. XVII, გვ. 213.

ჰქონდა იმ აქტს, რომელიც რუსეთში გლეხთა განთავისუფლების სა-
ხელწოდებით არის ცნობილი და რომლის პრაქტიკულ გატარებას
ჩვენში 1864 წლიდან შეუდგენ. ეს აქტი რუსეთში ფაქტიურად გა-
მოწვეული იყო, როგორც ამხ. მ. პოკროვსკი აღნიშნავს, იმ ღრმა
როლითა და ინტერესით, რომელიც სამრეწველო კაპიტალმა მოი-
პოვა რუსეთის ეკონომიკაში. ამ კაპიტალის ინტერესი მოითხოვდა
ფართო ბაზრისა და მრავალრიცხოვანი მუშა-ხელის არსებობას. რად-
გან ეს შეუძლებელი იყო ბატონყმური ურთიერთობის ნაქუქში, ეკო-
ნომიკის საჭიროებამ ეს ნაქუქი გახლიჩა და ყმა სრულუფლებიან
მოქალაქედ გადააქცია. ჩვენი ცხოვრება, რასაკვირველია, ჯერ კიდევ
არ განიცდიდა ასეთს მძაფრ სოციალ-ეკონომიურ დიფერენციაციას,
თუმცა რუსეთიდან შემოქრილი სავაჭრო და სამრეწველო კაპიტალი
და ადგილობრივად განვითარებული სავაჭრო ურთიერთობა საგრძ-
ნობ შეტევას აწარმოებდნენ ბატონყმური ურთიერთობის წინააღმდეგ.
ჩვენში ადგილი ჰქონდა მნიშვნელოვან პროცესს, რომელიც აჩქარებ-
და თავად-აზნაურული როლის დაცემას საერთო ცხოვრების მიმდ-
ნარეობაში ¹⁾, გარდა იმისა, რომ გლეხობაში მწიფდებოდა მოთხო-
ვნილება სოციალური მონობის მოსპობისა („სურამის ციხე“-ში ვკითხუ-
ლობთ: „სანამ ჩვენ ბატონის ყმანი ვართ, ჩვენში ბედ-
ნიერება არ შეიძლება“. ეს დევიზი იყო მთელი გლეხობისა),
რაც ხშირად შებატონეთა მიმართ შეიარაღებული აჯანყებით თავ-
დებოდა ²⁾ და რაც ხელს უშლიდა ნორმალური ცხოვრების განვითა-
რებას სოფლად (გაბო, ზაქრო და კაკო ამ ეპოქის რევოლუციონუ-
რი ტიპები იყვნენ) ³⁾.

გარდა ამ ფაქტებისა, ევრონეოცივის პოლიტიკამაც
სოციალ-ეკონომიურად ძირი გამოუთხარა თავად-აზ-
ნაურობას და იგივე ეკონომიური დაქვეითების გზას
დაადგა: ჩვენ უკვე აღვნიშნეთ, რომ ევრონეოცივის პოლიტიკის

¹⁾ 1865 წ. თავის საინტერესო წერილებში ბატონყმობის მოსპობის შესახებ
საქართველოში, ნ. ნიკოლაძემ ხაზგასმით აღნიშნა ჩვენი თავად-აზნაურობის დაცე-
მის პროცესი. (იხ. მისი წერილი ჰერცენის „კოლოკოლ“-ში, №198, 199, 1865 წ.)

²⁾ პროფ. ი. ჯავახიშვილი: „Политическое и социальное движение в
Грузии“, გვ. 33—35, 1906 წ.

³⁾ უკვე მიქაეა, სამეგრელოს გლეხთა აჯანყების (1857 წ.) მეთაური, პირ-
ველი რევოლუციონერი იყო საქართველოს სინამდვილეში, რომელმაც თავისი
კლასის ინტერესების დაცვისათვის 9 წლის კატორღა იკემა.



ზურგს უკან იდგა რუსეთის საეპრო კაპიტალი, რომელიც ამერიკა-კასიაში ფართო აღებ-მიცემობასა და ბაზარს ეძიებდა¹⁾. ევრონცოვის პოლიტიკამ შეარყია თავად-აზნაურული ცხოვრების პატრიარქალური წესი და ევროპული გემოვნების გაერცელებით სამოქმედო გზა გაუხსნა საეპრო კაპიტალს.

ამავე დროს ტფილისში დაარსებულ იქნა საადგილ-მამულო ბანკი, საიდანაც მემამულეებს შეეძლოთ მიეღოთ სესხად ფული. ტფილისში გაჩაღებულმა ახალმა ცხოვრებამ თავად-აზნაურობას ფულის ინტერესი დაუყენა წინ, ხოლო ამ ინტერესმა მათი მამული ვაჭრობის ტრიალში ჩააგდო და მას წერილი და მსხვილი ბურჟუაზია დაუპირისპირა. ბატონყმური მეურნეობა იმაზე ბევრად უფრო ადრე დაადგა დაცემის გზას, ვიდრე მისი საბოლოოდ გაუქმება მოხდებოდა. როგორი შედეგი მოჰყვა ეკონომიურად და სოციალურად ბატონყმური ურთიერთობის გადავარდნას ჩვენში?

ამ ათიოდე წლის წინეთ ნ. ჟორდანიას სწერდა: „მესამოცე წლებში რუსები ცვლიან პოლიტიკას, გლეხებს მთავრობაც მფარველობას უწყევს მებატონეთა თავგასულობისაგან. გლეხოზა მთავრობას შეუფრებდა როგორც მოსარჩლეს და დამცველს. სახელმწიფოსა და ერს შორის საუკეთესო დამოკიდებულება ჩამოვარდა. მესამოცე წლებში იწყება რუსეთის ეგრეთწოდებული დიდი რეფორმები. ახალი სასამართლო, ახალი ცხოვრება და ახალი სასოფლო მართველობა შემოვიდა. სახელმწიფო დაუახლოვდა ხალხს, მთელ ერს. წინათ ისინი ძლიერ შორს იყვნენ ერთიმეორესაგან ახლა კი გარემოება იცვლება. სახელმწიფო ხალხს დაუახლოვდა“²⁾.

ნ. ჟორდანიას ეს „ისტორიული დასკვნები“ ისევე შემცდარია, როგორც არჩ. ჯორჯაძის კონცეპცია ევრონცოვის „კეთილ-გონიერი პოლიტიკის შესახებ ვალდებულების ასრულების საქმეში მფარველობაში მყოფ ერისადმი“³⁾. ორივე ჩვენმა პუბლიცისტმა ამ შეფასებაში გადააჭარბა და დაინახა ის, რასაც ისტორიულ სინამდვილეში ადგილი არ ჰქონია. ფაქტიურ ცნობას რუსეთის მთავრობასა და ქართველ გლეხოზას შორის „საუკეთესო“ დამოკიდებულების დამყარების შესახებ გავიგებთ მაშინ, როდესაც გავიცნობთ იმ რეფორმების შინაარსს, რომელიც ჩვენნი გატარებულ იქნა 1864 წელს.

¹⁾ ს. ნ. უნდაძე: „ქართველი ინტელიგენციის პროფილი მე-19 საუკუნეში“.

²⁾ გაზეთი „განთიადი“, № 19.

³⁾ არ. ჯორჯაძე, ტ. V.

ისტორიულად მეცხრამეტე საუკუნის დასაწყისიდანვე რუსეთის პოლიტიკა ყოველთვის ეძებდა საუკეთესო კავშირის დამყარებას თავად-აზნაურულ წრეებთან¹⁾. ვორონცოვის ეპოქაში რუსეთის მთავრობამ ეს შესძლო და მას შემდეგ თავად-აზნაურობასა და ტახტს შორის კავშირი არასოდეს არ დარღვეულა. რაც შეეხება გლეხობას, როგორც ზევით დავინახეთ, მთავრობამ იგი ბატონების სრულ მორჩილებაში დასტოვა და ერთხელაც არ ცდილა მისი ეკონომიური მდგომარეობის გაუმჯობესებას.

1864 წლის რეფორმამაც ეკონომიურის მხრით ვერაფერი სარგებლობა ვერ მოუტანა გლეხობას. ბატონყმობის მოსპობის გამოცხადება საქართველოში დაგვიანდა: ტფილისის გუბერნიაში იგი გამოცხადებულ იქნა 1864 წელს, ქუთაისის გუბერნიაში — 1865 წელს, ხოლო სამეგრელოში — 1866 წელს. ამ დაგვიანების მიზეზად ასახელებდნენ საქმის წინასწარ მოუწყობლობას²⁾. ფაქტიურად შესდგა თავად-აზნაურთა სამაზრო, საგუბერნიო და შემდეგ ცენტრალური კომიტეტები, რომელთაც დაევალათ რეფორმის გატარება. რადგან ბატონყმობის გაუქმება ცენტრში საბოლოოდ იყო გადაწყვეტილი, ჩვენმა თავად-აზნაურობამ ვერ გაბედა წინააღმდეგობის გაწევა, მაგრამ სამაგიეროდ იგი შეეცადა რეფორმის გატარების დროს ფართოდ დაეცვა თავისი ეკონომიური ინტერესები³⁾.

ამიერკავკასიის მემატონეთა მდგომარეობის მომწყობი ცენ. კომიტეტის (თავად-აზნაურული ცეკა) 1864 წ. დადგენილებით შეუდგნენ გლეხობის განთავისუფლებას ყმობისაგან: მიწა, რომელსაც გლეხები ამუშავებდნენ და რომელზედაც ცხოვრობდნენ, აღიარებულ იქნა მემატონეთა საკუთრებად; ამიტომ „სანადელო“ მიწები, აგრეთვე ყენახების ნაწილი და ბაღები გლეხობას დარჩა სასარგებლოდ; ამის სანაცვლოდ მათ განსაზღვრული თანხა და ღალა უნდა გადაეხადათ მემატონეთა სასარგებლოდ. გლეხს მიეცა უფლება ესარგებლა მემა-

¹⁾ ამას ნ. ნიკოლაძე ამტკიცებს თავის წერილში (იხ. „კოლოკოლი“, 1869, 1865 წ.).

²⁾ ნიკოლაძის ცნობით, ბატონყმობა ჩვენში არც 1864 წ. მოისპობოდა, რომ რუსეთის მთავრობაზე არ ემოქმედნა პოლნეთის აჯანყებით გამოწვეულ ევროპის საბუნებისმიერებთან ომის შიშს. მთავრობას სურდა გლეხთა უმეყოფილება მოესპო და ამრიგად აღმოეფხვრა ის აჯანყებები, რომლებსაც ადგილი ჰქონდა საქართველოში 1855 — 1862 წლებში (იხ. იქვე).

³⁾ ს. ავალიანი: „Крестьянская реформа в Закавказьи“, გვ. 14.

ტონის ტყეებითა და საბალახოთი, მაგრამ ამაშიაც განსაზღვრული თანხა უნდა გადაეხადა. დადგენილებით, გლეხს შეეძლო გამოეყიდა კარმიდამო და სახნავი მიწები, რისთვისაც მთავრობა დახმარებას უწყევდა სესხით, რომლის გადახდის ვადად 49 წელიწადი იყო დადგენილი.

მაგრამ თავად-აზნაურობამ გაღებული „მსხვერპლისათვის“ უდიდესი კომპენსაცია მიიღო მთავრობისაგან. პროფ. ჯავახიშვილის ცნობით, 1860 — 1861 წლის კამერალური აღწერის მიხედვით, აღმოსავლეთ საქართველოში იყო 17.055 კომლი ყმა, ანუ 67.397 სული; ხიზანთა რიცხვი-კი უდრიდა 29.743 სულს. თავად-აზნაურობამ ხაზინიდან კომპენსაციის სახით მიიღო 25 მანეთი სულზე. სულ ტფილისის თავად-აზნაურობამ მიიღო 1.654.350 მანეთი. იმერეთსა და გურიაში გაათავისუფლეს 78.497 კომლი ყმა, ანუ 153.153 სული, რომელნიც 7.896 შემამულეს ეკუთნოდნენ. კომპენსაციის სახით მთავრობამ გაიღო 2.833.815 მანეთი. სამეგრელოში გაათავისუფლეს 93.263 სული.

ქართველი გლეხობა არ სარგებლობდა გამოსყიდვის უფლებით, იმიტომ რომ იგი სრულიად უსარგებლო იყო მისთვის.

საქართველოში მიწის გამოსყიდვა უნდა მომხდარიყო თავადებთან შეთანხმებით, ამასთან მთავრობის დახმარება არ აღემატებოდა 30%-ს. ასე რომ გლეხს 70%-ის გადახდა უხდებოდა „დახმარების სესხის“ გარეშე. რუსეთში კი დახმარება 80%-მდე აღიწევდა. „საერთოდ, — განაგრძობს პროფესორი, — ბატონყმობის გაუქმების მომენტიდან ქართველი გლეხობა იძულებული შეიქნა ემოქმედნა ბატონყმური ურთიერთობის ლიკვიდაციის საქმეში დამოუკიდებლად, მთავრობის დახმარება ფაქტიურად არ არსებობდა“¹⁾.

ამავე ავტორის ცნობით, 1864 წლიდან 1910 წლამდე ტფილისისა და ქუთაისის გლეხობამ გამოიყიდა 144.000 დესეტინაზე მეტი მიწა და გაიღო ამისთვის 7.200.000 მან. „საერთოდ, — სწერს მეორე ნარკვევში პატივემეული ავტორი, — საქართველოში გატარებული სისტემა განთავისუფლებისა იყო უდიდესი უსამართლობა და დარღვევა ქართველი გლეხის უფლებებისა“²⁾.

ამის შემდეგ ლაპარაკი იმაზე, რომ მთავრობასა და ხალხს შო-

1) პროფ. ი. ჯავახიშვილის წერილი ენციკლ. ლექსიკონში, გვ. 221.

2) პროფ. ი. ჯავახიშვილი: „Политическое и социальное движение“, გვ. 36. იხ. აგრეთვე გრ. გიორგაძე „უფეოდალური ურთიერთობა საქართველოში“.

რის საუკეთესო დამოკიდებულება ჩამოვარდაო, მხოლოდ მორიგი მენშევიკური ზღაპარია.

ბატონყმური ულლიდან გლეხის განთავისუფლებას უდიდესი წარმატებითი მნიშვნელობა ჰქონდა ჩვენი ეკონომიური ცხოვრებისათვის.

წინათ იურიდიული ნორმებით მიწაზე მიკრული გლეხი ახლა თავისუფალი გახდა და ამოძრავდა. ამოძრავება კი აუცილებელი იყო, რადგან მისი „განთავისუფლება“ ფაქტიურად უდრიდა მის მიწიდან განთავისუფლებასაც: მას უნდა შეეძინა ფული, რომ მიწა შეესყიდა. ფულის შეძენა კი შეიძლებოდა ქალაქებში. ამ გარემოებამ გამოიწვია სოფლის ელემენტების გამგზავრება ქალაქისაკენ ფულის საძებნელად: ზოგი ვაჭრობით ცდილობდა ფულის შოვნას, ზოგი კი თავისი შრომის გაქირავებით. ერთი და მეორეც ახალი სოციალური კატეგორიების გამაძლიერებელი შეიქნა ჩვენი ცხოვრების ვითარებაში. სოფლის წვრილი მესაკუთრე, ახლად გამომძვრალი ბატონყმური ნაქუქიდან, იძულებული იყო ფული ეშოვნა თავისი არსებობისათვის, რისთვისაც მან ქალაქს მიაშურა. ქალაქს ახალი მოძრავი ელემენტი შეემატა.

ამ მეტი არ იქნება ამ პროცესის ასახსნელად და საილიუსტრაციოდ სიტყვა დაეუთმოთ გ. წერეთელს. 1873 წ. ჟურნალი „ქრებულის“ ფურცლებზე იგი სწერდა:

„საცა არ გაიხედავ, ყველგან ნიშნავ უცხო ამბებსა ამ ჩვენს პაწაწა ქვეყანაში. მიხვალ სურამის სტანციაზე და იქ დაგიხედებთან იმერლები, რომელნიც გზაზე გადასარბენს ცეცხლის ეტლს ეშმაკებივით ებლაუქებიან და როგორც უნდათ და საითაც უნდათ, იქით წაიყვანებენ... იქვე გადმოხვალ ცეცხლის ეტლითგან და შეხედავ მეყურტნეებსა... „ბატონო, მიბოძეთ თქვენი ბარგი, მოვიკიდებ ზურგზე და გასტინიკისაკენ გაეშვები“ — ეს გურულებია. ოი, დიდება შენთვის ღმერთო, გურული და მეყურტნე, ეს რა ამბავია გურულს იარაღი ზელში და წინ მტერი, — აი მისი საქმე. მუშაობა, კურტანი და წელმოსაწყვეტი ბარგი გურულს ვინ აჭიდა? უწინ რომ გურულისათვის კურტანი მიგეცა, თოფს გესროდა, ახლა კი თვითონ გეხევეწება, მიბოძე, მე წამოგიღებო, და თან კურტანსაც იკიდებს. გახვალ ბაზარში და შეხვალ ცეცხლის გემზე. იქ მატროსი ვინ არის? — მეგრული. მემამინე ვინ არის? — მეგრული ან იმერული. მზარეული ვინ არის? — მეგრული ან იმერული. მოსამსახურე? — მეგრული. იქიდან ჩაჯდები ცეცხლის ეტლში და წამოხვალ. გზაზე ზონელი მიდის, ძარში ქათმები დაუმწყვდევი და კალათები კვერცხებით აქვს საესე. სად მიხვალ? ვეუბნები. — ტფილისში გიხალბებით, საქმეც მაქვს და სავაჭროცო. ტფილისში მიხვალ, მიიხედ-მოიხედავ, გაეცნობი, ყველგან ღიბის მთის იქით მცხოვრებლებს ხედავ, რკინის გზა თითქოს იმე

რეთის ხალხისათვის გაგვეთვინოსთა, თითქოს მხოლოდ იმათ სკნეს იქნის სარგებლობა, ეცენ და იმის საშუალებით ტფილისი თავის საეპარქიო ცენტრად გახადესო. ისინი დღითი-დღე მრავლდებიან ტფილისში და ტფილისისა ზაზარში ამრავლებენ საქართველოს მიწა-წყლის ნაწარმოებს და ადიდებენ საქართველოს ხალხის ალებ-მიცემას... რკინის გზამ ამ ხალხს მისცა საშუალება ტფილისში მოგზაურობისა და იქ ალებ-მიცემობის დაწყებისა. მართლაც, ჯერ სამი წელიწადი არ გასულა, რაც რკინის გზა გაიხსნა, მაგრამ იმერლები ერთი-ორად გამრავლდნ ტფილისში... საქართველოს ბურჟი და ალყაფის კარები, ტფილისი, გაძლიერდა, გაღონიერდა, გაივსო ხალხით: შეიქმნა არამც თუ საქართველოს ერის, მთელი ქვეყანის მიღების საეპარქო ცენტრად; იმაში დატრიალდა ასი ათასი (?) მცხოვრები¹⁾.

ამ საერთალოდ დაწერილ წერილში საუცხოვოდ არის გადმოცემული ის ღრმა მნიშვნელობის პროცესი, რომელსაც განიცდიდა ჩვენი სოფელი ბატონყმობის ურთიერთობიდან გამოსვლის მეორე დღესვე ქალაქებისაკენ თავის მცხოვრებთა გამგზავრებით და რომელიც გამოწვეული იყო ჩვენში ეპარქიის განვითარებისა და რკინის გზის გაყვანის ზეგავლენით. ახლა განვიხილოთ ქალაქის მცხოვრებთა განვითარება.

ქალაქის მცხოვრებთა ზრდის გაცნობა საგრძნობლად ახდის ფარდას როგორც ჩვენი ეკონომიური წარმატების საქმეს, ისე სოციალური კლასების ჩამოყალიბებისა და განვითარებას. ქალაქი კულტურისა და წარმატების ცენტრია, ქალაქური ცხოვრების განვითარება მთავარი პირობაა კაპიტალისტური ეკონომიკის გასაფართოებლად. ამასთანავე ქალაქებში ყალიბდება ახალი სოციალური კლასები: ბურჟუაზია, წერილი ბურჟუაზია და პროლეტარიატი, — უფრო მოქმედი და რევოლუციონერი, ვიდრე სოფლის სოციალური ფენები. ქალაქი აცხოველებს პოლიტიკურ მოქმედებას, იწვევს სოციალური კლასების აქტივობას და ინტელიგენტური ფენების ფართო მოღვაწეობას. თუ გადავხედავთ ჩვენი ქალაქების ვითარებას მე-XIX საუკუნის მეორე ნახევარში, შეტად საინტერესო მოვლენას დავინახავთ: ერთის მხრით ჩვენი ქალაქების მცხოვრებთა რიცხვი საგრძნობლად იზრდებოდა, მეორეს მხრით კი ქალაქების ეკონომიური განვითარება სწრაფად მიდიოდა წინ კაპიტალისტური მიმართულებით — ახალი ფაბრიკების, ქარხნებისა და საეპარქო დაწესებულებათა ზრდის საშუალებით.

¹⁾ გ. წერეთელი: „ამ დროის მოძრაობა“, ქურ. „ერებული“, № 3, გვ. 213 — 224, 1873 წ.

განვიხილოთ პირველი მოპენტი. 1886 წლის აღწერის მიხედვით, ტფილისის გუბერნიის ქალაქებში ცხოვრობდა 129.925 მოქალაქე, 1897 წლის აღწერით კი 215.196 მოქალაქე, ე. ი. 10 წლის განმავლობაში მცხოვრებთა რიცხვი ტფილისის გუბერნიის ქალაქებში გაიზარდა 85.244 სულით, ანუ $65,6\%$ -ით. აღსანიშნავია კერძოდ ტფილისის მცხოვრებთა ზრდის პროცესი: 1886 წელს ტფილისში ცხოვრობდა 78.445 მოქალაქე, 1897 წელს—160.645. ესე იგი, 10 წლის განმავლობაში ტფილისის მოსახლეობა 82.200 სული, პროცენტებით ეს ზრდა უდრის $104,8\%$ -ს¹⁾. საშუალება გვაქვს ტფილისის მცხოვრებთა რიცხვის ზრდა დაახლოვებით გავითვალისწინოთ მთელი მე-XIX საუკუნის სივრცეზე. საქართველოს მთავარ არქივში აღმოჩენილ 1803 წლის აღწერის ცნობებით, ტფილისში ყოფილა 20.000-მდე მცხოვრები. აქედან ყმა იყო 2.632 კომლი, თავადი — 72 კომლი, აზნაური 133 კომლი, ვაჭარი—80 კომლი²⁾. 1835 წელს, ევექციის ცნობით, ტფილისის მცხოვრებთა რიცხვმა 25.290-ს მიაღწია³⁾, 1886 წელს — 78.445-ს, 1897 წელს—160.645-ს. როგორც ქვევით დაეინახავთ, 1900 წელს ტფილისის მოსახლეობიდან 32 ათასზე მეტი უშუალოდ იყო ჩაბმული სავაჭრო-სამრეწველო-საკრედიტო დაწესებულებებში, ე. ი. ეწეოდა კაპიტალისტური ხასიათის სამეურნეო მოღვაწეობას ან როგორც პროლეტარი, ან როგორც ვაჭარ-მრეწველი.

ქუთაისის გუბერნიის ქალაქების ზრდა მე-XIX საუკუნის უკანასკნელი ოცი წლის განმავლობაში შემდეგი სახით გამოიხატა: 1886 წელს მცხოვრებთა რიცხვი უდრიდა 44.421-ს, 1887 წელს—კი 82,058-ს. მოქალაქეთა რიცხვი გაიზარდა 37.637 სულით, ანუ $84,7\%$ -ით. აღნიშნულ წლებში მთელი ამიერკავკასიის ქალაქების მცხოვრებთა რიცხვი გაიზარდა $49,8\%$ -ით, მაზრების კი— $13,7\%$ -ით⁴⁾

რა იწვევს ამიერკავკასიის და, კერძოდ, საქართველოს ქალაქების ასეთს სწრაფ ზრდას? საიდან ჰკრეფს ქალაქი თავისი ზრდის დაუშვრეტელ წყაროს? ცხადია, რომ ჩვენი ქალაქების ასეთი სწრაფი ზრდა არ არის მცხოვრებთა ბუნებრივი გამრავლების შედეგი: აქ ამ შემთხვევაში გადამჭრელ როლს თამაშობს სხვა ფაქტორიც. სტატი-

¹⁾ „Сборник статистических сведений по Закавказскому краю“ ტ. I, გვ. 18-19, 1902 წლ.

²⁾ ს. კაკაბაძე: „ქალ. ტფილისის აღწერა 1803 წ.“ ქვრ. „საისტორიო მოამბე“ გვ. 27-8, 1925 წ.

³⁾ ი. Енцкий: „Статистическое описание Закавказского края“ გვ. 143, 1835 წ.

⁴⁾ „Сбор. статист. сведений“ ტ. I.

სტიკური ცნობით, ბუნებრივი გზით ქალაქი ტფილისი 1894-98 წლებში გაიზარდა მხოლოდ 3.419-ით, ე. ი. წლიურად იქ იზადებოდა 684 ახალი მცხოვრები¹⁾.

როგორც ზევით ვწერდი, ჩვენი ქვეყნის ეკონომიურმა განვითარებამ დაშალა სოფლის მეოღრო, უძრავი ცხოვრება და გაღატაკებული გლეხი განდევნა ლუკმაპურის საძიებლად. სოფლის ეს უშიწაწყლო გლეხი მიიზიდა ქალაქმა, და ამრიგად ჩვენი ქალაქების მცხოვრებთა ერთ-ერთ ამეცესბელ წყაროდ სოფელი შეიქნა. მეორეს მხრით, ტფილისი გაიზარდა გარედან შემოსული უცხო ტომების (რუსების, სომხების) საშუალებითაც.

ამ უამრავ მცხოვრებთ ქალაქებისაკენ იზიდავდა არა მარტო ქალაქური ცხოვრება, არამედ ლუკმაპურის ძიება, არსებობისათვის ბრძოლა. სოფელში ეკონომიურად შევიწროებული გლეხობა იმიტომ მიეშურებოდა ქალაქებისაკენ, რომ მოენახა იქ ახალი წყარო არსებობისა. შესძლეს კი ქალაქებმა მათი მოთხოვნილებების დაკმაყოფილება? ესე იგი, გამოუნახეს თუ არა მათ ახალი წყარო არსებობისათვის? საკითხავია: რამდენად შეიქრა ჩვენი ცხოვრების სიღრმეში კაპიტალისტური ეკონომიკა და რამდენად განვითარდა ჩვენი ქვეყანა ეკონომიურად მე-XIX საუკუნის მეორე ნახევარში?

ფულის შეძენის წყურვილით შეპყრობილი იყო არა მარტო გლეხობა, არამედ მთელი საზოგადოება და მათ შორის თავად-აზნაურული წრეებიც. გ. წერეთლის „მგზავრის წერილებში“ (1867 წელს) პოყვანილია დამახასიათებელი საუბარი აზნაურიშვილებისა. ერთი მათგანი ამბობს: „გლეხების განთავისუფლება კარგია; ჩიკოლიკმა სთქვა, იგენიც და ჩვენც ძალიან მოვიგებთ: ჯამაგირი გვექნება და ფული სულ ბზესავით მოგვივაო. ხელმწიფე მოგვეცემს და მერე ვაქრობას დავიწყებთო“. აქ გლეხთა განთავისუფლება გამართლებულია საკუთარი სარგებლიანობის არგუმენტაციით, ხოლო ვაქრობა იმ შემოსავლის წყაროდ არის დასახული, რომელსაც დაკარგული ბედნიერება (ყმები) უნდა აენაზღაურებია. ფული, ვაქრობა, შემოსავლიანი საქმის ძებნა მორიგ ამოცანად გადაიქცა ქართული საზოგადოებისათვის. მაშინდელი დროის ვითარება თითქმის ამ ამოცანით ამოიწურებოდა.

¹⁾ „Сбор. статист. сведений“, т. I.



1874 წელს ცნობილი ჟურნალისტი ს. მესხი შემდეგნაირად ახასიათებდა ქართულ საზოგადოებაში შექმნილ განწყობილებას: „ეს გამწარებული თაყაფუცი, მოძრაობა ჩვენი მოწინავე საზოგადოებისა, ეს ძებნა ადვილად შესასრულებელი და ბევრი თულის მომცემი საქმისა და შრომისა ჯერაც არ დაწყნარებულა. ეხლაც არიან ისეთი პირნი, რომელთაც იმედი აქვთ, რომელნიც ცდილობენ აყალო მიწაში ოქროს მადნები აღმოაჩინონ, რომელნიც სხვადასხვა უსახელო კომპანიებს ადგენენ და სხვა და სხვა, და ჩვენ სრულიად არა გვსურს რომ ამგვარი მიმართულება, ეს ლტოლვილება ჩვენს საზოგადოებაში ერთბაშად მოისპოს.“¹⁾

იგივე გ. წერეთელი სწერდა: „ამჟამად, საცა არ გაიხედავ, ყველას ნახშირის სუნი ესმის. იმასაც ამბობენ, კავკასიის მთები იმითომ მოსჩანს ლურჯად, რომ ნახშირის კომლი აქვთ გარს შემომდგარი, რომელიც მთების გულიდან ამოდისო და ამის გამო უნდა ვიფიქროთ, რომ კავკასიის მთების გული სულ ნახშირიანიაო. ამისი კი რა მოგახსენო და ზოგიერთი ქართველების, და განსაკუთრებით იმერლების, გული რომ ნახშირიანია, — ეს კი მართალია. ამ ნახშირის სულმა და კომლმა ისე გაიტაცა ჩვენი საზოგადოება, რომ, რაც შეავია, სულ ოქრო ჰგონიათ და ამის გამო შავ ჩირქიან ზნესაც არ თაკილობენ.“²⁾

ეს დახასიათებანი ნათლად და გარკვევით ამოწმებენ იმას, თუ როგორი ციებ-ცხელებით იყო შეპყრობილი ქართველი საზოგადოება, რომელმაც ის იყო მოიშორა ბატონყმური ქურქი: საზოგადოება ვაჭრული იდეოლოგიით იკვებებოდა, ხოლო სოციალური ძალა და მნიშვნელობა იმ წრის ხელში გადადიოდა, რომელიც დიდძალი კაპიტალის პატრონი ხდებოდა. ჩვენი ეკონომიკის სიღრმეში ახალი სამეურნეო ურთიერთობა ინასკვებოდა და ამას ნათლად ამჩნევდნენ მაშინდელი პუბლიცისტები. 1868 წელს გაზ. „დროებაში“ ვკითხულობთ: „ჩვენში კეთდებიან რამოდენიმე ფულის მქონებელნი პირნი მრავალის შრომით და მოღვაწეობით. ახლა ვხედავთ, რომ ამ სიღარიბის გზაზე ვდგევართ და რამოდენიმე დროს შემდეგ შექველად პროლეტარში ჩავცვივით“³⁾. აქ უკვე მოცემულია არა მარტო ახალი სამე-

1) ს. მესხის წერილი: „დროება“, № 44, 1874 წ.

2) გ. წერეთლის წერილი: „კრებული“, № 10 — 12, 1872 წ.

3) „დროება“, № 25, 1868 წ.

ურნეო ფორმა, არამედ შინაარსიც, კონცეპციაც ამ სამეურნეო ფორმის მატერიალური სოციალური კლასებით: ფულის მქონე რამდენიმე პირის გამდიდრება, ხოლო დიდი უმეტესობის პროლეტარებად გადაქცევა. ფული და პროლეტარი, როგორც ორი საშინაოლმდეგო კატეგორია, უკვე უპირისპირდება ერთმანეთს.

მაგრამ ეხლა ამ იდეოლოგიისა და განწყობილების ზემო საართულიდან გადავიდეთ თვით ცხოვრების ვითარების გაცნობაზე, ეკონომიური პირობების გათვალისწინებაზე. მთავრობამ დაახლოებით 4¹/₂ მილ. მანეთამდე დააბანდა საქართველოში, კომპენსაციის სახით, მემამულეთა დასაჯილდოვებლად. ამ თანხას, რასაკვირველია, წარმოებისათვის ვერ გამოიყენებდა ჩვენი თავად-აზნაურობა, მაგრამ სავაჭრო ურთიერთობის გაფართოებისათვის იგი აუცილებლად გამოდგებოდა; მაგრამ საქმე მარტო ამით არ ამოიწურებოდა: რეფორმის შემდეგ რუსეთის კაპიტალის გაელენა საქართველოს ეკონომიკაზე უფრო ძლიერი და მნიშვნელოვანი გახდა; ეკონომიური კავშირი რუსეთსა და საქართველოს შორის უფრო განმტკიცდა და საქართველო ფაქტიურად ჩათრეულ იქნა კაპიტალისტური ურთიერთობის მორევში.

90-იან წლებში ქართულ პრესაში ცხარე კამათი იყო შესახებ იმისა, შესდგა თუ არა საქართველომ ფენი კაპიტალისტური განვითარების გზაზე. ქართველი ნაპოვნიკები (ლალი, ნალი, ვ. წ.) კატეგორიულად უარყოფდნენ კაპიტალისტური ურთიერთობის არსებობას საქართველოს სინამდვილეში. ქართული მარქსიზმის მეთაურები (ფ. მაზარაძე, ნ. ჟორდანი, ს. ჯიბლაძე) ამ კითხვაზე დადებით პასუხს იძლეოდნენ. 1910 წ. ნ. ჟორდანიამ დასთმო თავისი მთელი პოზიცია და აღნიშნა, რომ კაპიტალიზმის სწრაფი განვითარება ჩვენში შემდეგ პერიოდში (მე-XX საუკუნეში) დაიწყო¹). არსებითად ნ. ჟორდანიამ აქ დასთმო სწორი პოზიცია; საქართველოს ეკონომიური ცხოვრება, საუბედუროდ, დღესაც არ არის სათანადოდ შესწავლილი და განხილული. მიუხედავად ამისა, გადაჭრით შეიძლება ითქვას, რომ სავაჭრო კაპიტალის განვითარება ჩვენში დაიწყო მე-XIX საუკუნის პირველი ნახევრიდანვე, ხოლო მეორე ნახევრის დასაწყისში სავაჭრო კაპიტალი, სამრეწველო კაპიტალთან ერთად, საგრძნობ ძალას წარმოადგენდა. ჩვენ ვიცით, რომ რუ-

¹) ნ. ჟორდანი: „ჩრეული ნაწერები“, წინასიტყვაობა, გამოც. 1910 წ.

სეთის ეკონომიურ ცხოვრებაში საეაქრო და სამრეწველო კაპიტალიზმში მე-XIX საუკუნის პირველ ნახევარში გადამჭრელ როლს თამაშობდა; ხოლო 60-იანი წლებიდან კაპიტალისტური განვითარება რუსეთში ჩქარის ტემპით წავიდა წინ. ამ კაპიტალის საზრუნავ საგანს ყოველთვის შეადგენდა ბაზრების დაპყრობა და საწარმოო ბაზრის განვითარება-გაფართოება, ბრძოლა ძველი საზოგადოებრივი ფორმაციების წინააღმდეგ.

რუსეთის კაპიტალმა თავის მორევში ჩაითრია საზოგადოდ მთელი კავკასია და კერძოდ საქართველო. წინათ მაგარი პოლიტიკური არჩახებით ერთმანეთზე გადაჯაჭვული ორი მხარე ახლა უფრო მნიშვნელოვანი ეკონომიური რგოლებით გადაება ერთმანეთს. რუსეთის კაპიტალიზმმა გამოიყვანა საქართველო ფეოდალურ-პატრიარქალური საქლექიდან და რეფორმის შემდგომ პერიოდში ჩააბა ფართო საეაქრო-სამრეწველო პროცესში. 90-იანი წლები რუსეთში ითვლება სამრეწველო გადატრიალების ხანად: ამ წლებში ინდუსტრიამ უდიდეს წარმატებას მიაღწია და იგი რუსეთის ეკონომიკის მთავარ ფაქტორად გადაიქცა. 1893 წელს სამრეწველო კაპიტალიზმმა დაიწყო განვითარების ახალი, მეტად მნიშვნელოვანი ციკლი. აღსანიშნავია ის ფაქტი, რომ ამ პერიოდში მოხდა გაორკეცებული მობილიზაცია კაპიტალიზმისა და საწარმოო ძალების სწრაფი განვითარება¹⁾. ასეთი სწრაფი ტემპით ამოძრავებულმა რუსეთის სამრეწველო და საეაქრო კაპიტალმა მეტად დიდი გავლენა მოახდინა საქართველოსა და, საერთოდ, ამიერკავკასიის ეკონომიურ განვითარებაზე.

საზოგადოდ, შეუძლებელია საქართველოს ეკონომიური ცხოვრების განხილვა მე-XIX საუკუნეში რუსეთისა და ამიერკავკასიის სამეურნეო ვითარების დამოუკიდებლად. საქართველო მაგარი რგოლებით გადაება ამიერკავკასიის სამრეწველო ცხოვრებას, ხოლო ეს უკანასკნელი შეიქნა ნაწილი მთელი რუსეთის ეკონომიური სისტემისა. ამრიგად, საქართველო მე-XIX საუკუნის მეორე ნახევარში მომწყვდეული იყო რუსეთის კაპიტალისტური ეკონომიკის მთლიან სისტემაში. როგორც ეკონომიური, ისე ფინანსური და სატრანსპორტო პოლიტიკა რუსეთისა უდიდეს გავლენას ახდენდა საქართველოს სამეურნეო ცხოვრების დაწინაურებაზე.

კაპიტალისტური მიმართულებით ერის ეკონომიურად განვითა-

1) Фин-Евотаевский: „Капитализм в России“, т. I, гл. 67-70, 1925 წ.

რების საქმეში არსებითი მნიშვნელობა აქვს კარგად მოწყობილ ტრანსპორტს: რკინის გზას და საეკპრო ფლოტს. რასაკვირველია, კაპიტალისტური ეკონომიკის სწრაფი განვითარება შეუძლებელია ისეთ სატრანსპორტო პირობებში, სადაც ურემი და ჯაგვია გაბატონებული¹⁾ რუსეთის სამრეწველო და საეკპრო კაპიტალის ინტერესი დაეინებით მოითხოვდა ამიერკავკასიის სატრანსპორტო პირობების მოწყობას. რუსეთის ადგილობრივმა ხელისუფლებამ ჯერ კიდევ 30 — 40-იან წლებში გაიყვანა გზატკეცილები და ამით ძალიან შეუწყო ხელი ეკპრობის განვითარებას²⁾. ამ მხრით აღსანიშნავია ეკონომიკის პოლიტიკაც 40 — 50-იან წლებში, როდესაც ის თავისი ეკონომიური მოღვაწეობით აშკარად აწყობდა ჩვენში რუსეთის საეკპრო კაპიტალის საქმეს³⁾. რკინის გზის გაყვანას ჩვენში შეუდგენ 70-იან წლებში: 1871 წელს გაყვანილ იქნა ტფილის — ფოთის რკინის გზის ხაზი, 1878 წელს მოხდა ბათუმის ნავსადგურის შემოერთება და 1883 წელს დამთავრდა ამიერკავკასიის უდიდესი სატრანსპორტო არტერიის, ბაქო — ბათუმის მაგისტრალის, გაყვანა. 1894 წელს რკინის გზის სიგრძემ 969 ვერსს მიაღწია. იმავე წელს კავკასიაში გაყვანილ იქნა 27 ვერსის რკინის გზა, 1895 წელს — 38 ვერსის, 1899 წელს — 279, 1900 წელს — 6, 1901 წ. — 12, 1902 წ. — 167 ვერსის. 1914 წელს ამიერკავკასიის რკინის გზის საერთო მაგისტრალი 1767 ვერსს უდრიდა.

ამიერკავკასიის ეკონომიურ ცხოვრებაში უდიდესი მნიშვნელობა ჰქონდა ნავთობის წარმოების განვითარებას. ეს იყო სრულიად ახალი ფაქტორი ამიერკავკასიის ცხოვრებაში. იგი ერთ მნიშვნელოვან საექსპორტო საგნად გადაიქცა და მასთან მან ხარბად მიიზიდა ეკპრობის კაპიტალისტები. თუ, ერთის მხრით, ბაქოს ნავთობის წარმოების განვითარება ხელს უწყობდა ეკონომიურ წარმატებასა და კაპიტალისა და წარმოების კონცენტრაციას, მეორეს მხრით, იგი უზვად იზიდავდა თავისაღენ ამიერკავკასიის გადატაკებულ გლეხობას და ამით ბაქოს სამრეწველო რაიონებში ახდენდა პროლეტარული რაზმების კონცენტრაციას. 1876 წელს ბაქოს რაიონის ნავთობის ამოღება უდრიდა 1.395.000 ფუტის, 1882 წელს — 50 მილიონ

¹⁾ ტრანსპორტის საქმეს ჩვენს ლიტერატურაში პირველად მ. კიკოტენი შეაქცია სერიოზული ყურადღება (იხ. მისი წერილები „მნათობში“, 1870 წ.).

²⁾ იხ. ევკის ზემოდასახელებული წიგნი.

³⁾ В. Иванович: „Гржданское управление Закавказьем“ გვ. 349, 1901 წ.

ფუთს, 1884 წელს — 89 მილიონს, 1888 წელს — 194 მილიონს, 1893 წ. — 337 მილ. 1901 წ. — 670 მილ. ასე სწრაფად ვითარდებოდა 70-იანი წლებიდან ბაქოს ნავთის წარმოება. ნავთის ამ გიგანტიურ ზრდას ხელი შეუწყო ამიერკავკასიის რკინის გზის გაყვანამ, რამაც ფართოდ გააჩაღა ნავთის ექსპორტის საქმე უცხოეთში. რუსეთის ნავთი 80-იან წლებში საერთაშორისო სარბიელზე გავიდა, მაგრამ მას იქ, ამერიკის ნავთის სახით, დიდი კონკურენტი დახვდა; ამერიკის ნავთს ხელთ ეპყრა მთელი მსოფლიო ნავთის ბაზარი. მასთან ბრძოლაში ბაქომ დიდ წარმატებას მიაღწია. 1883 წლიდან, ე. ი. ბათომ — ბაქოს რკინის გზის გაყვანის დღიდან, ნავთის ეაქრობამ შემდეგ მნიშვნელოვან შედეგებს მიაღწია: 1883 წელს ბათომის გზით გატანილი იქნა 3.348.900 ფუთი ნავთი, 1890 წ. — 42.424.500 ფუთი, 1895 წ. 54 823 600 ფუთი, 1902 წ. — 78.338.800 ფუთი.¹⁾

შემდეგ მნიშვნელოვან ფაქტორს ამიერკავკასიისა და კერძოდ საქართველოს ეკონომიურ ცხოვრებაში წარმოადგენდა ქიათურის მარგანეცი. შავი ქვის ამოღება დაიწყო 1879 წელს. 1880 წელს ამოღებულ იქმნა 254.000 ფუთი, 1885 წელს — 3.640.800 ფუთი, 1890 წელს — 10.468.105 ფ., 1897 წელს — 12.131.807 ფ., 1900 წელს — 40.363.492 ფუთი.

1895 — 1897 წლებიდან მარგანეცის საქმის გაფართოებას ხელი შეუწყო საზღვარგარეთის ბაზრების მოთხოვნის გადიდება მარგანეცზე და ქიათურის რკინის გზის შტოს გაყვანამ 1895 წელს²⁾.

აქ უნდა აღინიშნოს ქიათურის მალარობის მუშათა რიცხვის ზრდა. მალარობებში ირიცხებოდა:

1895 წელს . . . 2.687 კაცი	1898 წელს . . . 1.245 კაცი
1896 „ . . . 1.704 „	1899 „ . . . 3.250 „
1897 „ . . . 1.382 „	1900 „ . . . 3.702 „

საერთოდ, 1900 წელს ქიათურის მთელს რაიონში შავ ქვაზე მომუშავეთა რიცხვი 5.000 კაცს უდრიდა³⁾.

¹⁾ А. Марков: „Очерк Батумской торговли нефтяными продуктами“, стр. 310.

²⁾ წერეთლის წერილი: „Очерк торгово-промышленного развития гор. Батума“, წიგნში „Батум и его окрестности“, გვ. 393, 1906 წ.

³⁾ ჯს. კვანტრე: „საქ. სამთომადნო მუშათა მოძრაობის ისტორია“, გვ. 34—37, 1926 წ.

ქიათურის შავი ქვის წარმოების საკმის გაჩაღებასთან ერთად უნდა აღინიშნოს ტყეებულის ნახშირის წარმოებაც. ნახშირის ამოღების საქმე ტყეებულში დაიწყო 40-იანი წლების შემდეგ, მე-XIX საუკუნის მეორე ნახევარში. ნახშირის ამოღების საქმე განსაკუთრებით გაიზარდა ქუთაის—ტყეებულის გზის გაყვანის შემდეგ.

ტყეებულის ქვანახშირის ამოღება შემდეგნაირად ვითარდებოდა.

1847 წელს . . . 23.000 ფ.	1888 წელს . . . 389.000 ფ.
1860 „ . . . 150.000 „	1890 „ . . . 600.000 „
1870 „ . . . 145.000 „	1900 „ . . . 4.000.000 „
1880 „ . . . 320.000 „	

1888 წელს ნახშირზე მუშაობდა 145 კაცი, 1900 წელს — 700 მუშაზე მეტი¹⁾.

ამრიგად, რეფორმის შემდგომ პერიოდში ამიერკავკასიის ეკონომიურ ცხოვრებაში რამდენიმე მნიშვნელოვანი ფაქტორი შემოიჭრა: რკინის გზა, ბაქოს ნავთი, ტყეებულის ქვანახშირი და ქიათურის შავი ვა. ეს ფაქტორები აერთებდნენ ამიერკავკასიის სამეურნეო ცხოვრების ძარღვებს და საერთოდ კაპიტალისტურ მიმდინარეობაში აბამდნენ მათ. რკინის გზის გაყვანით საქართველოს მიენიჭა სატრანსპორტო მნიშვნელობა ახლო აღმოსავლეთისა და ევროპის ქვეყნებთან.

შაგრამ ამიერკავკასიისა და კერძოდ საქართველოს ეკონომიური წარმატების საქმე მართო ზემოჩამოთვლილი მეტად მნიშვნელოვანი სამეურნეო ფორმებით არ ამოიწურებოდა. ქალაქებში ფაბრიკა-ქარხნების გამრავლება და მასთან სოფლის ეკონომიკის კაპიტალისტური მიზნებით ამოძრავება დამახასიათებელი მოვლენა იყო ჩვენი საერთო ცხოვრებისა მე-XIX საუკუნის მეორე ნახევარში. აღნიშნული მოვლენების შესახებ საკმაოდ დამაჯერებელი ცნობები გვაქვს. მოკლედ შევხებით მათ.

ჩვენი სოფლის სამეურნეო ცხოვრებაში ჯერ კიდევ ბატონყმობის ხანაში შეიჭრა კაპიტალისტური ელემენტები. როგორც ცნობები გადმოგვცემს, მთელი რიგი ქართველი მემამულეებისა 50-იანი წლებიდან შეუდგა სოფლის მეურნეობის ევროპული ტექნიკის მიხედვით მოწყობას და ამით დაიწყო ჩვენი სოფლის მეტად ნელი „კაპი-

¹⁾ ქს. კვანტრე: „საქ. სამთო-მანდო მუშათა მოძრაობის ისტორია“, გვ. 27.

ტალიზაციის“ პროცესი. აი როგორ აგვიწერდა ამ პროცესს გაზ. „გუთნის დედის“ ერთ-ერთი თანამშრომელი 1863 წ.:

„ახლანდელ გალიძეებს სხვა საფუძველი აქვს და სიზარულით ვალეობთ, რომ ეს საფუძველი არის ნამდვილი, ბუნებითი და ამისთვის შეუწყველი და საუკუნო. დალისტნის ალება დიდ გადასავლათ უნდა შეირიბოს ჩვენს ისტორიაში. არამც თუ მარტო ხალხს მიეცა შეიდობიანობა, მიუცილებელი საჭიროება მიწის შემუშავებისათვის, რამდენი ვიცო დაბრუნდა სახლში და შეუდგა მამულის საქმეს, რადგანაც მოესპო სამხედრო საქმე, რამდენი ხელი და რამდენი თავი მიემატა მიწის მუშაობას შემდგომ შამილის დაპყრობისა? ამასთან ისიც უნდა ვსთქვათ, რომ, ხელისა და თავის გარდა, მიემატა მიწას მესამე უმთავრესი საჭიროება მამულის კეთებისა—ფული, ანუ თანხა. ფოდრათები დამცირდა, რასაკვირველია დაღესტნის ალების შემდეგ, დამცირდა წვრილმანი ეპრობაცია, ბევრი ათასი თუმანი გამბული ამ საქმეში და შემდგომ დაბათილებული, მიიქცა მამულის სასყიდლათ და მამულის გასაკეთებლათა, ამასთან უნდა მოვიხსენიოთ, რომ ერთი უმთავრესთა მიზეზთაგანი გალიძეებისა ის არის კიდევ, რომ ამ ბოლო დროებში ძალიან გამრავლდა ჩვენი ალებ-მიცემა ევროპიის ხალხთან. მოსკლად ევროპელებისა ჩვენს მხარეში და გატანა ჩვენი საქონლისა. თვით ამრავ ტფილისში ფრანკელების მოდის მალახიებისა, რომელიც პირველი შეხედვით მხოლოდ მფანტველობისა და ბედოვლათობის ნიშანი გონია კაცსა, არის სასარგებლო ჩვენი მიწის გამოსავლისათვის, შეუცვლელი რეული პოლიტიკის ეკონომიისა გვაშხილებს, რომ კაცი ანუ მთელი ხალხი იქ უფრო რჩეულობის, თავისთვის საჭირო საქონელის სჭიდვასა, სადაცა აქვს გასავალი იმის საკუთარ გამოსავალსა, თუ ერთი განსაკუთრებული დაბრკოლება არ შეხედება ესე იგი: მეტის მეტი ბაი, ან სიშორე ქვეყნისა. თვით სარგებლობა ევროპელებისა შოთხივს რომ აქ მოტანილის თავიანთი საქონელისათვის გაგზავნონ თავიანთ ქვეყანაში ფულის მაგიერ აქაური გამოსავალი, რადგანაც ამით ერთის მაგიერათ ორგზობათ მოიგებენ. მართლადაც ამ ბოლო დროს აქაურმა ევროპელებმა დაუწყეს ზიდვა ჩვენს გამოსავალსა, ბამბასა, მატყლსა, აბრეშუმსა, წმინდა სანთელსა და სხვ. ამის გარდა ბევრმა ევროპელებმა დაიწყეს მოსკლად მხოლოდ საქონლის გასახიდავთ მეტადრე იმას შემდეგ, როცა ევროპაში განჩნდა აბრეშუმის კიის ავადმყოფობა. ყველა ამ შემთხვევას ის შეუდგა, რომ ჩვენ მიწის ანუ პირუტყვის გამოსავალს დაედვა ფასი და წაახალისა ხალხი, და რამდენიც ეს ალებ-მიცემა გამრავლდება, იმთენი ფასიც აიწევს და ხალხსიც გამრავლდება, რასაკვირველია, რომ თვით განათლების წარმატებასა, საჭიროების გამრავლებასა და მომავალ ცულობებასა ბატონეობის საქმეზედ აქვსთ დიდი მონაწილეობა მამულის კეთების სრუნვის გამრავლებაში, რომელიც ჩვენ დროში არის მომხდარი უიკველათ და ყველასათვის საცნო საქმე. თავის დღეში არა ყოფილა ამთენი მსურველი ახალის მაშინების ანუ ახალის თესლების დაბარებისა, არც ამთენი მთხოველი სხვა და სხვა თესვის ნაწილებზედ დაიოვებისა, არც მომხმარები მამულზედ ამთენი ფულისა, ბოლოს დროს თფილისში და გარეშე აშენდა რამთენიოდ ქარხანები,

რომელნიც არ შარცხვენდნენ თვით ევროპის მხარესა და გამოიყენეს მათთვის მკუთხედის სოფლებშიც, სადაც მოაწყვეს თავიანთი მამულები მშენებლობის და ანგარიშიან წესზედ¹⁾).

ეს ვრცელი ციტატა ჩვენში სრულიად უცნობი გაზეთიდან იმით მოვიყვანეთ, რომ მკითხველს ნათელი წარმოდგენა შეემუშავებინა იმის შესახებ, თუ როგორ ხდებოდა ჯერ კიდევ ბატონყმური ურთიერთობის დროს კაპიტალისტური ელემენტების შეჭრა სოფლის ეკონომიკაში. ცხადია, რომ საერთოდ ვაჭრობის განვითარებამ ჩვენი სოფლის ცხოვრებაზე საგრძნობი გავლენა მოახდინა და ჩვენ ზოგიერთ შემთხვევაში სამეურნეო მოღვაწეობა კაპიტალიზმის გზისაკენ მიმართა.

მაგრამ განსაკუთრებული სიძლიერით კაპიტალისტური წარმოების ფორმები ქალაქებში შეიჭრა. კაპიტალიზმის ბუდე ქალაქია, და ცხადია, ამ კანონს ვერ აცდა ვერც ჩვენი ეკონომიკური ცხოვრება. როგორც ვხედავთ, კაპიტალისტური წარმოების ფორმები ამა თუ იმ სახით ჩვენში უკვე 50-იანი წლებიდან შემოიჭრა და ამას არ შეეძლო თვისი შესაფერისი გავლენა არ მოეხდინა ჩვენი სამეურნეო ცხოვრების განვითარებაზე. ავალაპარაკეთ ფაქტები: 1825 წლისათვის ორევეცკი სწერდა, რომ საქართველოში არ არის ფაბრიკები, გარდა ერთისა: ტფილისის აბრეშუმის საქსოვის²⁾ 1858 წლის ცნობით, ტფილისის გუბერნიაში ყოფილა 239 ფაბრიკა-ქარხანა, რომელთა წარმოება 512.321 მან. უდრიდა. ამ 239 ფაბრიკა-ქარხნიდან 71 მოთავსებული იყო თვით ქ. ტფილისში³⁾. 1869 წლისათვის ტფილისის გუბერნიაში იყო 367 ფაბრიკა-ქარხანა⁴⁾. ამ რიცხვებში არ შედის თვით ქ. ტფილისის ფაბრიკა-ქარხნები. 1876 წ. ქ. ტფილისში ყოფილა 1.160 სახელოვნო დაწესებულება, 1879 წ. კი—1.860, ე. ი. გაზრდილა 700-ით, ანუ 60%-ით. 1876 წ. ფაბრიკა-ქარხნების რიცხვი ქ. ტფილისში უდრიდა—141; 1879 წლისათვის—214, ე. ი. გაზრდილა 73-ით, ანუ 50% მეტით. 1876 წ. სავაჭრო დაწესებულებათა რიცხვი ქ. ტფილისში იყო 2.416, 1879 წ.—2.716, ე. ი. გაზრდილა 300, ან 12% მეტით. 1876 წ. საერთოდ სავაჭრო და

¹⁾ იხ. „გუთნის დედა“, № 1, 1863 წ. ი. ს. წერილი: „საეკონომიკო წლის აღწერა“...

²⁾ იხ. О. Евсѣй: Статистическое описание Закавказского края. გვ. 134, 1835 წ.

³⁾ Сборник материалов для описания Тифлисской губернии, под редакцией К. Л. Зиссермана. ტ. I, ნაწ. I, გვ. 72—74, 1870 წ.

⁴⁾ იქვე, გვ. 201—202.

სამრეწველო-სახელოსნო დაწესებულება იყო 3.717, 1879 წელს 4.790; ე. ი. გაიზარდა 1.083-ით, ანუ 30%-ით¹⁾. ასეთი სწრაფი ზრდა სამრეწველო-სავაჭრო დაწესებულებათა ქ. ტფილისში 1876—79 წლებში უმთავრესად გამოწვეული იყო რუსეთ-ოსმალეთის ომის ზეგავლენით; ხოლო თვისი შესაფერი როლი უნდა მიეკუთნოთ აგრეთვე რკინის გზის გაყვანასაც. სტატისტიკური ცნობის მიხედვით 1876 წ. ქ. ტფილისის მცხოვრებთა რიცხვი 104.024 უდრიდა. აქედან ჯარის ნაწილებში იყო 15.000-მდე. 89.000 მცხოვრებიც 1876 წ. გადაქარბებულად უნდა ჩაითვალოს. რიცხვი ახალი სოციალური კლასების — ვაჭარ-მრეწველთა და მუშა-ხელოსნებისა — ქ. ტფილისში იყო: სამრეწველო-სახელოსნო დაწესებულებებში მოთავსებული იყო 13.137 პირი, რაც შეადგენს ტფილისის საერთო მცხოვრებთა 12,44%-ს. ამ რიცხვიდან მუშა-მოსამსახურე იყო — 7.289; სავაჭრო დაწესებულებაში იყო 6.251 კაცი, ე. ი. 6,01%. აქედან დაქირავებული მუშა-მოსამსახურე — 2.944, სატრანსპორტო და სატრაქტირო დაწესებულებებში — 3.508, ე. ი. 3,37%; აქედან დაქირავებული მუშა-მოსამსახურე — 2.586²⁾. ამრიგად, 1876 წელს ქ. ტფილისის 22.896 მცხოვრებზე მეტი ჩაბმული იყო სავაჭრო-სამრეწველო დაწესებულებათა ქსელში. სტატისტიკური ცნობებით, 70-იან წლებში საგრძნობი გახდა კაპიტალისტური ურთიერთობის შემოჭრა ჩვენში. შემდეგი ათეული წლები უფრო საგულისხმოიერო ფერადებით გვიშლიან თვალწინ კაპიტალისტური ურთიერთობის განვითარებას საქართველოში.

1887 — 1894 წ.წ. მრეწველობისა და წარმოების საერთო განვითარების შესახებ საქართველოში ამხ. ფ. მახარაძეს თავის ერთ ნარკვევში³⁾ შემდეგი დაახლოვებითი ცნობები მოჰყავს:

გუბერნიები	ფაბრიკა-ქარხნების რიცხვი		წარმოების რაოდენობა მანეთობით		მუშების რიცხვი	
	1887 წ.	1894 წ.	1887 წ.	1894 წ.	1887 წ.	1894 წ.
ტფილისის ქუთაისის	1.543	1.500	4.944.737	4.500.000	6.107	12.500
	610	1.297	5.237.254	28.078.089	6.208	10.328
სულ	2.153	2.797	10.181.991	32.578.089	12.315	22.828

¹⁾ Сборник сведений о Кавказе, т. VI, гл. 231—236, 1880 წ.

²⁾ იქვე, გვ. 202—214.

³⁾ „ქეალი“ 1898 წლისა.

ამ ცხრილში არ შედის რკინის გზის სამრეწველო დაწესებულებები, ბანი და მათი მუშათა რიცხვი. მიუხედავად ამისა, იგი საგრძნობი ფერადებით გვიშლის კაპიტალისტური ეკონომიკის განვითარების ტენდენციას ჩვენში.

1900 წლისათვის მეტად საინტერესო ცნობები გვაქვს, მაგრამ მარტო ქალაქი ტფილისის სავაჭრო-სამრეწველო ცხოვრების შესახებ. ტფილისი, როგორც ამიერკავკასიისა და საქართველოს ცენტრი, მე-19 საუკუნის განმავლობაში მეტად მნიშვნელოვანი ეკონომიური განვითარებით ხასიათდება.

1900 წლისათვის ტფილისის ეკონომიური მდგომარეობა შემდეგ სურათს იძლევა: სახელოსნო დაწესებულება, რომელსაც ჰყავდა 1 — 2 მუშამდე, იყო 1973. სამრეწველო დაწესებულებათა რიცხვი, რომელნიც იხდიდნენ სარეწაო გადასახადს 7 — 8 ხარისხით და რომელთაც ჰყავდათ 2 — 8 მუშა, უდრიდა 439-ს. მათი თანხის წლიური ტრიალი უდრიდა 2.098.000 მანეთს. ახლად გაიხსნა 211 დაწესებულება. საერთოდ ამ დაწესებულებებში ითვლებოდა 2.480 მომუშავე. 1900 წელს სამრეწველო დაწესებულება, რომელსაც 9 მუშაზე მეტი ჰყავდა, იყო 73. მათი თანხის საერთო წლიური ტრიალი უდრიდა 3.458.000 მანეთს, მომუშავეთა რიცხვი — 6.336.

ამ საწარმოო დაწესებულებებიდან აღსანიშნავია ის ფაბრიკა-ქარხნები, რომელთაც 300 მუშაზე მეტი ჰყავდათ. ასეთი იყო 7. საერთო რიცხვით ამ შეიდ ფაბრიკა-ქარხანაში მუშაობდა 3.412 მუშა-მოსამსახურე. ხოლო 8 ტამბაში მუშაობდა 251 მუშა-მოსამსახურე. 1886 წელს ტფილისში იყო 8 თამბაქოს ფაბრიკა 619 მუშით.

როგორც გულიშმაბაროვი გადმოგვცემს, 1852 — 86 წლების განმავლობაში ტფილისის გუბერნიაში გახსნილა თამბაქოს მრავალი ფაბრიკა, მაგრამ მათი დიდი ნაწილი დაუხურავთ. ისე რომ 1886 წლისათვის დარჩენილა 7 ფაბრიკა ტფილისში და ერთი ახალციხეში. პირველი ფაბრიკა მოუწყვიათ 1852 წ., მეორე — 1858 წ., მესამე — 1873 წ., მეოთხე — 1873 წ., მეხუთე — 1873 წ., მეექვსე — 1878 წ., მეშვიდე — 1879 წ. და მერვე — 1886 წ. 1883 წლისათვის ტფილისის გუბერნიაში ყოფილა 12 თამბაქოს ფაბრიკა, 1884 წ. — 8, 1885 წ. — 6, 1886 წ. — ისევ 8 ფაბრიკა¹⁾. ეს ფაქტი იმისი მაჩვენებელია.

¹⁾ Ст. Гулишамбаров: „Обзор фабрик и заводов тифлисской губернии“. 83-26 — 27, 1888 წ.

ნებელია, რომ ჩვენში კაპიტალისტურმა კონკურენციამ საგრძნობლად გაიძვრა ფესვები. ამ კონკურენციის დროს სუსტი ფაბრიკა-ქარხნები ილუპებოდა, ხოლო ეკონომიურად ძლიერი მაგრდებოდა. იმავე გულიშამბაროვის გადმოცემით, 1886 წელს თამბაქოს ყველა 8 ფაბრიკის 619 მუშიდან მცირეწლოვანი ყოფილა 100, ხოლო მოზრდილი — 519 მამაკაცი და არც ერთი ქალი. ეროვნების მიხედვით: სომეხი ყოფილა 428 (69%), ქართველი — 164; დანარჩენი 27 — სხვადასხვა ეროვნებისა¹⁾.

1894 წელს ქალაქ ტფილისში იყო 5 თამბაქოს ფაბრიკა, სადაც მუშაობდა 825 მუშა. 1895 წელს მუშაობდა 1.079 მუშა, ხოლო 1898 წელს — 958. 1900 წლისათვის ამ ხუთი ფაბრიკის თანხის წლიური ტრიალი უდრიდა 1.328.000 მან., ამუშავებდენ 20 ძალის ორთქლის მანქანას და ჰყავდათ 2.017 მუშა-მოსამსახურე.

1900 წლისათვის კაპიტალისა და წარმოების კონცენტრაციამ ქალაქ ტფილისშიაც საგრძნობად იჩინა თავი: იქ, სადაც ვითარდება კაპიტალისტური ეკონომიკა, რომელსაც თან სდევს კონკურენცია, ლოლიკური აუცილებლობით ხდება კაპიტალისა და წარმოების კონცენტრაცია. 1900 წელს ტფილისში იყო 14 სააქციო საზოგადოება. მათი თანხის ტრიალი წლიურად უდრიდა 9.059.000 მან., ხოლო მუშა-მოსამსახურეთა რიცხვი — 1.906. მარტო ადელხანოვის ტყავეულობის ქარხანაში 946 მუშა მუშაობდა.

გულიშამბაროვის ცნობით, 1886 წელს მთელ ტფილისის გუბერნიაში იყო ტყავეულის 14 ქარხანა, სადაც მუშაობდა 646 მუშა. ამ ქარხნების ნაწარმოების ღირებულება 930.000 მანეთს უდრიდა. ადელხანოვს თავისი ტყავეულობის ქარხანა აუგია 1875 წელს. 1888 წლისათვის ამ ქარხანაში მუშაობდა 300 კაცი, აქედან 30 მცირეწლოვანი იყო. ქარხნის ნაწარმოების ღირებულება უდრიდა 700.000 მ.¹⁾ 1900 წლისათვის, როგორც დავინახეთ, ადელხანოვის ქარხანაში მუშაობდა 946 მუშა, ე. ი. დაახლოებით 12 წლის განმავლობაში მუშათა რიცხვი გაზდილა 696-ჯერ, რაც 332% შეადგენს.

აღნიშნული 14 სააქციო საზოგადოებიდან ხუთი იყო საბანკო და საკრედიტო დაწესებულება, რომელთა კაპიტალის წლიური ტრიალი 5,542,000 მანეთს უდრიდა.

¹⁾ სტ. Гулишамбаров: „Обзор фабрик и заводов тифлисской губернии“, გვ. 32—33.

1900 წელს ტფილისში იყო 2.232 საეაქრო დაწესებულება 45,317,000 მან. წლიური ტრიალით. ამავე წელს გაიხსნა 271 ახალი დაწესებულება. საეაქრო დაწესებულებებში ჩაბმული იყო დაახლოებით 7.341 მუშა-მოსამსახურე.

ჩვენ განგებ შევაჩერეთ მკითხველის ყურადღება ამ მშრალ ციფრებზე: ისინი ყოველის მხრით მრავალის მეტყველნი არიან, ეს მშრალი ციფრები ნათლად გვიშლიან თვალწინ როგორც ქალაქი ტფილისის ეკონომიურ მდგომარეობას, ისე მის სოციალურ ანატომიას. მართლაც, რკინის გზის სახელოსნოებისა და საწარმოო დაწესებულებათა გამოკლებით, ტფილისში იყო 5.263 საეაქრო-სამრეწველო და საკრედიტო-სახელოსნო დაწესებულება. მათი კაპიტალის საერთო წლიური ტრიალი 60,000,000 მანეთზე ბევრად მეტს უდრიდა. ამ საეაქრო-სამრეწველო დაწესებულებებში თავმოყრილი იყო დაახლოებით 21,000¹⁾ სხვადასხვა პროფესიის მუშა-მოსამსახურე, ე.ი. ტფილისის მცხოვრებთა ერთ მეშვიდედზე მეტი ჩაბმული იყო საეაქრო-სამრეწველო ურთიერთობაში, როგორც მუშა-მოსამსახურე, როგორც შრომის გამყიდველი ელიმენტი. ნუ დაევიწყებთ, რომ ამ რიცხვში არ შედიოდნენ რკინის გზის ტფილისის სახელოსნოების მუშა-მოსამსახურენი, ამასთან იგი არც სრულია.

ეს მშრალი ციფრები ცხადყოფენ, თუ საით მიემართებოდა ეკონომიურად საქართველო და როგორი სოციალური ფენებისაგან შესდგებოდა ჩვენი ერის საზოგადოებრივი შენობა მე-XIX საუკუნის მეორე ნახევარში.

ამიერკავკასიისა და კერძოდ საქართველოს ეკონომიური წარმატების დამახასიათებელ მომენტებს გვიჩვენებს ამ ქვეყნების აღმშენებლობის განვითარება და საეაქრო ურთიერთობის გაჩაღება უცხოეთისა და რუსეთის ბაზრებთან. ასე, მაგ. ბატონყმობის წინა ხანებში და მისი გადავარდნის შემდეგ ამიერკავკასიის საერთო საეაქრო ურთიერთობა შემდეგნაირად ეითარდებოდა:

წლები	უცხოეთთან	რუსეთთან (მხოლოდ შავი ზღვით)
1825	1.864.198 მან.	—
1850	4.747.207	—
1860	7.368.084	—

¹⁾ „Сборник статистических сведений по Закавказскому краю“. ტ. I. გვ. 236—292, 1902 წ.

განმავლობაში
მნიშვნელობა

1865	13.193.798 მან.	—
1870	15.388.718	—
1872	15.086.442	7.242.924
1874	14.070.132	11.894.652
1875	13.983.499	12.064.536
1876	14.490.909	14.795.118 ¹⁾
1893	55.835.000	—

ამ შშრალი ცნობებიდან მკითხველი დაინახავს, თუ რა სწრაფი ნაბიჯით მიეჭანებოდა წინ ამიერკავკასიის საერთო საგარეო ვაჭრობა. ბატონყმობის მოსპობის შემდეგ ამიერკავკასიის საგარეო ვაჭრობა ძლიერ გაფართოვდა, მაგრამ ამ პერიოდში ევროპასთან ვაჭრობას გაუსწრო რუსეთთან ურთიერთობამ. ჩვენ ხელთ არის მხოლოდ შავი ზღვის ნავსადგურებით შემოტანილი საქონელის ცნობები; მიუხედავად ამისა, ჩვენ ვხედავთ, რომ საეაქრო დამოკიდებულება რუსეთთან ბევრად წინ მიდიოდა, ვიდრე ევროპასთან. ასე, მაგ. 1877 წ. რუსეთიდან მარტო 6 თვის განმავლობაში შემოუტანიათ 11.139.234 მანეთის საქონელი, ხოლო ევროპიდან მთელი 1877 წლის განმავლობაში — 9.382.839 მ. 90-იან წლებში ევროპასთან ვაჭრობამ ბევრად გაუსწრო რუსეთთან ვაჭრობას: ამ შემთხვევაში გადამჭრელი როლი ითამაშა ისეთი ფაქტორების გამოსვლამ საერთაშორისო საეაქრო სარბიელზე, როგორიც არის ბაქოს ნავთი და ქიათურის მარგანეცი

საქართველოს და საერთოდ ამიერკავკასიის ეკონომიური წარმატებისათვის უდიდესი მნიშვნელობა ჰქონდა ბათუმის საქართველოსთან შემოერთებას 1877 — 78 წლებში. ბათუმისა და ფოთის ნავსადგურები საქართველოს ორი მნიშვნელოვანი ჰიშკარია, საიდანაც ის მეტად დიდ ეკონომიურ ურთიერთობას აწარმოებდა მსოფლიო ბაზრებთან. ეს ქალაქები სხვებთან ერთად დიდ როლს თამაშობდნენ ამიერკავკასიისა და კერძოდ საქართველოს საეაქრო ურთიერთობის განვითარებისა და აყვავების საქმეში. ეს შეგვიძლია ნათლად წარმოვიდგინოთ შემდეგი სტატისტიკური ცნობებიდანაც: ბათუმის ნავსადგურით 1883 წელს გატანილ და შემოტანილ იქნა 59.041.377 ფუთი საქონელი. აქედან გატანილი საქონელი 50.638.000

¹⁾ Кавказский календарь на 1879 г., гл. 337 — 345.

ფუტის უდრის. ამ რიცხვიდან 47.049.085 ფუტი ნავთი იყო, 3.586.915 ფუტი — სხვა საქონელი. შემოტანილ იქნა 8.058.000 ფუტი. 1895 წელს გატანილ და შემოტანილ იქნა სულ 79.445.964 ფუტი, აქედან გატანაზე მოდის 65.963.810 ფუტი. ამ რიცხვში 62.128.915 ფ. ნავთი იყო, ხოლო 3.834.895 ფუტი — სხვა საქონელი. შემოტანილ იქნა 6.421.225 ფუტი. 1900 წელს მთელი შემოტანა-გატანა უდრიდა 90.993.393. აქედან გატანა — 74.199.147 ფ. ამ რიცხვიდან 67,293.308 ფ. ნავთი იყო, ხოლო 6.902.839 ფუტი — სხვა საქონელი. შემოტანილ იქნა 23.208.868 ფუტი. 1902 წელს მთელი შემოტანა-გატანა უდრიდა 107.397.146 ფუტის ¹⁾. ასე გაიზარდა 19 — 20 წლის განმავლობაში სავაჭრო ურთიერთობა ბათუმის ნავსადგურის საშუალებით: დაახლოვებით 19 წლის განმავლობაში ბათუმის საქონლის გადაზიდვა-გადმოგზავნა 21-ჯერ გაიზარდა.

ავილთ ახლა ფოთის ნავსადგური. შემოტანა — გატანა ამ ნავსადგურით შემდეგ სურათს იძლევა:

წლები	შე მო ტ ა ნ ა	გ ა ტ ა ნ ა ს ა ე რ - თო დ	ს უ ლ
1889	5.712.000	8.527.000	14.239.000
1895	6.977.477	16.299.623	23.277.100
1900	14.945.417	30.970.520	45.915.937
1902	13.384.228	31.067.442	44.451.670 ²⁾

ბათუმთან შედარებით ფოთის ნავსადგურის მუშაობის ზრდა მკირეა, მაგრამ საერთოდ კი ერთობ საგრძნობი: 13 წლის განმავლობაში ის გაიზარდა დაახლოვებით სამჯერ მეტად. ზევით დავინახეთ ამიერკავკასიის საერთო ვაჭრობის განვითარება რუსეთთან და უცხოეთთან. აქ ზედმეტი არ იქნება ამ ცნობებს დავუმატოთ კერძოდ მარგანეცის ექსპორტის ცნობებიც.

¹⁾ წერეთელი: „Очерк торгово-промышленного развития гор. Батума“, კრებულში „Батум и его окрестности“, გვ. 373, 1906 წ.

²⁾ იქვე, გვ. 372.

მარგანეცის გატანა (ფუთობით):

წლები	უცხოეთში	რუსეთში	ს. უ. ლ.
1886	3.286.975	9.000	3.295.974
1890	8.129.480	271.000	8.400.480
1895	10.180.770	468.248	10.649.018
1900	26.335.531	2.362.826	28.698.357
1903	26.935.783	3.016.803	29.952.646 ¹⁾

საინტერესოა აქვე აღინიშნოს ბათუმის ნავსადგურში შემოსულ და გასულ გემთა რიცხვი 1900—1902 წლებში: 1900 წელს ბათომში შემოვიდა და გავიდა 9.587 ორთქლისა და იალქნიანი გემი; 1902 წელს—10.612 გემი²⁾. 1902 წელს მარტო უცხო სახელმწიფოთა (რუსეთის გარდა) გემი შემოსულა 1.834. ამ რიცხვში ევროპის სახელმწიფოებიდან დიდი უმეტესობა (208) ეკუთნოდა ინგლისს, შემდეგ — საფრანგეთს (95), მერე — გერმანიას (69)³⁾.

ეს მშრალი ციფრები ნათელ წარმოდგენას გვაძლევენ იმის შესახებ, ბატონყმური ულლის გადავარდნის შემდეგ როგორი ჩქარი ნაბიჯით წავიდა წინ საქართველოსა და ამიერკავკასიის ეკონომიური ცხოვრება და როგორ მაგრა შეიქრა იგი კაპიტალისტური ურთიერთობის საერთაშორისო ქსელში.

1899 წ. ნ. ლენინმა საუცხოვოდ დაახასიათა ამიერკავკასიისა და კერძოდ საქართველოს კაპიტალისტური განვითარების ტემპი. თავის ცნობილ შრომაში იგი სწერდა:

„რუსეთის მიერ კავკასიის ეკონომიური დაპყრობა მოხდა უფრო გვიან, ვიდრე პოლიტიკური დაპყრობა, ხოლო საესეებით ეკონომიური დაპყრობა დღესაც არ არის დამთავრებული. რეფორმის შემდგომ ეპოქაში ხდება, ერთის მხრით, ძლიერი კოლონიზაცია კავკასიისა, უარყოფითი დამუშავება მიწებისა კოლონიების მიერ, რომელთაც მოჰყავდათ ხორბალი, თამბაქო და სხვა ნაწარმოები გასაყიდად და რომელნიც იწვევდნენ სოფლის დაქირავებულ მუშებს რუსეთიდან; მეორეს მხრით, ხდება ნადავლურება

¹⁾ წერეთელი: „Очерк торгово-промышленного развития гор. Батума“. კრებულში „Батум и его окрестности“, გვ. 372.

²⁾ იქვე, გვ. 373.

³⁾ იქვე, გვ. 374.

ადგილობრივი დაძველებული შინამრეწველური სახელისწოდებისა, ნიკ მოსკოვიდან მოტანილი ფაბრიკატების კონკურენციაში ზედმეტად დაპყრობილობა ძველი საწარმოო იარაღი ტულისა და ბელგიის შემოტანილი საჭონლის კონკურენციის გავლენით, ილუპებოდა შინამრეწველური ჩამოსხმა რკინისა რუსეთიდან მოტანილი ფაბრიკატის კონკურენციით, აგრეთვე შინამრეწველური დამუშავება ლითონის, ოქროსი და ვერცხლის, თიხის, ქონის, სოლის, ტყავულის და სხვა. ყველა ეს პროდუქტი მზადდებოდა უფრო იაფად რუსეთის ფაბრიკებში, რომელნიც თავიანთ საქონელს კავკასიაში გაზავნიდნენ. მოსპო რკიდან ქიქების (ყანწების) კეთება ფეოდალური წყობილების დამხობით და ისტორიულ ნადიმთა მოსპობით საქართველოში; დაეცა „ბოხოხების“ წარმოება, რადგან აზიური კონსტიტუმი ევროპულმა ტანსაცმელმა შესცვალა; დაეცა გუდებისა და დოქების წარმოება ადგილობრივი ღვინისათვის, რომელიც პირველად გამოვიდა გასაყიდად (განვითარდა „ბოქების“ წარმოება) და რომელიც თავის მხრით თანდათან იპყრობდა რუსეთის ბაზარს. ამგვარად, რუსეთის კაპიტალიზმი ითრევდა კავკასიის საქონელს მსოფლიო ტრიალში, ანადგურებდა მისი (კავკასიის) ადგილობრივი თავისებურების ნაშთებს, ძველ პატრიარქალურ კარჩაკეტილობას და ამ სახით ჰქმნიდა თავისი ფაბრიკებისათვის ბაზარს. მხარე, რეფორმის დასაწყისში სუსტად დასახლებული ან დასახლებული მთიულებით, რომელნიც შორს იდგნენ მსოფლიო მეურნეობისაგან და თითქმის ისტორიიდანაც, გარდაიქცა ნავთის მრეწველთა, ღვინის, ხორბლეულის და თამბაქოს გამყიდველთა ქვეყნად. კავკასიის გაძლიერებული კოლონიზაციის პროცესთან ერთად და მის მიწათმოქმედ მცხოვრებთა გაძლიერებული ზრდის გვერდით ხდებოდა კავკასიის მცხოვრებთა სოფლიდან მრეწველობისაკენ გადახრის პროცესიც¹⁾.

ეს ცნობები გვეუბნებიან, რომ საქართველომ უკვე თავი შეჰყო ახალ ეკონომიურ მიმდინარეობაში, რომ ფეოდალური ურთიერთობის რღვევით ნიადაგი მომზადდა ახალი სამეურნეო ორგანიზაციისა და ახალი სოციალური კლასებისათვის. ბუნებრივია, რომ ეკონომიური ცხოვრების განვითარებამ სრულიად ახალი კლასები გამოიყვანა ჩვენი ცხოვრების საზოგადოებრივ ფონზე და წელში გამოწრეტილ ბრწყინვალე წოდებას კაპიტალისტის აზრდილი დაუყენა წინ, ხოლო სოფლის გლეხკაცობას ახალი მოძმე შესძინა: მისივე წრიდან გამოსული პროლეტარი, მუშა, როგორც რუსეთში, ისე ჩვენშიაც რეფორმიდან

¹⁾ В. Ленин. Собр. соч. т. III. „Развитие капитализма в России“, гл. 483—84.

შემდგომ პერიოდში. სხვა ნარკვევში ჩვენ უკვე გავიცანით¹⁾ ეს იდეოლოგიური მიმდინარეობა, რომელიც ცდილობდა თავად-აზნაურობისა და ბურჟუაზიის დაახლოვებას, მათი ინტერესების შეერთებას (ე. ი. ქართული ლიბერალიზმი).

საერთოდ, ახალ სოციალურ კლასებს ახალი იდეოლოგია უნდა გამოსჩენოდათ. იდეოლოგია ანარქულია სოციალ-ეკონომიური სინამდვილისა. გასული საუკუნის 60-იან წლებამდე ქართული აზროვნების სამეფოში თავად-აზნაურული იდეოლოგია და ინტელიგენცია ბატონობდა, რადგან ეკონომიური სინამდვილე და სოციალური ჯგუფების როლი საერთო ცხოვრების მიმდინარეობაში თავად-აზნაურული ინტერესებით ამოიწურებოდა: როგორიც იყო სოციალ-ეკონომიური სინამდვილე; ისეთივე შინაარსისა იყო იდეოლოგიური სამეფო. მაგრამ კაპიტალისტური ურთიერთობის შემოჭრამ, სოციალური ცხოვრების დიფერენციაციამ გამოიწვია აზროვნების დიფერენციაციაც, იდეოლოგიური სხვადასხვაობის წარმოშობაც. ინტელიგენციის მთლიანი ოჯახი დაირღვა, გაბატონებულ პატრიარქალურ აზროვნებას გამანადგურებელი მახვილი ჩასცა ჩვენი ცხოვრების ფონზე აღმოცენებულმა ახალმა აზროვნებამ: თავად-აზნაურული იდეოლოგიის თავისებური ელფერით შემოსილი ბურჟუაზიული იდეოლოგია და უპირისპირდა ქართული ლიბერალიზმის ფორმით, ხოლო სოფლისა და ქალაქის წვრილ მესაქუთრეს თავისი შესაფერი დამცველი გამოუჩინდა წვრილ-ბურჟუაზიული (ნაროდნიკული) აზროვნების სახით. საქართველოს პროლეტარიატმა კი თავისი იდეოლოგიური გამოხატულება პოვა მარქსიზმში, რომელიც გასული საუკუნის 90-იან წლებში აღმოცენდა ჩვენში. სამოციან წლებამდე ინტელიგენცია ერთ განუყრელ მთლიან პატრიარქალურ ოჯახს წარმოადგენდა: საუკუნეების განმავლობაში შემუშავებულ ტრადიციებსა და აზროვნებაზე აღზრდილი, იგი მთელი თავისი სიმძიმით იდგა თავად-აზნაურული წოდების ინტერესებზე და კარჩაკეტილ ცხოვრებას ატარებდა.

სამოციანი წლებიდან დაირღვა ინტელიგენციის მთლიანობა, მის ოჯახში განხეთქილებამ იჩინა თავი. ქართული აზროვნების მკვლევარნი (ხახანაშვილი, ჯორჯაძე, აბაშიძე, ჟორდანიძე) ამ განხეთქილებას თაობათა ბრძოლით ხსნიან. ფორმალურად, რასაკვირველია, აქ თავად-

¹⁾ იხ. ჩვენი: „ქართველი ინტელიგენციის პროფილი“.

ობათა ბრძოლა იყო იმდენად, რამდენადაც ახალი თაობა („თერგ-დალეულები“) ებრძოდა ძველ თაობას; მაგრამ არსებითი შინაარსი ამ ბრძოლისა იმ დიფერენციაში უნდა ვეძიოთ, რომელიც საქართველოს ეკონომიკის სინამდვილეში და სოციალურ ცხოვრებაში ხდებოდა და რომლის ანარეკლმა მოწინააღმდეგე ბანაკებად გაჰყო ინტელიგენციის ძველი პატრიარქალური ოჯახი.

მე-XIX საუკუნის პირველ ნახევარში მატერიალურად გაბატონებულ კლასს საქართველოში თავად-აზნაურობა წარმოადგენდა, ამიტომ მისი იდეოლოგია ამ მატერიალური ურთიერთობის ანარეკლი იყო. შემდეგ პერიოდში იწყება დეკადანსი, დაშლა ნატურალური მეურნეობისა, და საგრძნობ მატერიალურ ძალად ხდება ებრძოა მესაკუთრე, წვრილი ბურჟუაზია და მსხვილი საწარმოო ურთიერთობა.

ახლად აღმოცენებულმა მატერიალურმა ძალამ, საწარმოო ურთიერთობის შინაარსმა თავისი განსახიერება ჰპოვა ახალ იდეოლოგიაში, ახალ საზოგადოებრივ აზროვნებაში. ეკონომიური ცხოვრების სიღრმეში წარმოებულმა ბრძოლამ თავისი გამობატულება ჰპოვა იდეოლოგიის სფეროში წარმოებულ ბრძოლაშიც. ჩვენს მკვლევართ ეს არ სურთ დაინახონ, და ორ მსოფლიოს შორის სამოციან წლებში მომხდარი დიდი შეტაკება თაობათა ვიწრო ფარგლით სურთ შემოზღუდონ.

როგორც ქვევით დავინახავთ, ქართული სოციალიზმი, რომელიც 60-იან წლებში აღმოცენდა ჩვენში, თავისი შინაარსითა და არსებითი დანიშნულებით ბურჟუაზიული აზროვნებისა და მისწრაფების გამომხატველი ერთნაირი ფორმა იყო. ამას უკვე ნათლად დავინახავთ შემდეგ თავებში.

განყოფილება პირველი:

უბოპიურ-ბუჩუაზიული
სოციალიზმი ჩვენში.

თ ა ვ ი პ ი რ ვ ე ლ ი.

ბურჟუაზიულ-შტოკიური სოციალიზმის ხასიათი ევროპასა და ჩვენში

ამ ნარკვევის შესავლიდან მკითხველი უკვე დაინახავდა, თუ როგორ ნიადაგზე აღმოცენდა, ჩვენის გაგებით, ბურჟუაზიული ინტელიგენციის გადახრა 60 — 70-იან წლებში სოციალისტური სისტემებისაკენ და, საერთოდ, რა უნდა ვიგულისხმოთ ბურჟუაზიული სოციალიზმის სახით. საკითხის ნათელსაყოფად მოვიყვანთ იქ მარქსის და ენგელსის განმარტებას „კომუნისტური მანიფესტი“-დან¹⁾ ბურჟუაზიული სოციალიზმის შესახებ. იქ ჩვენ ვკითხულობთ:

„ბურჟუაზიის ერთი ნაწილი მოწადინებულია მოსპოს სოციალური უსამართლობა, რომ მით უფრო განატკიცოს ბურჟუაზიული საზოგადოების დღეგრძელობა... ამ ბურჟუაზიულმა სოციალიზმმა მთელი სისტემებიც კი შექმნა... სოციალისტურ ბურჟუებს სურთ თანამედროვე საზოგადოებრივი ურთიერთობა, მაგრამ არ სურთ მოსპონ ბრძოლა და საფრთხე, აუცილებლობით ამ ურთიერთობიდან რომ გამომდინარეობს. მათ სურთ თანამედროვე საზოგადოება რევოლუციონური და დამრღვეველი ელემენტების გამოკლებით. მათ უნდათ ბურჟუაზია უპროლეტარიატოდ. რაღა თქმა უნდა, ბურჟუაზია იმ ქვეყანას სოფლის საუკეთესო ქვეყანად, სადაც თვითონ ბატონობს. ამ აფერადებულ წარმოდგენას ბურჟუაზიული სოციალიზმი ცოტად თუ ბევრად ჩამოყალიბებული სისტემის ხასიათს აძლევს“.

„კომუნისტურ მანიფესტში“ მარქსი და ენგელსი ბურჟუაზიულ სოციალიზმს უწოდებენ გარკვეულ მიმდინარეობას¹⁾ და მისი სახით არ გულისხმობდნენ ევროპის დიდ უტოპისტებსა და მათ მოძღვრებას.

¹⁾ იხ. ამის შესახებ დ. რიაზანოვის კომენტარიები „კომ. მანიფესტისა“, გვ. 218 — 220, 40-იან წლებში ამ ფილანტროპ-სოციალისტების შესახებ კ. მარქსი სწერდა: „ამრიგად, ფილანტროპებს სურთ დასტოვონ კატეგორიები, რომელნიც გამოხატავენ ბურჟუაზიულ ურთიერთობას, და მოსპონ ის ანტაგონიზმი, რომელიც განუწყრელად თან სდევს ამ კატეგორიებს, რადგან მათ არსებას წარმოადგენს. ფილანტროპები ფიქრობენ, რომ ისინი სერიოზულად ებრძვიან ბურჟუაზიულ პრაქტიკას, მაშინ, როდესაც ისინი უფრო ბურჟუაზიულნი არიან, ვიდრე სხვა ვინმე“.

ჩვენს პირველ სოციალისტებს არ ახასიათებდათ ფილანტროპიული ილუზიები და მათს ნაწერებში დიდი ადგილი უჭირავს კაპიტალისტური წყობილების მკვეთრ კრიტიკას, ხოლო თავიანთი იდეოლოგიური საფუძვლებით ისინი ევროპის უტოპიურ და სხვა სოციალისტურ სისტემებს ენათესაებოდნენ. მაგრამ თავისი შინაარსით, არსებითი დანიშნულებით, თავისი ისტორიულ-სოციალოგიური საფუძვლებით, ევროპის უტოპიური სოციალიზმი, გადმონერგილი ჩვენს ნიადაგზე, ბურჟუაზიულად განწყობილი ინტელიგენციის რადიკალურ სულისკვეთებას, მისწრაფებას გამოხატავდა; ინტელიგენციამ, მიუხედავად თავისი რადიკალური და სოციალისტური მიდრეკილებისა, ვერ შეძლო ისტორიულადაც შემოფარგლული კონკრეტული საზღვრების გადალახვა და მისი სოციალური მრწამსიც ბოლოს და ბოლოს ბურჟუაზიული შინაარსით აივსო.

აქ კიდევ შევნიშნოთ შემდეგი: ბურჟუაზიული სოციალიზმი, აღმოცენებული ევროპის ბურჟუაზიული ურთიერთობის პირობებში, თავისი სოციალური შინაარსით კონსერვატიული იყო, რადგან იგი ხელს უწყობდა უკვე საკმაოდ განმტკიცებული ბურჟუაზიული ეკონომიკის დაცვას, მისი საფუძვლების შეურყეველობას ევროპაში. ამიტომ ევროპის ბურჟუაზიულ-სოციალისტური სისტემა არსებითად ჰკარგავდა რევოლუციონურ ხასიათს და მშვიდობიან ფილანტროპიულ იერს ატარებდა. ჩვენში, სადაც ძველი ეკონომიკა და ძველი სოციალური ურთიერთობანი ჯერ კიდევ გაბატონებულ მდგომარეობაში იყვნენ, სადაც ახალი ბურჟუაზიული ეკონომიკა და მის ნიადაგზე აღმოცენებული ახალი საზოგადოებრივი ურთიერთობანი მშობიარობის პროცესში იმყოფებოდნენ, ბურჟუაზიულ-უტოპიურ სოციალიზმს ასეთ პირობებში უაღრესად რევოლუციონური და უაღრესად პროგრესიული როლი ენიჭებოდა, რადგან იგი თეორიულადაც და პრაქტიკულადაც ხელს უწყობდა ახალი ურთიერთობის გამარჯვებას ძველ სამეურნეო ფორმაციებზე. ჩვენი ეკონომიური და საზოგადოებრივ-კულტურული მდგომარეობა 60-იან წლებში გარკვევით მიგვიითითებს, თუ როგორი როლი უნდა ეთამაშა ბურჟუაზიულ-ლიბერალურ სოციალიზმს, თეორიულად მაინც, ჩვენში, სანამ ნამდვილი სოციალისტური სისტემა ჩამოყალიბდებოდა საქართველოს ნიადაგზე.

მაგრამ გავიცნოთ იგი უფრო ახლოს.

თ ა ვ ი მ ე ო ო

60-იანი წლების ჩვენი ახალი თაობის ინტელიგენცია.

სხვა წერილში¹⁾ ჩვენ უკვე გვქონდა შემთხვევა აღგვენიშნა, თუ როგორ ეკონომიურ და სოციალურ საფუძვლებზე აღმოცენდა 60-იანი წლების ქართული ლიბერალიზმი. იქ აღვნიშნეთ, რომ ჩვენში ამ მიმდინარეობის წარმოშობას ხელი შეუწყო და პირდაპირ გაზოგოვდა იგი: ეკონომიურად — ნატურალური მეურნეობისა და თავდაზნაურობის ეკონომიკის დაცემამ, სავაჭრო-კაპიტალისტური ურთიერთობის შემოჭრამ ჩვენში; სოციალურად — თავდაზნაურული წოდების დიფერენციაციამ, ამავე წოდების ნაწილის სავაჭრო-კაპიტალისტური ეკონომიკისაკენ გადახრამ; იდეოლოგიურად ქართულმა ლიბერალიზმმა ნაყოფიერი საზრდო ჰპოვა 60-იანი წლების ევროპისა და განსაკუთრებით რუსეთის რევოლუციონურ, რადიკალურ და სოციალისტურ სისტემებში. ჩვენთვის ფსიხოლოგიურად სრულიად ადვილი ასახსნელია, თუ იმ ღრმა მნიშვნელოვან ისტორიულ გარდამავალ პერიოდში, როდესაც იმსხვრეოდა ბატონყმურ ნიადაგზე აღმოცენებული საზოგადოებრივი ურთიერთობანი და ნიადაგი ეყრებოდა კაპიტალისტურ საზოგადოებას, ჩვენი ახალთაობის ინტელიგენციამ როგორ შეითვისა სოციალისტური აზროვნების ელემენტები. რუსეთის და ევროპის პროგრესიული აზროვნების ნიადაგზე აღზრდილ ჩვენ ინტელიგენციას ბრძოლა უხდებოდა ორი მიმართულებით:

ა) მას სძულდა, ეჯავრებოდა და თეორიულ-პრინციპიალურად გაუმართლებლად მიაჩნდა ბატონყმურ პირობებში განმტკიცებული ეკონომიკა და მის საფუძველზე აღმოცენებული სოციალური ურთიერთობა;

ბ) ინტელიგენცია ებრძოდა არა მარტო ძველი წყობილების სოციალ-ეკონომიურ სტრუქტურას, არამედ მის იდეოლოგიასაც, რო-

¹⁾ ჩვენი წიგნაკი: „ქართველი ინტელიგენციის პროფილი მე-XIX საუკუნეში“.

მელიც თავად-აზნაურული სქოლასტიზმით და კონსერვატიზმით ხასიათდებოდა.

ილია ჭავჭავაძის გალაშქრება ანტონ კათალიკოზის „კატელორიების“ წინააღმდეგ იყო ბრძოლა ახალი პროგრესიული სოციალ-პოლიტიკური იდეალებისა საუკუნეებით განმტკიცებული დახვეწებული სქოლასტიკური აზროვნების წინააღმდეგ, ხოლო ამ ბრძოლის არსებით სოციალურ-პოლიტიკურ შინაარსს თუ გავსინჯავთ, დავინახავთ, რომ აქ იყო შეტაკება ახლად აღმოცენებული ბურჟუაზიულად განწყობილი სოციალური წრისა ძველი ურთიერთობის დამცველი სოციალური ფენების წინააღმდეგ. ამ ბრძოლის დროს ახალმა ინტელიგენციამ, შეიძლება მისდა უნებურად, ძველი წყობილების და აზროვნების წინააღმდეგ გამოიყენა ევროპისა და რუსეთის როგორც პროგრესიული დემოკრატიული იდეალები, ისე სოციალური აზროვნების ფორმულები.

სწორედ ამ გარემოებით აიხსნება ის მოვლენა, რომ 60-იანი და 70-იანი წლების ჩვენი ახალი თაობის აზროვნებაში თავმოყრილია როგორც დემოკრატიულ-რევოლუციონური და ლიბერალურ-პროგრესიული, ისე სოციალისტური სისტემების ფორმულები, ნაწილობრივ პროგრესიული თავად-აზნაურული აზროვნების ნაშთებიც: ილია ჭავჭავაძის ნაწერებში ჩვენ ვნახულობთ როგორც ბურჟუაზიულ-დემოკრატიულ მისწრაფებებს, ისე თავად-აზნაურული იდეოლოგიის ნაშთებს და სოციალისტური აზროვნების ელემენტებს (სახეში გვყავს ილია 60—70-იან წლებში). ნ. ნიკოლაძის და მოსე ქიქოძის სოციალ-პოლიტიკურ დოქტრინაში თავს იყრის როგორც სოციალისტური, ისე ბურჟუაზიული აზროვნება: ნიკოლაძისაში რუსეთის ნაროდნიკული სოციალიზმისაქენ გადახრით, ხოლო ქიქოძისაში — ევროპულ-ლიბერალური სოციალიზმის ზეგავლენით; ს. მესხი და გ. წერეთელი რადიკალურ — დემოკრატიულ აზროვნებას აერთებენ ნათლად ჩამოსხმულ ბურჟუაზიულ სისტემასთან; ანტონ ფურცელაძე ევროპის უტოპიურ სოციალისტურ სისტემას აერთებს რუსეთის ნაროდნიკულ სისტემასთან და მასთანავე არ ერიდება დაიცვას ჩვენში კაპიტალიზმის განვითარების საჭიროებაც; გრ. თარხან-მოურავი კაპიტალიზმის მკვეთრ კრიტიკას, სოციალისტური შრომის პრინციპის საზომით, ბურჟუაზიული ხასიათის ასოციაციების დაარსების მოწოდებით ამთავრებს.

ეს მოკლე დახასიათება ნათლად მოწმობს, რომ ჩვენში აზროვნების მკვეთრი, დამთავრებული დიფერენციაცია არ მომხდარა 1861 — 75 წლებში; მართალია, ახალი თაობის აზროვნება რადიკალურად გაემიჯნა ანტონ კათალიკოზის ფილოსოფიაზე განმტკიცებულ სქოლასტიურ იდეოლოგიას, მაგრამ თვით ახალი თაობის სისტემებსა და აზროვნებაში სრულიად სხვადასხვაგვარმა საწინააღმდეგო ელემენტებმა ნახეს „ნავსაყუდელი“. ეს აიხსნება ჩვენი ცხოვრების გარდამავალი, გამოურკვეველი ხასიათით, მისი სოციალ-ეკონომიური სტრუქტურის საწინააღმდეგო ელემენტების დაპირისპირებით.

ბურჟუაზიულმა აზროვნებამ ჩვენში აღნიშნულ ეპოქაში ორჯერ სცადა თავისი სამოღვაწეო პროგრამის წამოყენება; პირველად 1861-63 წლებში, როდესაც ილია ჭავჭავაძის ჯგუფი სამოღვაწეო ასპარეზზე გამოვიდა; მეორედ — როდესაც გაზეთი „დროება“ დაარსდა (1866 წ.) წერეთელ-მესხის მეთაურობით. პირველ პერიოდში სპარბოზს უმთავრესად კრიტიკა ბატონყმური ურთიერთობისა, ძველი სოციალური დამოკიდებულებისა და იდეოლოგიის. ამ პერიოდში იმდენად არა სჩანს პროგრამა იმ წყობილებისა, რომელიც უნდა აღმოცენებულიყო ბატონყმური ურთიერთობის ნანგრევზე, რამდენადაც პირველ რიგში წამოყენებულია ბრძოლის პროგრამა არსებული სოციალური და ეკონომიური სტრუქტურის წინააღმდეგ; ინტელიგენცია გართულია უფრო ბრძოლის პროცესებით, ვიდრე ახალი ცხოვრების მშენებლობით და მისი სახეებით. ამიტომ პირველი მომენტი (კრიტიკა) უფრო ნათლად სჩანს ინტელიგენციის სამოღვაწეო პროგრამაში, ვიდრე მეორე (შემოქმედება).

მეორე პერიოდში (განსაკუთრებით 1866-76 წლებში) ინტელიგენციის წინაშე გარკვევით წარმოსდგა მკვეთრი პრობლემა „საქართველოს მომავლის“ შესახებ. ძველი წყობილება იურიდიულად მოსპობილ იქნა: საზოგადოება ფაქტიურად ჩაბმული იყო ძველი ურთიერთობის რღვევის პროცესში. რა უნდა ავაშენოთ? როგორი საქართველო უნდა შევქმნათ? ეს პრობლემა მთელი თავის სიძლიერით წამოიჭრა პრაქტიკულად მოაზროვნე ინტელიგენციის წინაშე ბატონყმური ურთიერთობის გადავარდნის მეორე დღესვე. აი რას სწერდა 1870 წელს მოსე ქიქოძე „მნათობის“ ფურცლებზე:

„...ამას მოუღო ბოლო 1864, 65 და 66 წლებმა. ეხლა მოიწია ქართველების სოციალური (სახალხო, საზოგადო)

მდგომარეობის ახალი ეპოქა. ეხლა სუვერენალიზმის არის დამოკიდებული იმაზე, თუ როგორ წავეყვანთ საქმეს. ეხლა საქართველოს არა აქვს შეკრული გზა ისე, როგორც წინეთ პქონდა (ბატონყმობის გამო); შეიძლება საქართველოს ხალხმა გააუმჯობესოს თავისი ყოფა-ცხოვრება. ამას უნდა მხოლოდ მარჯვე გზის ამოჩვენება. რა გზა არის ეს? რა სახით შეიძლება, რომ ჩვენი ხალხი დროზე მოესწროს ეკონომიურ ევთილმდგომარეობას? (ქურსიგი ჩვენი ა. ს. ხ.)¹⁾

აი ის ძირითადი საკითხები, რომელიც პრაქტიკულად დადგა ინტელიგენციის წინაშე, რაკი საქართველომ თავი დააღწია ძველ ურთიერთობას. რეალურად საკითხმა შემდეგი ფორმა მიიღო: კაპიტალიზმის გზით უნდა წავიდეს საქართველო, თუ მან სხვა, ახალი გზა უნდა გამონახოს თავისი ეკონომიური წარმატებისათვის? ფეოდალიზმიდან კაპიტალისტური ურთიერთობისაკენ, თუ საჭიროა ახალი სამეურნეო ფორმებისა და საზოგადოებრივი წყობილების გამოქმნა კაპიტალისტური წყობილების უარყოფასთან ერთად? ეს პრობლემა ძირითადი, კარდინალური პრობლემა იყო მაშინდელი ჩვენი საზოგადოებრივი ცხოვრებისათვის და ინტელიგენციას, პატრიოტულად განწყობილს და ნო-იანი წლების რევოლუციონურ სოციალ-პოლიტიკურ იდეალებზე აღზრდილს, არ შეეძლო ამ პრობლემისათვის მთელი თავისი გულისყური არ მიეპყრო.

მართლაც, მაშინდელი დროისათვის სერიოზულად და დაუიქრებულად დაწერილს მთელ რიგ წერილებში სამწერლო ასპაზეზე ახლად გამოსული ინტელიგენცია (ნ. ნიკოლაძე, მ. ქიქოძე, გრ. თარხან-მოურავი და სხვ.) ამ პრობლემის ყოველმხრივ გაშუქებას სცდილობს. ნუ დავივიწყებთ, რომ ეს ინტელიგენცია გაელენთილი იყო რეალისტური და რაციონალისტური სოფლმხედველობით. რაციონალიზმი, შეგნება, გონიერება — გადამკრეფ როლს თამაშობდენ მათს საზოგადოებრივ აზროვნებაში. ამ ძიების პროცესში ინტელიგენციამ, რაციონალიზმთან ერთად, პოლიტიკური ეკონომიის პრინციპები და სუბიექტიური სოციოლოგიის დებულებანიც გამოიყენა. მათის წარმოდგენით, ინტელიგენციას შეუძლია თავის აზროვნებაში შეიმუშავოს ახალი სოციალურ-პოლიტიკური წყობილება, შეადაროს იგი რუსე-

¹⁾ იმ. მოსე ქიქოძის წერილები: „საქართველოს მომავალი“, ჟურ. „მნათობი“, № I, გვ. 55, 1870 წ.

თისა და ევროპის არსებულ წყობილებას და ამ საუკეთესო ინტელექტუალური წყობილებისაკენ გაუძღვეს საქართველოს, ე. ი. საქართველოს სოციალურ-პოლიტიკური წყობილება მოაწყოს მის მიერ შემუშავებული გეგმების მიხედვით. მ. ქიქოძე პირდაპირ სწერს: „ამას უნდა მხოლოდ მარჯვე გზის ამორჩევა“.¹⁾ აქ უკვე მოსჩანს რუსული სუბიექტიური სოციოლოგიის და ევროპის უტოპიური სოციალიზმის გავლენა ჩვენს ინტელიგენციაზე: ცხოვრება წინ მიდის არა თავისი შინაგანი კანონის ძალით, არა შინაგანი განვითარების ზეგავლენით, არამედ ინტელიგენციის კარნახით და მისი პროექტებით; ამ პროექტების შემუშავების დროს ინტელიგენცია იძულებული შეიქნა არსებითი ყურადღება მიექცია ევროპის კაპიტალისტური წყობილებისათვის და გამოერკვია, თუ რამდენად შეესაბამებოდა იგი საქართველოს ინტერესებს, რამდენად გააუმჯობესებდა და წასწევდა წინ კაპიტალისტური ურთიერთობა ქართველი ერის ეკონომიურ ცხოვრებას. აი ამ კითხვათა რკალში მოექცა ჩვენი ინტელიგენცია 60-იანი წლების განმავლობაში. ამ გარემოების გამო, უმთავრესად 60-იანი წლების დასასრულს და 70-იანის პირველ წლებში ქართული საზოგადოებრივი აზროვნება განაყოფიერებულ იქნა ორი მეტად მნიშვნელოვანი მომენტი:

ა) კაპიტალისტური ურთიერთობის კრიტიკით და

ბ) სოციალისტური დოქტრინების წამოყენებით.

თუ როგორ ასაბუთებდა ინტელიგენცია თავის შეხედულებას ამ საკითხზე, ამას ჩვენ ქვემოთ დავინახავთ. აქ კი უნდა აღინიშნოს, რომ ამ პრობლემების წამოყენება საქართველოში არ იყო მხოლოდ ინტელიგენციის ცნობისმოყვარეობის საქმე. საქართველოს ობიექტურმა მდგომარეობამ წამოაყენა ეს საკითხები და ინტელიგენციაც იძულებული შეიქნა მასზე პასუხი გაეცა.

ახლა დავუბრუნდეთ პირველი პერიოდის მოკლე დახასიათებას. ჩვენ აღვნიშნეთ, რომ ამ პერიოდში ინტელიგენციის ყურადღების მთავარი ცენტრი მიპყრობილი იყო არსებული ბატონყმური ურთიერთობისაკენ, რომ ინტელიგენცია მთელ თავის ძალას ამ ურთიერთობის საფუძვლების კრიტიკას ანდომებდა როგორ დებულებებს ეყრდნობოდა ამ კრიტიკის დროს მოწინავე ინტელიგენცია?

რასაკვირველია, ინტელიგენციის ერთ მთლიან შეხედულებაზე

¹⁾ მოსე ქიქოძის წერილი: „მნათობი“, № 1, 1870 წ.

ლაპარაკი ამ წლებში შეუძლებელია; აღსანიშნავია, რომ ინტელიგენციის ნაწილმა ფეოდალური წყობილების კრიტიკის დროს ისარგებლა პოლიტიკური ეკონომიის დებულებით და შრომის პრინციპის ილია ქავჭავაძის მიერ დაარსებულ „საქართველოს მოამბე“-ში ერთი მისი თანამშრომელი დავით ყიფიანი 1863 წელს სწერდა:

„საზოგადოებაში ერთი ნაწილი რომ სულ არა შრომობდეს და სხვისი შრომით ირჩენდეს თავსა და იმ შრომასაც რომ თავისუფლება არა ჰქონდეს, ე. ი. ურთიერთ ნებაყოფლობაზე დამოკიდებული რომ არ იყოს, საზოგადოებისათვის ცუდია თუ არა? ამ კითხვაზე შენ, მკითხველო, რასაკვირველია, შედგები. იქნება შეჰქრთე კიდევაც, პასუხს კი ვერას მომიგებ ჯერა. ვიცი, ეს მდგომარეობა ორივე ნაწილისათვის, მეტადრე მთელი საზოგადოებისათვის, სენია. აი რათა. ჯერა, მე რომ ეხლა თავისუფალი კაცი არ ვიყო, ფეხებში ბორკილი გაყრილი მქონდეს, ხეირიანი შრომა, ცხადია, არ შემეძლებოდა. ამას გარდა, სხვა ვინ შეიტყობს, მე ვითარ შრომის ნიჭი მაქვს? რასაკვირველია, არავინ, ჩემის გუნების და სურვილის მეტი. ჩემის ნებაყოფლობის წინააღმდეგობით ბატონმა კალოზე პურის გამანიავებელი რომ გამზადოს, რასაკვირველია, ნახევარ ხორბალს ბზეს გაეყოღებ. ჩემი ბატონიც რომ დარწმუნებული არ იყოს, რომ სხვისი შრომა აცხოვრებს, რასაკვირველია, უფრო იმხნეებდა და თავისუფალ შრომას გასწევდა. რა გამოვიდა აქედან? ჯერ ისა, რომ თავისუფალი შრომა უფრო ნაყოფიერია, მერე ისა, რომ მთელ საზოგადოებაში ყოველი კერძოობითი კაცი უნდა იყოს მშრომელი და მშრომელი თავისუფლათა და, მაშასადამე, ნაყოფიერათაც, და თუ საზოგადოებაში ყოველი მისი წევრი ნაყოფიერათა შრომობს, საზოგადოებაც კეთილ მდგომარეობაში შეევა!“.

როგორც მკითხველი ხედავს, აქ მეტად საინტერესო პრინციპია წამოყენებული. თავისუფალი შრომის პრინციპის წამოყენება მეტისმეტად ახალი და მეტისმეტად მნიშვნელოვანი მომენტი იყო ქართული საზოგადოებრივი აზროვნების ისტორიაში: ბატონყმობა თავისუფალი შრომის პრინციპის საზომით განიხილა ინტელიგენციის ახალმა წარმომადგენელმა და ამ საზომით აღმოაჩინა მასში მთელი რიგი უარყოფითი მოვლენებისა. ეს იყო შემოჭრა ბატონყმურ საქართვე-

¹⁾ დავით ყიფიანის წერილი: „საქართველოს მოამბე“, 1863 წ., № 4, გვ. 109.

ლოში ახალი პრინციპის, რომელმაც მოინდომა ღვთისმეტყველების და სქოლასტიური იდეოლოგიის განადგურება და აზროვნების აშენება პოზიტიური მეცნიერების, პოლიტიკური ეკონომიისა და საზოგადოებათმეცნიერების საფუძვლებზე.

შემდეგ წლებში დროება-კრებულ-მნათობის ფურცლებზე ინტელიგენციამ უხვად ისარგებლა ამ პრინციპით და მით გაამაგრა თავისი სოციალ-პოლიტიკური აზროვნება. აი რას სწერდა მოსე ქიქოძე „მნათობში“:

„რომელ ხალხშიდაც უკეთესი ნაწილი მშრომელი არის და მუქთა მკამელი კი ნაკლები, ის ხალხი უფრო კეთილდღეობაშია. რამდენათაცა რიცხვი უკანასკნელისა (მუქთა მკამელისა) მცირდება და პირველისა (მშრომლებისა) ვრცელდება, იმდენად უფრო მყარდება ხალხის კეთილდღეობა..... გლეხების მდგომარეობა ამ მუშებზე (ევროპის პროლეტარებზე) უარესი იყო. ისინი მუშაობდნენ სხვისთვის, იმათი შრომა იმათ სარგებლობას არ შეეხებოდა“¹).

მაგრამ შრომის თავისუფლების პრინციპთან ღრმად არის დაკავშირებული შრომის ექსპლოატაციის საკითხებიც და ამ საკითხსაც შესაფერ ყურადღებას აქცევდნენ როგორც დავ. ყრფიანი „საქართველოს მოამბე“-ში, ისე უკანასკნელი პერიოდის მწერლებიც²).

მაგრამ რა დამოკიდებულება აქვს შრომის პრინციპს სოციალისტურ აზროვნებასთან? მეცხრამეტე საუკუნის უტოპიური სოციალიზმის სისტემებში შრომის პრინციპებს უდიდესი მნიშვნელობა ჰქონდა მინიჭებული, ხოლო რუსეთის ნაროდნიკულ აზროვნებაში ამ პრინციპმა გაბატონებული მდგომარეობა მოიპოვა. მაგრამ შრომის პრინციპის აღიარება ჯერ კიდევ არ ნიშნავს სოციალისტური სისტემის მიღებას. შრომის პრინციპი გარკვევითა და ნათლად წამოაყენა მე-XIX საუკუნის დასაწყისშივე დავ. რიკარდომ პოლიტიკურ ეკონომიაში, მაგრამ თვით რიკარდო უდიდესი ბურჟუაზიული მ-აზროვნე და სოციალიზმის მოწინააღმდეგე იყო. შემდგომ რიკარდოს შრომის თეორიაზე ნათლად ჩამოყალიბდა როგორც სოციალისტურ-კომუნისტური სისტემები (ტომსონი), ისე ინდივიდუალის-

¹) მ. ქიქოძის წერილი „მნათობში“. № 1 გვ. 47—9, 1870 წ.

²) იხ. თარხან-მოურავის წერილი: „ჩვენი სიღარიბის მიზეზი“, „დროება“, № 6 და 8, 1870წ.

ტური შინაარსის მიმდინარეობანი¹⁾. აქედან ცხადია, რომ შრომის პრინციპსა და თეორიაზე შესაძლებელია აიგოს როგორც სოციალისტური სისტემა, ისე ბურჟუაზიულ-ინდივიდუალისტური დოქტრინა. თავისუფალი შრომის აღიარება წარმოების განსახოგადოებრივობასთან ერთად იძლევა უტოპიური სოციალიზმის სისტემას, ხოლო თავისუფალი შრომის შეთვისება წარმოების ინდივიდუალისტურ ფორმებთან — ბურჟუაზიულ და წვრილ-ბურჟუაზიულ მიმდინარეობათა დებულებებს.

დ. ყიფიანი „საქართველოს მოამბის“ ფურცლებზე იცავდა შრომის თავისუფლების პრინციპებს, მაგრამ წარმოების განსახოგადოებრივობა მას არ წამოუყენებია. ცხადია, რომ იგი და, საერთოდ, მთელი „საქართველოს მოამბის“ ჯგუფი უმთავრესად ბურჟუაზიული პრინციპის საზომით აკრიტიკებდა არსებულ სოციალურ ურთიერთობას: ამ ჯგუფის შრომის თავისუფლების პრინციპი აუცილებლად ბურჟუაზიული შინაარსისა იყო. ეს პრინციპი, ახლად შემოტანილი საქართველოში მოწინავე ინტელიგენციის მიერ, შემდეგ, რამდენიმე ხნის განმავლობაში მაინც, თითქმის გაბატონებულ პრინციპად გადაიქცა ჩვენში, და სწორედ მასში ჰპოვა თავისა გამოსასვლელი წერტილი როგორც ბურჟუაზიული ინტელიგენციის სოციალისტურმა გადაზრამ, ისე წვრილ-ბურჟუაზიული სოციალიზმის — ნაროდნიკული მიმდინარეობის — სოციალისტურმა სისტემამ.

აქვე უნდა აღინიშნოს, რომ ილია ჭავჭავაძის პირველი პერიოდის (1861-77 წ.) აზროვნებაში აუცილებლად სჩანს შრომის ელემენტები. ეპოქის ზეგავლენით, შრომის თეორიას და „შრომის სუფევას“ ილიამაც მიუძღვნა თავისი წვლილი: „შრომის სუფევის“ თავები „აჩრდილ ში“ ილიამ შეიტანა 1872 წ.²⁾ პირველ ხანებში ილია უმთავრეს ყურადღებას აქცევდა ბატონყმური ურთიერთობის კრიტიკას. მისი აზროვნება უმთავრესად მიჰყვოდა იყო არსებული წყობილების სოციალ-პოლიტიკური და იდეოლოგიური მხარეების გაკრიტიკებისაკენ. ილიას მხატვრული ნაწარმოებები უმთავრესად ბატონყმური ურთიერთობით შექმნილ უსამართლო პირობებს ეხებოდა. აქ ნახავთ ძველი ცხოვრების ყოველგვარ უსამართლობას და მის კრიტიკას; მაგრამ აქ ვერ ნახავთ იმის სურათებს, თუ საით უნდა მიემართოს

¹⁾ ვ. სეიატლოვსკი: „История Социализма“, გვ. 282-92, 1924 წ.

²⁾ ილია ჭავჭავაძე: თხზულებანი, ტ. 1, 1925 წ.

ან უკვე მიემართება თანამედროვე საქართველო. ეს დიდი პოტენციალი უმთავრესად შემდეგ წამოიჭრა ინტელიგენციის წინაშე.

ილია ჭავჭავაძის „აჩრდილ“-ში გამოთქმულმა აზრებმა „შრომის სუფევის“ შესახებ დიდი ხანია მიიპყრეს ჩვენი ლიტერატორების ყურადღება. ჯერ კიდევ 1907 წ. ი. ფანცხაევამ აღნიშნა სოციალისტური ხასიათის მოტივები ილიას პოეზიაში, ხოლო ამ ბოლო ხანებში ე. კოტეტიშვილი და კ. კაპანელიც იცავენ ამ აზრს. მართლაც, „აჩრდილ“-ში აუცილებლად არის სოციალისტური აზროვნების ელემენტები და არა მთლიანი სოციალისტური თეორია. ილიამ, მესამოციანი წლების რევოლუციონურ აზროვნებაზე აღზრდილმა, სრულიად ადვილად შეითვისა „შრომის პრინციპი“, ბურჟუაზიული და ფეოდალური ურთიერთობის კრიტიკა; მაგრამ მისი აზროვნება არასოდეს არ მისულა სოციალიზმის აღიარებამდე; კერძო საკუთრების უარყოფამდე და ქონების განსაზოგადოებამდე. ილიამ კაპიტალიზმის კრიტიკა და „შრომის სუფევის“ თეზისი შეითვისა, როგორც ინდივიდუალისტმა და რადიკალურად მოაზროვნე ბურჟუაზიულმა ინტელიგენტმა. აქ ჩვენ წინაშე სდგას ბურჟუაზიულად მოაზროვნე პიროვნება, რომელმაც მხოლოდ გარეგნულად შეითვისა „შრომის სუფევის“ პრინციპები, ხოლო არსებითად ამ პრინციპების ქვეშ გულისხმობდა სამართლიან შრომას, თავისუფლებას აგებულ ბურჟუაზიულ ურთიერთობას. აუცილებლად ენერგიულად და გაბედულად აქვს ილიას შრომის პრინციპი წამოყენებული „აჩრდილ“-ში. ეს ამტკიცებს იმას, რომ ილიამ ხარბად შეითვისა 60-იანი წლების რადიკალური ინტელიგენციის იდეოლოგია. მოგვყავს აქ „აჩრდილი“-დან რამდენიმე ტაეპი:

შრომისა ახსნა,—ეს არის ტვირთი
ძლევა მოსილის ამ საუკუნის,
კაცთა ღელვისა დიადი ძვირთი
მაგ ახსნისათვის მედგარადა იბრძვის
ველარ განუძლებს ქვეყანა ღველი
განახლებისა გრიგალის ქროლას,
ველარ განუძლებს ქვეყნის მცარცველი
ქეშმარიტებით აღძრულსა ბრძოლას,—
და დაიმსხვრევა იკო ბორკილი,
შემფერხებელი კაცთა ცხოვრების,

და ახალს ნერგზე ახლად შობილი
ესე ქვეყანა კვლავ აყვავდების.
შრომის სუფევა მოვა. მაშინა
ქეშმარიტების მის ძლიერებით
და განმტკიცდება სოფელსა შინა
კაცთმოყვარების სახიერებით.
ყველასთვის იქნეს იგი სუფევა
თანასწორადა ნიჭთა მფენელი;
მის მადლით წარწყმდეს ძარცვა და რბევა,
და ერთგან სძოვდეს ცხვარი და მგელი.
მაშინ უქმ სიტყვად არ იქნებიან
ძმობა, ერთობა, თავისუფლება,
ეკლის გვირგვინით აღარ იელიან
კაცთმოყვარება და სათნოება.
აღლო აიღო ქვეყანამ ძველმა,
რომ დღე-და-ღღე მის წყობა ირღვევა,
და ამ ზვიადმა საუკუნემა
უნდა შვას იგი შრომის სუფევა.
მაშინ, მაშვრალო, შენც განკაცდები,
წართმეულ ნიჭთა კვლავ მოიპოვებ,
სხვას ძირს არ დასწევ, თვით ამაღლდები,
არც ვის ემონვი და არც იმონებ¹⁾.

უდავოა, რომ „აჩრდილის“ ეს ტაეპები დიდი განძია ჩვენს
ლიტერატურაში: იგი გამოხატავს ავტორის დემოკრატიულ-რადიკალურ
სულისკვეთებას, მაგრამ არა სოციალისტურ მისწრაფებას. უკეთ:
ავტორი ითვისებს „შრომის პრინციპს“ ადამიანის ეკონომიური და
პირადი თავისუფლებისათვის, რაც სრულიად არ ეწინააღმდეგება
ბურჟუაზიულ აზროვნებას. რომ ილიას ასეთი ბურჟუაზიული პრინ-
ციპიალური შეხედულება ჰქონდა შეთვისებული სამოციანი და სა-
მოცდაათიანი წლების პირველ ნახევარში, ამას ნათლად ამოწმებს
მისი კამათი 1876 წ. ნიკოლაძესთან საბანკო საქმეების გამო. ილია
სწერდა ნ. ნიკოლაძის შესახებ: „ამისათვის ერთ სასაცილო ღონის-
ძიებას გვირჩევს, იმისთანა ღონისძიებას, რომ ადამიანის ეკონო-

¹⁾ ილია ჭავჭავაძის თხზულებანი, ტ. I.

მიუღსა და პირადს თავისუფლებას არღვევს და ვაქრობის, თავისუფალ კონკურენციას სპობს¹⁾. მეორე ადგილას ილია სწერს: „ნიკოლაძე გვიჩვენებს ადამიანის ქონებითი უფლება და ეკონომიური ალემბიცემზობის და ვაქრობის თავისუფლების პრინციპი ხელ-ფეხ შექრული იყოს და შევიწროებული“²⁾.

განა ცხადი არ არის აქედან, რომ ილია ქავქავაძე არ იდგას სოციალიზმის ნიადაგზე და მას უმთავრესად პირველ რიგში კერძო საკუთრების პრინციპი ჰქონდა წამოყენებული? ამას ამოწმებს ნიკოლაძის პასუხიც. იგი სწერს: „ილ. ქავქავაძე ეკუთვნის იმ მიმართულებას (ბურჟუაზიულს), რომელიც ამ ოცდაათი წლის წინეთ სუფევედა მეცნიერებაში. მე ყოველთვის, ყოველგან, ყველაფერში ვებრძოდი ამ მიმართულებას, იმიტომ, რომ ვეკუთვნი „საზოგადოებრივ“ (სოციალისტურ) მიმართულებას, რომელმაც მეცნიერებაში კაი ხანია სრულებით დაამარცხა ბურჟუაზიული მიმართულება“³⁾.

აქედან ნათელი უნდა იყოს, რომ ილიამ, იმ პერიოდში რადიკალურად და ბურჟუაზიულ-პროგრესიულად მოაზროვნემ, ადვილად შეითვისა შრომის პრინციპის ელემენტები, მაგრამ ამ პრინციპის გარეგან ფორმაში გამოხვეული ჰქონდა ბურჟუაზიული პროგრამა, ბურჟუაზიული მისწრაფება.

ჩვენ უკვე აღვნიშნეთ, რომ სამოციანი წლების მეორე და 70-იანი წლების პირველ ნახევარში ინტელიგენციის ყურადღება სხვა სახის სოციალ-ეკონომიური საკითხებისადმი იყო მიპყრობილი, ვიდრე სამოციანი წლების პირველ ნახევარში. ჩვენ ვიცით აგრეთვე ამ საკითხების შინაარსი და ხასიათი. ახლა საჭიროა თვით ინტელიგენციის პასუხის დაახლოებით გაცნობა იმ ეპოქაში აღძრულ საკითხებზე. მაგრამ, სანამ ამას შევეხებოდეთ, საჭიროა „სოციალისტურად“ განწყობილი ინტელიგენციის აზრის გაგებაც 1861 წელს ახლად გამოსული თაობის მოღვაწეობისა და პროგრამის შესახებ. ეს ერთგვარ გასაღებს მოგვცემს იმის გასაგებად, თუ როგორი საკითხებით იყო დაინტერესებული 1866 -- 75 წლებში ჩვენი ახალი თაობის ინტელიგენცია.

¹⁾ ი. ქავქავაძის წერილი: „ნ. ნიკოლაძე და მისი შეხედულება ბანკზე“, „დროება“, № 39, 1876.

²⁾ იქვე.

³⁾ ნ. ნიკოლაძის წერილი: „მრუდე გამოსარჩლება“, „დროება“, № 47, 1876 წ.

1873 წ. ნ. ნიკოლაძემ ჟურნ. „ქრებულ შიშ“¹ წერია: „აბაღაზრდობა“. ეს წერილი მრავალი მხრით არის საინტერესო, იგი მრავალი მხრით ხდის ფარდას ქართული საზოგადოებრივი აზროვნების ევოლუციას. ამ წერილში ავტორი ეხება როგორც ძველ თაობას, ისე 1861 წელს გამოსულ აბაღ თაობას და ისტორიულად ასურათებს მათ დადებით და უარყოფით მხარეებს. თავის მხრით აყენებს უახლოეს — „აბაღი აბაღაზრდობის“ — პროგრამასაც. აქ შევხვებით მისი წერილის მეორე ნაწილს. ავტორი შემდეგნაირად აფასებს 1861 წელს გამოსული თაობის საქმიანობას და მოღვაწეობას:

„აქ შესანიშნავი და დაფიქრების ღირსია ის გარემოება, რომ ამ (ძველი) თაობის ჩაქოლვის და დამხობის მიზეზი უფრო ცხოვრების და გარემოების ძალა იყო, ვინც აბაღთაობის მოქმედება და ბრძოლა.... თვითონ ეს (აბაღი) თაობა დამხადებული როდი იყო ძველ თაობასთან ბრძოლაში შესაბამელათ. იმას გაცნობილი არ ჰქონდა პრაქტიკული ცხოვრება, საზოგადოებრივი წესის კანონები და საჭიროებანი, იმან არ იცოდა, თუ რა და რა ცვლილებას თხოულობდა ხალხის ცხოვრება, რანაირ მოქმედებას და დისციპლინას თხოულობს ბრძოლის საჭიროება, ის ერიდებოდა ძველ თაობას, ან, მართალი ვთქვათ, ეშინოდა მისი.... მაშასადამე, ჩვენში 1861 წლის თაობას ისეთი წევრები სჭირდებოდა, რომელნიც დამხადებული და გაჩეული უნდა ყოფილიყვნ მამინდელი საზოგადო საქმეების მართვაში. საუბედუროთ, ეს თაობა ჩვენ ცხოვრებაში დაუმხადებელი შემოვიდა, იმან არც საზოგადოებრივი მეცნიერება იცოდა და არც თეორია, არც პრაქტიკული მდგომარეობა ჩვენი ხალხისა, არც ჩვენი საზოგადოების საჭიროება და სურვილი. მას მართო კეთილი გული და პატიოსანი სურვილი ჰქონდა და გონების იარაღად იმას მართო ორიოდ მეტ-ნაკლებად ნათელი აზრი მიუძღოდა: გლეხების განთავისუფლების სამართლიანობა, ბატონყმობის უვარგისობა, მამულის სამსახური... და თუ ამ ზეირედი იარაღით და ბარგით, ამ გამოურკვეველი, ნისლიანი აზრებით მამინდელმა თაობამ მაინც თავი გამოიჩინა და საზოგადოების თვალში უწინდელ თაობაზე უფრო მაღლა დადგა, ეს, ერთი მხრით, ძველი თაობის განუკურნელ სიძაბუნეს გვიმტკიცებს

და, მეორე მხრით, გვიჩვენებს, რა ადვილი იყო მაშინ ახალი მემართლებების გამარჯვება და ამალღება¹⁾. (კურსივი ჩვენია. ს. ხ.ჯ.)

ჩვენ შეგვიძლია ზოგიერთ რამეში არ დავეთანხმოთ ნ. ნიკოლაძეს 1861 წელს გამოსული ახალგაზრდობის მოღვაწეობის შეფასების საკითხში. მაგრამ აქ თავისთავად საინტერესოა არა ეს, არამედ თვით მიდგომა საკითხებისადმი ნ. ნიკოლაძის მხრით. ნიკოლაძე უწყუნებს ამ თაობას არა ბატონყმურ ურთიერთობასთან ბრძოლას და გლახთა განთავისუფლების მოთხოვნას, არამედ გარკვეული პროგრამის უქონლობას მომავალი საქართველოს ასაშენებლად. ნიკოლაძე ეუბნება 1861 წელს გამოსულ თაობას: თქვენი ბრძოლა ძველ საზოგადოებრივ წყობილებასთან მოსაწონი და ისტორიულად დიდი საქმე იყო, მაგრამ, აი, გადავიარდა ეს ძველი წყობილება და თქვენ კი ახლისათვის სრულიად მოუშაღებელი ხართ პრაქტიკულად: არც შესაფერი პროგრამა გაქვთ ახლის ასაშენებლად, არც იცით, თუ რადარა ცვლილებას თხოულობს ხალხის მდგომარეობაო. როგორც ჭეშვით აღვნიშნავთ, ნიკოლაძე სოციალისტური საზომით აკრიტიკებდა 1861 წლის თაობას. აქ უკვე ნათელია, ორ ახალ თაობას შორის რა ნიადაგზე სწარმოებდა უთანხმოება. შეიძლება გადაჭრით ითქვას, რომ, თუ ძველი სოციალური წყობილების წინააღმდეგ ბრძოლაში მეთაურობა უცილობდ ილია ქავჭავაძეს ეკუთნოდა, რომელმაც, დანიელ ჭონქაძის შემდეგ, გამანადგურებელი მახვილი ჩასცა ძველ საზოგადოებას და ამით ლიტერატურულ ოჯახში გზა გაუწმინდა მომდევნო მებრძოლ თაობას, ახალი ბურჟუაზიული საქართველოსათვის ბრძოლა და მისთვის შესაფერისად დამუშავებული პროგრამის წამოყენება წილად ხედა უმთავრესად დროება-კრებულ — მნათობის გარშემო შემოკრებილ ჯგუფს. ამ ჯგუფში ილიაც იღებდა მონაწილეობას, მაგრამ იგი აქ იყო არა ერთადერთი მეთაური, არამედ ერთ — ერთი მეთაური. ამასთან ეს ჯგუფი შეიარაღებული იყო ევროპული მეცნიერებით: პოლიტიკური ეკონომიის პრინციპებითა და საზოგადოებათმეცნიერების დებულებებით. რა ვუყოთ, რომ ამ ჯგუფების სამოღვაწეო პროგრამაში ერთმანეთში არეული იყო როგორც ბურჟუაზიული პრინციპები, ის უტოპიური და ნაროდნიკული სოციალიზმის ფორმულები და ლასალის საწარმოო ასოციაციების თეორია!

¹⁾ ნ. ნიკოლაძე: „ახალი ახალგაზრდობა“, ჟურ. „კრებული“, № 1, გვ. 284, 85, 90, 91, 1873 წ.

საბოლოო დასკვნით, ამ არეულ ფორმებში ინტელიგენციამ ბუნებრივი ზიული პროგრამა წამოაყენა, საქართველოს მოუწოდა ახალი, ევროპული შინაარსის ეკონომიური ურთიერთობისა და ძველ ფეოდალურ საზოგადოებასთან კავშირის გაწყვეტისაკენ. გ. წერეთელმა ერთ თავის წერილში „ქრებულის“ ფურცლებზე ნათლად გამოსთქვა ეს აზრი. ავტორი სწერდა:

„ბურთი ვისია?—არც ჩვენია, არც თქვენი, ორთა შუა არის. ამ სასტიკს და ღიდებულს ბრძოლაში მე, როგორც შორს გამჰყრეტს მეფელეტონეს, იმედი არ დამკარგვია. საქართველოს ერში ბევრია ისეთი საიმედო ნიშნები, რომ ის თავისას არ დაკარგავს, თუმცა, მკითხველო, მე და შენი გვარის (ე. ი. წოდების) კაცებს ღიდი ხანი არა აქვს. ჩვენი წინაპრების შთამომავლობამ თავისი სული დალია. მე ვამბობ იმ თავად-აზნაურობაზე, რომელიც ამ ეამად საქართველოში ღონე გამოლეულია. ათასი და ორიათასი წლის უსამართლობამ ეს გვარი დაღუპა საქართველოს ნიადაგზე. ამ წოდების ოდენი უზნეობა და ქვეყნის გამცემობა არც ერთს წოდებას არ მიუძღვის. ძველთაგანვე დაწყებული ჩვენი ქვეყანა სულ ამ ბოროტ წოდების უსამართლოებით იყო დაღუპული¹⁾. ერთის მხრით იყვნენ გამდგარნი თავად-აზნაურობანი და მეორე მხრით მეფე და მშრომელი საქართველოს ერი...

„...დროთა ვითარებამ ისინი (თავად-აზნაურობა) მშრომელი ხალხის კისრიდან გადმოასკუპა, დასვა ცარიელზე და უთხრა, აწ შენი ოფლითა და მკლავით იშრომეო; გაფუჭებული და ღონე გამოლეული ჩვენი თავად-აზნაურობა დარჩა კოვლად უნუგეშო მდგომარეობაში: შრომა იმას არ შეუძლია, სწავლა და მოხერხება არა აქვს. ამის გამო ის თანდათან ღარიბდება, საშუალება ხელიდან ეცლება და თანდათან ჰქრება იმისი სახელწოდებაც. ამ გარემოებაში მოგებული დარჩა ის უმთავრესი ნაწილი ხალხისა, რომელიც ძველთაგანვე გაქივრებაში და შრომაში იყო გაწაფული. ძველთაგანვე დაბალ წრეში ჩავარდნილი, გონიერი, სამართლიანი, მაგრამ უსამართლობით დაჩაგრული ჩვენი მუშა ხალხი, როგორც შეიქნა თავისუფალი, სულიც მალე მოიღგა. ამ ეამად მხოლოდ ის შრომობს, ის იგებს, მას გაუდის თავის ღონის და გონების

¹⁾ ეს აზრი შემდეგ (1900 წ.)¹⁾ნ. ქორდანიაშვიტმა გაიმეორა უკომენტარიოდ. იხ. მისი: „ქართული პრესა“.

ძალა; მომავალიც ამ ჯანით ღონიერს ხალხზე ტრიპ-ლებს დაიმდენი ბუნებითი კარგი თვისებაც აქვს, რომ მიუცილებლად ბურთი და მოედანი იმას დარჩება. მით უფრო სარწმუნოა ეს ამბავი, რომ ამ ქორთა ხალხის ნამდვილ შვილებათ და მოთავეთ სთვლის თავის თავს ის გონება გახსნილი მშრომელი ახალგაზრდობა, რომელსაც სულ პირველად ქვეყნის ბედნიერება და მთელი ერის კეთილდღეობა აქვს წინააყენებული. ამ სახით ჩვენი თავად-ახნაურობის დასუსტება, დაქვეითება და მუშა ხალხის სულის ჩადგმა, იმისი წინააღმდეგობა, — აი ერთი დიდათ სანუგეშო ნიშანთაგანი ამ დროებისა. მაშ გაუმარჯოს მშრომელს ერს და იმის მოთავე მშრომელს, განათლებულს ახალგაზრდობას! ჩვენი ქვეყნის ბედნიერება შემდეგში ამათს ერთმანეთთან დაკავშირებაზე და დამეგობრებაზეა დამოკიდებული“¹⁾ (კურსივი ჩვენი ა. ს. ხ.).

მაგრამ რაში გამოიხატებოდა „მუშა ხალხის სულის ჩადგმა და მისი წინ წაწევა?“ ეს, გ. წერეთლის აზრით, უმთავრესად გამოიხატებოდა სოფლიდან ლტოლვაში ქალაქისაკენ, სადაც სოფლიდან გასული გლეხი ეწევა ან დაქირავებულ შრომას, ან ვაჭრობას. „ისინი, — სწერს გ. წერეთელი, — დღიდან დღეზე მრავლდებიან ტფილისში და ტფილისის ბაზარზე ამრავლებენ საქართველოს მიწა-წყლის ნაწარმოებს და აღიდებენ საქართველოს ხალხის აღებ-მიცემობას“²⁾.

ამრიგად გ. წერეთლის დემოკრატიული პროგრამის ფორმებში გამოხვეულია წმინდა წყლის ბურჟუაზიული სამოღვაწეო პროგრამა. საერთოდ გ. წერეთელი და ს. მესხი შეიძლება ჩაითვალოს ამ ეპოქის ასე თუ ისე გამორკვეულ ბურჟუაზიულ-დემოკრატიულ მოაზროვნეებად.

ჩვენ უკვე აღვნიშნეთ, რომ 1850—70 წლებში უკვე დაიწყო საქართველოში ნელი შემოჭრა კაპიტალისტური ელემენტებისა. პროგრესიული ინტელიგენციის ნაწილი ნათლად ხედავდა ამ პროცესს და აფასებდა მის მნიშვნელობას ჩვენი საზოგადოების წარმატების საქ-

¹⁾ გ. წერეთელი: „ამ დროის მოძრაობა“, „კრებული“, № 3, გვ. 227 — 31 1873 წ.

²⁾ იქვე, გვ. 214 — 215.

მისათვის. ნაციონალური წარმოების გაჩაღება, ნაციონალური ფაბრიკებისა და ქარხნების მოწყობა, ეროვნული ალემ-მიცემობის გამტკიცება,—ერთი სიტყვით, ეროვნული ბურჟუაზიის შექმნა და ეროვნული კაპიტალის დაგროვება მორიგ ამოცანად გადაიქცა 60—70-იან წლებში, და არც ერთ მწერალს ისე გარკვევითა და ნათლად არ უგრძნია ეს აღნიშნულ ეპოქაში, როგორც ეს იგრძნო გ. წერეთელმა. მთელ რიგ წერილებში გ. წერეთელმა გარკვევით დაასაბუთა, თუ რა დიდი მნიშვნელობა აქვს ერის ცხოვრებაში ალემ-მიცემობისა და წარმოების განვითარებას. ამიტომ იგი ეროვნული ბურჟუაზიისა და ეროვნული კაპიტალიზმის იდეურ ხელმძღვანელად, ახალი ბურჟუაზიული კლასის იდეოლოგად შეიძლება ჩაითვალოს: ამ კლასის ინტერესების საზომით სჭვრეტდა იგი საზოგადოებრივ მოვლენებს და იმუშავებდა პროგრამას. სწორედ აქედან წარმოსდგა გ. წერეთლის სეპარატისტული პოლიტიკა ეროვნულ საკითხში: იგი მომხრე იყო საქართველოს რუსეთიდან გამოყოფისა და დამოუკიდებელი ამიერკავკასიის ფედერატიული რესპუბლიკის პროექტებს იმუშავებდა. ამრიგად გ. წერეთელი როგორც ეკონომიურ სფეროში, ისე ეროვნულ-პოლიტიკურ საკითხშიაც გარკვევით დადგა ბურჟუაზიის ინტერესების ნიადაგზე და ამ საზომით განიხილა იმ ეპოქაში წამოჭრილი პრობლემები.

მაგრამ ასეთი გარკვეულობა არ ემჩნევათ სხვა მწერლებს: მათი არსებითად ბურჟუაზიული პროგრამა დაფარულია სოციალისტური სამოსელით. ამით განსხვავდება გ. წერეთელი ქვემოთ დასახელებული მწერლებისაგან.

თ ა ვ ი მ ე ს ა მ ი.

გაზეთი „დროების“ სოციალისტური ტენდენციები.

1. მუშათა საკითხი და ჩვენი ინტელიგენცია.

ამ თავში ჩვენ შევეხებით უმთავრესად გაზ. „დროების“ სოციალისტურ ტენდენციებს. არ შეიძლება ითქვას, რომ ეს ორგანო ერთი გარკვეული მიმართულების გამომხატველი ყოფილიყოს. იქ თავს იყრიდნენ როგორც ბურჟუაზიულ-დემოკრატიულად მოაზროვნენი, ისე ევროპის უტოპიური სოციალიზმისა და რუსეთის ნაროდნიკული აზროვნების მიმდევრები. „დროების“ ნაროდნიკულ ტენდენციებს ჩვენ შევეხებით ქვემოთ, მეორე განყოფილებაში, აქ-კი მოვიყვანთ „დროების“ სოციალისტური მიდრეკილებების სხვა ცნობებს.

ამ ნარკვევის პირველ თავში უკვე აღვნიშნეთ, რომ ბატონყმობის მოსპობამ ჩვენში ხელი შეუწყო შრომის გამყიდველი ელემენტების—პროლეტარული მასების—გამრავლებას ქალაქებში. მუშათა საკითხი ინტელიგენციის წინაშე უკვე წამოიჭრა 60-იანი წლების განმავლობაში. გიორგი წერეთელმა ხაზგასმით აღნიშნა ის ღრმა პროცესი სოფლის მოსახლეობის გამოსვლისა და ქალაქის პროლეტარების წარმოშობისა, რომელიც გამოწვეული იყო სავაჭრო კაპიტალისტური ურთიერთობით და მისი წინმსვლელობით.¹⁾ ქართულ პრესას და მის სოციალისტურად განწყობილ ინტელიგენციას არ შეეძლო ამ საკითხებისათვის ყურადღება არ მიექცია. თუ ერთი ნაწილი ქართველი ინტელიგენციისა უმეტესად სოფლის პრობლემათა და გლეხის მეურნეობის გაუმჯობესებით იყო დაინტერესებული, მეორემ მუშათა საკითხსაც მიაქცია ყურადღება. ჟურნ. „დროება“ გარკვევით სწერდა 1868 წ.: „ჩვენში კეთდებიან რამოდენიმე ფულის მქონელები

¹⁾ იხ. 1872—73 წლების „კრებული“.

პირნი მრავალის შრომით და მოღვაწეობით. ახლა ეხედავთ, რომ ამ სიღარიბის გზაზედ ვდგევართ და რამოდენიმე დროის შემდეგ უკველად პროლეტარში ჩავცვივით“.

რამდენადაც ვიცით, ქართველი მუშის საკითხს პრესაში პირველად ნიკო ნიკოლაძე შეეხო 1865 წ. ჰერცენის „კოლოკოლ“-ის ფურცლებზე. აღნიშნულ წელს ახალგაზრდა ნიკოლაძემ „კოლოკოლ“-ში *Рио Нели*-ს ფსევდონიმით ორი მეტად საინტერესო წერილი მოათავსა; პირველი — „გლეხთა განთავისუფლება საქართველოში“¹⁾ და მეორე — „ივლისის დღეები ტფილისში“²⁾. ორივე ამ წერილში ნ. ნიკოლაძე ეხება ჩვენში წამოჭრილ სოციალურ პრობლემას: გლეხთა, მოქალაქეთა და მუშათა საკითხს და იმ საერთო განწყობილებას, რომელიც შექმნილი იყო მაშინდელს საქართველოში. ნიკოლაძის წერილები მრავალის მხრით არის საინტერესო: გარდა ფაქტიური მასალებისა საქართველოს მაშინდელი ეხოვრებიდან, ისინი საშუალებას გვაძლევენ ფართოდ ჩავიხედოთ ჩვენი მაშინდელი მოწინავე ინტელიგენციის გულში და დავინახოთ ის, თუ რას ფიქრობდა ამ ინტელიგენციის ნაწილი ახლად წამოჭრილი სოციალ-პოლიტიკური საკითხების შესახებ. პირველ წერილში სოციალური პრობლემის შესახებ ნიკოლაძე სწერდა:

„ჩვენ დაუშვებდით არასაპატიებელ შეცდომას, თუ საქართველოში გლეხთა მოძრაობის მიზეზად³⁾ ჩავთვლიდით მარტო რუსეთის მთავრობის უსამართლობას აზნაურობის სასარგებლოდ წოდებრივ უპირატესობათა დაკანონების გამო. ეკვი არ არის, ამ ზომამ ცეცხლზე ნავთი დაასხა, მაგრამ არა მარტო მასში მარხია უბედურებათა ძირი და არა მარტო მისი მოსპობისაკენ არის მიმართული გლეხთა ძალები; სიბოროტის ძირი არა მარტო ქართულია, არამედ საერთაშორისოც. საქართველოში ამ ჟამად დუღს იგივე ბრძო-

¹⁾ Рио Нели: „Освобождение крестьян в Грузии“, ჟურ. „Колокол“, № 198 და 199, 1865 წ.

²⁾ Рио Нели: „Июльские дни в Тифлисе“, ჟურნ. „Колокол“, № 204, გვ. 67 — 76, 1865 წ.

³⁾ ავტორის ცნობით, საქართველოში, განსაკუთრებით 1855 — 62 წლებში, გლეხთა მოძრაობამ ფართო ხასიათი მიიღო. იმდენად გამწვავებულა წოდებათა შორის ურთიერთობა, რომ თავად-აზნაურობას, მეზატონეებს, შეუდგენიათ თავიანთი დამცველი რაზმები, რომელნიც სასტიკად უმასპინძლდებოდნენ, თურმე, აჯანყებულ გლეხობას. ეს ფაქტი მეტად დამახასიათებელია ჩვენში წოდებათა ურთიერთობის გამოსარკვევად და შესასწავლად.

ლს, რომელმაც დაიმორჩილა რუსეთის, ევროპის შეიძლება თამამად ითქვას, მთელი მსოფლიოს ყოველი ძალა: ეს არის მშრომელთა ბრძოლა გვარისა და კაპიტალის პრივილეგიების წინააღმდეგ, ე. ი. მარტივად რომ ვთქვათ, სოციალური ბრძოლა მშრომელთა სიღარიბისა მუქთაღორათა სიმდიდრის წინააღმდეგ¹⁾.

„საქართველოში, ისე როგორც ევროპის ყველა სახელმწიფოში, შრომის ოფლში ჩაბმულ მშრომელთა მასების გვერდით, არსებობენ შრომისაგან განთავისუფლებულნიც, ისეთი ნაწილი. რომელიც გაჩნდა, ბრმა შემთხვევის წყალობით, შთამომავლობით წარჩინებულ ან მდიდარ მშობელთაგან. არსებობს არათანაბარი ან უსამართლო განაწილება საზოგადო და კერძო დოვლათისა და ამ გარემოებაზე დამოკიდებული ბედნიერება ისევე ძლიერია საქართველოში, როგორც სხვა სახელმწიფოებში“²⁾.

ასე გვიხსნის საქართველოში წარმოებული სოციალური ბრძოლის შინაარსს ჩვენი ავტორი თავის პირველ წერილში. ამ წერილს ჩვენ კიდევ დავუბრუნდებით ქვევით, სადაც ნიკოლაძის სოციალ-პოლიტიკური აზროვნების გაცნობას შევუდგებით. ახლა გავიცნოთ მეორე წერილის შინაარსი, რომელიც ეხება 1865 წელს ქ. ტფილისში მომხდარ არეულობას. ამ წერილში ჩვენი ავტორი ეხება ქართველ მოქალაქეთა მდგომარეობას და ვრცლად ჩერდება ტფილისის მუშათა ყოფა-ცხოვრების აღწერაზე. ამჟამად ჩვენც ეს მომენტი გვაინტერესებს. ნიკოლაძე სწერს:

„საქართველოს ქალაქების მოსახლეობა მცირერიცხოვანია. იგი თავმოყრილია ტფილისში და კიდევ ორ-სამ უმნიშვნელო ქალაქში, როგორიც არის ქუთაისი, გორი და სხვა. ყველა ამ ერთეულებში ისინი (მოქალაქენი) დღემდე მკაცრად იყოფიან ორ კლასად: მოქალაქეებად (мещане) და მუშებად (рабочие)³⁾ საქართველოში მუშას

¹⁾ უნდა ვთქვათ, რომ ჩვენი ახალგაზრდა ავტორი ერთობ მეტი ფერადებით გვისურათებს იმ ბრძოლას, რომელიც წარმოებდა საქართველოში შემამულეთა და ყმებს შორის. ნიკოლაძეს ქართველი ტეტია ყმის ბრძოლა ბატონყმური უფლისა და მემამულეთა პრივილეგიების წინააღმდეგ ევროპის პროლეტარიატის სოციალური ბრძოლის დონემდე აჭყავს და ამ ბრძოლაში ზედაეს თითქმის სოციალისტურ შინაარსსაც. ეს დამახასიათებელია თვით ნიკოლაძის სოციალ-პოლიტიკური აზროვნების გასაცნობად. მაშინ ნიკოლაძე ჩერნიშევსკის გავლენას განიცდიდა.

²⁾ იხ. Рпо Нелп, „Колокол“, გვ. 198, 1865 წ.

³⁾ ნიკოლაძე „მოქალაქეს“ და „მუშას“ ხმარობს ქართულად.

არა აქვს არავითარი მოქალაქობრივი უფლება, ის არც დროებით განთავისუფლებულია; ის, უბრალოდ რომ ვთქვათ, გაქცეულია (бер-паш). იმერეთის, გურიის, სამეგრელოსა და რაჭის გლეხები, ვერ უძლებენ რა მემამულეთა ძალა-უფლებას და „ვერ იტანენ რა ბატონის მათრახს“, მორბიან ტფილისში, ხოლო ქართლისა და კახეთის გლეხები (ტფილისის გუბერნია), პირიქით, თავს აფარებენ იმერეთს, გურიას და სხვა ადგილებს... ოჯახის და სამშობლოსაგან განშორება ანთავისუფლებს გლეხებს ბატონის ძალა-უფლებისაგან, მაგრამ სამაგიეროდ აყენებს მას ბურჟუაზიის და მოხეელების დამოკიდებულებაში, ლუკმაპურის მონობაში. მათი დიდი უმეტესობის მუშაობა გამოიხატება ქვების, სილისა და კირის ზიდვაში შენობისათვის, ტომბრებისა და სიმძიმისა — ვაჭრებისათვის, წყლისა და შეშის — მცხოვრებთათვის¹⁾, და ასეთი შრომისათვის იშვიათად ლეზულობენ ორ, სამ აბაზს (40, 60 კაპ. ვერცხლით)... ევროპის პროლეტარს ჰყავს თავისი ოჯახი; მართალია, იგი დიდი ტვირთია, მაგრამ მასთან იგი ხშირად ამსუბუქებს მის ცხოვრების სიმწუხარეს; ქართველ მუშასაც ჰყავს თავისი მეუღლე და ბავშვები, მაგრამ „მთებსა და მინდვრებს გადალმა“... გაქცევა და თავის გამოყიდვა პოლიტიკისაგან, შრომა თითქმის ყოველგვარი იმედის და ხვეწით, რომ გამოვიდეს ამგვარ საძაგელ მდგომარეობიდან; მას შესაძლებლობაც კი არა აქვს, რომ ლენინში ჩაიხჩევს, როგორც ეს სხვა ქვეყნებში ხდება, — ასეთია ბედი ქართველი პროლეტარიატისა... თვით რუსეთშიაც არ არის იმდენი სამხედრო პირი და ფელდფეხელი, რამდენიც საქართველოშია. ამიერკავკასია, როგორ თვით კავკასია, ჯერ კიდევ არ განთავისუფლებულა სამხედრო დესპოტიზმის ბრკყალებისაგან. იქ ყოველი პრაპორჩიკი, ყოველ შემთხვევაში, ედრება ქალაქის მმართველს, ხოლო ყოველი პორუჩიკი — ისპრანეიკს.

ასეთს არა სასურველს მდგომარეობაში, როდესაც თვით ხელისუფლება არ იძლევა გარანტიას, მუშას თავის დახსნაზე ფიქრი შეუძლია მხოლოდ „გამოსყიდვით“ თავებდ მზრუნველისაგან, მაგრამ ამისთვის საჭიროა ფული; ხოლო სამოქალაქო ცხოვრება საქართველოში და განსაკუთრებით ის, რასაც ვაჭრობა და მრეწველობა ეწოდება, ძალიან სუსტად არის განვითარებული, ამიტომ ნაშოვნნი ფული ძლივს ჰყოფნის მას ბატონისა და სხვა „უფლებისაგან“ გა-

¹⁾ შეადარეთ ილია ქავეკავაძის ლექსი: „მუშა“.

მოსყიდვისათვის, აგრეთვე სრულიად არა სახარბიელო ცხოვრებისათვის... საუკეთესო ხანა ქართველი ქალაქელი მუშისათვის არის შემოდგომა. საქონელი, მოჭანილი ნივთგოროდისა და როსტოვის ბაზრებიდან, აბრეშუმი, მატყლი, ნივთებისა და ბზის ხეები, დამზადებული უცხოელების მიერ საზღვარგარეთ გასაგზავნად, ბოლოს, ჩამოსვლა ქალაქებში თავად-აზნაურებისა, რომლებიც მაშინ ახერხებენ ყმებისაგან ღალისა და ფულის შეგროვებას, — ყოველივე ეს იწვევს ქალაქის ცხოვრების ამოძრავებას და თხოულობს მუშა-ხელს. ამ შემოდგომის დღეებში, ტალახსა და ტლაპოში, წვიმასა და ქარში, მუშები შოულობენ თავიანთ წლიურ სარჩოს, ხშირად „გამოსასყიდ“ ფულსაც, და, ბოლოს, ბრწყინვალე დღეების დასასრულში კიდევ მიეშურებიან სარდაფებში და ემალებიან პოლიციისა და ბატონის აგენტებს... ზაფხულში ქალაქის საზღვრების შენება სამუშაოს აძლევს მუშების ნაწილს, ხოლო გასამჯელო, რომელსაც ისინი გრძელს, მცხუნავე დღეებში შოულობენ, არ აღემატება საშუალოდ 25 კაპ. ვერცხლით.

ევროპის პროლეტარიატს, ყოველ შემთხვევაში, აქვს იმედი, რომ გამოვა თავის მდგომარეობიდან; ის იმედოვნობს, რომ დაიმსახურებს თავისი პატრონის ან თავისი ამხანაგების ნდობას, მოეწყოს როგორმე დამოუკიდებლად, მოაგროვოს კაპეიკები; მან იცის, რომ კანონმდებლობა თუ არ მფარველობს მის შრომას, არც ძლიერ ეწინააღმდეგება, და რომ მისი მფარველობის ქვეშ ცალკე ინდივიდებს შეუძლია გააუმჯობესონ თავიანთი მდგომარეობა ხელისუფლებასთან განსაკუთრებული შეტაკების გარეშეც. საქართველოში არაერთი ამის მსგავსი არ არის: კაპიტალით ჯიბეშიაც კი ძნელია ხალხში გასვლა; ამას ხელს უშლის არა მარტო ხელისუფლების თვითნებობა, არამედ თვით კანონმდებლობაც, რომელიც მფარველობას უწყევს მხოლოდ მცხოვრებთა უმნიშვნელო ნაწილს, დანარჩენებს კი ხელს და ფეხს უბორკავს¹⁾.

ქართული პროლეტარიატის წარმოშობისა და განვითარების შესწავლის საქმეს ნიკოლაძის ზემოთ დასახელებული წერილი დიდ დახმარებას გაუწევს. ნიკოლაძის მიერ აწერილი მუშა არ არის ნამდვილი პროლეტარი, კაპიტალისტური წარმოების ქვაბში გამოხარშული: იგი ნახევრად პროლეტარია, რომელსაც ჯერ არ უნახავს კა-

¹⁾ Рно Нели: „Юльские дни в Тифлисе“, ჟურნალ. „Колокол“, № 204, 1865 წ.

პიტაღორას წარმოდგენა, ნამდვილი კაპიტალისტური წყობილება. ის მეკუთრტანე მუშაა, სოფლის მეზატონის რევიმისაგან გამოქცეული, ერთგვარი წინაპორბედი ქართველი პროლეტარული კლასისა. კაპიტალისტური წარმოების განითარების წინა პერიოდში ჩვენს ქალაქებში უკვე გროვდებოდნენ ყოველგვარ საკუთრებას მოკლებული (გარდა თავისი მარჯვენისა) ელემენტები. ამ ელემენტებისაგან შემდგომ, როდესაც ჩვენში, ასე თუ ისე საგრძნობლად, ფაბრიკა-ქარხნები წარმოიშვა, შესდგა პირველი კადრი ქართველი პროლეტარული კლასისა. მაგრამ 1860 — 65 წლებში არც ნ. ნიკოლაძე და არც ილია ჭავჭავაძე არ იცნობენ ფაბრიკა-ქარხნების პროლეტარს: მათი მუშაკურტან-მოკიდებულება, მაგრამ მაინც ყოველდღიურად ლუკმაპურის მაძიებელი, კერძო საკუთრებას მოკლებული, შრომის გამყიდველი ელემენტი.

ასეთი იყო ქართველი მუშის მგომარეობა ჩვენი მწერლების გაშუქებით 60-იანი წლების პირველ ნახევარში. მაგრამ ვადის რამდენიმე წელიწადი, სურათი იცვლება და, ნაცვლად კურტიანი მუშებისა, ინტელიგენცია ჩვენი ცხოვრების წიაღში უკვე ხედავს საფაბრიკო პროლეტარიატს. ცხადია, ჩვენი ეკონომიური ცხოვრების სიღრმეში მეტად საგრძნობი ცვლილება მოხდა და მან ბოლოს და ბოლოს თავისი ნაყოფი გამოიღო. ეს ნაყოფი გამოიხატა ახალი სოციალური კლასის — პროლეტარიატის — ჩამოყალიბებაში. მართლაც, მე-XIX საუკუნის მეორე ნახევრის პირველი ორი ათეული წლის განმავლობაში ეს კლასი არ წარმოადგენდა საგრძნობ ძალას, მაგრამ ახალი თაობის ინტელიგენციისთვის იგი მაინც ხელშესახები ხდება.

იმის საილიუსტრაციოდ, თუ რამდენად დაინტერესებული იყო ინტელიგენციის ნაწილი საქართველოში ახლად წამოჭრილი მუშათა საკითხით, მოვიყვანთ შემდეგ ფაქტებს. 60-იანი წლების მიწურულში ტფილისში გაიხსნა მირზოევის მიტკლის საქსოვი ქარხანა. ამის შესახებ მოწინავე წერილში „დროება“ სწერდა:

„ყველა ამბებს, გარდა მირზოევის ფაბრიკისა, კიდევ ის მნიშვნელობა აქვს, რომ რამოდენსამე ასს კაცს საქმეს გაუჩენს და თან ხელობასაც ასწავლის. ფაბრიკას, გარდა ამისა, თვითონ მუშების გონების გახსნაზედაც დიდი გავლენა ექნება: ვინ არ იცის, რომ ევროპაში ფაბრიკის და ქარხნის მუშები ყოველთვის უფრო დაწინაურებულნი არიან ჰკუა-გონების გახსნითა, ვიდრე სოფლის ხალხი?

„ჩვენ გვსურდა შეგვეტყო, როგორ მიდის ამ ფაბრიკაში მუშაობა, ვინ ან რამდენი არიან მუშები, როგორ ქსოვენ მიტკალს, ერთი სიტყვით, დაგვეხედა მირზოევის ფაბრიკა“¹⁾).

ფაბრიკის გამგემ პრესის წარმომადგენელთა ფაბრიკის დათვალიერების ნება არ მისცა. მათ მაინც შეუტყვეიათ, რომ მირზოევის ამ ფაბრიკაზე ერთი მილიონი მანეთი დაუხარჯავს და რომ იგი დღე-ღამეში 450 კაცსა და ქალს ამუშავებს. ეს ფაქტი ნათლად ამტკიცებს, თუ რამდენად დაინტერესებული იყო ჩვენი ინტელიგენცია 60-იანი წლების მეორე ნახევარში წამოჭრილი მუშათა საკითხებით.

„დროებას“ შემდეგი წლის (1872) ნომერში მოთავსებულია ერთი წერილი, რომლის დიდი ნაწილი ტფილისის მუშათა კლასის მდგომარეობას ეხება. ეს წერილი ნათელ წარმოდგენას იძლევა 60-იანი წლების ჩვენი მუშათა კლასის მდგომარეობის შესახებ და აზი-ტომ მოგვყავს ვრცლად. წერილის ავტორი სტ. გულიშაშაროვი სწერს:

„ყველაზე უფრო შესანიშნავი ამ შემთხვევაში უფ. მირზოევის მიტკლის საქსოვი ფაბრიკა არის; ამ ფაბრიკაში, როგორც ამბობენ, ხუთასს მუშამდე არის თურმე²⁾, უმეტესი ნაწილი აქაური ანაღა-

¹⁾ „დროება“, № 48, 1871 წ. მოწინავე წერილი: „მირზოევის მიტკლის საქსოვი ფაბრიკა ტფილისში“.

ეს წერილი ხელმოწერულია. ნ. ნიკოლაძის „არქივში“ აღმოჩენილი მასალიდან ირკვევა, რომ იგი ეკუთვნის ნიკოლაძის კალამს. ფაბრიკა-ქარხნების მნიშვნელობის შესახებ რუსეთის ნაროდნიკები ამგვარი უნით არ ლაპარაკობდნენ. აღნიშნული წერილი ამტკიცებს იმ ჩვენს დებულებას, რომ ნიკოლაძე 70-იან წლებში აღარ იყო ტიპიური ნაროდნიკი, რომ იგი ცდილობდა ევროპის სოციალისტური სისტემის შეფუძნებას ნაროდნიკულ სისტემასთან. ამაზე ჰქვეით.

²⁾ ამ ცნობებს არ ეთანხმება პ. უ. (პ. უმიკაშვილის) მიერ გამოქვეყნებული ცნობები. იგი სწერს: „ამ ქაზად ფაბრიკაში რვაას სულამდის მეტი მუშაობს. მუშაობის პირველ ქაზში ოთხასი სული იყო; ამ ორის თვის წინათ ყოფილა ხუთასამდე. მუშა ხალხი არ არის უმადური უფელ მირზოევისა, მუშები უფლს იღებენო, რამდენსაც იმუშავებენ, რამდენ თოფს ან რამდენ გირანქა ქსელსაც გამოჰყავნენ ერთს კვირაში; და თითო სული იღებს ორ მანეთიდან თუმნამდე. ეს ამგვარი ფასის გადაჭრა თვის ჯამაგირს, რასაკვირველია, ჯობია და ფაბრიკაშიაც გამოუტდიათ ეს დროს: ამ ერთი თვისა თუ თვე ნახევრის წინათ ჯამაგირი დაწინაშავს უფ. მირზოევსა და მუშებს ისე აღარ უმუშავებიათ, იმდენი ქსელი აღარ გამოუყვანიათ, როგორც თითო საჭმის ფასის დროსა. ამის გამო ჯამაგირი მოუშლიათ და ისევ ფასად ძლევა დაუწყიათ. მუშაობა იწყება დილის შვიდ საათიდან საღამოს რვა საათამდე. საათი თუ საათ ნახევარი სადილისათვის არის დანიშნული...“

ზრდა ბიჭებია, რომელნიც ძლიერ მალე გაწაფებულან თურმე და მალეც შეუსწავლიათ ყოველგვარი ფაბრიკის ხელობა. საზოგადოთ ძლიერ ძნელი შესატყობია ფაბრიკის პატრონებისაგან როგორ მდგომარეობაში არის იმათი ფაბრიკა, რამდენი შემოსავალ-გასავალი აქვს, როგორ მდგომარეობაში არიან იმის მუშები და სხვა. ამ მოკლე ხანში მე უფ. თამაშოვის სტეარინის სანთლის ფაბრიკაზე ყოფნა შემემთხვა, რომელიც ადრე უფ. დეზოლმს ეკუთვნოდა, ოცდა ათი-დამ ოცდა ხუთმეტ კაცამდინ მუშაობს ყოველ დღე, მდგომარეობა შესანატრებელი არ უნდა იყოს. მაგალითად, სტეარინის სანთლის ფაბრიკაზე საუკეთესო დახელოვნებულ მუშას თვეში 25 — 28 მანეთზე მეტი არ ეძლევა. უფ. მირზოევის ფაბრიკაზედაც საუკეთესო მუშას კვირაში 7-8 მანეთზე მეტს არ აძლევენ. ქალთა შრომა ამ ფაბრიკაზე, როგორც საზოგადოთ ყველგან, ძლიერ იათათ ფასობს: უფ. თამაშოვის ფაბრიკაზე, მაგალითად, ქალები, რომელნიც მთელ დღეს ცხელ ნაცარ-ტუტაში ურევენ ხელსა და სანთელს სწმენდენ, ეს ქალები დღეში თითო აბახს იღებენ ქირას. გამოიანგარიშეთ, რამდენს დახარჯავს ადამიანი დღეში პურის საკმელად; გამორიცხეთ რამდენი უქმე დღეა თვეში, და თქვენ გაიგებთ რამდენს იღებს საწყალი მუშა-

ბოლოს ესეც უნდა ვსთქვათ, რომ, თუმცა დიდხანს არ გაუვლია, მაგრამ ჩვენებური ქალაქის ბიჭები ძალიან მარდობას და გამჭირაზობას იჩენენ და საკმაოდ გაოსტატებულან, ასე რომ ამ ჟამათ ფაბრიკაში ხუთიოდე ინგლისელის (მუშის) მეტი აღარ არის თურმე. მართალია, ამ პირველ თვეებში მუშებში ორი კაცი დამაზინჯებულა და ერთიც მამკედარა, მაგრამ ამას იმათ გაუფრთხილებლობას აბრალებენ.... („დროება“ № 3, 1872 წ. პ. უ-ის წერილი „რამოდენიმე სიტყვა მირზოევის ფაბრიკაზე“).

3. უმცაშვილის ეს ლოიალური დამოკიდებულება ფაბრიკისა და ფაბრიკანტასადმი ადვილი ასახსნელია, თუ შევხედულობაში მივიღებთ ავტორის სოციალ-პოლიტიკურ მსოფლმხედველობას: იგი ფაბრიკა - ქარხნების გამრავლებასა და კაპიტალისტური წყობილების გამტკიცებაში დიდ ბედნიერებას ხედავს და ამიტომ მას უმთავრესად აინტერესებს არა მუშის ბედი, არამედ ფაბრიკის მომავალი და წარმატება. როგორც მისი მეორე წერილიდან ირკვევა, მუშები არც ისე კმაყოფილნი ყოფილან ფაბრიკაში შექმნილი მდგომარეობით და გაფიცვისათვისაც მიუმართავთ.

ამ უკმაყოფილებას გაზ. „დროების“ მეორე თანამშრომელიც იმეორებდა 1872 წ. იგი შემდეგნაირად ასახულებდა თავის მოსაზრებებს:

„აგერ რამდენი ხანია, მირზოევის ფაბრიკა გაიმართა და აქამდინ დაწერილებითი ამბავი ამ ფაბრიკისა არა ვიცით რა. ნახვით, ღმერთმა იცის, მუშებს გარდა უნახავს ვისმე თუ არა? ფაბრიკაში ადამიანს არ უშვებენ, რომ ან ავი გა-

ქალი და როგორ მდგომარეობაში უნდა იყვნენ ისინი. კაცებს უფრო გულს მოდგინეთ და უფრო ბევრსაც მუშაობენ, მაგრამ შრომის ფასი კი მაინც იმათზე ნაკლები ეძლევათ. ფაბრიკის პატრონს, რასაკვირველია, უხარია, რომ ასე იაფად ჰპოულობს მუშა ხელს და ამის გამო უფრო პატარა ბიჭებსა და ქალებს ჭირაობს. ფაბრიკის პატრონმა კარგათ იცის, რომ ქალს თითქმის ყოველი გზა საცხოვრებელ საშუალებების მოპოვებისა მოსპობილი აქვს და ძალა უნებურათ უფრო ნაკლებ ფასად უნდა იმუშაოს, ვიდრე კაცმა. ის სარგებლობს ქალის ამ გვარი მდგომარეობითა და მხოლოდ იმდენს აძლევს, რამდენიც ლუკმა პური სათვისაც ძლივს ჰყოფნის. ამის გამო აგრეთვე მუშა-კაცის ჭირაც თან და თან ჰკლებულობს. ერთის სიტყვით, ამ ჩვენ ახალს ფაბრიკაზე სწორეთ იმნაირათ მიდის მუშა ხალხის საქმე, როგორც იმ ქვეყნებში (მაგ. ინგლისში, საფრანგეთში და სხვ.), სადაც სხვადა სხვა წარმოება ძლიერ გავრცელებულია. განსხვავება ის არის, რომ ამ გარემოებას ჯერ ჩვენში იმდენი ვნება არ მოაქვს, რამდენიც ზემოხსენებულ ქვეყნებში, რადგან ჩვენში ერთის მხრით ფაბრიკები და ქარხნები ნაკლებად არის, და მეორეს მხრითაც იმდენი უმიწა-წყლო ხალხი არ მოიპოება.

რაც შეეხება მუშაობის დროს, ჩვენი ფაბრიკის პატრონები, როგორც უნდათ ისე იქცევიან. უფ. თამამ-შოვის ფაბრიკის მუშებმა მითხრეს, რომ ჩვენ დილის ექვს, ხუთსა და ხან ოთხ საათზე მივდივართ და საღამოს შვიდ-რვა საათამდინ ვმუშაობთო. ესთქვით, ერთი საათი ან საათ ნახევარი სადილობის დროთ და მოსასვენებლად ჩავადგოთ, მაინც გამოდის, რომ დღეში თორ-

გოს კაცმა და ან კარგი, როგორ მუშაობს მანქანები ან თვით მუშები, როგორი საქონელი გამოდის, რა გამჭრაობა ეტყობათ მუშებს, ან საზოგადოთ მთელ ფაბრიკას... აქვს რაღე შესანიშნავი, მოსაწონი ან დასაწუნი. ეს დიდათ სამწუხაროა და დიდი ნაკლულევანებაა, ვინ იცის უფალ მირზოვეისათვის მაყურებლებს რამდენი კარგი რჩევა და კარგი აზრები მიეცათ... ჩვენის მხარისათვის ძვირფასი რამ არის ფაბრიკის გამართვა და სამწუხარო იქნება, რომ ამ საქმეს დაბრკოლება რაღე მიეცეს და არც პატრონს არგოს, არც მუშა ხალხს და არც მრთელის მხარის აღებ-მიცემასა“ (იბ. პ. უს, ალბათ, პეტრე უმიკაშვილის, წერილი, „დროება“ № 3. 1872 წ.).

მეტ საათზე მეტს მუშაობენ. და ამისათვის ქალებს მხოლოდ ერთი აბაზი დღიური ქირა ეძლევათ¹⁾.

შეადარეთ ამ წერილში აწერილი ქართველი მუშის მდგომარეობა იმ მუშის მდგომარეობას, რომელსაც აგვიწერდა 1865 წელს ნიკოლაძე „კოლოკოლ“-ის ფურცლებზე და დაინახავთ მათ შორის სრულ განსხვავებას: ქართველ ინტელიგენციას 60-65-იან წლებში კურტ-ნიანი მუშის საკითხი აწუხებდა, რადგან ჩვენი ცხოვრების სიღრმეში ჯერ კიდევ არ სჩანდა პროლეტარული კლასი, ხოლო ერთი ათეული წლის შემდეგ ინტელიგენციამ უკვე დაინახა ფაბრიკა-ქარხნების წარმოება და მასში ჩაბმული სოციალური კლასი, რომლის ყოველმხრივ ექსპლოატაციას ეწეოდა ახლად ფეხადგმული კაპიტალისტური წარმოება. გულიშამბაროვის ამ წერილით საშუალება გვაქვს ნათლად წარმოვიდგინოთ ჩვენი ახლად წარმოშობილი მუშათა კლასის ეკონომიური მდგომარეობა მაშინდელ პერიოდში. ეს ისტორიული ხასიათის დოკუმენტია. აქედან ვტყობილობთ, თუ როგორი იყო შემადგენლობა ჩვენი მაშინდელი მუშათა კლასისა (ქალები, პავშები, კაცები), რამდენს ლებულობდნენ ხელფასს და როგორი იყო სამუშაო დრო.

აქ მოყვანილი დოკუმენტები ნათლად ამტკიცებენ, რომ ჩვენი ინტელიგენცია მარტო უცხო თეორიებისა და მწერლების ზეგავლენით არ დაინტერესდა მუშათა საკითხით: ეს საკითხი ამათუიმ სახით უკვე წამოაყენა ჩვენი ეკონომიური ცხოვრების განვითარებამ და ინტელიგენციამაც მას თავისებური პასუხი გასცა 60-70-იან წლებში. ეს ფაქტი ამტკიცებს, რომ ჩვენი ინტელიგენცია დაინტერესებული იყო „პროლეტარიატის საკითხით“.

მაგრამ აქვე უნდა აღინიშნოს შემდეგი მნიშვნელოვანი ფაქტიც. ქართული აზროვნების შესწავლის საქმისათვის საინტერესო საკითხს წარმოადგენს ის, თუ როგორი საზომით უდგებოდა ჩვენში წამოკრილ მუშათა საკითხს ის ინტელიგენცია, რომელიც არ მალავდა თავის ბურჟუაზიულ მისწრაფებას და ფაბრიკა-ქარხნების გამართვაში დიდ ბედნიერებას ხელავდა ჩვენი წარმატების საქმისათვის. როგორც ზევით დავინახეთ, ამ ინტელიგენციას აინტერესებდა ფაბრიკების კარგად მოწყობისა და აყვავების საქმე და მუშათა საკითხს იმდენად ეხებოდა, რამდენადაც მუშათა საქმის მოწესრიგებას მოითხოვდა ფაბ-

¹⁾ სტ. გულიშამბაროვი: „ზოგიერთი რამ ჩვენს ეკონომიურ მდგომარეობაზე“, „დროება“, № 24, 1872 წ.

რიკისა და ქარხნების ინტერესები, ე. ი. კაპიტალისტური ურთიერთობის განვითარების საჭიროება. ზევით უკვე დავინახეთ, თუ პ. უმიკაშვილი, ერთ-ერთი თანამშრომელი ილია ჭავჭავაძის „საქართველოს მოამბისა“ (1863 წ.), რას სწერდა ფაბრიკა-ქარხნების განვითარების შესახებ საქართველოში. იმავე „დროების“ ფურცლებზე მოთავსებულია საინტერესო წერილი მირზოვეის ფაბრიკის შესახებ პ.-ის ფსევდონიმით (შეიძლება იგივე პ. უმიკაშვილი იყოს). ამ წერილში ვკითხულობთ:

„დროების“ მკითხველებისათვის მეტი არ იქნება და, ვგონებთ, საჭიროც იყოს, რამ ხანდისხან ჩვენში გამართულ ფაბრიკებისა, ქარხნებისა და სახელოსნო ადგილების ვითარება შევატყობინოთ. ჩვენში ეხლა ასეთი დროა, რომ დღე დღეზე უეჭველად უნდა გახშირდეს სახელოსნო ადგილების, ქარხნების და ფაბრიკების გამართვა, რადგანაც შემძლებელი ფულიანი კაცები თავისთვის სარგებლობას ნახავენ ამ გვარს საქმის ხელშიყოფითა, ვიდრე მამა-პაპურ ჩვეულებისამებრ ფული სარგებლობით გასცენ. მეორეს მხრით ყოველი მოსავალი ჩვენშია, რომ ფაბრიკები გაიმართოს და საკმაო სარგებლობა მისცეს თავის პატრონსა. სხვა ქვეყანაში საიდან სად უნდა მიიტანონ მოსავალი (ე. ი. ნედლი მასალა. ს. ხ.), რომ ფაბრიკაში გადაიყვანონ გასასუიდათ. მაგალითად, ბამბა ამერიკიდან მიაქვთ ინგლისში, საფრანგეთში და რუსეთში და ფაბრიკები ჰქსოვენ სხვადასხვა ქსელითა. ჩვენში ბამბაც აქვეა, მატყლიცა და აბრეშუმიცა. ხალხის საჭიროებისათვის ბამბეული, მატყლეული და აბრეშუმეული (ე. ი. დამზადებული საქონელი. ს. ხ.) სხვა და სხვა ქვეყნებიდან შემოაქვთ. რასაკვირველია, რომ ადგილობრივად გამოსული საქონელი იაფად უნდა დაჯდეს. მაშასადამე, საცა ეს ორი გარემოებაა: ერთის მხრით საჭიროება და მეორეს მხრით ფულიანობა, ამისთანა ადგილას უეჭველად ფაბრიკები და ქარხნები უნდა გახშირდეს¹⁾ (ხაზი ჩვენია. ს. ხ.).

ჩვენში ფიქრობენ, რომ 60 — 70-იან წლებში საქართველოში შეუძლებელი იყო წარმოშობილიყო ბურჟუაზიული იდეოლოგია, რად-

¹⁾ წერილი: „რამოდენიმე უკანასკნელი ანბავი უფ. მირზოვეის ფაბრიკაში“, „დროება“, № 15, 1872 წ.

გან არ არსებობდა ამისათვის ბურჟუაზიული ეკონომიური ურთიერთობა. ამ დებულებას აუცილებლად არღვევს მთელი რიგი იმდროინდელი ლიტერატურული ნაწერებისა, რომლებშიაც 60-იანი წლების ჩვენი მოღვაწეები იცავენ ვაჭრობა-მრეწველობის განვითარების საჭიროებას ჩვენში¹⁾. საიდან წარმოიშვა ეს იდეოლოგია და ასეთი ბურჟუაზიული მისწრაფება ჩვენი ინტელიგენციის ნაწილში, თუ ამისათვის ნიადაგი არ იყო ჩვენი ცხოვრების ეკონომიურ ურთიერთობაში? ჩვენ ვფიქრობთ, რომ 50—70-იან წლებში საქართველოში დაიწყო ნატურალური მეურნეობის მეტად საგრძნობი რღვევა და ამავე პერიოდში ჩვენი ქვეყანა კაპიტალისტური ურთიერთობის თავისებური მშობიარობის ტკივილებსაც განიცდიდა. აი აქ უნდა ვეძიოთ სოციალ-ეკონომიური საფუძვლები იმისა, რომ ჩვენში ბურჟუაზიული იდეოლოგია უკვე 60-იანი წლებიდან იწყებს აღორძინებას.

ზემოთ დასახელებული „დროების“ თანამშრომელი ნათლად გრძნობდა ფაბრიკა-ქარხნების მნიშვნელობას ჩვენი ცხოვრებისათვის. მაგრამ იგი არა მარტო ფაბრიკა-ქარხნების გამრავლებისა და მოწყობის საჭიროებას იცავდა, არამედ იმის გეგმებსაც აყენებდა, თუ როგორ გამრავლდეს მუშა-ხელი, პროლეტარიატი ამ ფაბრიკებისათვის. უდავო ფაქტად უნდა იქნეს მიჩნეული, რომ იმ პერიოდში ჩვენში გამოცდილი მუშა-ხელის პოვნა ძალიან ძნელი იქნებოდა; თვით მირზოევს მუშების მოყვანა ინგლისიდან მოუხდა. ასეთს გაუმოგებაში გამოცდილი მუშა-ხელის ნაკლებობა დიდ დაბრკოლებას შექმნიდა ფაბრიკის წარმოების საქმეში. ჩვენი ავტორი სწერს: „თუ ფაბრიკა იმართება ჩვენს ქალაქებში, უფრო თვით ქალაქის ხალხის იმედი უნდა ჰქონდეს ფაბრიკის გამმართველს. (მაგრამ) ქალაქის ღარიბი ხალხი ყოველთვის ხელოსნობას და ვაჭრობას ირჩევს. ყოველთვისა ცდილობს მალე ოსტატად დაღოცონ რამ ხელობაში, რომ პატარა დუქანი გაიმართოს თავისთვის და თავის უფლად ლუკმა მოიპოვოს“ (იქვე). ამრიგად, დამოუკიდებელი ხელოსანი და მისი შეგირდი ჩვენშიაც დამოუკიდებელი არსებობისაკენ მიისწრაფოდნენ და ისე იოლად არ აპირებდნენ დამოუკიდებლობაზე ხელის აღებას და ფაბრიკა-ქარხნების ულლის დადგმას, დამოკიდებულ პროლეტარად გადაქცევას. ეს, რასაკვირ-

1) ს. ხუნდაძე: „ქართველი ინტელიგენციის პროფილი მე-XIX საუკუნეში“.

ველია, იწვევდა მუშა-ხელის კრიზისს: გაწვრთნილი პროლეტარული რაზმის შექმნა მორიგ ამოცანად გადაიქცა ჩვენი მაშინდელი ფაბრიკებისათვის. ამას გრძნობდა ბურჟუაზიულად განწყობილი ინტელიგენცია და თავისებურ გეგმებსაც იძლეოდა. ყური ვათხოვთ ჩვენს ავტორს. იგი სწერს:

„მაგრამ აქ ერთი მხარეც უნდა გვქონდეს მხედველობაში. ვინმემ გამართა ქარხანა, ამას ხომ მუშა კაცები მოუწოდებდა. მუშა კაცი ჩვენს ქალაქებში იაფი (ავტორს უნდა სთქვას: - ბევრი. ს. ხ.) არ არის. დღეში უბრალო დღიური მუშა იღებს ექვსი შაურიდან ათ შაურამდე და სამ აბაზამდე, ესე იგი თვეში რომ ოთხი დღე კვირაუქმე გამოვიდეთ, 26 ან 27 დღისას თვეში იღებს შვიდ მანათ და ექვს შაურიდგან თექვსმეტ მანეთ და ერთ აბაზამდე. იმ სიძვირეს, რაც ჩვენშია, შვიდ მანეთს ნაკლებად ცხოვრება ერთი ადამიანისთვის შესაძლებელი აღარ არის, და აი ამიტომ კიდევ ჩვენს ქალაქებში დღიურათ მუშა კაცი ადგილობრივი ქალაქის მცხოვრებელი კი არ არის, არამედ გარეშე მოსული კაცი ოსმალეთიდან და სპარსეთიდან. ამ მიზეზის გამო ეს მუშა ხალხი არასდროს ბინას არ იკეთებს ჩვენს ქალაქებში, რჩება ოთხი-ხუთი თვე... ამ გვარად ქალაქში თუ ვინმე ფაბრიკას ანუ ქარხანას მართავს, ამ გარემოებას დიდი ყურადღება უნდა მიაქციოს. ვისაც უნდა ფაბრიკის საქმე კარგად წაიყვანოს, კარგი ჯამაგირი უნდა აძლიოს მუშეებსა, რომ კაი ოსტატი, გამჭოიანი ხალხი მიიზიდოს. თუ კაი ფასი არ მისცა მუშასა, ფაბრიკა წინ არ წავა იმის იმედით, რომ დღეს ერთ მუშას ვიყოლიებ და ხვალ სხვასაო. თუ მუშა კაცს ფასი არ დაახარბებს, რათ შევა ფაბრიკაში? ყოველი კაცი თავის სიკეთეს ეძებს, საცა მეტს სარგებლობას ნახავს, იქ მივა. ფაბრიკა თუ იმაზე მეტს არ მისცემს მუშა ხალხსა, რასაც ისე ხელობაში შოულობს, არას დროს ფაბრიკაში არ შევა, რადგან იქ მუშაობა მძიმე მუშაობაა. მუშას ყოველთვის იმედი აქვს, რომ ერთ დღიურ ლუკმას, გაქირვებულ ლუკმას, საცა არის, იშოვნის. თუ ფაბრიკის გამმართველი ფიქრობს, რომ ამ გაქირვებულ ლუკმისაც განახევრება შეიძლება, მუშა მაშინვე თავს ანებებს ფაბრიკასა. დღიურ სარჩენ ლუკმას თუ ცოტასაც აკლებენ, მუ-

შაობა სწყდება იმ დრომდინ, სანამ ამ ლუკმას ისევ არ უსრულდება მუშასა... ჩვენში ფაბრიკის გამმართველი თუ ამბებს ყურადღებას არ მიაქცევს, ძალიან შესცდება და ბევრსაც წააგებს¹⁾. (ხაზი ჩენია. ს. ხ.).

ჩვენ განგებ მოვიყვანეთ ასე ვრცლად ეს ციტატა, რომ მკითხველს ნათელი წარმოედგინა შემუშავებოდა იმის შესახებ, თუ როგორ ფიქრობდა მუშათა საკითხის მოწესრიგებას ფაბრიკა-ქარხნებში ჩვენი ბურჟუაზიულად განწყობილი ინტელიგენცია. ავტორის გამოსავალი წერტილი და უმთავრესი მიზანი ფაბრიკის ბედნიერება და მისი წარმატებაა. და სწორედ ამ მიზნისათვის ცდილობს იგი მოაწესრიგოს მუშათა საკითხიც: მიეცი მუშას კარგი ჯამაგირი, იგიც დასტოვებს თავის დამოუკიდებელ სახელოსნოს და შენს განკარგულებაში გამოცდილი ოსტატი იქნებაო — ასეთს რჩევას აძლევს ავტორი მირზოევსა და სხვა ფაბრიკანტებს. ამ გეგმებსა და რჩევაში ნათლად სჩანს ჩვენი ავტორის ბურჟუაზიული მისწრაფება და ინტერესები. ავტორს აღარ ეშინია ჩვენში მუშა ხალხის, პროლეტარიატის გამრავლებისა, როგორც ამას ჩვენ ქვევით დავინახავეთ გრ. თარხან-მოურაევისა, მ. ქიქოძისა და სხვების ნაწერებში; პირიქით, იგი ფაბრიკა-ქარხნებში დახელოვნებულ მუშათა მასების გამრავლების მომხრეა და გარკვეულ გეგმებსაც თხზავს, თუ როგორ გამოიყვანოს ფაბრიკანტმა თავისი სოროებიდან ოსტატი-ხელოსნები, როგორ მოსპოს მათში დამოუკიდებელი არსებობისადმი მისწრაფება. აქ მეტყველებს გარკვეული ბურჟუაზიული პროგრამა.

რომ სრული წარმოდგენა გვქონდეს მუშათა მაშინდელ მდგომარეობასა და მუშათა საკითხზე, აუცილებლად საჭიროა შევხვით აქ მუშათა იმ გაფიცვას, რომელსაც ადგილი ჰქონია 1872 წელს მირზოევისავე ფაბრიკაში²⁾. ამ გაფიცვის შესახებ ვრცელ ცნობას გადმოგვცემს იგივე ავტორი „დროების“ ფურცლებზე. ეს ცნობა საესებით მოგვყავს, რადგან დიდი მნიშვნელობა აქვს ჩვენი მუშათა კლასის წარმოებისა და ეკონომიური მდგომარეობის შესწავლის საქმისათვის 60 — 70-იან წლებში. „დროება“-ში ვკითხულობთ:

„რამდენისამე კაცისაგან გავიგონეთ, რომ წარსულ ორშაბათს, აპრილის 3-ს, მუშებს, საყუთრად ფეიქრებს, უარი უთქვამთ მუშაობაზე. აი რაში მდგომარეობს ამისი მიზეზი, რომელიც სხვადასხვა კა-

¹⁾ „დროება“. № 15, 1872 წ.

²⁾ გაფიცვას 1866 წელს ჰქონია ადგილი ტფილისის ერთ-ერთ ფაბრიკაში.

ცებმა გვიანდელ და დაახლოებით ვითომც ასე ყოფილა. აპრილს 3-ს სალამოზე ფულის დარიგების დროს, ფაბრიკაში გამოუცხადებია, რომ თითო თოფის ქსოვაზე ორ-ორ შაურს დაგიკლებთო. ეს ნიშნავს რომ ორი ანუ სამი აბაზის მაგიერათ მიეცემათ ექვსი ანუ ათი შაური (თოფზე 2—3 აბაზი ყოფილა ადრე). მაშინ ხმა არ ამოუღიათ მუშებსა. 3-ს აპრილს დილით, მუშები რომ მოგროვილან, ერთად გამოსულან ფაბრიკიდან. პრიკაშნიკების რჩევისათვის ყური არ უგდიათ: ყველა იმას იძახოდაო „არ ვიმუშავებთო, ერთ ლუკმა პურს სხვაგანაც ვიშოვითო“. როდესაც აყვედრიდნენ თურმე პრიკაშნიკები, რომ ლუკმა პურს ეს ფაბრიკა გაქმევსთო, მუშები უპასუხებდნენო „თუ აქამდინ ეს ფაბრიკა არ იყო, მშვიერები როდი ვიხოცებოდითო“. მუშაობით ორიოდ საქსოვ მაშინას გარდა სხვა მუშაობა არ ყოფილა. საუზმის დროს 9 საათზე თვითონ მმართველი მოსულა და მუშები ქუდმოხდილები მიჰგებებია. მცირე ლაპარაკის შემდეგ მმართველს გადაქრით გამოუცხადებია, რომ „ვისაც ხელს მოგცემს იმუშავეთ, ვისაც არა და წადით, საცა თქვენი ნება იყოსო!“... სხვათა შორის უფ. მირზოევი ხშირათ თურმე არიგებს მუშებსა და ეუბნებაო, რომ ეს ფაბრიკა საწყალ ხალხისთვის გაემართეო, რომ ლუკმა პური მოიპოვოთო. ამ დარიგებისათვის ჩანს ყური არ უგდიათ, რომ მთელი კვირის განმავლობაში თითქმის ნახევარი ფაბრიკა არ მუშავებდაო და საუკეთესო ფეიქრები სრულებით გასულან. საზოგადოთ უკანასკნელ დროს სამწუხარო ამბები გვესმის ფაბრიკაზე. მაგალითად, ამ ერთი თვის წინად შევიტყვეთ, რომ რამდენიმე ხანი მუშაობა შეუწყვეტიათ იმ მიზეზის გამო, რომ საქსოვ მაშინას რალაც ნაწილები დაკლებია და სანამ ეს იარაღები ინგლისიდან მოუვიდოდათ, მუშები ცუდათ იყვნენო.... ჩვენის მხრით მირზოევის ფაბრიკისათვის ვისურვებთ წარმატებასა, რადგანაც, როგორც გვესმის, ღარიბების შემწეობისათვის გაუმართავსო¹⁾.

ჩვენ ამჟამად არ შევდივართ მირზოევის ფაბრიკაში მომხდარი გაფიცვის დეტალურად განხილვაში. ზემოთ მოყვანილი ცნობები ნათლად გვიმტკიცებს იმას, რომ 70-იან წლებში მუშათა საკითხი უკვე წამოკრილი ყოფილა ჩვენში და ჩვენი ინტელიგენციის სხვადასხვა მიმდინარეობებმა თავისებური პასუხი გასცეს ჩვენი ცხოვრების ამ ახალ საკითხს. ქვევით შევეცდებით გავარკვიოთ სოციალისტურად განწყობილი ინტელიგენციის შეხედულება ამჟამე საკითხზე.

¹⁾ „დროება“, № 15, 1872 წ.

2. კამათი ლასალის თეორიების გარშემო

მაგრამ არა მარტო აღნიშნული დოკუმენტები, არამედ პრიაციპიალური ხასიათის წერილებიც ამტკიცებს ჩვენ მიერ წამოყენებულ დებულებას, რომ ინტელიგენცია დაინტერესებული იყო მუშათა საკითხით. აი, მაგალითად, რას ვკითხულობთ „დროების“ ერთ მოწინავე წერილში:

„რა არის მიზეზი მუშა ხალხის სიღარიბისა? სიღარიბის, როგორც სხვა ყოველგვარი კაცობრიობის უბედურობის მიზეზი ქვეყანაზე არის ქონებისა და ცოდნის უთანასწოროდ გავრცელება (ხაზი რედაქციისა). იმ დროს, როდესაც ერთი ისე მდიდარია, რომ არ იცის, როგორ მოიხმაროს თავისი სიმდიდრე, ათასი სხვა უსახლკარობისა და შიმშილისაგან კვდება; იმ დროს, როდესაც ერთი სწავლული და მცოდნეა და ამით პოულობს საცხოვრებელს ღონისძიებას, ათი ათასი სხვა უბედურებაში და ცრუმა-სწმენლობაშია ჩავარდნილი! — თუნდ იმავე ინგლისში, ჩვენ ვხედავთ, რომ მთელი მიწები რამდენსამე ათ პირს ეკუთვნის და დანარჩენი სოფლის ხალხი კი ხიზნათ სცხოვრობს სხვის ბინაზე, რომლიდანაც პატრონს ყოველთვის შეუძლია აყაროს. ქალაქის მუშა დიდიდან საღამომდე რომელსამე ფაბრიკაზე მუშაობს და იმის შრომით სარგებლობს ფაბრიკის პატრონი, რომელიც, ამ რიგათ, სხვისი შრომით მდიდრდება. ცოტათ თუ ბევრათ ყველგან ამნაირათაა ახლანდელ დროში განწყობილი ადამიანის ცხოვრება და რა გასაკვირია, რომ ქვეყანაზე ღარიბები მოიპოვებიან?¹⁾ (ხაზი ჩვენია. ს. ხ.).

ქართული აზროვნების შესწავლის და სოციალისტური იდეების გავრცელების ისტორიისათვის ზემოთ მოყვანილ წერილს მეტად დიდი მნიშვნელობა აქვს: აქ შეზავებულია ელემენტები როგორც მეცნიერული სოციალიზმის, რომელიც ჩვენში უმთავრესად ლასალის ნაწერების ზეგავლენით მომდინარეობდა, ისე უტოპიური სოციალიზმისა. წერილის აზრით, სიღარიბეს ჰქმნის:

¹⁾ მეთაური წერილი: „რა მოსპობს სიღარიბეს?“, გაზ. „დროება“, № 27, 1871 წ.

ა) ქონების უთანასწორო განაწილება მცხოვრებთა შორის, რაც იწვევს სიმდიდრის დაგროვებას მცირე ნაწილის მხარეზე და სიღარიბეს მეორე მხარეზე. პირველი მდიდრდება სხვისი შრომით, ე. ი. შრომის ექსპლუატაციას ეწევა. ეს დებულებანი მეცნიერული სოციალიზმის, მარქს-ენგელსის მოძღვრების მთავარ დებულებებს შეადგენენ, რომელსაც ლასალიც იზიარებდა და რომლისაგანაც, როგორც ქვევით დავამტკიცებთ, გადმოიჩანა იგი ჩვენში ინტელიგენციის სოციალისტურმა ნაწილმა. აღსანიშნავია, რომ ავტორს კაპიტალისტური ფორმა „ცოტად თუ ბევრად“ გავრცელებულად მიაჩნია „ახლანდელ დროში“ (1870-იან წლებში) მთელს ქვეყანაზე, მაშასადამე, საქართველოშიაც.

ბ) მაგრამ გახეტი სიღარიბის მიზეზს ეძებს არა მარტო ქონებრივ უთანასწორობაში, ეკონომიურ მომენტში, არამედ ცოდნის უთანასწორო გავრცელებაშიც. აქ კი ნათლად სჩანს ევროპის უტოპიური სოციალიზმის გავლენა.

მაგრამ „დროების“ მოწინავე წერილების ავტორი განსაკუთრებით ლასალის მოძღვრების დიდ გავლენას განიცდის. ავტორს ნათლად შეუთვისებია ლასალის მთელი სოციალური ფილოსოფია, მისი ეკონომიური შეხედულებანი და საწარმოო ასოციაციების იდეაც. აღსანიშნავია, რომ შრომის საკითხის გარჩევის დროს იგი გადაჭრით იყენებს ლასალის ევრეთწოდებულ შრომის ხელუასის რკინის კანონს (железный закон заработной платы).

ჯერ ყური ვათხოვოთ დროების მოწინავეს. იგი სწერს:

„საპოლიტიკო ეკონომიის მეცნიერებაში ნათლად დამტკიცებულია, კეშმარიტებათ ითვლება ის აზრი, რომ მუშა-კაცის დღიური ქირა არც მატულობს და არც კლებულობს (ხაზი რედაქციისაა. ს. ხ.).

კაცობრიობის ცხოვრება იმნაირათაა ახლა გამართული, რომ მუშა ხალხს საზოგადოთ თითქმის სწორედ იმდენი დღიური ქირა ეძლევა თავის შრომისათვის, რამდენიც იმისათვის აუცილებელი საჭიროების დასაკმაყოფილებლად საჭიროა. ხანდისხან მოხდება, რომ მუშას ამ თავის აუცილებელ საჭიროების დასაკმაყოფილებელ ქირაზე ცოტა მიმატებული ეძლევა; მაგრამ ამაზე უფრო ხშირად ისეთი შემთხვევები მოხდება, რომ თავის შრომით მუშა თითქმის ვერ აკმაყოფილებს ყველა თავის ბუნებით მოთხოვნილებას, როგორც, მაგალითად, სიმშლის, წყურვილს, სიცივისაგან და ავდრისაგან სადმე

თავის შეფარვას და სხვა; მაგრამ საზოგადო კანონი მაინც ისევ რჩება, რომელიც ზევით მოვიყვანეთ“ ¹⁾.

აქ მოყვანილი ციტატა პირდაპირ გადმოღებულია ლასალის ნაწერებიდან. რკინის კანონის შესახებ ლასალი სწერს:

„ეხლანდელ ურთიერთობაში, შრომის მოთხოვნის და წინადადების ბატონობის დროს, მუშის ქირას განსაზღვრავს შემდეგი რკინის კანონი: საშუალო სამუშაო ქირა ყოველთვის და უუქველად უდრის იმ აუცილებელს, რომელიც, ხალხის ჩვეულების მიხედვით, საჭიროა არსებობისა და გამრავლებისთვის. აი წერტილი, რომლის ირგვლივაც ტრიალებს ნამდვილი დღიური ქირა: ეს ქირა, როგორც საათის საქანი, არასოდეს ხანგრძლივად არ იწვევს მასზე ზევით და არასოდეს ხანგრძლივად არ ეშვება მასზე ქვევით“ ²⁾

ლასალის განმარტებით, თუ დიდი ხნის განმავლობაში გაგრძელდა შრომის ქირის საშუალო დონეზე ზევით აწევა, ეს გამოიწვევს მუშების გამრავლებას, რაც თავის მხრით დაბლა დასწევს შრომის ქირას; თუ შრომის ქირა დონიდან დაბლა დაიწვეს, ეს თავის მხრით გამოიწვევს მუშების სიღატაკეს და მუშა-ხელის შემცირებას, რასაც თავის მხრით მოჰყვება შრომის ქირის აწევა ისევ საშუალო დონემდე³⁾:

ამ კანონს სიტყვა-სიტყვით აშუქებს მეთაურის ავტორი. მისი აზრითაც, „მომხმარებელ საზოგადოებათა“ საშუალებით შესაძლებელია მუშათა მდგომარეობის გაუმჯობესება, მაგრამ ეს დროებითია. ავტორი დაასკვნის:

„ცხადია, რომ მუშა-ხალხი ყოველგვარ იმ ქვეყანაში მიდის სამუშაოდ, სადაც მისი შრომა უკეთ იქნება დასაჩუქრებული, ე. ი. სადაც იმას მომატებული ქირის ალება და უკეთ ცხოვრება შეეძლება. ამით, რასაკვირველია, ისარგებლებენ ფაბრიკანტები, მამულის პატრონები და საზოგადოთ ისეთი პირები, რომელთაც მუშის შრომა სჭირდებათ; გაჩნდება ის სოციალური სენი, რომელსაც „კონკურენციას“ ეძახიან, ე. ი. შეიქნება ქიშპობა. ფაბრიკანტი ან მამულის პატრონი მხოლოდ იმ მუშებს დაიქირავებს, რომელნიც დღეში თხუთმეტ შაურის მაგივრად ათ შაურათ იმუშავენ. მუშებმა, რასაკვირველია, თუ სულ ულუკმა-უპუროთ არ უნდათ დარჩენა, უთუოდ უნდა დაუკლონ ქირას“.

¹⁾ მოწინავე წერტილი: „მომხმარებელი საზოგადოებები ხალხისათვის სასარგებლო არიან თუ არა?“ „დროება“, № 22, 1871 წ.

²⁾ Сох. Лассаля, т. II, гл. 67.

³⁾ ლასალის თხზულებანი, ტ. II, გვ. 67. რუს. გამოცემა.

ცოტა ჭევეით სწერს: „აქედან ყოველ კაცს ცხადია შეუძლია გამოიყვანოს ის, რომ რადგან ბევრი იბადება, ხალხი მრავლდება და მაშასადამე მუშა-ხალხიც მატულობს, მუშა-ხალხის მომატებისაგან კი კონკურენცია (მუშების) და დღიური შრომის ქირის დაკლება წარმოსდგება“¹⁾.

ასეთია „დროების“ თანამშრომელთა შეხედულება შრომის ხელფასის შესახებ. იგი საესებით ეთანხმება ლასალის „რკინის კანონის“ თეორიას. ცხადია, ლასალს ერთგული დამცველი ჰყოლია ჩვენში ჯერ კიდევ 60-იანი წლების მიწურულებში. მაგრამ მართო ამ ეკონომიური საკითხით არ ამოიწურება ლასალის გავლენა ჩვენს ავტორზე: ლასალის სოციალური პროგრამაც საესებით მისაღები შეიქნა ჩვენი ავტორისათვის.

ლასალის „რკინის კანონის“ საზომით ჩვენმა ავტორმა დაიწუნა „მომხმარებელ საზოგადოებათა“ პროექტი: იგი, ავტორის აზრით, მხოლოდ დროებით აუმჯობესებს მუშა ხალხის მდგომარეობას და მისი რადიკალურად გარდაქმნა მას არ შეუძლია. მაშ რაში გამოიხატება ეს რადიკალური საშუალება?

ავტორი მომხრეა სიღარიბის პრობლემის არა ზერელედ გადაწყვეტის, არამედ მისი საფუძვლიანად შეცვლის. იგი სწერს:

„დღემდე სიღარიბის მოსპობას საზოგადოება მხოლოდ ფილანტროპიით აპიუბდა, მაგრამ ახლა საუკეთესო ხალხის სენის ექიმებმა და ყველაზე უკეთ თვით ღარიბებმა გაიგეს, რომ ფილანტროპია — ისეთი წამალია, რომელიც არა თუ ძირითადად არ მოსპობს სიღარიბეს, მაგდენათ ვერც შეასუმბუჭებს იმას. მუშა ხალხი მიხვდა, რომ იმათი მდგომარეობის გაუმჯობესობას ხელ-ფეხზე მალამოს დადება კი არ მოუხდება, არამედ თვითონ ამ სენის მიზეზის სათავეს გაგება და იქ წამლობა“²⁾.

ზევით ჩვენ უკვე აღვნიშნეთ, რომ ავტორი სიღარიბის მთავარ მიზეზს ქონებისა და ცოდნის უთანასწოროდ განაწილებაში ხედავდა. აქედან ნათელი უნდა იყოს ავტორის სოციალური კრიტიკის მთავარი დებულება, მისი სოციალური კონცეპციის გამოსავალი აზრი. ავტორი აკრიტიკებს არსებულ ეკონომიურ წყობილებას არა აბსტრაქტული ცნების — ზნეობის და

¹⁾ „დროება“, № 22, 1871 წ.

²⁾ „დროება“, № 27, 1871 წ.

სამართლიანობის — საზომით, არამედ „ეკონომიური კანონების“ საზომით. თუ რაში გამოიხატება ეს „ეკონომიური კანონები“, ამას შემდეგი ციტატიდან გავიგებთ. „დროება“ მოწინავე წერილში ამბობს:

„მკითხველი უჩვენოთაც გაიგებს იმ ეკონომიურ ჭეშმარიტებას, რომ, რაც უფრო მომეტებული მწარმოებელი, ანუ მშრომელი არის რომელსავე საზოგადოებაში, ან ქვეყანაში, მით ეს ქვეყანა და საზოგადოება უფრო ბედნიერი და წარჩინებულია ყოველი მხრითა. რასაკვირველია, ჩვენ ვიგულისხმებთ აქ ისეთს მწარმოებლებს, რომელთა შრომა და ნაწარმოები საგნები პირდაპირ გამოსადეგია საზოგადოებისათვის. მეორე მხრით, რაც უფრო მეტია მართო მომხმარებელი და ნაკლები მწარმოებელი, სხვანაირათ ვთქვათ, რაც უფრო მეტი მუქთი მშრომელი და მუქთა-მკამელია საზოგადოებაში, მით ეს საზოგადოება უფრო ღარიბი და უკან დაწეული იქნება. ამიტომაც კაცობრიობა სრულ ბედნიერებას მხოლოდ მაშინ მიაღწევს, როდესაც ყოველი ადამიანი იმდენს მოიხმარს თავის ცხოვრებისათვის, რამდენსაც თვითონ მოიწევს, რამდენსაც იმუშავებს. სანამ ერთი ნაწილი საზოგადოებისა მუშაობს, ოფლს ღვრის და მეორე კი გულ-ხელ დაკრეფილი, მუხლ-მოკეცილი ზის და ამ მშრომელის ნაოფლარსა სჭამს, მანამ ამ საზოგადოების კეთილდღეობა შეუძლებელი საქმეა. ეს არის ეკონომიური კანონი, ეკონომიური ჭეშმარიტება“¹⁾ (კურსივი ჩვენია. ს. ხ.).

ამ თავისი ეკონომიური კრიტიკითაც ჩვენი ავტორი ებჯინება ევროპის უტოპიურ სოციალიზმს და არც ლასალისაგან სდვას შორს. მაგრამ ლასალის გავლენა განსაკუთრებით გამოიხატა მომხმარებელ საზოგადოებათა კრიტიკაში და მწარმოებელ საზოგადოებათა უპირატესობის აღიარებაში. როგორც ვიცით, ლასალი აკრიტიკებდა მომხმარებელ საზოგადოებას „შრომის ქირის რკინის კანონის“ საზომით და ამბობდა, მას მხოლოდ დროებით შეუძლია გააუმჯობესოს მუშის მდგომარეობაო. სამაგიეროდ მწარმოებელი ასოსიაციების შესახებ ლასალი სწერდა:

¹⁾ მოწინავე წერილი: „მომხმარებელი და მწარმოებელი საზოგადოებები“, „დროება“, № 4, 1871 წ.

„ერთადერთი საშუალება მუშების, როგორც მწარმოებლების, ამალეებისა არის მათი გადარჩევა თავიანთ საკუთარ წამომწყებლებად, განსხვავების გაუქმება საწამომწყებო მოგებასა და სამუშაო ღირსის შორის და ამ უკანასკნელის შეცვლა მუშის შრომის ნამდვილი პროდუქტით. ამისთვის საჭიროა დაარსება თავისუფალი მწარმოებელი ასოციაციებისა სახელმწიფო კრედიტით და სახელმწიფო კონტროლის ქვეშ. მხოლოდ ამ გზით იქნება შესაძლებელი მუშების განთავისუფლება სამუშაო ღირსის რკინის კანონის ჩაგვრისაგან“.

ლასალის მწარმოებელი ასოციაციების კონცეპციას სავსებით იზიარებს ჩვენი ავტორი, იგი სავსებით ლასალის სამეურნეო პროგრამის ნიადაგზე სდგას. ამა ყური ვათხოვოთ. ავტორი სწერს:

„იმ მუშას, რომელიც შეიძლება დღეში სამი მანეთის საქმეს აკეთებს, ბევრი-ბევრი, მექარხნე მანეთს თუ მისცემს, დანარჩენი თავისი კაპიტალის სარგებლად მიიქვს.

„მწარმოიდგინეთ ახლა, რამდენი შემოსავალი ექნება იმ მექარხნეს, რომელის ფაბრიკაში მრდამ დღე ორი ან სამი ათასი კაცი მუშაობს. ახლა ისიც წარმოიდგინეთ, რამდენათ გაკეთდებოდა მუშა ხალხის მდგომარეობა, ნამდვილი ფასი თავიანთი შრომისა რომ სრულათ ეძლეოდეთ იმათა¹⁾.

„მწარმოებელი საზოგადოების“ დანიშნულებაც ის არის, მუშა-ხელს მიეცეს შეძლება თავის შრომის ღირსეულად დასაჩუქრებისა. ევროპაში რამოდენიმე „მწარმოებელი საზოგადოება“ არის და ყველა იმათგანის მაგალითი გვიმტკიცებს, რომ ისინი ბევრად უფრო გამოსადეგნი არიან მუშა ხალხისათვის, ვიდრე „მომხმარებელი საზოგადოებები“.

„მაგრამ აშინაირი საზოგადოებების გამართვას ბევრი დამბარკოლებელი მიზეზები უდგას წინ. პირველი და უმთავრესი დაბრკოლება ის არის, რომ ახლანდელ დროში თითქმის ყველა მუშა-ხელი ძალიან ღარიბია; მაშასადამე, ის ვერ მოახერხებს იმდენი ფულების შეკრებას, რომ ამ ფულებით საკუთარი ქარხნებისა და ფაბრიკების გახსნა შეეძლოს. ამ შემთხვევაში, როგორც ლასალიც ურჩევს, სა-

¹⁾ გაიხსენეთ უტოპისტების დებულება: „მუშის უფლება თავის შრომის სრულ პროდუქტზე“.

ხელმწიფო ვალდებულია ხელი მოუშალოს მუშა ხალხს — ეროვნულ მართო საკუთარი ღონის ძიებით მუშა ხალხი ვერ შეიძლება კაპიტალისტური დამოკიდებულებისაგან განთავისუფლებას¹⁾.

მეორე წერილში ვკითხულობთ:

„ამაში ჩვენ ვხედავთ, რომ „მომხმარებლების დუქნების“ წყალობით, ხორავისა და სხვა-საქირო ნივთების გაიაფებას სრულიად არ მოსდევს თან მუშა-ხალხის კეთილდღეობა, რადგან იმათი დღიური ქირა საქირო ნივთების გაიაფებისა და გაძვირებისთანავე კლებულობს და მალულობს. ვისაც ამ საინტერესო საგნის უფრო ვრცლად და ნათლად გაცნობა პსურს, იმას ჩვენ ვურჩევთ განსაკუთრებითი ყურადღება მიაქციოს იმ გაცხარებულ პოლემიკას, რომელიც რამოდენიმე წლის წინათ გერმანიაში იყო — შულცე-დელისა და ლასალს შუა. მართო ლასალის თხზულებების პირველი წიგნიდანაც (რომელიც მარშან გამოვიდა პეტერბურგში)²⁾ მკითხველი ძალიან კარგად და ყოველი მხრით გაიცნობს იმ საგანს და დარწმუნდება მუშებისათვის მომხმარებელი საზოგადოებების უვარგისობაზე“³⁾.

ჩვენ განგებ ამოვწერეთ ვრცლად ეს ადგილები „დროების“ ფურცლებიდან, რომ დავემტკიცებია (უტოპიურ სოციალიზმთან ერთად) ლასალისტური სოციალიზმის გავლენა ჩვენი ინტელიგენციის ნაწილზე: ვვკირობთ, რომ ზემოთ მოყვანილმა ციტატებმა საესებით ნათელი მოჰფინეს ამ საკითხს. ლასალს თავისი მიმდევარი ჰყავდა საქართველოში; როგორც მისი ეკონომიური თეორია, ისე სოციალური პოლიტიკა მუშათა საკითხში საწარმოო ასოციაციების უკრიტიკოდ მიიღო „დროების“ თანამშრომელმა და გადმოიიტანა იგი ჩვენს პრესაში. აღსანიშნავია ის ფაქტიც, რომ ჩვენი ავტორი არ ერიდება და საესებით იზიარებს ლასალის თეორიას საწარმოო ასოციაციების მოწყობის საქმეში სახელმწიფოს დახმარების შესახებ, ე. ი. საქათველოს სინამდვილეში ამ ასოციაციების მოწყობის საქმე უნდა მომხდარიყო რუსეთის რეაქციონური ხელისუფლების დახმარებით. რასაკვირველია, ეს მიუღებელი უტოპია იყო, მაგრამ ეს ფაქტი, ე. ი. სახელმწიფოს როლის აღიარება ასოციაციების მოწყობის საქმეში, ააშკარავებს იმ გარემოებასაც, რომ ჩვენს ავტორს კავშირი ჰქონდა გაწყვეტილი რუსულ

¹⁾ „დროება“, № 4, 1871 წ.

²⁾ ავტორს მხედველობაში აქვს ლასალის თხზულებანი, 1870 წელს ორ ტომად გამოცემული ზაიცერის მიერ.

³⁾ „დროება“, № 22, 1871 წ.

ნაროდნიკულ სოციალიზმთან და საქართველოს შველას ევროპის ნიადაგზე შემუშავებული სოციალისტური სისტემით ცდილობდა.

ლასალის ეკონომიურ და სოციალურ თეორიებს 70-იან წლებში, ანტონ ფურცელაძის სახით, თავისი მოწინააღმდეგე გამოუჩნდა საქართველოს ნიადაგზე. ანტონ ფურცელაძეს განსაკუთრებული ადგილი უჭირავს ჩვენი სოციალისტური აზროვნების ევოლუციაში, როგორც ნაროდნიკული სოციალიზმისა და ევროპის უტოპიური სოციალიზმის შემაერთებელს. ამიტომ მის სოციალისტურ შეხედულებათა შესწავლა ცალკე თავს თხოულობს. აქ კი უნდა შევხებით მის შეხედულებას ლასალის თეორიების დაფასებაში, ვინაიდან ამ განყოფილებაში ჩვენ უმთავრესად ამ საკითხს ვეხებით, ამიტომ ლასალის თეორიების მოწინააღმდეგენიც ამ თეორიების მომხრეთა განხილვასთან დაკავშირებით უნდა იქნენ შესწავლილი.

ანტონ ფურცელაძის წერილი საპოლემიკო ხასიათისაა და მიმართული იყო „დროების“ თანამშრომლის წინააღმდეგ.

ლასალის თეორიების შეფასებაშიაც გარკვევით სჩანს ანტონ ფურცელაძის ნაროდნიკული გადახრა. როგორც ზევით აღვნიშნეთ, „დროების“ თანამშრომელი ლასალის „რკინის კანონის“ თეორიის საზომით აკრიტიკებდა მომხმარებელ საზოგადოებათა ასოციაციებსაც და მუშების გაუმჯობესების საქმეში უპირატესობას ანიჭებდა მწარმოებელ ასოციაციებს. ანტონ ფურცელაძეს საკითხის ამ სახით დაყენება არ მიაჩნდა საქართველოს სინამდვილეში მიზანშეწონილად. „მნათობის“ ფურცლებზე იგი ეკამათება „დროების“ თანამშრომელს და ვრცლად გადმოგვცემს ლასალისა და შულცე-დელიჩის გეგმებს¹⁾. აღსანიშნავია ის გარემოება, რომ ანტონ ფურცელაძემ თითქმის გაიგო ლასალის როგორც სოციალური სისტემა, ისე ის სოციალური საფუძვლები, რომლებზედაც აღმოცენდა ლასალის თეორია. ანტონ ფურცელაძე სწერს:

„მუშების საძაგელი მდგომარეობა დიდი ხანია აღელვებს ევროპას და ამყოფებს ნიადაგ შიშში. მუშები დიდი ხანია ჰგრძნობენ, რომ ყველა წოდებათ იომეს თავის სიმართლისათვის და შეიძინეს, რასაც ელტონდნენო და ახლა ჩვენი დრო მოსულაო. ყოველთვის ამ გვარად ძლევდა სიგნალს თავის სიმართლის აღსადგენისათვის, რო-

¹⁾ ანტონ ფურცელაძე: „ათი მტერს, ერთი მოყვარეს“, ჟურნალი „მნათობი“, გვ. 192 — 204, 1872 წ.

გორც ამ ბოლო დროს კომუნის ბრძოლით, საფრანგეთში მგზავნი რამ რადგან შესაფერი მომზადება მუშებს არ ჰქონდათ, ძლევა რჩებოდა და რჩებათ ისევ იმ წოდებათ, რომელთაც ხელში აქვთ მუშების სული.

„რომ ამგვარი აღელვება მუშების ერთხელ და ერთხელ არ გადასულიყო ზომას და არ მოსწრებოდა ევროპა საშინელს სისხლის ღვარს, რომელიც მოსდევს, თუ მუშებმა ერთად მოიკარეს თავი, შეჰკრეს პირი და ასტეხეს ბრძოლა, დაიწყეს მრავალი იმგვარტ ღონის-ძიებათ მოგონება, რომლითაც შესაძლებელი ყოფილიყო მშვიდობიანათ გაეთავებიათ მუშების და მეპატრონეების საქმე. ამგვარ პირთ ეკუთვნოდნენ შულცე-დელიჩი და ლასალნი“ (ხაზი ჩვენია. ს. ხ.).

მართლაც, მიუხედავად იმისა, რომ ლასალს არ აკლდა რევოლუციონური პათეთიზმი, მისი სოციალური გეგმები არსებითად მშვიდობიანი ხასიათისა იყო და რეფორმისტული სოციალიზმის ერთ-ერთ

1) ანტ. ფურცელაძე: „ათი მტერს, ერთი მოყვარეს“, ჟურნალი „მნათობი“, (ავგუსტო) გვ. 193, 1872 წ.

შულცე-დელიჩის საწინააღმდეგოდ 1875 წელს ფურცელაძე სწერდა:

„მაშა ამ სასოფლო და სახელოსნო ბანკებისა არის ნემენცი, შულცე-დელიჩი. შულცე-დელიჩი ეკუთვნის იმგვარტ პირთა, რომელთაც უნდათ, რომ ხალხი საკუთარის ღონისძიებით დააყენონ იმ წრეზედ, რომ იმათ არ უპირდეთ არც სახელმწიფოს დახმარება, არც მოუწოდეთ აღრეულობით ახლანდელთ წესების დარღვევა და გადაგდება, რომ ამითი ახალი და საუკეთესო წესი დაჰბადონ. ერთის სიტყვით, იმას უნდა, რომ დღევანდელი სახელმწიფო და საზოგადო წესი და წყობილებანიც დარჩნენ და ხალხიც კეთილ დღეობაში იყვეს. უკეთა ესთქვათ, უნდა არც მწვადი დასწვას, არც შამფური და მოახდინოს შეუძლებელი საქმე.“

„ჯერ მარტო ამგვარი აზრის ალება თავში და ამგვარი საქმის შედგომა ამტკიცებს, რა ღრმა ჭკუის კაციც უნდა იყვეს ისა, თუ ეს არ მოსდის იმას სათაღლითოთ.“

„ჩვენ ძალიან შორს წაგვიყვანდა იმისი დამტკიცება, თუ რაოდენათ შეუძლებელია ამგვარი შულცე-დელიჩისა და მის მსგავსი კაცების აზრის შესრულება, რომ დღევანდელს წესსა და წყობილებაში შესაძლებელი იყვეს საყოველთაო ბედნიერება და კეთილ დღეობა, ჩვენ მხოლოდ განვიხილეთ მოკლეთ, რა და ვის მოუტანა შულცე-დელიჩის და მის მიმადევრების ბანკებმა სარგებლობა. (გუთნის დედა“, № 1, 1875 წ. წერილი: „რამოდენიმე სიტყვა სასოფლო-სამეურნეო ბანკებზედ“).

ვარიაციის წარმოადგენდა. არსებითად მისი „მწარმოებელი ასოციაციის“ პროექტი, რომელშიაც გადამჭრელ როლს ბურჟუაზიულ-ბიუროკრატიული სახელმწიფოც თამაშობდა, ხელს უწყობდა მუშათა კლასობრივი თვითშეგნების შესუსტებას და კაპიტალისტებთან შერიგებას. ეს თითქმის ესმოდა ა. ფურცელაძეს, მაგრამ ანტ. ფურცელაძეს არც „რკინის კანონი“ და არც მომხმარებელ საზოგადოებათა ასოციაციების უარყოფა არ მიაჩნია საფუძვლიანად ჩვენი სინამდვილისათვის. იგი სწერს:

„ჩვენა ვთქვით, რომ ამ ფაბრიკის ქვეყნებში ძალიან ბევრი არიან მუშები, რომელნიც სრულებით არიან მოკლებული საკუთრებას. ამასთან ჩვენ ვსთქვით, რომ გერმანიაში უმიწო ხალხი დიდძალია. ჩვენში უსაკუთრო, უმიწაწყლო ხალხი ძალიან მცირეა, სოფლებში ხომ იშვიათია. ფაბრიკები, რაც ეხლა არ გაიხსნა ერთი თუ ორი, სულ არ არის, მაშასადამე, ქარხნის მუშები ჩვენში უნდა იყვნენ ძალიან მცირენი, ის მუშები, რომელთაც არ უნდა ჰქონდეთ, გარდა ფაბრიკაზედ სამუშაოსი, სხვა ღონის-ძიება“¹⁾.

აქ გამოთქმული მოსაზრება ფურცელაძისათვის არის გამოსავალი წერტილი, რომლითაც ის, ერთის მხრით, უარყოფს „რკინის კანონის“ არსებით მნიშვნელობას ჩვენში და, მეორეს მხრით, არსებითად მნიშვნელობას ანიჭებს მომხმარებელ საზოგადოებასაც, წინააღმდეგ „დროების“ თანამშრომელის მოსაზრებისა, რომელიც, „რკინის კანონის“ თეორიის მიხედვით, გადამჭრელ მნიშვნელობას ანიჭებს მწარმოებელ ასოციაციას. ეს აღსანიშნავი მომენტი. აქ პირველად ეჯახება ნაროდნიკული სოციალიზმი ევროპის ნიადაგზე აღმოცენებულ სოციალიზმს. ფურცელაძე განაგრძობს:

„ამის გამო ის რკინის კანონი, რომელიც ლასალს მოჰყავს შესახებ სამუშაო ფასის ერთ წერტილზედ ტრიალისა, რომელიც უმტკიცებს შულცეს, რომ ამ კანონის ძალით შენი ასოციაციები (მომხმარებელი) ვერ შეასრულებენ მუშების სრულს საწადელსაო, არის უფრო ძლიერი ამ უსაკუთრო ქვეყნისათვის“²⁾. ჩვენში კი სხვა ეკონომიური და სხვაგვარი პირობებია. ამიტომ აქ არ მოქმედებს რკინის კანონი, უკეთ, იგი არ არის საშიშარი... „გერმანიაში მუშა ხალხი არის დამოკიდებული მამულის პატრონებისგან და მეთანხებზედ.

¹⁾ „ათი მტერს, ერთი მოყვარეს“

²⁾ იქვე.



აქ კი მომეტებული ნაწილი არის თვით საკუთრების პატრონი, მას შასადამე, თავის თავზედ დამოკიდებული“. აქედან ცხადია, რომ გერმანიაში მუშების რიცხვის გამრავლება აუცილებლად იწვევს სამუშაო ფასის დაცემას, აქ კი ამას ადგილი არ ექნება; პირიქით, მომხმარებელი ასოციაცია ძლიერ დაეხმარება კერძო მესაკუთრის გამდიდრებასა და გამრავლებას. ჩვენი სილარიბე შესდგება ჩვენი სიმცირის გამო, რომ არა გვაქვს საკმაო მუშა-ხელი. ამასთან ისევ სილარიბით გამრავლებას, შეძლებით გამრავლდეს ისა სჯობია. რაც შეეხება იმას, რომ გერმანიაში (მუშების) გამრავლებით სამუშაო ფასი აკლდებათ (მუშებს) და ისევ იმ (გაჭირვებულ) მდგომარეობაში უნდა ჩაცვიფდნენ, ჩვენი ში საკუთრების პატრონები თითონ არიან და მაშასადამე თუ მოხერხდება და გარჯა ექნებათ, თავისი შრომის ფასი თავის თავზედ იქნება დამოკიდებული და არა სხვაზე (კაპიტალისტებზე), რომელიც რაკი ბევრს შემთხვევით (მუშებს) დაგინახათ, მოგიკლებთ ფასსა. ამასთან იქ (გერმანიაში) მოჭარბებულია მუშა ხელი. აქ (საქართველოში) ძალიან მცირეა და გვაკლია“. აქ უკვე გარკვევით სჩანს ის სოციალური გზა, რომელსაც ეყრდნობოდა ა. ფურცელაძე საქართველოში: მისი საზრუნავი სოციალური კლასი იყო სოფლის წვრილი მესაკუთრე, გლეხობა, — აი ამათ გამდიდრებაზე ზრუნავდა თავისი მომხმარებელი ასოციაციებით ნაროდნიკი ა. ფურცელაძე, მაშინ, როდესაც „დროების“ თანამშრომელს თავისი მწარმოებელი ასოციაციით მხედველობაში ჰყავს ქალაქის მუშა, პროლეტარი. მაგრამ ანტონ ფურცელაძეს სხვა არგუმენტებიც აქვს „დროების“ თანამშრომლის და ლასალის სოციალური სისტემის საწინააღმდეგოდ; იგი სწერს:

„ლასალი (იმ გვარ აზრებს) წელანაც ალესენით უფრო რათა ჰქადაგებდა. ამას ედო დიდი საქმე წინ, ეპყრა დიდი ძალა ხელსა. ჩვენ იმ პოლიტიკურ მდგომარეობაში ვართ ჯერ, რომ ლასალის აზრამდის ხელი არ მიგვიწვდება, თუნდა რომ თავიან ფეხით დავიჩარჩნეთ, ჩვენ არც იმ გარემოებაში ვართ, რომ ამ გვარს რადიკალურს ცვლილებაზედ ყური დაგვიგდოს ვინმემ. ჩვენი მდგომარეობა სხვაფრივაც საშიშოა, ჩვენ უნდა ველოდეთ დროს, და მინამდინ ეცდილობდეთ ჩვენი ყოველი ღონისძიებით ჩვენი თავის დახმარებას.

თუ გვექნა ცოდნა, მხნეობა, გამრავლება, რასაც არ გვარგებს, არის გვეწევნებს არც ეკონომიურად, არც პოლიტიკურად. ჩვენ ყოვლის ლონისძიებებით ვეცადნეთ განმრავლებას, ეკონომიურს გაუმჯობესებას, სარჩოს შეძენას; როცა ესეები გვექნება, მაშინ უფრო ადვილად შეგვეძლება ლასალისა და ლასალის მსგავსთ კაცთ სწავლათა შესრულება. ულონისძიებოდ, უცოდნელად, უხალისოდ ვიქნებით ყოველთვის უბედური და იმასაც დავეარგავთ, რაცა გვაქვს. ამის გამო ჯერჯერობით დავეხმარნეთ ჩვენს თავს იმ ლონისძიებით, რაც ჩვენს ხელთ არის და ნურც იმას მოვიცლით მხედველობიდან, რასაც სხვები გვასწავლიან — რომ პირველ მარჯვე შემთხვევებში ვიყუეთ იმისათვის (სოციალიზმისათვის) გამზადებულნი.“

(ხაზი ჩენია. ს. ხ.)

როგორც მკითხველიც შეამჩნევდა, ავტორს მხედველობაში აქვს როგორც ჩვენი პოლიტიკური მდგომარეობა, ისე სოციალ-კულტურული პირობები. ლასალის იდეებისათვის ჩვენ ჯერ მზად არ ვართ, ვამედიდრდეთ, მოვემზადოთ და „მერე უფრო კარგად შევასრულებთ ლასალის სწავლას“ აქ ანტ. ფურცელაძე ოპორტუნიზმის როლში გვევლინება. ეს ოპორტუნიზმობა შეიძლება აიხსნას ორი მომენტიტ:

ა) იმ სოციალური ფენის (გლეხობის) ჩამორჩენილობით, რომელსაც თავისი სოციალური პროგრამის შეფარდების დროს ეყრდნობოდა ფურცელაძე და

ბ) რუსული ნაროდნიკული მიმდინარეობის იმ ფრთის გავლენით, რომელიც იცავდა ხალხის კულტურულად და ინტელიგენტურად მომზადების ტაქტიკას (ლავროვი და სხვები).

ვიმეორებთ, ა. ფურცელაძისა და „დროები“ თანამშრომლის კამათით ფაქტიურად დაიწყო ის მნიშვნელოვანი დისკუსია, რომელსაც ადგილი ჰქონდა ჩვენს პრესაში 90-იან წლებში; როგორც 90-იან წლებში ქართველ მარქსისტებს და ნაროდნიკებს ჰქონდათ კამათი კაპიტალიზმის განვითარებისა და პროლეტარიატის როლის შესახებ საზოგადოებრივი ცხოვრების მიმდინარეობაში და სოციალიზმის განხორციელების გზებისა და საშუალებათა შესახებ, ისე 70-იან წლებში იგივე საკითხები, თუმცა ჩანასახის სახით, საკამათოდ გადაიქცა საერთოდ ქართველ ლასალიანელებს და ქართველ ნაროდნიკებს შორის. ისე, როგორც 90-იან წლებში გაზ. „ივერიაში“ ლალი (გ. ლასხიშვილი) გლეხურს (წვრილი მწარმოებლის) ნია-

დაგზე იდგა, უარყოფდა კაპიტალიზმს და მოელოდა სოციალისტური წყობილების „გადმოღებას ევროპიდან ინტელიგენციის საშუალებით“, — ასევე 70-იან წლებში ან. ფურცელაძეს სოციალიზმის განხორციელება შესაძლებლად მიაჩნდა გლეხების მომხალდეობით, მათში საწარმოო და მომხმარებელი ასოციაციების გავრცელებით. მაგრამ აღსანიშნავია ისიც, რომ ლასალიანელი სოციალისტები ისე არ ფიქრობდენ ჩვენი ცხოვრების ეკონომიური განვითარების შესახებ, როგორც ჩვენ ამას დავინახავთ 90-იანი წლების ქართველი მარქსისტების სამოღვაწეო პლატფორმაში.

ანტ. ფურცელაძისა და „დროების“ თანამშრომლის კამათი ნათლად გვიმტკიცებს იმ ფაქტს, რომ 70-იან წლებში ჩვენი ინტელიგენციის ნაწილი სერიოზულად იყო დაინტერესებული სოციალიზმით და მუშათა ცხოვრებით.

ჩვენ არ შევდივართ ამჟამად ლასალის სოციალური კონცეპციის განხილვაში. მარქსმა მთელ რიგ ნაწერებში ნათელჰყო ამ პროგრამის ნამდვილი მნიშვნელობა; თავისთავად მუშათა საწარმოო ასოციაციების მოწყობა კაპიტალისტურ ურთიერთობაში, სადაც მუშა მიიღებდა თავისი ნამუშევრის სრულ ნაყოფს, ამ ასოციაციების კაპიტალისტურ ორგანიზაციებად გადაქცევის ნიშნავდა.

ჩვენში კი, ეკონომიური და კულტურული ჩამორჩენილობის გამო, მუშათა ასოციაციების პროექტების წამოყენება აშკარა უტოპია იყო. მაგრამ ქართული საზოგადოებრივი და სოციალისტური აზროვნებისათვის მას ის მნიშვნელობა აქვს, რომ ამ პროექტში ჩვენში ახლად წამოჭრილმა მუშათა საკითხმა პირველად ჰპოვა თავისი პასუხი ინტელიგენციის მხრივ: სოციალისტურად და რადიკალურად განწყობილმა ინტელიგენციამ უკრიტიკოდ გადმოიტანა მშობლიურ ნიადაგზე ლასალის საწარმოო ასოციაციების პროგრამა და ამ გზით მოინდომა ჩვენში უკვე წამოჭრილი საკითხის მოწესრიგება.

3. პირველი ინტერნაციონალი და ჩვენი ინტელიგენცია.

ხეიმომოყვანილი ფაქტი ამოწმებს, რომ ინტელიგენცია საკმაოდ დაინტერესებული იყო მუშათა და სოციალიზმის საკითხით 70-იან წლებში. ამის დასამტკიცებლად ჩვენ ხელთ კიდევ არის ორი მეტად მნიშვნელოვანი დოკუმენტი: 1871 წლის „დროების“ გადთვალეირების დროს წავაწყდით სარედაქციო წერილს პირვე-

ლი ინტერნაციონალის (1864 — 72 წ. წ.) შესახებ, აუსანიშნავია აგრეთვე ის აღფრთოვანება და თანაგრძნობა, რომელიც გამოუცხადა ქართველი ინტელიგენციის ნაწილმა პარიზის მუშების აჯანყებას. ამაზე ქვევით.

რაც შეეხება პირველ დოკუმენტს, ის საინტერესოა. რუსეთის ლეგალურ პრესაში პირველი ინტერნაციონალის შესახებ, ცენზურის პირობების გამო, იმ ხანებში არაფრის დაწერა არ შეიძლებოდა. საქართველოში ლეგალურ პრესაში I ინტერნაციონალზე წერა, ალბათ, აიხსნება ცენზურის ჩამორჩენილობით და უყურადღებობით¹⁾. არ შეგვიძლია ეს დოკუმენტი აქ მთლად არ მოვიყვანოთ, რადგან მასში გამოთქმულია ჩვენი ნორჩი ინტელიგენციის სიმპატია მუშათა პირველი საერთაშორისო ორგანიზაციისადმი, რომელსაც მეთაურობდა კ. მარქსი. ცხადია, 70-იან წლებში ინტელიგენციის ნაწილი იცნობდა კ. მარქსს და მის მოღვაწეობას. ამასთანავე ამ დოკუმენტისათვის ჩვენს ლიტერატურაში ჯერ კიდევ არავის მიუქცევია ყურადღება, იგი კი ღირსია გამომზეურების. აი ეს დოკუმენტი.

„ხალხთა შორის მუშების საზოგადოება“.

„ზოგიერთს გაზეთებში სწერენ ამ უკანასკნელ დროს, რომ პარიზში არეულობის მომხდენი და მოთავე ის მუშების საზოგადოება იყო, რომლის სახელი ჩვენ ზემოთ ამოვიწერეთ; ამბობენ, რომ პარიზის მუშებს ლონდონისა და ბერლინის კომიტეტებიდან მოსდიოდა ინსტრუქცია და დარიგება — თუ როგორ უნდა მოქცეულიყვნენ ისინი და როგორ უნდა წაეყვანათ არეულობის საქმე. ამიტომ ამ საზოგადოებას ახლა უფრო მომეტებულ მნიშვნელობას აძლევენ და ამიტომაც ბევრს სწერენ გაზეთებში. აქ მოგვყავს შემოკლებით ცნობები მართლა ამ ბევრის მხრით შესანიშნავს საზოგადოებაზე.“

ეს საზოგადოება ან ასოციაცია შემდგარიათი თქმის მხოლოდ მუშა ხალხისაგან, მაგრამ იმის წევრებათ არიან აგრეთვე ისეთიც მწერლებიც და სხვა პირებიც, რომელნიც გამოჩენილნი არიან თავის ხალხის მოყვარული აზრებით და რომელთაც ჰსურთ მდებრიო ხალხის მდგომარეობის გაუმჯობესება. სულ წევ-

¹⁾ 80-იან წლებში ბოროზდინი უსაყვედურებდა ტფილისში მოქმედ ცენზორს, რომ იგი არ აქცევდა შესაფერ ყურადღებას პრესას, რის გამო ნ. ნიკოლაძეს შეძლება ჰქონდა ევრკელებია ხალხში თავისი ნილილისტურ-სოციალისტური აზრებით. (იხ. „Былое“, 1907 წ.)

რების რიცხვი ორ მილიონ ნახევარია (2.500.000). ესენი თითქმის მთელ დედა-მიწაზე არიან გაფანტულნი: ყველგან, საცა ქრისტიანობაა შესული მუშეებში განათლების სხივი, ყველგან ნახავთ ამ ასოციაციის წევრებს. ცენტრალური მმართველობის კომიტეტი კი ლონდონშია, აქ სწყდება ასოციაციის ყველა საზოგადო და ღირსშესანიშნავი საქმეები. სხვაგანც, სატახტო ქალაქებში, არიან ამ კომიტეტის განყოფილებანი, მაგალითად: პარიზში, ბერლინში, ვენაში, ფლორენციაში, ბრიუსელში, ჟენევაში, და აგრეთვე ამერიკის ბევრ ქალაქებში. უმთავრესი, ანუ ცენტრალური ლონდონის კომიტეტი თხუთმეტი წევრისაგან არის შემდგარი. ყოველ კვირას ამ კომიტეტს უცხო-ქვეყნების კომიტეტებისაგან მოსდის იმათი მოქმედების ანგარიში და სხვა და სხვა საკირო ცნობები, როგორც მაგალითად: 1. ადგილობრივ პოლიტიკურ მოძრაობაზე და სავაჭრო საქმეებზე; 2. უწყება ახალ წევრებზე; 3. თავის ღონის-ძიების მდგომარეობაზე; 4. მდიდართ ფაბრიკანტების და თანხის პატრონების სია; 5. თავიანთი მოქმედების და გადაწყვეტილების ანგარიში და სხვა.

ამ ასოციაციას ძალიან დიდი შეძლება აქვს: ყოველი წევრი, ყოველი მუშა, შეძლებისა და გვარათ, თითო-ორთა ზაურს სწირავს კვირაში და აქედან დიდი ფული შესდგა. უმთავრესი დანიშნულება ამ საზოგადოებისა ისაა, რომ ყოველ შემთხვევაში მუშებს ხელი მოუშართოს და ეცადოს მისი ცუდი მდგომარეობის გაკეთებაზე. ამ აზრის მისაღწევად ასოციაცია სცემს წიგნებს და გაზეთებს მუშებისათვის, ჰკითხულობს საპუბლიკო ლექციებს, მართავს იმათთვის საავადმყოფოებს და საკითხავ ოთახებს და სხვა. ეს ასოციაცია არის მთელი ქვეყნის მუშების შემაერთებელი, ის სცდილობს, რომ ყველა მუშებს ერთი აზრი, ერთი წადილი და ერთნაირი მოქმედება ჰქონდეთ. ესტევათ, სადმე რომელიმე ფაბრიკანტი მუშებს ავიწროებს, ცოტა ჯამაგირს აძლევს ან ბევრს ამუშავებს და ამის გამო ამით შუა უთანხმოება მოხდა და მუშებმა თავი დაანებეს მუშაობას (შეადგინეს „სტაჩკა“), რომ ამით ჯამაგირი მოამატებინათ ფაბრიკანტს; მაშინვე ცენტრალური კომიტეტი უზაფინის ამ მუშებს ფულებს, რომ დრომდი შეიძლონ ცხოვრება და დარიგებას აძლევთ ამათ, თუ როგორც უნდა მოიქცნენ.

ერთი სიტყვით, სხვა არა იყოს რა, ეს ასოციაცია მართო იმითაა შესანიშნავი, რომ ამდენი წევ-

რები და შეძლება, მგონი არცერთ სხვა საზოგადოებაში არ იპოვნება, და თუ ამ სახსრების მიზანით მოხმარება დასცალდათ და შეიძლეს, უკვეელია იმას ძალიან დიდი მნიშვნელობა ექნება შემდგომი, როდესაც მუშების მდგომარეობას ახლანდელზე უფრო მომეტებული ყურადღება ექნება მიქცეული¹⁾ (კურსივი ჩვენია. ს. ხ.)

მკითხველი შეამჩნევს, რომ წერილის ავტორი ერთობ ფრთხილად ლაპარაკობს პირველი ინტერნაციონალის შესახებ: ინ-ლის პოლიტიკურ მხარეებს და პროგრამის საზოგადო მიზნებს თითქმის სრულიად არ ეხება, უკეთ—ვერ ეხება. ეს აიხსნება ცენზურული პირობებით. ავტორმა იმდენად დეტალურად იცის პირველი ინტერნაციონალის ორგანიზაციული სტრუქტურა, მისი მოღვაწეობა და მნიშვნელობა, რომ შეუძლებელია მას არ სცოდნოდა ამ ასოციაციის პრაქტიკული მიზნები, სოციალიზმის და კლასთა ბრძოლის პრინციპი, არ სცოდნოდა მისი მეთაური კ. მარქსი, და თუ სიმპატიას უცხადებს, ეს იმას ნიშნავს, რომ წერილის ავტორი სიმპატიას უცხადებს მთლიანად აღებული ინტერნაციონალის მოღვაწეობას და მიზნებს: ცენზურული პირობები მას საშუალებას არ აძლევდა სხვა ენით ეწერა და ამიტომ აირჩია „ეზოპის ენა“.

გარდა ზემოთყვანილი წერილისა, პირველი ინტერნაციონალის შესახებ „დროების“ ფურცლებზე ვხვდებით სხვა წერილებსაც. „დროების“ ჟენეველი თანამშრომელი (ბ. ჯ.²⁾ (როგორც წერილებიდან ირკვევა, ჟენევის უნივერსიტეტის მსმენელია) ვრცელს მიმოხილვაში სწერს:

„ამ საზოგადოებაშილ მარტო გაგაცნობთ ორს, არა იმიტომ, რომ აქ უკეთ მიდიოდეს საქმე და უფრო სხვაზე უკეთესათ იჩენდეს თავსა თავის ღრმა სწავლით, — პუბლიკური ლექციების საქმე, რამდენადაც შემინიშნავს, ყველგან კარგათ მიდის, — მაგრამ მე მინდა იმ ორ საზოგადოებაზე გითხრათ ორიოდ სიტყვა ერთი იმიტომ, რომ ისინი დიდათ განსხვავდებიან სხვებიდან თავის მიმართულებით

¹⁾ გახ. „დროება“, № 23, 1871 წ. ხელმოუწერელი წერილი: „ხალხთა შორისი მუშების საზოგადოება“.

²⁾ ჩვენ მიერ შეკრებილი ცნობით, მისი ნამდვილი გვარი და სახელი ბესარიონ ჯაფარიძეა; ამ ჯაფარიძემ მონაწილეობა მიიღო 1874 წ. ქართველების მიერ გამართულ კონგრესზედაც ჟენევაში.

და მეორეთ იმიტომ, რომ რომელსა მე შემდგომ წერილში მსურს უფრო დაწვრილებით გაგაცნოთ მათ სხვა მხრით¹⁾. ახლა კი გიჩვენებთ იმათ მოქმედებას, რომლიდანაც შეგიძლიათ გამოიყვანოთ, თუ-რა ადგილი უჭირავს მათ ამ საზოგადო ლექციების საქმეში. ერთი ამ ორთაგანი არის „ხალხთა შორის მუშების საზოგადოება“, რომელსაც ინტერნაციონალს უძახიან (international) და მეორე მისი მოპირდაპირე: „სახალხო წრე“ (cerle populaire). პირველის მიზანი არის გამოიყვანოს მუშახალხი იმ მდგომარეობიდან, რომელშიაც ის ეხლა იმყოფება და, რამდენადაც ეს შესაძლებელია, პოლიტიკური ეკონომიის კანონების თანახმად; მაშასადამე, მისგან გახსნილ ლექციებსაც ის მიმართულება აქვს, რომ ცხადად დაანახოს მსმენელს ეხლანდელი მუშა-ხალხის მდგომარეობა, აუცილებელი საჭიროება მისი ამ მდგომარეობიდან გამოსვლისა და პოლიტიკური და სოციალური საშუალებები ამ გამოსვლისათვის; ამ აზრით კითხულობენ სოციალიზმის ისტორიას და მის ეხლანდელ მდგომარეობას სხვადასხვა სახელმწიფოებში, მოძრაობას სხვადასხვა ადგილს. ამას გარდა განსაკუთრებითი ლექციებია დანიშნული ქენევის კანტონის პოლიტიკური და სამოქალაქო კანონების ასახსნელათ. იქნება გაგიკვირდეთ, რომ შეგატყობინოთ, რომ უმეტეს ნაწილს ამ ლექციებისას, რომელნიც პოლიტიკურ და იურიდიკულ მხარეს შეეხება, ჰკითხულობენ აქაური ადვოკატები, რასაკვირველია, რომელნიც თანაუგრძნობენ ამ ნაირ მიმართულებას. ამ პირდაპირ თავის მიზნის შესახებ საგნებს გარდა, ამეამათ მათ აქვთ გამართული ასტრონომიის ლექციები, რომელნიც თითქმის მთელ ასტრონომიას შეიცავს და ისე ვრცლათ იკითხება, რომ მის გაგების შემდეგ ბევრს ამაოდ მორწმუნებას ადგილი აღარ ექნება მისი მსმენელის თავში. უნდა გითხრათ ჩემი აზრი, ძლიერ კმაყოფილი ვარ ამ ლექციებზე: ვინ იცის რამდენი ფიქრები მომდიოდნენ, როცა ვხედავდი, რომ კიდევ კირით გასვრილ კალატოზებს და ათას ფერათ შეჭრელებულს მღებრებს კოპერნიკის სისტემას უხსნიდნენ; მაშინ გამახსენდა, რომ რამდენი ადგილია, სადაც თავადიშვილებს, არამც თუ სისტემები,

¹⁾ ავტორმა თავისი დაპირება ვერ შეასრულა: „დროების“ ნომრებში არ სჩანს მისი წერილი პირველ ინტერნაციონალზე.

უბრალო ასტრონომიური ტერმინები როგორ: ეკლიპტიკა, ეკვატორი და სხვა, პირველ თავს საკმეღალ მიაჩნიათ; აქ კი უბრალო მუშამაც იცის, რას რა მნიშვნელობა აქვს.

„მეორე საზოგადოებას—თუმცა სახელი კი სახალხო აქვს, მიზანი კი სულ სხვა აქვს; ნისი აზრია რაც მოუხერხდება მეტი დაბრკოლება მისცეს ინტერნაციონალის საქმეს და დააჯეროს მუშა-ხალხი მის ეხლანდელ ბედნიერ მდგომარეობაზედ, ანუ შეაგონოს, რომ რასაც მათი პატრონები მათ თავის ნებით არას დაუთმობენ, მის მეტს ვერც არას ისინი შეიძენენ. ამ აზრის თანახმად არის იქ გამართული ლექციები სოციალურს და პოლიტიკურ წყობილებაზედ ჩვენს დროშიდ, და ამ პროგრამის გარჩევა თუ—როგორ ვიმოქმედოთ მომავლისათვის“¹⁾. ასე სწერდა ინტერნაციონალის შესახებ „დროებას“ ენეველი თანამშრომელი (ბ. ჯაფარიძე). აქ უნდა აღვნიშნოთ, რომ იმ ხანებში საზღვარგარეულ ქართველ მოსწავლე ახალგაზრდობაზე დიდ გავლენას ახდენდა, როგორც გაზეთის კორესპონდენციებიდან სჩანს, პარიზის კომუნის ამბები. ახალგაზრდობას ასე თუ ისე დამოკიდებულება ჰქონდა ემიგრანტ-კომუნარებთან და მათი გავლენით სწერდენ წერილებს „დროებასათვის“²⁾ და ხშირად აცნობდენ ქართველ მკითხველს ამბებს კომუნარების ცხოვრებიდან. ცხადია, რომ ჩვენ ახალგაზრდებში პირველი ინტერნაციონალისადმი სიმპატიები, ალბათ, კომუნარების ზეგავლენითაც შემუშავდა. შესამე წერილი პირველი ინტერნაციონალის შესახებ ეკუთვნის დ. ზურაბიშვილს. 1872 წ. „დროება“-ში იგი ვრცელ წერილებს ათავსებს და მის წერილებსაც გადაკრული აქვს სოციალისტური იერი. სხვათა შორის, მას დაუწერია ვრცელი მიმოხილვა ბასტილიის და-

¹⁾ „დროება“, № 7, 1872 წ. ბ. ჯ-ს წერილი: „უცხო ქვეყნები (ენეველიამ)“.

²⁾ „დროება“ ერთ ნომერში ერთ საინტერესო ცნობას გადმოგვცემს: „ერთი ჩვენი („დროების“) კორესპონდენტი შემდეგ საკვირველ ამბავს გვწერს წიგნში საზღვარგარეთიდან: „ამას წინათ აქ (შვეიცარიაში) ერთი პარიველი ფრანკუზი გაეცანა. ამ ფრანკუს შარშან მაისს პარიზის კომუნაში მიეღო მონაწილეობა, ერთი ბატალიონის წინამძღოლი იყო, და ამის გამო ესლა, როგორც ბევრი სხვები, ესეც აქ არის გადმოვარდნილი. სხვათა შორის იმან მითხრა, რომ ჩემს ზელ-ქვეით ერთი ქართველი, სახელად ბაგრატიონი მსახურობდაო და ძლიერ მზნე და ეპყაკი უმაწილი იყოო... ეს ბაგრატიონი, როგორც შემდეგ შევითყვე, იმერეთის მეფის შთამომავლობისა ყოფილა. ის მოუკლავთ პარიზის ერთს ბარიკადაზე იმ დროს, როდესაც ვერსალის ჯარმა პარიჟი აიღო...“ („დროება“, № 22, 1872 წ.). საფიქრებელია, რომ პარიზის კომუნაში სხვა ქართველებიც მიიღებდნენ მონაწილეობას, მაგრამ ამის შესახებ ამჟამად არა ვიცით რა.

მხოზისა და საფრანგეთის 1789 წლის რევოლუციის შესახებ¹⁾, ნევიდან გამოგზავნილ ვრცელ მიმოხილვაში იგი პირველ ინტერნაციონალსაც ეხება და სწერს:

„აზირობული ხალხია ეს შევითარებლები! მაშინ, როდესაც ხალხთა შორის საზოგადოებას (ინტერნაციონალს) ყოველ სახელმწიფოში — გარდა ინგლისისა და ამერიკისა — სდევნიან, და ეულ ფაერის მანიფესტი კიდევ უფრო ამტკიცებს ბურჟუაზიის შიშსა და თრთოლვას ინტერნაციონალის პრინციპების წინაშე, ეენევაში ამ საზოგადოების წევრნი მართებლობის წევრთა რიცხვში არიან და საქვეყნო საქმეებს განაგებენ... მაგრამ ჩვენს საუკუნეში სამართლის ტალახში გათელა, თავისუფლების შეგინება, ხალხის ბედით თამაში, როგორც ქანდრაკის კაცებითა, გულს აღარ გვიღონებს... შევეჩვიეთ!... სანატრელი დღის მოახლოება ჩვენ ზედვე არის დამოკიდებული, ვებრძოლოთ ხალხის დამჩაგვრელ მიზეზებს, წინ აღუდგეთ მხნეთ ბოროტებას და ექვი არ არის, ვნახავთ გამარჯვების დღეს...“

„არ არის უფლება, გარეშე ვალდებულებისა, არ არის ვალდებულება გარეშე უფლებისა“. ეს არის ინტერნაციონალის დევიზი, მთელი მისი პროგრამა ამ სიტყვების განმარტებაა. ხალხთა შორის საზოგადოება სცდილობს: 1) რომ ყველა მუშა თვითონ თავის ღონით განთავისუფლებული იქნეს, 2) რომ მუშები თავის შრომის პატრონნი შეიქნენ, რომ საზოგადოების ერთი ნაწილი ბატონათ არ გაუხდეს მეორესა, 3) რომ მუშების დამოკიდებულება თავიანთ ალებზედ (ე. ი. კაპიტალისტებზე. ს. ხ.) მავნებელია განთავისუფლებისათვის და ყოველი ზნეობით დამცირების, სოციალური და პოლიტიკური უსამართლობის მიზეზია, 4) რომ ეკონომიური განთავისუფლება მუშებისა დიდი საქმეა, რომლისთვისაც ყოველი პოლიტიკური შემთხვევა უნდა იხმარონ, 5) რომ ყოველი მეცადინეობა მუშებისა დღემდე უნაყოფო იყო, რადგან მათ შორის არ სუფევდა თანხმობა და ძმური სიყვარული, 6) რომ მუშა ხალხის განთავისუფლება არ არის ადგილობრივი, ან ნაციონალური, არამედ ეს არის მიზანი ყოველი განათლებული კაცუნისა და ყველამ მონაწილეობა უნდა მიიღოს ამაში.

1) დ. ზურაბისშვილი: „ბასტილიის აღება 1789 წ. და იმისი დღესასწაულობა წელს“, „დროება“, № 29 და 30, 1872 წ.

„კონგრესმა, რომელიც პირველად 1866 წ. შეიკრიბა ჟენევაში, გამოაცხადა, რომ არაერთარს განსხვავებას არ ჰპოვებს ის სხვადასხვა ხალხებს შორის, რომ კაცი უნდა ხელმძღვანელობდეს ნიადაგ შემდეგი პრინციპებით: სიმართლით, ჭეშმარიტებით, ზნეობით. კონგრესმა იცნო ყველა ადამიანი კაცობრიობის წევრად, რომელთაც აქვთ უფლება მოითხოვონ სამოქალაქო კაცის სიმართლე, არა თუ მართო თავისთვის, არამედ ყველასათვის, ვინც კი თავის მოვალეობას ასრულებს. როგორ მოგწონთ, რომ იმ საზოგადოებას, რომელსაც ამისთანა უმანკო და გონიერი მიზანი აქვს, ისე სდევნიან, როგორც ძველ ქრისტიანებს ნერონის დროსა? მაგრამ ქრისტიანებს იმ ტანჯვით და წამებით, რომელიც მათ გასწიეს, არა წაუგიათ რა. უგუხურმა მტერმა არ იცოდა, რომ რაც უფრო მხურვალეთ ებრძოდა ქრისტიანობას, ის მით წიერსა და ძლიერებას იძენდა. ყოველი ახალი სწავლის ბედით რომელიც საზოგადოებას ჯერ არ მიუღია, ამნაირია“¹⁾.

ამგვარად აშუქებდა 70-იანი წლების ჩვენი მოწინავე და სოციალისტურად განწყობილი ინტელიგენცია პირველი ინტერნაციონალის მნიშვნელობასა და როლს მუშათა განთავისუფლების საქმეში. უდავოა, რომ ამ ეპოქის ჩვენი ინტელიგენცია სიმპატიით უცქერის ინტერნაციონალს და დიდ იმედებს ამყარებს მასზე. ეს ფაქტი აუცილებლად უნდა იქნეს აღნიშნული: აქედან მტკიცდება, რომ ჩვენი მაშინდელი ინტელიგენციის მოწინავე ფენები დიდ გავლენას განიცდიდნენ როგორც რუსეთის რევოლუციონური მოძრაობისა და სოციალისტური პიმდინარეობებისა, ისე ევროპის ნიადაგზე აღმოცენებული სოციალისტური მოძრაობისაგან.

4. პარიზის კომუნა და ჩვენი ინტელიგენცია

პარიზის კომუნამ დიდი სიმპატია და აღფრთოვანება გამოიწვია ქართველი ინტელიგენციის ნაწილში²⁾, ხოლო მისმა დამარცხებამ

¹⁾ დ. ზურაბისშვილი: „წერილები ჟენევიდამ“. „დროება“, № 47, 1872 წ.

²⁾ უცხოეთის ერთ-ერთ მიმოხილვაში 15 აპრილის ნომერში „დროების“ თანამშრომელი სწერს: „ამბობენ, რომ ახლანდელი პარიზის რევოლუციის პლანები ლონდონში დაუწყევია მარკსს, ასსის, ბენტინისა და ლარნოტს; ყველა ესენი არიან სხვა და სხვა ქვეყნების წარმომადგენელი წევრები ლონდონის ხალხთა

არანაკლებად დააღონა იგი¹⁾. „დროების“ ფურცლებზე არაერთხელ გამოთქმულა სიმპატიები პარიზის მუშებისადმი. ა. ჯორჯაძე თავის მასალებში სწერს, „დროების“ სიმპატიები საფრანგეთის მუშების მიერ წამოყენებული კომუნალური ფედერალიზმისაკენ არ იყო მიმართულიო²⁾. ეს მართალია, „დროების“ თანამშრომელი, რომელიც ლასალის სახელმწიფოებრივი პრინციპის ნიადაგზე იდგა, ვერ გაიზიარებდა კომუნის ფედერალურ-კომუნალურ პრინციპებს. ის მოჰხრე იყო ცენტრალისტური პრინციპისა და სწორედ ამ სახომით აფასებდა პარიზის კომუნის პროგრამასაც. საერთოდ კი „დროების“ სიმპატიები პარიზის მუშებისაკენ იყო. „დროების“ 9 აპრილის ნომერში შემდეგი საყურადღებო დახასიათება არის მოთავსებული პარიზის არეულობის შესახებ:

„არეულობა პარიზში, რომელიც 6 (18) მარტს დაიწყო, მას შემდეგ ძალიან გაგრძელდა, ასე რომ ამ ჟამად მთელი პარიზი აჯანყებულების ხელშია. აჯანყებულები არიან ნაციონალური გვარდიის ჯარი და მუშა-ხალხი, რომელთაც არ ჰოსწონთ ახლანდელი მმართველობა და მათი მოქმედება; იმათ ეშინიათ, რომ ტიერის, ჟულ ფერის და ჰიკარისთანა პირებისაგან შედგენილი მმართველობა და ახლანდელი ნაციონალური კრება, რომელიც მონარქიული დეპუტატებისაგან არის შემდგარი, უღალატებს რესპუბლიკის პრინციპს ამას გარდა იმათ არ მიეწონათ კიდევ ის გარემოება, რომ პარიზი

შორის მუშების ლიგისა (ე. ი. პირველი ინტერნაციონალის. ს. ხ.). ამ ლიგის მიტინგებში, როცა პარიზში რევოლუციის მოხდენაზე ყოფილა ლაპარაკი, დიდი მონაწილეობა მიუღია აგრეთვე ბლანკის“ (იხ. „დროება“, № 15, 1871 წ.).

ისტორიულად ეს ცნობა მართალი არ არის. კომუნა სტიქიურად წარმოიშვა, მასში ინტერნაციონალის კომიტეტს არავითარი მონაწილეობა არ მიუღია, თუმცა კომუნაში ინტერნაციონალის რამდენიმე წევრი იღებდა მონაწილეობას. შემდგომ ენგელსი სწერდა, რომ კომუნის რევოლუციის მოსახდენად ინ-ლის თითოეულ არ გაუძმრევია, მაგრამ იგი (კომუნა) მაინც ნაყოფი იყო იმ დიდი სოციალისტური მოღვაწეობის, რომელსაც ეწეოდა მუშათა საერთაშორისო ასოციაცია თავისი დაარსების დღიდანა.

¹⁾ იხ. ილ. ქავკავაძის ლექსი: „პარიზი“ („კრებული“, № 5 და 6. 1873 წ., გვ. 354). და ნ. სკანდელის (ნიკოლაძის) წერილი „პარიზის გარემოება“, „კრებული“, № 4, გვ. 293—200, 1873 წ.

1872 წ. „დროების“ ფურცლებზედაც უცდია ნ. ს. კომუნის შესახებ წერილის მოთავსება, მაგრამ მისი მიმოხილვის ეს ნაწილი არ გაუშვია ცენზურას (იხ. „დროება“ № 1 და 2, 1872 წ.).

²⁾ არჩილ ჯორჯაძე: თხზულებანი, ტ. 5, გვ. 131.

მიატოვებს და საფრანგეთის სატახტო ქალაქად ვერსალის¹⁾ აჯანყებული ნაციონალური გვარდია თბრულობს ამასთანავე, რომ ჩვენი უფროსები ჩვენვე უნდა ამოვირჩიოთო, მმართველობისაგან დანიშნული პირების ნდობა ჩვენ არ გვაქვს, — ისინი ვერ დაიცვენ საფრანგეთის რესპუბლიკასო. აი ეს არიან უმთავრესი მიზეზები ახლანდელი პარიზის არეულობისა. ნამდვილი მიზეზი კი განხეთქილებისა, როგორც თითქმის ყოველთვის, ლუკმა-პურის საქმეა. მუშებს არა აქვთ ნდობა ახლანდელი მმართველობისა, რომელიც მდიდრებისაგან და ბურჟუაზიული პარტიის მომხრეებისაგან არის შემდგარი; იმათ იციათ, რომ ამისთანა პირები ხშირათ უფრო თავის საკუთარი სარგებლობისათვის მოქმედებენ, ვიდრე საზოგადოებისა და მდამიო ხალხისათვის“. (ხაზი ჩენია ს. ხ.)¹⁾

30 აპრილის ნომერში ვკითხულობთ: „ეს ახლანდელი ბრძოლა — ლუკმა პურისათვის ბრძოლაა, და ამიტომ არის ისე გაცხარებული. ბურჟუაზიას (ვერსალის მმართველობას) ჰსურს ჩაიგდოს ხელში საფრანგეთის საქმეების გამგეობა და უწინდებურად ისარგებლოს მუშა-ხალხის შრომით. მუშა-ხალხს კი თავის მხრივ ჰსურს თავის საქმეები თვითონვე (ნამდვილი რესპუბლიკის საშუალებით) განაგოს და არავის არ მისცეს თავისი შრომით სარგებლობის ნება, — აი ნამდვილი მიზეზი ახლანდელი არეულობისა; როდესაც პარიზელები თავიანთთვის სხვა და სხვა უფლებებს თხოულობენ, იმათ მხოლოდ ის მიზანი აქვთ მხედველობაში, რომ შემდეგში კაპიტალისტებისაგან დამოუკიდებლობას აპირებენ.“²⁾ (ხაზი ჩენია ს. ხ.)

ვფიქრობთ, ამოწერილი ციტატები ნათლად ამტკიცებენ იმას, თუ საით იყო მიმართული „დროების“ თანამშრომელის სიმპატიები და როგორ ესმოდა მას პარიზის აჯანყების მთავარი მიზეზები. ვაზ. „დროების“ თანამშრომელმა აქაც ნათლად დაგვანახა, თუ როგორ ღრმად იყო დაინტერესებული 70-იან წლებში ინტელიგენციის ნაწილი მუშათა და სოციალისტური მოძრაობის საკითხებით.

¹⁾ იხ. წერილი: „უცხოეთის ქვეყნები — საფრანგეთი“. „დროება“, № 14, 1871 წ.

²⁾ იხ. ხელმოწერილი წერილი: „უცხო ქვეყნებში — პარიზის არეულობა“. „დროება“, № 17, 1871 წ.

აქ მეტი არ იქნება მკითხველს გავაცნოთ ნ. ნიკოლაძის საყურადღებო წერილებიდან („სხვათა შორის ნაგრძნობი და განაგონი“) შენიშვნები პარიზის კომუნის შესახებ. 1872 — 1873 წლებში ჩვენმა პუბლიცისტმა იმგზავრა რუსეთსა და ევროპაში და შემდეგ თავისი „ნაგრძნობი და განაგონი“ გადმოგვცა ქურნ. „კრებულის“ ფურცლებზე. 1872 წ. ივნისის თვეში, ე. ი. პარიზის კომუნარების დამარცხების ერთი წლის შემდეგ, იგი პროლეტარიატის სისხლით შეღებილ საფრანგეთის დედაქალაქშია. ავტორი შემდეგნაირად აგვიწერს თავის შთაბეჭდილებას:

„დიდის ყურადღებით გავსინჯე ის ადგილი, რადაც ეკლესიის კედელთან, ეკლესიის ბოძზე განუსჯელად დახვრიტეს პარიზის დეპუტატი მილერი. აგრეთვე, როგორც ის ქუჩა, სადაც მაკ-მაჰონის ჯარმა, ბარიკადის აღების შემდეგ, ბარიკადის უკან სამასი კაცი ერთად დახვრიტა და იქვე, ბარიკადის ორმოში ჩაფლო, თუმც უმეტესი ნაწილი იმათგანი სანახევროდ ცოცხალი იყვნენ... ვნახე მთელი ის გზა, რომელზედაც რვა დღის განმავლობაში დაუზოგველი ბრძოლა იყო, და რომლის თითოეული ნაბიჯი ასი და ათასი კაცის სისხლით მოირწყო. ვნახე ორიოდ იმ ეზოებთაგანი, სადაც ჯარმა ხუთას-ხუთასობით პარიზელი მუშები შეამწყვდია და განუსჯელად, დაუთვლელად, განუკითხავათ ყველანი მიტრალეზებით დახვრიტა. ის ადგილიც ვნახე, სადაც დამარცხების შემდეგ ბარიკადზე გამოვიდა გამოჩენილი მწერალი დელეკლუზი, გულხელი დაკრეფა, დროშას ამოუდგა, ექვსი ტყვია ირგო გულში და ბარიკადის ქვეშ მკვდრათ დაეცა. ის ადგილებიც გავსინჯე, სადაც თორმეტი წლის მებრძოლი მუშები, თექვსმეტი წლის მათი დები და მოხუცი დედ-მამა დახვრიტეს. ერთის სიტყვით გავიარე ის გზა, რომელზედაც გამწარებულმა და სამი თვის ბრძოლით დაუღალავმა პარიზის ხალხმა უზენაესი გმირობის თვისება — მოკვლობის ცოდნა და სიადვილე გამოიჩინა“.

ცოტა ქვევით ჩვენი ავტორი განაგრძობს:

„მუშა-ხალხზე კი რა ითქმის? წარმოიდგინე, მკითხველო, რომ შენ დიდი შრომით და გაჭირვებით ჩინებული ხილი გიპოვნია, რომლის ჩამოსატანადაც უშველებელ ხეზე აფორთხებულხარ და კისერი კინალამ ათასჯერ მიგიმტრევია, ჩამოსულხარ ხედგან და იმ დროს, როცა ხილის შექმას ემზადები, სტაცებს ვინმე ხელს იმ შენ ხილს და ხელიდან გააცოცებს. შენ გრძნობ, რომ ხილს ველარ შეინარჩუნებ, რომ ის გერთმევა, ნახევარიც აღარ გიჭირავს ხელში, აი

ორი თითო კიდეც გაგებხნა, აი ესეც არის გამოგისხლტება, ხელიდან ის ნაწილიც, რომელსაც ნახევრამდე ჩაერქო შენი თითები. შენ გრძნობ ამას და დახმარების, გამაგრების იმედი არსაით გაქვს. რა გუნებაზე იქნები შენ მაშინ, თუ მართლა ის ხილი გიყვარს და მისი შეჩენა გულდაგულ გინდა? რა ქეიფზე დაგაყენებს შენ ის გრძნობა? რა სიმწარე და ბრაზი გამოიხატება შენს პირის სახეზე? განსაკუთრებით თუ ხილის წართმევის დროს ორიოდ თიფი მოგამტერიეს და მთელი მკლავი დაგილურჯეს? აი სწორეთ, ამ გუნების და პირის სახის მეჩენა მე პარიზელი მუშა-ხალხი, როცა იმას გვერდი აუარე, შინ რომ მივდიოდი მოსასვენებლად“¹⁾

მკითხველი მიხვდება, რომ ჩვენი ავტორი, საცენზურო პირობების გამო, შედარებით ლაპარაკობს; მაგრამ ამ წერილიდან ნათლად, გარკვევით სჩანს ის ღრმა თანაგრძნობა და სიმპატიები, რომელსაც უცხადებდა ქართველი პუბლიცისტი პარიზის აჯანყებულ მუშებს²⁾.

ნიკოლაძეს კარგად ესმოდა, რომ პარიზის პროლეტარებმა თავიანთი საანატრელი ხილი ჩაიგდეს ხელში 1871 წ. მარტის თვეში, მაგრამ ასეთი ექსპერიმენტისათვის ბურჟუაზიამ იგი გაანადგურა და სისხლისაგან დასცალა. ნიკო ნიკოლაძე იმ პერიოდში რევოლუციონურად და სოციალისტურად განწყობილი მწერალი იყო და მან ცხადად დაინახა პარიზის რევოლუციის კლასობრივი და პროლეტარული შინაარსი. ნიკოლაძეს ჩვენ უფრო გრძელად ქვევით გავიცნობთ, ახლა დაეუბრუნდეთ გაზეთ „დროებას“

1871 წლის „დროება“-ში „პარიზის არეულობის“ შესახებ მოთავსებული ხელმოუწერელი მიმოხილვების გადაკითხვამ დაგვარწმუნა, რომ ამ წერილებს სწერდა გამოცდილი ხელი, საერთაშორისო პოლიტიკისა და მუშათა მოძრაობის კარგად მცოდნე პიროვნება. ამ

¹⁾ ნ. სვანდელი (ნიკოლაძე): „სხვათა შორის“ ჟურ. „კრებული“, № 4, 1873 წ.

²⁾ როგორც ზევით ვწერდით, ქართველი სტუდენტები იცნობდნენ პარიზის კომუნარ ემიგრანტებს და, ცხადია, მათ ღიდ გავლენას განიცდიდნენ ისინი. ი. ვ. ჯაბაძე არი თავის მოგონებებში გადმოგვცემს, რომ 1874 წელს ქართველთა კონგრესისათვის დაქირავებულ ბინაში დადიოდნენ როგორც რუსეთის ემიგრანტები (ტაჩჩეი, ჟუკოვსკი და სხვ.), ისე საფრანგეთის კომუნარები — ლე-ფრანსე, მონტელს, ბაბიკი და სხვები. სხდომის გახსნამდე კონგრესის მონაწილეთ ფეხზე ადგომით პატივი უცაათ დაღუპული კომუნარების ხსოვნისათვის (იხ. ჯაბაძეარის „მოგონებები“. ჟურნ. „Вперед“, № 9, გვ. 177 — 75, 1907 წ.) ეიმეორებთ, კომუნამ და მისმა ბრძოლამ საკმაო მნიშვნელობის გავლენა მოახდინა ჩვენს ინტელიგენციაზე, ეს საკითხები ჯერ კიდევ თხოულობს შესწავლას.

მიმოხილვებს დიდი ისტორიული მნიშვნელობა ჰქონდათ, ჩვენში სოციალისტური და რევოლუციონური აზროვნების გავრცელების საქმეებისათვის. ფაქტური მიმოხილვა პარიზის აჯანყების ვითარებისა, გამოცემული მნიშვნელოვანი დეკრეტები, მოწოდებები, მანიფესტები და საგანგებო წერილები, აჯანყებულთა პროგრამა, სხვადასხვა ჯგუფების მიმართვები თართოდ იბეჭდებოდა „დროების“ ფურცლებზე, ცენზურის ცხვირის წინ. ვფიქრობთ, რომ ასეთი „თავისუფლებით“ პარიზის კომუნის შეფასებაში არც ერთი პრესა არ სარგებლობდა რუსეთის ტერიტორიაზე. ეს ისტორიული დოკუმენტები პარიზის კომუნის მოღვაწეობიდან და გაზეთის მხრით მათი პრინციპიალური შეფასება აუცილებლად დიდ როლს ითამაშებდა ახლად ფეხადგმული ქართველი მშრომელი წრეებისა და ნორჩი ინტელიგენტური ძალების რევოლუციონურად გათვითცნობიერების საქმეში¹⁾

ასეთია ის თანაგრძნობა, რომელიც გამოიჩინა ჩვენმა გაზეთმა პარიზის კომუნისადმი. ეს თანაგრძნობა მას ხელს არ უშლიდა კრი-

1) „დროები“ 1871 წ. 23 მაისის ნომერში, მაგალითად, მოყვანილია „პარიზის დამცველ ქალთა საზოგადოების“ პროკლამაცია, რომელშიაც ვკითხულობთ: „სოციალური რევოლუციის სახელით, რომელსაც ჩვენ მივეხმარეთ იმის გამო, რომ ის გვანიჭებს შრომის უფლებას, თანასწორობას და სამართლიანობას... ჯანა შესაძლებელია თავისუფლებისა და დესპოტობის, ზალხისა და მტარვალეების ერთმანეთში მორიგება?... არა. მშვიდობიანობას კი არა, ბრძოლას, გაუწყნარებელ ბრძოლას თხოულობენ პარიზის მუშები. მორიგება და მუშების საქმის ლალატი ახლა ერთი იქნება. მორიგებას ის მნიშვნელობა ექნებოდა, რომ ჩვენ დავემორჩილოთ ჩვენ ბედს, რომ ჩვენ, მუშები, აღარ ვთხოულობთ არც ჩვენი სოციალური მდგომარეობის შეცვლას, არც ჩვენი დამცირებული და დაღუპული კანონებისა და დაწესებულებების მოსპობასა და არც კაპიტალის დამოკიდებულებისაგან შრომის განთავისუფლებას... ჩვენ ღირსნი ვართ იმ უფლების მონიჭებისა, რომელსაც ვთხოულობთ. პარიზი არ დაუთმობს, ამიტომ რომ იმისი დროშა — მომავლის დროშაა. მოაწია ანგარიშის მოთხოვნის დროშა. ადგილი მუშებს... თაქვე დაემხეთ, მტარვალეო! ნუ გეშინიანთ, ჩვენებო! თავისუფლების ხე, იმის დამცველების სისხლით მორწყული, თან და თან იზრდება. პარიზის ქალებიც, რომელთაც გამოცდილებით იციან, რომ საზოგადოებაში რევოლუცია უმსხვერპლოდ არ მოხერხდება და რომელნიც დარწმუნებულნი არიან, რომ პარიზის კომუნა მუშა ზალხის სარგებლობისათვის იბრძვის, ეს პარიზის ქალები საფრანგეთსა და ქვეყანას დაუმტკიცებენ, რომ იმათ თანთან ძმებსავე და ვრებსავე ბრძოლა და სისხლის დაღვრა შეუძლიათ პარიზის ბარიკადებზე და კედლებზე, როდესაც იმავე ევროპის ბურჟუები მიადგებიან. მუშა ქალსა და მუშა ვაჟს ერთი და იგივე მტერი ჰყავს — კაპიტალი და ამიტომ ორივენი შეერთდენ ამ მტრის დასაზოგადოებად. გაუმარჯოს სოციალურ რესპუბლიკას, კომუნას და შრომას!“ („დროება“, № 20, 1871 წ.).

გასაკვირია, როგორ გაუშვა ცენზურამ ეს რევოლუციონური მოწოდება პარიზის კომუნარებისა?

ტიკულადაც შეეხებოდა კომუნის პროგრამას და ტაქტიკურ მხარეებს. წერილის „რა არის კომუნა?“¹⁾ ავტორი ცდილობს პარიზის კომუნა და კომუნიზმი შეადაროს ერთმანეთს. წერილის ავტორის აზრით, პარიზის კომუნასა და კომუნიზმს შორის „უშველელად განსხვავებაა“. ეს წერილი დაწერილია 16 აპრილს, ე. ი. კომუნის გამოცხადების თითქმის ერთი თვის შემდეგ. გასაკვირველი არ არის, თუ რედაქციას ამ ხნის განმავლობაში არ ჰქონდა სრული ცნობები კომუნის შესახებ, ამიტომ მოსალოდნელი იყო შეცდომის დაშვება. როდესაც გაზეთი სწერს, რომ პარიზის კომუნასა და კომუნიზმს შორის „უშველელად განსხვავებაა“, ეს ნაწილობრივ სწორია. ხოლო როდესაც სწერს: ის პირები, რომლებმაც წელს გამოაცხადეს კომუნა, სრულებითაც არ არიან იმ სწავლის მოაზროვნენი, რომელსაც კომუნიზმს ეძახიანო, იგი სცდება: პარიზის კომუნაში საგრძნობ ნაწილს კომუნარები და პირველი ინტერნაციონალის წევრები შეადგენდნენ. ეს შეცდომა შემდეგ გაასწორა რედაქციამ, როდესაც პირველი ინტერნაციონალი კომუნის გამომწვევ ინიციატორად დასახა.

მაგრამ რაში ხედავს წერილის ავტორი პარიზის კომუნასა და კომუნიზმს შორის განსხვავებას? ავტორის აზრით, კომუნიზმი იმასში მდგომარეობს, რომ ყველას ქონება და სიმდიდრე მარტო მთელ ხალხს, მთელ სახელმწიფოს ეკუთვნოდესო, რომელიც თითოეულ თვის წევრს უნდა აძლევდეს ყველაფერს, რაც კი მას დასჭირდება სიცოცხლეში და სამაგიეროდ მისგან ყველაფერს იღებდეს, რისი გაცემებაც და მიცემაც იმას შეუძლია. ამ სწავლის აზრით, ყველას საჭიროებაზე უნდა ზრუნავდეს მთელი საზოგადოება ერთად, თავისი წარმომადგენელი მართველობის ხელით, რომელიც თითოეული პირის მოქმედებას ჰგმობს და მოთხოვნილებების დაკმაყოფილებას უნდა აძლევდეს. სულ სხვანაირი აზრი და დანიშნულება აქვს იმ „კომუნას“, რომელიც ეხლა პარიზში დაარსებულია. ეს კომუნა მარტო მთელი ქალაქის პარიზის მმართველობის სახელია. ეს კომუნა სრულიადაც არ შეეხება კერძო პირების ქონებას და მთელ სახელმწიფოს მართავს; ის არც სიმდიდრის და ქონების მოგროვებას აპირებს სა-

¹⁾ „დროებაში“ სხვადასხვა მიმართულების პირები თანამშრომლობდნენ, ასე რომ შეუძლებელია მთლიანად გაზეთის აზრის გაცნობა და გამორკვევა. აქ სხვადასხვა ავტორთან გვაქვს საქმე. დასახელებული წერილი შეიძლება სულ სხვა ავტორის წერილი იყოს.

ხელმწიფოს ხელში, არც სახელმწიფოს ავალებს კერძო პირების რჩენას, აღზრდასა და წინამძღოლობას“¹⁾).

სწორი არის დებულება, რომ კომუნა არ იყო კომუნიზმი; მაგრამ ავტორი ვერ ამჩნევს, რომ პარიზის კომუნა მოსამზადებელი და გარდამავალი საფეხური იყო სრული კომუნისტური წყობილების განსახორციელებლად. არ არის გასაკვირი, თუ პარიზის კომუნის მნიშვნელობა ბრძოლის მეორე დღეს ვერ გაიგო ჩვენმა ავტორმა: ეს დღესაც არ ესმით ზოგიერთ „სოციალისტებს“. შემდეგი წერილებიდან სჩანს, რომ გაზეთისათვის ნათელი გახდა პარიზის კომუნის სოციალური შინაარსი, გახეთმა გაიგო, რომ პარიზის კომუნა იყო პირველი მნიშვნელოვანი სოციალური რევოლუცია მუშათა კლასისა. აღსანიშნავია ის ფაქტი, რომ მომიხილვის ავტორი არ აკრიტიკებს პარიზის კომუნის სოციალურ და ეკონომიურ ღონისძიებებს. აი როგორ ხსნის მიმომხილველი კომუნის დაცემის მიზეზებს: „ვინც უკანასკნელი გაზეთების ცნობებს ადევნებდა ყურს, ის ადრეც მიხვდებოდა, რომ კომუნა ვერ გაიმარჯვებდა: უპირველესი მიზეზი მისი დამარცხებისა ის იყო, რომ მის წევრებს და საქმეების გამგებლებს შუა მუდამ განხეთქილება და უთანხმოება სუფევდა... ამისთანა დროს განსაკუთრებით სამხედრო საქმეების გამგეობა ყოველთვის ერთი კაცის ხელში და ერთი პლანით უნდა იყოს. კომუნის წევრებს კი ერთმანეთის ნდობა სრულიად არა აქვო... ცენტრალური კომიტეტი რომ ერთს განკარგულებას აძლევდა, საზოგადო დაცვის კომიტეტი მეორეს ეუბნებოდა, სამხედრო საქმეების გამგებელი დელეგაცია მესამესა და თვითონ სამხედრო მინისტრს კი თავისი ჭკუით უნდოდა საქმე წაეყვანა. ამნაირი ყოფობისაგან კომუნის საქმეები აირ-დაირა და ამით ყველაზე უკეთ, რასაკვირველია, ტიერმა და ვერსალის ნაციონალურმა კრებამ ისარგებლა“²⁾. (ხაზი ჩეენია. ს. ხ.).

ამრიგად, ავტორი პარიზის კომუნის დაცემის მრავალ მიზეზს ხედავს არა მის სოციალურს ექსპერიმენტში, არამედ მთლიანი მმართველობისა და სამხედრო გეგმის უქონლობაში.

¹⁾ „დროება“, № 15, 1871 წ. წერილი: „რა არის კომუნა?“

²⁾ „დროება“, № 20, 1871 წ.

ზემოთ დასახელებული წერილის ავტორს ერთი პრინციპული ბასიათის სადავო საკითხი ჰქონდა პარიზის კომუნარებთან: როგორც ზევით დავინახეთ, გაზეთის ერთ-ერთი თანამშრომელი თითქმის სახელმწიფოებრივი სოციალიზმის ნიადაგზე იდგა, ამიტომ იგი ვერ გაიზიარებდა კომუნალურ ფედერალურ სისტემას. 15 აპრილის ნომერში ვკითხულობთ: „ეს (ფედერალისტური) მიმართულება. როგორც მთელი ისტორია ამტკიცებს, განსაკუთრებით შეერთებულ შტატებისა და შვეიცარიისა, მეტის მეტად მავნებელია კაცობრიობის წარმატებისათვის, და ამ უკანასკნელ საუკუნეებში ყოველი წარმატება, როგორც ამ ორ გამოჩენილ რესპუბლიკებში მოხდა, მარტო იმით მოხდა, რომ ცენტრალურმა მმართვემ ცოტ-ცოტათ შეიძინა ძველ დროში დაკარგული ძალა კერძო მაზრებზე. კომუნისტების აზრით კი, რასაკვირველია, კერძო სოფელს და მაზრას, როგორც კერძო პირს, თვითპარსებობადა თავისი საკუთარი ქონება არ უნდა ჰქონდეს; ეს უნდა დამოკიდებული იყოს თავის აღმზრდელ და დამცველ საზოგადო მამულზე, მთელ სახელმწიფოზე“¹⁾ (ხაზი ჩვენია ს. ხ.)

აქედან ნათლად სჩანს ავტორის ცენტრალისტური პრინციპი და უარყოფა ფედერალისტური თეორიისა. მაგრამ ასეთი დებულების წამოყენებით ჩვენი უცნობი ავტორი თეორიულად ემიჯნებოდა არა მარტო პარიზის კომუნარების თეორიას, არამედ რამდენადმე რუსეთის დეცენტრალისტურ ნიადაგზე მდგარ ნაროდნიკულ სოციალიზმსაც. აქ ავტორი იდგა ევროპული სოციალიზმის იმ ნიადაგზე, რომელიც სოციალიზმის განხორციელების საქმეში დიდ როლს ანიჭებდა ცენტრალისტურ ხელისუფლებას. ცენტრალისტურმა თეორიამ ჩვენი ავტორი პრინციპიალურად გამოიჯნა როგორც პარიზის კომუნის ფედერალიზმისაგან, ისე რუსული ნაროდნიკული სოციალიზმის გადაქარბებული სათემო მმართველობის პრინციპისაგან.

ჩვენ მოყვანილმა ლიტერატურულმა დოკუმენტებმა სავსებით დაგვარწმუნა იმაში, რომ ქართველი ინტელიგენციის ნაწილი, განწყობილი სოციალისტურად და რადიკალურად, დიდი აღფრთოვანებით შეეგება პარიზის კომუნარების რევოლუციას. ამის შემდეგ პარიზი და საფრანგეთი თავისუფლების სიმბოლოდ გადაიქცა ინტელიგენცი-

¹⁾ „დროება“, № 15, 1871 წ.

ისათვის: ინტელიგენციის ნაწილი რელიგიური აღფრთოვანებით და ქედს პარიზისა და საფრანგეთის წინაშე, ალტაცებით იგონებდა მის თავდავიწყებით ბრძოლას თავისუფლებისათვის. იმ პერიოდში რადიკალურ — დემოკრატიულად განწყობილმა ილია ჭავჭავაძემ 1871 წლის 29 მაისს, ე. ი. რევოლუციის დამარცხების მეორე დღესვე, შემდეგი ლექსი უძღვნა პარიზის კომუნას:

პ ა რ ი ზ ი.

ტვირთმძიმეთ და მაშვრალთ მხსნელი
დიდი დროშა დაიშალა.

კვლავ ქვეყნისა მჩაგრავ ძალმა
იგი დროშა დასცა დაბლა.

კვლავ ეწამა მოყვასთათვის
საოცარი იგი ერი,

კვლავ დაიდგა დიდ-წამების
მან გვირგვინი მშვენიერი.

კვლავ ქვეყნისთვის დაიღვარა
წმინდა სისხლი წამებულის;

კვლავ დამარცხდა დიდი საქმე
ყოვლად მხსნელი სიყვარულის.

კვლავ ძირს დასცეს იგი მცნება
ქვეყნის ხსნად მოვლინებული,

რომლისათვის თვითონ ღმერთი
იყო ტანჯულ და ჯვარცმული.

კვლავ შეფერხდა ისტორია —
განახლების შედგენ ძალნი,

და კვლავ დღესასწაულობენ
გამარჯვებული მტარვალნი ¹⁾.

დღემდე ჩვენში მხოლოდ ეს ლექსი იყო ცნობილი, როგორც გამოხმაურება პარიზის რევოლუციისა ჩვენი ინტელიგენციის მხრივ. წარმოდგენილმა დოკუმენტებმა ჩვენ ნათლად დაგვანახეს, რომ მართლამ ლექსით არ ამოიწურება პარიზის რევოლუციის შორეული გამოძახი-

¹⁾ იხ. „პ რ ე ბ უ ლ ი“, № 5 — 6, გვ. 354, 1873 წ. ილია ჭავჭავაძე: „პ ა რ ი ზ ი“.

ლი ჩვენში; კომუნამ საკმაოდ დიდი გავლენა მოახდინა ჩვენს ინტელიგენციაზე, „წამებული ერის“ ბრძოლა მაგალითად გადაიქცა ჩვენი ინტელიგენციის ნაწილისათვის. აი რას სწერდა 1874 წ. რადიკალურად მოაზროვნე ცნობილი პუბლიცისტი სერ. მესხი, რომელმაც 70-იან წლებში ერთი წელიწადი (1873 — 74 წ.) გაატარა ევროპაში. თავის „ხამი მოგზაურის შენიშვნებსა და ფიქრებში“ იგი სწერდა:

„პარიზის პირველ დანახვას, იმის ნიადაგზე პირველი ფეხის დადმას გამაშტერებელი და ჩამაფიქრებელი ზედმოქმედება აქვს კაცის გონებაზე. თვალი ხედავს ზღაპრის ქალაქივით თვალუწვდენელ ქალაქს, დაუბოლოვებელ, სწორ ქუჩებს, კოშკებივით ამაღლებულ ექვს და შვიდ ეტაჟიან სახლებს და სახლებზე კიდევ უმაღლესს ეკლესიებს, კოშკებს და ძეგლებს. გული გრძნობს, რომ შენი ფეხი სდგას ისეთ ნიადაგზე, რომელზედაც რამდენსამე ასს შთამომავლობას უცხოვრია, უმოქმედნია, რომელზედაც რამდენიმე რევოლუცია მომხდარა; გრძნობ, რომ ყოველივე ნაბიჯი ამ ქალაქის მიწისა საფრანგეთის თავისუფლებისათვის დაღვრილ სისხლით არის მორწყული; გრძნობ, რომ შენ ხარ იმ ნიადაგზე, იმ ქალაქში, რომელიც არის ერთსა და იმავე დროს თავი და გული მთელი საფრანგეთისა, სადაც ცემს მაჯა პოლიტიკური და სოციალური ცხოვრებისა! უნებურად წარმოგიდგება თვალწინ პარიზის წარსული ცხოვრება, იმის ხალხის ბრძოლა, იმის მუშის თავ შეწირულება, იმის მოწინავე კაცებისა და მეცნიერების გავლენა მთელი ქვეყნის გონებით ცხოვრებაზე, — და ყველა ეს აზრი ისეთ ნაირად გაგიტაცებს, ისეთ ნაირად შეგიპყრობს, რომ შტერდები და ძარღვების უნებური ცახცახი მოგდის.

მე არ ვიცი, რა ემართება და როგორი გრძნობით შედიან მაჰმადის თაყვანისმცემლები თავის წმინდა ქალაქს, — ქაბაში, მაგრამ მგონია, რომ იმათი გრძნობა ძალიან უნდა გვანდეს აღმოსავლეთიდან პარიჟში პირველათ შემომავალი კაცის გრძნობასა!“¹⁾

ასეთი აღფრთოვანება და აღტაცება განიცადა ჩვენმა პუბლიცისტმა პარიზის ატმოსფეროს გაცნობით, საფრანგეთისა და პარიზის რევოლუციონური წარსულით, მისი ბრძოლების თავგადასავლებით. აღტაცებულმა პარიველმა მწერალმა საქართველოში დაბრუნებისას შემდეგი სიტყვებით მიმართა თავის მკითხველ საზოგადოებას: „უცხო ქვეყნისა და ხალხების დანახვამ ჩემი ქვეყანა და ხალხი უფრო

¹⁾ იხ. სერ. მესხის ნაწერები, ტ. 1, გვ. 193 — 194, 1904 წ.

მომეტებულათ შემაყვარა. იმათ ცხოვრების გაცნობამ საუკეთესო მომავლის იმედი და მომეტებული ენერგია აღძრა ჩემში. ეს იმედი იქნება ჩემი წინამძღოლი და ენერგია ჩემი საქმის წინ წამწევი...“¹⁾

ამ თავში ჩვენ სხვა მომენტებთან ერთად გავიცანით ის ნაკადი ქართული სოციალისტური აზროვნების, რომელიც უმთავრესად ლასალის სოციალურ და ეკონომიურ კონცეპციებს ეყრდნობოდა და ამრიგად ევროპის სოციალისტური მიმდინარეობის ერთ-ერთ სისტემას იზიარებდა, მარგამ გარდა ლასალისა, ქართული სოციალისტური აზროვნება 60-70-იან წლებში ევროპის სოციალიზმის სხვა სისტემებშიაც ეძებდა თავის საყრდნობს. გავიცნოთ იგიც.

¹⁾ იხ. სერ. მესხის ნაწერები, ტ. I. გვ. 210 — 211.

თ ა ვ ი მ ე ო თ ხ ა

ნიკო ინაშვილი და ქალთა განთავისუფლების საკითხი.

ქართული სოციალისტური აზროვნების მკვლევარი გვერდს ვერ აუხვევს 70-იან წლებში სამწერლო ასპარეზზე ახლად გამოსული ნიკო ინაშვილის, გრ. თარხან-მოურავისა და მოსე ქიქოძის წერილებს. განსაკუთრებული ადგილი ქართული სოციალიზმის ისტორიაში ნიკო ნიკოლაძეს და ანტონ ფურცელაძეს უჭირავთ; მათ ჩვენ ქვემოთ შევხვდებით. რაც შეეხება სამს ზემოდასახელებულ პუბლიცისტს, მათი ეკონომიური და საზოგადო ხასიათის წერილები მრავალის მხრით არის საინტერესო ქართული საზოგადოებრივი აზროვნების ისტორიისათვის. საუბედუროდ, ცენზორის ჯალათურმა ხელმა მათი წერილები ერთობ დამახინჯებული დაგვიტოვა. მიუხედავად ამისა, მაინც გასაგები ხდება ის სოციალისტური შინაარსი, რომელიც ახასიათებს მათ წერილებს და პროგრამას. განსაკუთრებული მნიშვნელობა ამ პუბლიცისტებისა იმაში გამოიხატება, რომ მათ წერილებს ატყვიანთ გავლენა ევროპის სოციალისტური აზროვნებისა, ისინი ჯერ კიდევ ევროპის სოციალისტური აზროვნების ნიადაგზე სდგანან, მაშინ, როდესაც ნიკო ნიკოლაძე და ანტონ ფურცელაძე ცდილობენ შეაერთონ ევროპის სოციალისტური სისტემა რუსეთის ნაროდნიკების სოციალისტურ თეორიასთან.

ნიკო ინაშვილის მნიშვნელობა საერთოდ ქართული საზოგადოებრივი აზროვნებისა და კერძოდ ჩვენში სოციალისტურ შეხედულებათა გავრცელების საქმეში ერთი მეტად მნიშვნელოვანი და იმ დროის ჩვენი საზოგადოებისათვის სრულიად ახალი პრობლემის წამოყენებით ამოიწურება. ჩვენ ვგულისხმობთ ქალთა საკითხს. ქალთა განთავისუფლების საკითხის წამოყენებაში და მის სოციალისტურად განხილვაში პირველობა ჩვენს ლიტერატურაში ნ. ინა-

შვილს ეკუთვნის¹⁾. 1869 წ. მან გადმოთარგმნა ქართულად სტუარტ მილის მეუღლის წერილი: „ქალების განთავისუფლება“ და თავის მხრით თარგმანს დაურთო ვრცელი წინასიტყვაობა იმავე საკითხის შესახებ, რომელშიაც იგი მნიშვნელოვან თეორიული და პრინციპიალური ხასიათის დებულებებს აყენებს ქალთა განთავისუფლებისათვის. აქ სჩანს მისი საკმაო მომზადება და მასთანავე ღვაწლი ჩვენში ახალი საზოგადოებრივი პრობლემების წამოყენების საქმეში. ნ. ინაშვილი სრულიად ახალგაზრდა გამოცალა (1870 წ.) ჩვენს ჯერ კიდევ ნორჩ მებრძოლ ახალთაობას. ნიკო ნიკოლაძემ „დროების“ ფურცლებზე იგი დაახასიათა, როგორც ერთი საუკეთესო და ახალი იდეალებით გატაცებული ახალგაზრდა, რომელსაც გულს უკლავდა ჩვენი ცხოვრების ჩამორჩენილობა და ჩვენი მემკვიდრე თაობის მოუმზადებლობა. ნიკოლაძისადმი მიწერილს კერძო წერილში ინაშვილი სწერდა ამ საკითხების შესახებ: „პატიოსანს და მოაზრე კაცს ვალი აქვს მიაქციოს ამაზე ყურადღება, ვალი აქვს გვიჩვენოს ჩვენ ახალი გზა და ახალი ნათელი შეიტანოს ჩვენს ცხოვრებაში“²⁾. „ახალი გზის ჩვენება“ და „ახალი ნათელის შეტანა ჩვენს ცხოვრებაში“ სრულიად ახალგაზრდა მწერალმა მხოლოდ 40-გვერდიანი წერილით მოახერხა.³⁾

ქალთა საკითხის მოწესრიგებას უდიდესი საზოგადოებრივი მნიშვნელობა აქვს. ეკონომიური და ისტორიულ-სოციალური პირობების გამო ქალი დამონებულ მდგომარეობაში იმყოფება, ამიტომ მისი განთავისუფლება მთითნოვს ამ ეკონომიური და სოციალური პირობების გარდაქმნას, საზოგადოებრივი სტრუქტურის შეცვლას. აქედან ცხადია, რომ, თუ ერთის მხრით ქალთა საკითხს აქვს თავისი ბიოლოგიური მხარე, მეორეს მხრით იგი აღმოცენებულია გარკვეულ სოციალ-ეკონომიურ ურთიერთობაზე და ამიტომ ქალთა პრობლემა არის უმთავრესად სოციალური პრობლე-

1) ქალთა საკითხი ჩვენში გარკვევითა და ნათლად წამოიჭრა ბატონყმობის მოსპობის შემდეგ. „დროების“ ფურცლებზე ჩვენ ხშირად ვხვდებით წერილებს ქალთა საკითხის შესახებ. აღსანიშნავია შემდეგი წერილები: „პოლიტიკური უფლება დედაკაცებისა“ („დროება“, № 19 და 20, 1867 წ.) და „მუშახალხის ქალის და ოჯახის მდგომარეობა ევროპის წინასახელმწიფოებში“ — ფილიპე დათეშიძისა (დროება, № 28, 29 და 30, 1867 წ.).

2) ნ. სკანდელის წერილი: „ნიკო ინაშვილის სიკვდილზე“, „დროება“, № 45, 1870 წ.

3) ნ. ინაშვილის კალამს ეკუთვნის აგრეთვე ჟურნ. „მნათობის“ პირველი მოწინავე წერილი (1869 წ.).

მა, ქალების განთავისუფლება შეიძლება მხოლოდ და მხოლოდ მიზანშეწონილი სოციალური ცხოვრების შექმნით.

ინაშვილს საუცხოვოდ ესმის ქალთა საკითხის სოციალური მხარე და სწორედ ამ საზომით აშუქებს იგი ამ საკითხს.

„ამ სიტყვებში (ქალთა განთავისუფლება) ისმის რაღაც ახალი, რომელსაც ჯერ ყური არ შეჩვევია, რომელიც პირველად ესმის (ჩვენ) კაცს. საჭიროა ზანგრძლივი მოქმედება ამ აზრისა, რომ კაცის გონება შეურიგდეს მას, რომ მან გასტანოს მის სისხლში და ხორცში და შეეთვისოს მას. ეს კითხვა არის იმ მნიშვნელობის კითხვა, რომელიც საზღვრავს ძველსა და ახალსა, რომელიც შემოიტანს კაცობრიობის ცხოვრებაში ახალს დასაწყისს... ჩვენ ვსასოებთ, მკითხველო, ჩვენი ცხოვრების განახლებაში, ჩვენ გვწამს ჩვენი ხალხის გახსნა და წარმატება. ამისათვის მოვამზადდით ნიადაგი, რომელმაც აღმოგვიცენოს ცხოვრება, შემკული სიბრძნით, გონიერებით და სათნოებით. უკეთუ ეხლა ვერ შევითვისებთ სრულიად მაღალს და წმინდა აზრებს, ჩვენი ცხოვრების გასამშვენებლად, მაინც უნდა ვიცოდეთ, რომ თავის დროზე ამ აზრებს ექნება თავისი სრული მოქმედება“¹⁾. (შემდეგ ცენზურის მიერ გამოტოვებულია. ხაზს ჩვენ ვუსვამთ. ს. ხ.).

ამ სიტყვებში ნათლად სჩანს ის დიდი იდეალი და მიზნები, რომლის სამსახურისათვისაც ემზადებოდა საქართველოში ჩვენი ავტორი²⁾.

1) ნ. ინაშვილი: „ქალების განთავისუფლება“. ჟურ. „მნათობი“ (მაისი და ივნისი), გვ. 1—2, 1869 წ.

2) საინტერესოა შემდეგი სიტყვები ინაშვილისა, რომელშიაც იგი, ერთის მხრით, აღნიშნავს საქართველოს ყოფნას, ხოლო მეორე მხრით იმ იდეალებს, რომელსაც უნდა ემსახურებოდეს ახალი თაობა:

„ჩვენი დრო არის კრიტიკული დრო; ჩვენ ვცხოვრობთ ძველსა და ახალს შუა, ძველი სამუდამოდ წაეიდა ჩვენგან, მაგრამ ახალი გზა კი ჯერ არ გაგვიკვლევია. ჩვენ უნდა ვეცადოთ გაუნათოთ ხალხს მსვლელობის გზა გონებითი, ზნეობითი და ნიეთიერებითი წარმატებისათვის... (ცენზურის მიერ ამოღებულია ს. ხ.)

ამისათვის არის კიდევ ეხლა საჭირო ჟურნალი, რომ იმან შეიყვანოს ხალხი თავის ცნობაში, ახსნას და შეუმუშავოს ის კითხვანი, რომელნიც ყველაზედ მომეტებულად შეეხებიან ხალხის ცხოვრებას, მის სათნოებას, კეთილ-დღეობას და სხვ. ჟურნალი უნდა იყოს წარმომადგენელი უკეთესის და უბრძნისის მოქალაქეებისა. იგი უნდა ჰქადაგებდეს იმ აზრებს, აღვიძებდეს იმ გრძნობებს და იმ გულისთქმას,

როგორ სწყვეტს ქალთა პრობლემას ახალგაზრდა? ინა შვილი
 ლი? ჩვენ ვიცნობთ იმ მიმართულებას ბურჟუაზიულ მეცნიერებაში,
 რომელიც ქალთა პრობლემას აშუქებს ბიოლოგიური და ინტელექ-
 ტუალური — ფსიხოლოგიური საზომით და რომელსაც ქალი თავისი
 ბიოლოგიურ—ინტელექტუალური წყობით დაბალი ხარისხის ცხოვე-
 ლად მიაჩნია. ინაშვილი მთელი თავისი არგუმენტაციებით ილაშქ-
 რებს ასეთი „თეორიების“ წინააღმდეგ. მისი გამოსავალი წერ-
 ტილი არის არა ბიოლოგია და ფსიხოლოგია, არამედ საზოგადოებ-
 რივი წყობილება და მისი გავლენა ქალთა ცხოვრებაზე. ავტორი
 სწერს:

„ჩვენ ვერ ვიტყვით იმ კაცზე, რომელსაც ფეხები შეკრული
 აქვს, რომ მას სიბრძილი არ შეუძლიან. გაუხსენით ფეხები და იქნება
 სიბრძილში ის თქვენ არასფრით არ დაგივარდეთ. აგრეთვე აეარჯი-
 შეთ ქალის ნიჭი, ისე, როგორც აეარჯიშებთ კაცისას, და თქვენ დაი-
 ნახავთ, რის შემძლებელი არის ქალი. გაუღეთ იმას კარი სამოქალა-
 ქო ცხოვრებაში და ის შეიქნება ისეთივე გონიერი და კეთილსაიმე-
 დო მოქალაქე, როგორც ერთი ჩვენთაგანი. უზუნუნეთ იმას მოქმედე-
 ბის ფართო და თავისუფალი ასპარეზი და მერწმუნეთ, მოიპოვებინ
 იმათშია ბრძენი და გმირნი, რომელნიც გაგვინათებენ ჩვენს მსვლე-
 ლობის გზას და თავისის ღვაწლით დაიმსახურებენ უკუდავებას“¹).

„გაუხსენით ქალს დღევანდელი ბორკილები, გაანთავისუფლეთ
 იგი თანამდგომარეობიდან და ქალიც თანაბარ ად-
 გილს დაიჭერს მამაკაცთან ერთად“. ამგვარად, ინაშვილის აზრით,
 ქალის დამონაევების და მისი მოუშხადებლობის მიზეზი არის თანამედ-
 როვე სოციალური პირობები და თანამედროვე წყობილება. ზემოთ
 მოყვანილ ციტატებში ჯერ კიდევ გარკვევით არა სჩანს ავტორის
 სოციალისტური ტენდენციები, ჯერ კიდევ არ ვიცით, „ავტორი რას
 გულისხმობს „ცხოვრების გამშვენიერებაში“. ცენტურული
 პირობები ავტორს საშუალებას არ აძლევს გარკვეული ენით გამოს-
 თქვას თავისი აზრები. მაგრამ არის წერილში გარკვეული ადგილებიც,

რომლებსაც შევძლოთ მოგვცენ ჩვენ თვით უკეთესი მოქალაქენი და მოაზნადონ
 იმათი გული საზოგადო სარგებლობისათვის, რომელსაც აქვს სახეში ხალხის კე-
 თილ-დღეობა და დიდება პატიოსნებისა, სიბრძნისა, სათნოებისა და ღვწილსო-
 ბისა“ (ინაშვილი: „საქიროა თუ არა ქართული რიგიანი ეფრინალი“. „მნათობი“
 (მარტი), გვ. 7 — 8, 1869 წ.)

¹ იქვე, გვ. 9.

საიდანაც სჩანს, რომ ინაშვილი სოციალისტურ ნიადაგზე უდგარდა ქალთა მოძრაობას სოციალიზმს უკავშირებდა. ავტორი სწერს:

„მეცხრამეტე საუკუნეში ქალების მდგომარეობა ძირის-ძირად შეირყა. ეს არის ეპოქა მათს მდგომარეობაში. ამ საუკუნეს ბედათ ჰხვდა მიეცა სრული დაბოლოვება ქალების კითხვებისათვის, თუ საქმით არა, იდეით და პრინციპით. ამ საუკუნეში იბადება სოციალიზმი¹⁾ და იგი პირველად აღვიარებს ქალს სრულიად კაცის თანასწორად (ოვენიზმი, სენ-სიმონიზმი და სხვ.). იგი ჰპადაგებს, რომ ქალს მიენიჭოს ისეთივე თავისუფლება, როგორიც აქვს მინიჭებული მამა კაცს. (ხაზი ჩენია. ს. ხ.).

„მთელი მეცხრამეტე საუკუნის მოძრაობა არის აღნიშნული ერთი დედა-აზრით (პრინციპი), რომელიც მდგომარეობს კაცის პიროვნების გახსნაში და განვითარებაში სქესის, ტომის და მდგომარეობის განუსაზღვრად (აქ ხაზი ავტორისაა). ჩაუკვირდით კარგათ ყოველ გვარს მოვლენას ამ საუკუნისას, თუ იგი არ წარმოგიდგენთ ერთს გაშლილ ქსოვილს, რომელიც გარდაეფარება ყოველ გვარს ისტორიულს ფაქტს ამ საუკუნისას. ეს არის „სასიცოცხლო ნერვი“ (ძარღვი, თუ მომცემთ ნებას ასეთის გამოხატვისას) მთელ მისი ისტორიისა, ეს არის თესლი, საიდგანაც ამოვა და გაიზრდება მთელი მრავალ გვაროვნება ჩვენის ცხოვრებისა, ეს არის დედა-ბოძი, რომლის

¹⁾ ნ. ინაშვილის წერილს შენიშვნების სახით დართული აქვს უცხო სიტყვათა განმარტებები. სხვათა შორის განმარტებულია სოციალიზმი, სენ-სიმონიზმი, ოვენიზმი და სხვ. სოციალიზმის შესახებ განმარტებაში ვკითხულობთ: „სოციალიზმი არის ფილოსოფიური სწავლა, რომელსაც საგნათ აქვს გამრავლება საზოგადოების ცხოვრების ღონისძიებათა, რომ მთელმა კაცობრიობამ მიაღწიოს თანასწორ კმაყოფილებას და ბედნიერებას. სოციალიზმი ასწავლის: სიკეთეს, სისრულეს, წარმატებას და თანასწორობას, ასწავლის აგრეთვე, რომ სუფევდეს მართ-მსაჯულება, გონიერება და თავისუფლება. სოციალისტებს ეძახიან ყველას, ვინც კაცობრიობის ან საზოგადოების ბედნიერებისათვის ცდილობს და ყველა ამ აზრით მონაწილეობს დაწესებულება არის სოციალისტური დაწესებულება. ამ დაწესებულებებს სხვათა შორის ეკუთვნის საზოგადო ბანკი, პურის მაღაზიები, რომელნიც საწყალ ხალხს დიდ შეებას აძლევენ გაკირებაში, საზოგადო საეკპრო ბანკები, სადაც საზოგადოების მოგებაზე ზრუნავენ და არა კერძო პირისა და სხვა“ (იქ. 24).

რასაკვირველია, სოციალიზმის ცნების ასეთი განმარტება დღეს ვერავის და-

გარეშემოც ტრიალებს ეს საუკუნე. ესეთი ანგარიშების მოძრაობა, ესეთი ანგარიშების განთავისუფლება, ესეთივე — აგრეთვე ქალების მოძრაობა. ყველა ამას ერთი სული აქვს ჩასახული და შეადგენს შედეგს ერთისა და იგივე მიზეზისას...

...ცივილიზაცია გაიმარჯვებს, ე. ი. კაცის აზრი მსძლევს ყველას და დაუმკვიდრებს კაცს უფრო ბედნიერებას, უფრო სრულს და უფრო გახსნილს ცხოვრებას. ასეთია მსვლელობა კაცთა საქმეთა. ...მოშავალში შევლენ სხვა მიზეზები მოქმედებისა, დაიბადებიან სხვა ახალი და გონიერი საფუძვლები ცხოვრებისა. სიმართლესად, ქეშმარიტებაზედ...¹⁾ დაშენდება იგი... სრული გახსნა პიროვნებისა, როგორათაც უპირველესი — პრინციპი (დედა-აზრი) დაისუფლებს მაშინ ქვეყანაზედ... ჩვენ ვითხოვთ ისეთ თანხმობას და შეთანასწორებას, როგორიც არის მუსიკალური ჰარმონია, შემდგარი მრავალ გვაროვან ხმათაგან²⁾. (ხაზი ჩვენია. ს. ხ.)

ვფიქრობთ, რომ მოყვანილი ციტატა საკმაოდ არკვევს ავტორის როგორც სოციალისტურ მიდრეკილებას, ისე მის თეორიულ მოსაზრებებსაც. თეორიულად იგი ევროპის უტოპიური სოციალიზმის

აკმაყოფილებს, მაგრამ ეს განმარტებაც საინტერესოა იმის გასაგებად, თუ როგორ ესმოდა სოციალიზმი ჩვენი ინტელიგენციის ნაწილს 60-იან წლებში. აქვე განმარტებულია სენ-სიმონისა და ოვენის სოციალისტური სისტემები (გვ. 25 — 27). აღსანიშნავია შენიშვნა: „ჩვენ წინააღმდეგი ვართ ზემოდ დასახელებული პიროვნების (ე. ი. სენ-სიმონის, ოვენის) აზრებისა, რადგან მათი სწავლა არის უსაფუძვლო და წინააღმდეგი ქვეყნიერების წესისა. ამაზედ ჩვენ მოვილაპარაკებთ შემდეგ ნომერში“. აქედან ცხადია, რომ „მნათობის“ რედაქცია მთლიანად არ იდგა სოციალისტურს ნიადაგზე. ეს ცხადიც არის. ეს ორგანო უმთავრესად ნაციონალ-დემოკრატიული იყო, ხოლო სოციალიზმი შემთხვევითი სტუმარი ხდებოდა შიგ. შეიძლება ეს შენიშვნა ცენზურული პირობების გამოც იყო დაწერილი. ჟურნალის შემდეგ ნომერში არ არის დაბეჭდილი დაპირებული წერილი, ხოლო 1871 წ. ნომერში მოთავსებულია მოენიძის (ან. ფურცელაძის) წერილი: „ჩვენის საღვთო სოციალისტური მომღვწე ავტორი სოციალისტურ პრინციპს იცავს“.

¹⁾ აქ ცენზორის მიერ ამოღებულია სიტყვა.

²⁾ იქვე, გვ. 24 — 27, 39.

ნიადაგზე სდგას¹⁾. ინაშვილის ისტორიულ-საზოგადოებრივი მნიშვნელობა იდეალისტურია და ნაწილობრივ თელეოლოგიზმის შინაარსს ატარებს. ავტორის დებულება, რომ „სული ისტორიის“ მდგომარეობს კაცის პიროვნების განთავისუფლებაში და მისი სულის თავისუფლებაში და მრავალ გვაროვან გახსნაში, ეს არის კანონი, რომლის გამომხატველიც არის ისტორია“, — ეს დებულება ნათლად ამოწმებს, რომ ასეთი ისტორიოსოფია ინაშვილს შეთვისებული აქვს უმთავრესად უტოპიური სოციალიზმის საღაროდან და აგრეთვე ლავროვის წიგნიდან („ისტორიული წერილები“), რომელიც პირველად 1868—69 წლებში დაიბეჭდა გაზ. „ნედელია“-ში. რუსეთის სუბიექტიურმა სოციოლოგიამაც ავტორზე, ეტყობა, დიდი გავლენა მოახდინა.

როგორც აღვნიშნეთ, ნ. ინაშვილმა ერთ-ერთმა პირველთაგანმა წამოაყენა ჩვენში ქალთა საკითხი და აღიარა იგი, როგორც ერთ-ერთი რგოლი დიდი სოციალური მოძრაობისა. მუშათა მოძრაობასთან ერთად, ავტორის აზრით, ქალთა მოძრაობაც „შეადგენს შედეგს ერთისა და იგივე მიზნისას“, სულდგმულებს ერთი მთავარი პრინციპით, რომელსაც ემსახურება სოციალიზმი. პიროვნების განთავისუფლების თეორიიდან ჩვენი ავტორი მივიდა მუშათა და ქალთა განთა-

1) იმ წენიშენებში, რომელიც დართული აქვს ინაშვილის წერილს, ავტორი თანაგრძნობით იხსენიებს ევროპის უტოპიური სოციალიზმის მამამთავრებს. ასე, მაგალითად, სენ-სიმონის შესახებ წენიშენაში ვკითხულობთ:

„სენ-სიმონიზმი ეწოდება იმ სწავლას შესახებ სარწმუნოებისა, პოლიტიკისა, სოციალიზმისა, ეკონომიისა, რომელსაც ასწავლიდა სენ-სიმონი რევოლუციის შემდეგ 1803 წ. სენ-სიმონიზმი სხვათა შორის ასწავლიდა ზნეობითს, გონებითს და ფიზიკურს გახსნას დაბალი წოდების კაცისას. ამის სწავლით არ უნდა ყოფილიყო ქონების თანასწორი განაწილება, არამედ ყველას უნდა მიეღო კვებისა და შრომის გვარად; პატივი და უაღრესობა უნდა მოსპობილიყო; ქალები უნდა ყოფილიყვნენ კაცებზეთ თავისუფალნი და ისეთივე უფლება და სამართალი ჰქონოდათ, როგორც კაცებს, გარნა ჭორწინება ისევ უნდა ყოფილიყო. ამ სწავლამ ძალიან ბევრი საწყალი წასწია წინ და ტალანტი გამოაჩენია“ (იხ. „მნათობი“, 1869 წ., გვ. 25).

რობერტ ოვენის მოძღვრებას ავტორი შემდეგნაირად გადმოგვცემს:

„ოვენიზმი — აგრეთვე სწავლაა, რომელიც ეკუთვნოდა რობერტ-ოვენის. სცხოვრობდა მეცხრამეტე საუკუნის დასაწყისში, ინგლისში. ის ასწავლიდა ურთიერთის დაბმარებას და საკუთრების განსაზოგადოებას (ესე იგი ყველას საკუთრება საზოგადო უნდა ყოფილიყო, ყველასი). ოვენისმის თავი და თავი აზრი შემდეგია: „კაცის კეშმარიტი დანიშნულება ქვეყანაზე არის ცხოვრება თავისი ბუნების კანონის შესაფერად, ე. ი. სრული დამყოფილება მისი საჭიროებისა, რომლებიც

ვისუფლების იდეამდე, ხოლო ამ იდეების, ე. ი. პიროვნების განვითარების სუფლებასა და მისი „სულის მრავალ გეაროვან გახსნას“, სრულყოფას იგი ხედავს სოციალისტურ წყობილებაში. ამრიგად, ავტორი პიროვნების თავისუფლების იდეიდან მივიდა სოციალიზმის აღიარების იდეამდე.

ავტორმა ინდივიდუალიზმის თეორია სოციალიზმის თეორიას დაუკავშირა. ეს იყო სრულიად ახალი იდეები და თეორიები, რომელთა შემოტანაც ნმ-იანი წლების ჩვენი ახლადფეხადგმული კულტურის ოჯახში მოუხდა სრულიად ახალგაზრდა პუბლიცისტს ინაშვილს.

ხევით უკვე დავინახეთ, „შრომის თეორიის“ აღიარებით „დროების“ ერთ-ერთი თანამშრომელი როგორ მივიდა ლასალიანური სოციალიზმის აღიარებამდე. ინაშვილის გამოსავალი წერტილი არის არა შრომა, არამედ პიროვნების თავისუფლება, პიროვნების „სულის თავისუფალი და მრავალგეაროვანი გახსნა“. კაცის პიროვნების გახსნა და განვითარება სქესის, ტომის და მდგომარეობის განურჩევლად — აი რას ქადაგებდა ინაშვილი. „დროების“ თანამშრომელი ეყრდნობოდა ეკონომიურ კანონს, ეკონომიურ კეშმარიტებას, ნ. ინაშვილი — ინდივიდუალიზმის კანონს, ინდივიდუალიზმის, თავისუფლების კეშმარიტებას. მიუხედავად ამისა, ერთი და მეორეც ერთ დასკვნამდე მიდიან, თუმცა გამოსავალი წერტილი და მიდგომა სხვადასხვა აქვთ.

გამოხატებიან მოთხოვნები, მიდრეკილებით და გემოვნებით. კაცი თუ მოქმედებს ამის მისაღწევად, მაშასადამე, ის მოქმედებს ბედნიერების მისაღწევად, რომელიც არის უმაღლესი მიზანი ყველა კაცის მოქმედებისა. ამის გამო უნდა შეიმუშროს ბოროტება, როგორც კაცის ბედნიერების წინააღმდეგი ძალა“. ახასიათებს რა ოვენის შეხედულებას ადამიანის შეგნებაზე, ავტორს შემდეგ მოჰყავს ოვენის სიტყვები და დაასკვნის:

„როგორც სჩანს ოვენიში ასწავლის იმას, რომ კაცის მოქმედება სრულებით არის დამოკიდებული გარემოებაზე და უარს ჰყოფს კაცის ნების თავისუფლებას და ყოველ გეარს პასუხის გებას დანაშაულობისათვის, ხოლო ძალდატანებას და დასჯას პრიციპს უსამართლო და უსამართლო საშუალებებზე საზოგადოებაში ბოროტებისა ამოსაფხვრელად. სენის ძირიანად აღმოფხვრა საზოგადოების წყობილების გარდაცვლაში და სხვა. ოვენმა თავის სწავლის აღსასრულებლად შეადგინა პლანი (მოსაზრება) და იმის გეარად დააფუძნა 1800 წ. სამეფრნეო საეპრო კოლონია მოტლანდიაში და ისე ჩინებულად წაიყვანა საქმე, რომ ინგლისელებმა დაარქვეს მას სურათი: მარჯვე ცხოვერებისა, ბედნიერებისა, სიოჟაქიზისა, დაკმაყოფილებისა. შემდეგ ამისა ამ

აქ ზედმეტი არ იქნება მთლიანად მოუყვანოთ ის წერილი რომელიც ნ. ინაშვილის მიუწერია 1870 წ. მაისში მისი მეგობარ ნ. ნიკოლაძისათვის. ეს წერილი ნიკოლაძემ გამოაქვეყნა „დროების“ ფურცლებზე 1870 წ. და ამიტომ, ცენზურული პირობების გამო, იძულებული იყო წერილი შეეკვცა. მოუხედავად ამისა, ეს წერილი ნათელ წარმოდგენას იძლევა ინაშვილის მაღალი მიზნებისა და მისწრაფებების შესახებ.

ამჟამად ჩვენ ხელთ არის ნ. ინაშვილის წერილის დედანი. მოგვყავს იგი საესებით, როგორც საინტერესო დოკუმენტი. ნ. ინაშვილი სწერდა პეტერბურგიდან ნ. ნიკოლაძეს:

„ნიკო. ეხლა ნამდვილად შევიტყე, რომ შენ ტფილისში ხარ, მე მაქვს ხელში ცხადი ნიშნები შენის მანდ მყოფობისა. „დროების“ მე-15 და 16 ნომრები შენი რედაქტორობის ქვეშ არის გამოსული. მე-15 ნომერი არაფრით არ განირჩეოდა უწინდელი ნომრებიდან ხასიათით. მე-16 ნომერში კი გამოითქვა სხვა, ახალი, ჯერ უცნობელი. სტატია: „ჩვენი საზოგადო საქმეები“ ბევრით არ განირჩევა სხვა ამ გვარი სტატიებიდან, რომლებიც უწინაც არა ერთხელ მინახავს „დროებაში“. ჯერ ეს შესაგალია; დავიცადოთ, ნუ გულ ვისწრაფვებთ, ვნახოთ ბოლო რაღას გვეტყვის; „მგზავრის წიგნები“ კარგი სტატიაა, ვგონებ, რომ ხასიათები ტიპიურად იყოს გამონახული, შენ როგორღა პთიქრობ ამაზედ? შენი შენიშვნა სახელად: „რედაქციის შენიშვნა“ მომეწონა სრულიად თანაგიგრძნობ. ბიბლიოგრაფია, მნა-

გვარი კოლონიები ორიოდე სხვაეც დაწესდა კიდევ“. (იქვე, გვ. 25-6-7)

ცხადია, ამგვარი შენიშვნებით და სოციალისტურ მოძღვრებათა შინაარსის გადმოცემით ეჭრ. „მნათობი“ და თვით ავტორი ნ. ინაშვილი დიდად უწყობდენ ხელს ჩვენი საზოგადოების გათვითცნობიერებას. ყოველ შემთხვევაში, ეს პირველი წერილი იყო ჩვენს ღარიბ ლიტერატურაში, საიდანაც მკითხველმა საზოგადოებამ პირველად მოისმინა სოციალიზმის ცნების განმარტება და დიდი უტოპისტების მოძღვრებათა დახასიათება. სოციალიზმი, სენ-სიმონიზმი, ოვენიზმი აქ განმარტებულია თავისებურად, მაგრამ ამ განმარტებაშივე ნათლად სჩანს ავტორის სიმპატიები და თანაგრძნობა ამ მოძღვრებისადმი. ორი წლის შემდეგ, ე. ი. 1871 წელს, ანტ. ფურცელაძემ იმავე „მნათობის“ ფურცლებზე ვრცლად განიხილა ევროპის უტოპიური სოციალიზმის სისტემები და გააცნო მათი შინაარსი ქართველ ინტელიგენციას. ასე და ამ გზით ჩვენი საზოგადოება ეცნობოდა ევროპის სოციალისტურ მოძღვრებათა შინაარსს უკვე 60-იანი წლ. მიწურულეებიდან. ეს ფაქტი აუცილებლად უნდა იქნეს აღნიშნული ჩვენი სოციალისტური აზროვნების განვითარების ისტორიაში.

თომზედ“ სრულიად მართალია და ამაშიაც თანაგაგზიარებს აზრებს¹⁾. მეც როცა გადავიკითხე „მნათობი“ ჯავრი მომივიდა. ღმერთო ჩემო! ამაზედ იდიოტური ლექსები კიდევ და იქნება. ან ჭიჭოძეს სტატიას დამიხედე²⁾: მთელს მსოფლიოს შეიცავს, ისე ვრცელი და ფართოა. მაგრამ რაზედ ლაპარაკობს? სად არის უმთავრესი ძაფი სტატიისა, სად არის მისი იდეა, რა ჰსურს ავტორს? ამაზედ ვერავითარი პასუხი ვერ მივიღე. ერთი ნაბიჯი კიდევ და გამიხდება მეორე „ცისკარი“. ჩემი სურვილი ეხლა ის არის, თუ იყოს „მნათობი“ კარგი იყოს, ან არა და სულ ნუ იყოს. ეს ყველას ემჯობინება. ენახათ შემდეგი ნომრები „დროების“ რაღას მოგვითანენ, ან რას გვეტყვიან ახალს. დასაწყისი კარგია და ბოლოც თუ კარგათ გამოაბით ძრიელ სასარგებლო იქნება. ნიკო! მე ძალიან მსურს, რომ შენ გულმოდგინეთ ითანამშრომლო „დროებაში“ და დიდხანს; ერთი თვით შენი თანამშრომლობა „დროებაში“ არ კმარა. მე გავიგე, რომ შენ პეტერბურლს აპირებ მოსვლას. შენი განზრახვა არ ვიცი, მაგრამ სასარგებლო კი იყო, რომ შენ ტფილისში დარჩომილიყავი და ბეჯითი, მუყაითი თანამშრომლობა გაგეწია. ეს ძრიელ საჭიროა. ჩვენი ლიტერატორები სწორედ თვალზე ახვეულები არიან და საზოგადო საქმისა, როგორც არ მომკლავ, არა გაეგებათ რა.

ეგენი არიან ბრმა წინამძღვრები უბედური ხალხისა. რა ძალა აქვს მაგათ სიტყვას? რამდენათ ღრმა არის მაგათი აზრი? რამდენათ შორს და პირისპირათ გასჭრის საზოგადო საგნების შინაარსს მაგათი ანალიზი, მაგათი კრიტიკა? რამდენათ ცხოველი და ნაყოფიერია მაგათი მოქმედება? რა საზოგადო იდეალი აქვთ მაგათ დახატული თავში? რა პროგრამა აქვთ მოქმედებისა? ვითარია მაგათი პოლიტიკური მიზანი? ვითარი საზოგადო ცვლილება ჰსურთ მაგათ?

შენ თითონ მითხარი, მეტყვიან თუ არა ეგენი ამაზე პასუხს. ხეირიანად მაგ საქმეზედ არც ერთი იმთავანი არ მომხადებულა, ნიკითაც ძალიან არ არიან დაჯილდოვებულნი. აი ვინ არიან წარმომადგენლები ჩვენი სახალხო აზრისა, აი ვისში გამოიხატება ჩვენი გონებითი მოძრაობა! მდგომარეობა შეტათ სამწუხარო და საგძნობელია პატიოსან და მოაზრე კაცს ვალი აქვს მიაქციოს ამაზე ყურადღება,

1) აქ ლაპარაკია ნ. ნიკოლაძის ვრცელ ბიბლიოგრაფიაზე. ჟურ. „მნათობის“ შესახებ, რომელსაც ჩვენ ქვევით შევხებით.

2) საკითხი შეეხება მოსე ჭიჭოძის წერილს: „საქართველოს მომავალი“, რომელიც ნ. ნიკოლაძემ გაარჩია. დაწერილებით იხილეთ ქვევით.

ვალთ აქვს გვიჩვენოს ჩვენ ახალი გზა და ახალი ნათელი წიგნი. ჩვენ ბნელ ცხოვრებაში. რატომ არ უნდა დალონდეს ვატი, რომელიცა ჰხედავს, რომ კაცი ღიდი ენერგიის და ნიჭის პატრონი უმოქმედო და უაზრო ცხოვრებას მიცემია? კერძო პირი არაფერი, კერძო პირი დამოკიდებულია საზოგადო გარემოებაზე, — ამბობენ. ეს მართალია. მაგრამ მაინც და მაინც კერძო პირსაც ბევრი რამ შეუძლიან. კერძო პირსაც ემართება ბრძოლა უსამართლობასთან და უმეცრებასთან, თუნდაც ამ ბრძოლაში დაილუპოს! მაშასადამე, „სამართლე პიროვნებისა“ აღდგინებულია. ვიმოქმედოთ...

ახლა გეტყვი ორიოდ სიტყვას ჩემს პიროვნებაზე. მე დაგპირდი ვინ იცის როდის თარგმანს გამოვიგზავნი მეთქი; მაგრამ აქამდინაც ეს ვერ შევიძელი. მე იმ დროს შეუძლოთ ვიყავი და მერე ეგზამენებიც თავზედ მოგვატყდა, ამასთანავე სხვა ნაწილები არ იყო გათავებული, ამანაც შემაგვიანა. სტატიებსაც დაგპირდი და აქამდის არც ერთი ჩემი სტატია თვალით არ გინახავს. ესეც ზემოხსენებული მიზეზების გამო. 15 მაისს ეგზამენი თავდება, შემდეგ მოკლე დროში თარგმანსაც გამოვიგზავნი და სტატიებსაც. ძალიან ვეცდები, რომ ცოცხალი და ხალისიანი სტატიები იყოს; ბევრი წიგნების წაკითხვა დამჭირდება, ამასაც მოვასწრობ. ერთი სიტყვით ამ ზაფხულს შემეძლება „დროებისათვის“ მოვაშალო სტატიები, მწერენ, რომ დამატების გამოცემას აპირობთო, ეს კარგი იქნება¹⁾.

ნ. ინაშვილი აღრე გამოაკლდა ჩვენი ინტელიგენციის ოჯახს. მისი წერილი ქალთა განთავისუფლების შესახებ გვიმტკიცებს, რომ მასში ჩვენმა ხალხმა დაჰკარგა ღიდი ნიჭის, ცოდნისა და მაღალი იდეებით აღფრთოვანებული მებრძოლი პუბლიცისტი.

ამ თავის ბოლოში მე არ შემიძლია აღუნიშნავი დავტოვო ერთი სერიოზული წერილი, რომელიც 1868 წლის „დროების“ 36, 37 38 და 39 ხომრებში იყო მოთავსებული. ამ წერილის სათაურია: „ზნეობითი, გონებითი და ესთეტიკური გახსნა“. წერილები ხელმოუწერელია და მხოლოდ პირველი ნაწილი არის გამოქვეყნებული. ჩვენ ვფიქრობთ, რომ იმ დროისათვის ამ მეცნიერული და სერიოზული წერილის ავტორი უნდა იყოს იგივე ნიკო ინაშვილი: თვით მიდგომა საკითხისადმი, წერის მანერა და სტილი იწვევს აზრს,

¹⁾ ეს წერილი გადმოცა პატივცემულმა ნიკო ნიკოლაძემ, რისთვისაც მადლობას მოვახსენებთ.

რომ წერილის: „ზნეობრივი, გონებრივი და ესთეტიკური გახსნისა“ და „ქალთა განთავისუფლების“ ავტორთა შორის დიდი ნაღესაური კავშირი უნდა იყოს. სწორედ ეს გარემოება გვაფიქრებინებს ჩვენ, რომ ზემოდასახელებული ხელმოუწერელი სტატია ნ. ინაშვილის კალამს ეკუთვნის¹⁾.

წერილის შესავალში ავტორი სწერს: „არა ვგონებ, რომ იყოს კიდეც კეზმარიტება იმაზედ ცხადი, რომ ჩვენი ცხოვრება საჭიროებს ძირითადს განახლებას, ჩვენი საერთო ლტოლვილებანი უნდა იყვნენ მიმართულნი ამ მიზნისადმი და ყოველი კეთილშობილი მოქალაქე ამასვე უნდა ცდილობდეს... წრფელი და ღრმა უნდა იყოს ჩვენი წადილი საზოგადო განახლებისა, სანატრელი უნდა იყოს მისი მიახლოვება და ხელებ-გაპყრობილნი უნდა მივესალმოთ გარიგრაჲს ამ ახალის ცხოვრებისას... ვინ, თუ არა ახალგაზრდობა უნდა შეჰნატროდეს ხალხის განახლებას? ვინ, თუ არა ის (ახალგაზრდობა) იყო წი-

¹⁾ ეს თავი სავსებით აწყობილი იყო, როდესაც ჩვენ მოვიწადინეთ აღნიშნული მომენტის შესახებ ახალი ცნობების შეკრება:

ნ. ნიკოლაძის ნაწერების ხელახლად გადათვალიერებამ დაადასტურა ჩვენი მოსაზრება, რომ აღნიშნული ხელმოუწერელი წერილის („ზნეობრივი, გონებრივი და ესთეტიკური გახსნა“) ავტორი ნ. ინაშვილია. ერთ წერილში ნ. ნიკოლაძე პირდაპირ ასახელებს აღნიშნული წერილის ავტორად ნ. ინაშვილს. ჩვენ მოვიყვანეთ ერთ ციტატას ნ. ნიკოლაძის წერილიდან, სადაც იგი ბიოგრაფიულ ცნობასაც იძლევა ინაშვილის შესახებ. ნიკოლაძე სწერს: „ნიკო ინაშვილი დღეისწორს (6 ნოემბერს, 1870 წ.) მოკვდა თფილისში, სადაც ის ამ ზაფხულს პეტერბურგიდან საექიმოდ ჩამოვიდა. ეს ახალგაზრდა, აქაურს სემენარიიში სწავლის დასრულების შემდეგ კიევის უნივერსიტეტში შევიდა, საიდანაც შარშან (1869 წ.) პეტერბურგს გადავიდა. მისი თანამშრომლობა „მნათობში“ კარგათ უნდა ახსოვდეს ჩვენ მკითხველს, აგრეთვე როგორც ზოგიერთი მისი სტატიები „დროებაში“ (სხვათა შორის „ზნეობრივი და ესთეტიკური გახსნა“). მაგრამ მკითხველმა არ იცის, რა მზრუნველ გულთხი სურდა ინაშვილს ჩვენი საზოგადოების სიკეთე, ან რა ნაირ გაპყროვებაში ემზადებოდა ის — ხამაშურიძესავით (მოიზადებული, სოციალისტური იდეებით გატაცებული ახალგაზრდა ყოფილა. ს. ხ.) — საზოგადოებისთვის სარგებლობის მოსაძიანათ... სამწუხაროდ ამ მზადებასაც ისე უდროოდ მოეღო ბოლო, როგორც ხამაშურიძის შრომას: ორივეს ერთნაირი ქლეკი მოერია“. (იხ. ნიკო ნიკოლაძის ნაწერი: პირველი წიგნი, გვ. 135—6, 1890 წ.) სამწუხაროდ, ამჟამად დრო ნებას არ გვაძლევს იმის გამოსაკვლევად, თუ გახ. „დროების“ რომელი ხელმოუწერელი წერილები ეკუთვნიან ნ. ინაშვილის კალამს. ეს შემდეგისათვის უნდა გადაედოთ. ყოველ შემთხვევაში, ორი ზემოთ განხილული წერილი ნ. ინაშვილისა ნათელ სურათს გვაძლევს ნიკიერი ავტორის აზროვნების დასახასიათებლად.

ნამორბედი მომავლისა, დამგმობი საზოგადო უმეტრებისა და მათგანველ გვარ პატიოსნურ თავშეწირულებათ¹⁾.

შემდეგ ავტორი აღნიშნავს, თუ როგორი დიდი როლი ითამაშა ოგიუსტ კონტმა სოციოლოგიური მეცნიერების შემუშავებაში. „იმან (კონტმა) — სწერს ავტორი — პირველმა დაამტკიცა ჯეროვანის სისრულით, რომ სოციოლოგია უნდა შემუშავდეს სამეცნიერო მეთოდით, და ცხადად გვიჩვენა, რომ მხოლოდ ამ მეთოდის შემწეობით იგი შეიქმნება მეცნიერებათ... ეს არის ერთი იმ მეცნიერებათაგანი, რომელიც ყველაზედ მომეტებულად მიაქცევს ჩვენს ყურადღებას. აქ აიხსნებიან კითხვანი სიცოცხლისა და გახსნისა, ბედნიერებისა და კეთილისა“ (იქვე). ამრიგად, ჩვენი ავტორი სოციოლოგიურ პრინციპზე დგება. მაგრამ მისი სოციოლოგიური შეხედულებანი სუბიექტიური სოციოლოგიის ძირითად დებულებებს ეყრდნობა! ავტორი სწერს: „მოაკელთ კაცს განათლება, თავისუფლება, თვის საყვარელი საგანი და კაცი შეიქმნება უბედური, ის იტანჯება, იმას წაერთვა სრული ცხოვრება და სიცოცხლემ დაჰკარგა მისთვის თავისი სიმშვენიერე და მიმზიდველობა... აქ უნდა გამოვსთქვა ის აზრი, რომ ყოველი ინდივიდუმი (ყოველი კერძო პირი) არის გაჩენილი სრულის ცხოვრებისათვის, სადაც მისნი ნიჭნი უნდა ერცლად გაიხსნან და მისნი სასიცოცხლო მოთხოვნილებანი მიუცილებლად დაკმაყოფილდნენ... აქედან შეგვიძლიან გამოვიყვანოთ ის უდიდესი აზრი, რომ ყოველი ინდივიდუმი სათვის სიკეთეს და ბედნიერებას შეადგენს ის, რაც ეხმარება მის მოთხოვნილებათ, ხოლო ბოროტს და ტანჯვას ის, რაც უშლის და რაც ეწინააღმდეგება მათ“ (იქვე). აქ ნათლად სჩანს ავტორის ინდივიდუალური შეხედულება. მაგრამ მისი ინდივიდუალიზმი არ მიდის უკიდურესობამდე. ინდივიდი, მისი აზრით, წევრია საზოგადოებისა და მას ამის გარეშე არ შეუძლია არსებობა. საზოგადოება არის დანიშნული კაცის სრულის და ბედნიერების ცხოვრებისათვის, სადაც ყოველი მისი მოთხოვნილება უნდა დაკმაყოფილდეს... ყოველი ჩვენი სულიერი ნიჭი არასოდეს არ არის ჩვენი საკუთრება, არამედ იმაში მონაწილეა საზოგადოება... ყოველს ინდივიდუალურს ფაქტში ჩვენ ვხედავთ სოციალურის მიზეზების მოქმედებას. ყოველი სისრულე ჩვენის სულიერის ცხოვრებისა არის პირდაპირი შედეგი

¹⁾ იხ. ხელმოწერელი წერილი: „ზნეობითი, გონებითი და ესთეტიკური გახსნა“, „დროება“, № 36, 1868 წ.

სოციალურის (საზოგადო) მოღვაწეობისა“ (იქვე). ასეთი ფაქტობრივი ავტორი სრულიად ლოგიკურად მივიდა ორი ძირითადი კემპარიტების აღიარებამდე: ინტერნაციონალიზმისა და სოციალიზმის პრინციპის მიღებამდე. იგი არ ცდილობს პიროვნება მოაქციოს ვიწრო საზოგადოებრივ ფარგლებში: მისი იდეალი და მისწრაფება მთელი კაცობრიობაა. ავტორი სწერს: „...კაცობრიობა სხვა არაფერია, როგორც შემკრებლობა ინდივიდუუმებისა¹⁾“ და ინდივიდუუმები თუ უბედურობაში და ტანჯვაში არიან, მთელი კაცობრიობაც უბედურია და იტანჯება. ბედნიერების მოთხოვნილება — სწერს მეორე წერილში — არის მსოფლიო მოთხოვნილება. ყოველი კერძო კაცი, ყოველი საზოგადოება და უკანასკნელ მთელი კაცობრიობა ელტვის ბედნიერებას, რომელიც მდგომარეობს ყოველის სულიერის და ხორციელი მოთხოვნილების დაკმაყოფილებაში²⁾. ავტორი ებრძვის ვიწრო ნაციონალისტური ინტერესებით გატაცებას და ამბობს: „იგი ამლევს უპირატესობას ვიწრო სახალხო ინტერესებს, არ მიაქცევს არავითარ ყურადღებას საზოგადო კაცობრიობის ინტერესებს, და ამის გამო დიდად ავნებს თავის მამულს. რადგანაც ის შემოფარგავს თავის გონებითს მხედველობას ვიწრო წრეს, ამის გამო ის სრულიად ვერ შეინიშნავს საზოგადო საქმეებს უმაღლესის მნიშვნელობისას და დააკვირდება მხოლოდ უმდაბლესის მნიშვნელობის საქმეებს“³⁾.

უდავოა, რომ ჩვენი ავტორი ილაშქრებს ვიწრო ნაციონალიზმის წინააღმდეგ და ინტერნაციონალურს პრინციპს იცავს.

ჩვენი ავტორი იცავს ევროპის სოციალისტების მიერ წარმოდგენილ შრომის უფლების პრინციპს. იგი სწერს:

„...სამართალი ითხოვს, რომ შრომის უფლება (право труда) გამოურაცხველად ყოველ კერძო პირს უნდა ჰქონდეს, რადგანაც იგი არის წყარო სრულის და ბედნიერის ცხოვრებისა ინდივიდისათვის და ესევე გვიჩვენებს, რომ შრომის უფლება უნდა იყოს დაურღვეველი“⁴⁾.

სამწუხაროდ, წერილის ერთი ნაწილი არის მხოლოდ დაბეჭდილი და ამიტომ არა გვაქვს ავტორის სრული შეხედულება ამ სა-

1) დროება № 37, 1868 წ.

2) „დროება“, № 36.

3) „დროება“, № 37.

4) დროება № 38.

კითხზე. მაგრამ მოყვანილი ციტატა ნათლად ამტკიცებს ავტორის შეხედულებას საკითხზე.

როგორც დავინახეთ, „გონებითი, ზნეობითი და ესთეტიკური გახსნის“ ავტორი სუბიექტიური სოციოლოგიის საფუძვლებზე სდგას. წერილის სინაარსიდან ვტყობილობთ, რომ ამ სტატიის ავტორი საკმაოდ მომზადებული პიროვნება იყო და უმთავრესად ევროპის მეცნიერების დასკვნებს ეყრდნობოდა. ავტორი ერთ წერილში წერს: „ჩვენ შეუმცდარ ჰეშმარიტებათ მიგვაჩნია ეს აზრი, რომ გონიერის აღზრდით კაცის გონებას და გულს შეგვიძლია მივსცეთ იდეალური სისრულე. ამ აღზრდაში იპყრობება უდიდესი ზნეობითი და სოციალური ძალა და მისის შემწეობით ჩვენ შეგვიძლიან ჩვენერგოთ ახალგაზრდობაში სიყვარული საზოგადო სიკეთისა და აღუგზნათ მას ლტოლვილება სათნოებისა და სისრულისადმი⁵⁾“. მეორე ადგილას: „წინ მსვლელი სულიერი პროგრესი გაიტაცებს თავის მსვლელობაში მატერიალურს ჰეგყანასაც და გამოუწოდებს ყოველგვარს მატერიალურს გაუმჯობესობას⁶⁾“. ეს დებულებანი, ჩემის აზრით, ევროპის უტოპიური სოციალიზმის წყაროდან მომდინარეობენ.

⁵⁾ „დროება“, № 37, 1868 წ.

⁶⁾ „დროება“, № 39.

თ ა ვ ი მ ე ხ უ თ ე

გრ. თარხან - მოურავი და ასოციაციების თეორიები.

სოციალისტური ტენდენციები აუცილებლად სპარბოზენ გრ. თარხან-მოურავის (1844 — 1897) ნაწერებში, მაგრამ რაც და-პახასიათებელი და მნიშვნელოვანია თარხან-მოურავის პუბლიცისტურ ნაწერებში—ეს არის მისი „ეკონომიზმი“, ეკონომიური საკითხებით დაინტერესება და მათი გაშუქება. ეს მწერალი მთელ რიგ მოფიქრებულად და მეცნიერულად დაწერილ წერილებში არკვევს საქართველოს მაშინდელ ეკონომიურ ცხოვრებას და მის საზოგადოებრივ წყობილებას მომავალში. გრ. თარხან-მოურავის ეკონომიური წერილებისათვის ჩვენს ლიტერატურაში დღემდე არავის არ მიუქცევია სათანადო ყურადღება. არჩ. ჯორჯაძემ თავის „ინტელიგენციის ისტორიის მასალებში“ მხოლოდ გაკვრით მოიხსენია ეს მწერალი, ის კი ღირსია უფრო მეტის ყურადღებისა. მის წერილებში საყურადღებოა შემდეგი მომენტები:

ა) კრიტიკა კაპიტალისტური წყობილების და აგრეთვე იმ სოციალ-პოლიტიკური სტრუქტურისა, რომელიც არსებობდა საქართველოში 60 — 70-იანი წლებში;

ბ) გზა და საშუალება კოლექტიური მეურნეობის განვითარებისათვის საქართველოში, ე. ი. სამეურნეო ასოციაციების თეორიების აუცილებლობა საქართველოს ეკონომიური წარმატებისათვის;

გ) ეროვნული საკითხის გაშუქება ეკონომიური საზომით;

დ) შრომის თეორიის წამოყენება და მუშათა საკითხზე საუბარი.

ყველა ამ საკითხთან დაკავშირებულია მისი სოციალისტური ტენდენციები. აღსანიშნავია ის ფაქტიც, რომ იგი საზოგადოებრივ ცხოვრებაში გადამკრულ მნიშვნელობას ეკონომიურ ფაქტორს ანიჭებს. რასაკვირველია, მისი „ეკონომიზმი“ შორს დგას მარქსისტული ეკო-

საქართველო
საქართველოს
საქართველოს

ნომიზმისაგან. ამ მხრით ისტორიულად იგი წინააღმდეგობას ქმნიდა მარქსისტებისა; ეკონომიური ფაქტორის აღიარება, მისი პირველ რიგში დაყენება და ამ საზომით გაშუქება მთელი საზოგადოებრივი ცხოვრებისა აუცილებლად უნდა ჩაითვალოს საგულისხმიერო მოვლენად ჩვენში 60-იანი წლების მიწურულებისათვის, მიუხედავად იმისა, რომ საკითხის ასეთი საზომით გაშუქების დროს თარხან-მოურავის ეკონომიური კონცეპცია არ იყო სრული. ეკონომიური ფაქტორის უპირატესობა გამოთქმულია მის შემდეგს სიტყვებში: „ჩვენ ჯერ უნდა ვეცადოთ, რომ ხალხში გავრცელდეს ნივთიერებითი სიმდიდრე, რომელზედაც განსაკუთრებით არის დამოკიდებული გავრცელება როგორც ზნეობისა, ისე გონებისა¹⁾“.

1872 წელს ერთ თავის დაუმთავრებელ წერილში იგი აყენებს დარჯინის „არსებობისათვის ბრძოლის“ თეორიას და ამ საზომით ცდილობს საქართველოს საკითხის განხილვას. მისი აზრით, მთელი კაცობრიობის ისტორია გამომხატველია ამ ბრძოლისა, მაგრამ ამ ბრძოლის დროს უპირველესი ადგილი უჭირავს ეკონომიურ ფაქტებს. ავტორი სწერს:

„რამდენათაც ვრცლად განვიხილათ კაცობრიობის ცხოვრებას, იმდენად უფრო ვრწმუნდებით, რომ მიზეზი ყოველის მოძრაობისა ხალხში არის ბრძოლა ცხოვრებისათვის, რომლის შედეგი უეჭველად უნდა იყოს საზრდოს მოპოვება, ანუ სწორეთ ვსთქვათ სიმდიდრის შეძენა და სხვა რომელიმე მხრის გაუმჯობესება. ამასთანავე ბრძოლა ცხოვრებისათვის შეუწყვეტელია; მაგრამ გონების და ზნეობის გახსნის დაგვარათ, ესე იგი საზოგადოებრივი ცხოვრების გაცნობის დაგვარად, იცვლება სახე ბრძოლისა, ფორმა მისი, თუმცა საკუთრად ბრძოლის მიზეზი იგივე არის²⁾“. (ხაზი ჩვენია. ს. ხ.).

ასეთია თარხან-მოურავის „ეკონომიური კონცეპცია“.

ამ მწერლის მთელი გულისყური მიპყრობილია საქართველოს

1) გრ. თარხან-მოურავი: „საპირობა ჩვენთვის ურთიერთის შემწეობა, თუ არა?“, „დროება“, № 21, 1869 წ.

2) გრ. თარხან-მოურავი: „გავლენა ცხოვრებისთვის ბრძოლისა საქართველოზე“ ჟურ. „მნათობი“ (მარტი), გვ. 121, 1872 წ. დაბეჭდილია მხოლოდ პირველი თავი, დანარჩენი არ არის ქურონალში მოთავსებული. ცხადია, ცენზურამ არ გაუშვა.

ეკონომიური მდგომარეობისაგან. მან კარგად იცის, რომ ქართველმა ხალხმა მოიხსნა მძიმე ტვირთი ბატონყმური ურთიერთობისა, რომელსაც დაწერილებით აკრიტიკებს თარხან-მოურავი, და დღეს ახალს საფუძვლებზე უნდა განავითაროს თავისი ეკონომიური და საზოგადოებრივი ცხოვრება. როგორი უნდა იყოს ეს საფუძვლები, როგორია ეს გზა, რა მოუხდება საქართველოს დაიარაღებულ ცხოვრებას?—აი ეს კითხვები აინტერესებენ ჩვენი ავტორს. იგი პირდაპირ წერს: „საქიროა განვმარტოთ, როგორი ცხოვრება არის საქირო ჩვენი საზოგადოებისათვის, რომ მომავალში დავიმკვიდროთ საქირო და ჩვენი შესაფერისი ადგილი ცხოვრებაში“¹⁾. აი ამ ახალი პროგრამისა, ახალი ცხოვრებისა და მისი სოციალური პირობების გამომუშავების დროს ჩვენი მწერალი იძულებულია გამოარკვიოს, თუ რამდენად შეესაბამებოდა ევროპაში შექმნილი პირობები და სოციალური ურთიერთობანი საქართველოს ინტერესებს და მის მომავალს. მისი დასკვნა კაპიტალიზმის საწინააღმდეგოა; მას არ მოსწონს კაპიტალისტური ეკონომიკა და მის ნიადაგზე გამეფებული სოციალური ურთიერთობა, ამიტომ იგი, ერთის მხრით, აკრიტიკებს კაპიტალისტურ წყობილებას, ხოლო მეორეს მხრით კაპიტალისტური წყობილების გარეშე ეძებს საქართველოს ხსნას; უკეთ: უარყოფს კაპიტალიზმის საქიროებას საქართველოსათვის და ეძებს ახალ გზას, ახალ სამეურნეო პროგრამას ჩვენი წარმატებისათვის. ეს პროგრამა ასოციაციებში გამოიხატება. განვიხილოთ პირველი მომენტი. ე. ი. კაპიტალიზმის კრიტიკა. აქ ავტორის კრიტიკა თითქმის სავსებით ენათესავება გ. ა. დროების თანამშრომლის მოსაზრებებს, რომელიც ჩვენ ზევით გავიყვანეთ. თარხან-მოურავი წერს:

„ნამდვილი წარმატება საზოგადოებისა შეიძლება მხოლოდ მაშინ, როდესაც გამამდიდრებელ ელემენტებს ხმარობენ გონივრულად. ამ ორს გამამდიდრებელ ელემენტებს შუა არ უნდა არსებობდეს ის ბრძოლა, რომელსაც ვხედავთ ეხლანდელ დროს სხვა და სხვა სახელმწიფოში. მე ვამბობ იმ ბრძოლაზე, რომელიც გავრცელებულია კაპიტალს და შრომის შუა. პირველი მიზეზი პროლეტარიატისა მიეწერება იმას, რომ კაპიტალს და შრომის შუა არ იპოვება თანასწორობა. რადგანაც ყოველი რეზულტატი შრომისა—კაპიტალი²⁾ გა-

¹⁾ გრ. თარხან-მოურავი: „გავლენა ცხოვრებისათვის ბრძოლისა საქართველოზე“, „მნათობი“, გვ. 115.

²⁾ რომ მკითხველს ნათელი წარმოადგენა შეუძლებლად ჩვენი ავტორის ეკონომიურ შეხედულებაზე, აქ საქიროა განმარტოს თარხან-მოურავის შეხედულება

დადის კაპიტალისტის ხელში და მშრომელს უჩივლობს რჩება რა, გარდა მცირედი შრომის ფასისა; ამის მიზეზით მთელი კაპიტალი გროვდება მხოლოდ რამდენიმე პირის ხელში და დანარჩენი, უმრავლესი ნაწილი საზოგადოებისა, რჩება ცარიელი შრომის იმედით. რა უნდა ქნას მშრომელმა, თუ კი ყოველი რეზულტატი ორ გამამდიდრებელ ელემენტების შეერთებისა გადადის რამდენიმე კაცის უფლებაში? ცარიელის შრომით, თუ ეს უკანასკნელი არ შეუერთდა მეორე გამამდიდრებელს ელემენტს (კაპიტალს), კაცი ვერ დაიცავს თავის უფალ ცხოვრებას. ამ გვარი ცხოვრება აღმოჩნდება მაშინ, როდესაც მშრომელს და კაპიტალისტს წარმოადგენს მხოლოდ ერთი პირი, ესე იგი, როდესაც კაცი ერთს და იგივე დროს იქნება საზოგადოებისათვის სასარგებლო მშრომელიც და კაპიტალისტიც. თუ, მაგალითად, საზოგადოება იმ გვრათ დაყოფილა, რომ პირველი ელემენტი გამდიდრებისა—მიწა და მის კუთვნილი ნივთი ეკუთვნიან ერთს ნაწილს და შრომა კი მეორეს, მაშინ ბევრი ლაპარაკი აღარ უნდა, ამ ორს ნაწილს შუა აღმოჩნდება ბრძოლა, რომლის შედეგი უნდა იყვეს სიღარიბე საზოგადოების მომატებულის ნაწილისა. მაგ. ევროპაში ხშირად მოხდება ხოლმე უსიამოვნება მუშებსა და კაპიტალისტებს შუა. რისთვის? მისთვის, რომ კაპიტალისტს ყოველთვის შეუძლია გასძლოს რამდენიმე ხანი უშრომით, რადგანაც რამდენიმე თვისა და ხშირად რამდენიმე წლის სარჩო შეძენილი აქვს. მაგრამ რა ჰქნას მშრომელმა, რომელსაც ხვალისათვის არა აქვს რა შენახული მხოლოდ იმ მიზეზით, რომ ის არის პატრონი შრომისა და სხვა არაფრისა? დღეს თუ ხვალ მშრომელი მუშა უნდა მივიდეს ისევ კაპიტალისტთან და დაეთანხმოს იმ პირობებზე, რომელნიც მისთვის სასარგებლო სრულიადაც არ არიან. მე კაპიტალს არ ვუწოდებ ფულს. ფული არის საშუალება, რომლისა გამოუფრო ადვილად ვშოულობთ ჩვენთვის საჭირო ნივთებს. ისინი არიან ღარიბნი მისთვის, რომ, გარდა შრომისა, არა

ცნება კაპიტალზე. ავტორი ამბობს: „ნივთი შეძენილი იმ აზრით, რომ სასარგებლო იქნეს დღესაც და მომავალ დროსაც, შეადგენს კაპიტალს“; ან კიდევ: „კაპიტალი ეწოდება ყოველ ნივთს ცხოვრებისათვის სასარგებლოს“. ასეთი განმარტება კაპიტალისა, როგორც განსაკუთრებული ეკონომიური კატეგორიის, ძლიერ შორს სდგას მარქსისტული განმარტებისაგან.

აქვთ რა და ესეც დამოკიდებულია სხვისგან. მეორე მხრივ იმ ბრძოლის გამო, რომელიც დაარსდა მშრომელის და კაპიტალისტის შუამავალი ტალისტებმა შეიძინეს იმისთანა სახელი, ნდობა, რომ ყოველი გონიერული მუშა უცქერის მათ, როგორც თავიანთ სიცოცხლის პატრონს, მართლაც, საკმაო არის დაუგდოთ ყური იმ ამბებს, რომელიც სჩანან ყოველ ფაბრიკაზე. იქ ნახავთ თქვენ, რომ ფაბრიკანტი კაპიტალისტი იმ რიგად ეპყრობა მუშებს, რომ მუშა ერთი ლუკმა პურისათვის იძულებულია იმუშავოს დღეში თორმეტი ან თხუთმეტი საათი. ეს კიდევ არათა სჩანს მუშების ცხოვრებასთან; იმათ შინაურ ცხოვრებაში ვხედავთ ყოველ გვარ უზნეობას, გარყვნილ კაცს, გადასულს ზნეობის წრეს. რა არის ამის მიზეზი? ამ გვარი მაგალითები გვიმტკიცებს, რომ მისი მიზეზი არის მხოლოდ დამოკიდებულობა შრომისა კაპიტალისაგან¹⁾ (ხაზი ჩენია. ს. ხ.).

აქ კაპიტალიზმის კრიტიკასთან ერთად გვაქვს ის გამოსავალი დებულებანიც, რომელსაც ეყრდნობოდა ჩვენი ავტორი ახალი სხვაგვარი სახის სამეურნეო პირობების შესაქმნელად. ცოტა ქვევით იგი წერს:

„საზოგადოებისათვის საკმარისი არ არის შექმნა კაპიტალისა, თუ კი ეს უქანასენელი არ აღასრულებს თავის დანიშნულებას. გარდა ამისა, ყოველად საჭიროა არსებობა შრომისა და კაპიტალის გონიერულად განაწილებისა. შრომა და კაპიტალი შეერთებულნი უნდა იყვნენ, ე. ი. უნდა ჩანდეს მათ შორის კავშირი-თანაშემწეობა“ (იქვე).

ზემომოყვანილი ციტატიდან მკითხველი ნათლად დაინახავდა, რომ ჩვენს ავტორს გარკვეული წარმოდგენა აქვს კაპიტალისტურ ექსპლოატაციასზე, უკეთ: შრომის ექსპლოატაციასზე, და ესმის ზედმეტი ღირებულების თეორიაც. მოყვანილი ადგილიდან გარკვევით მტკიცდება, რომ გრ. თარხან-მოურავი „შრომის თეორიაზე“ სდგას და ამ საზომით აკრიტიკებს კაპიტალისტურ წყობილებას. ავტორმა იცის, რომ შრომა ჰქმნის „კაპიტალს“ (ნიეტს, საგანს — მისი ტერმინოლოგიით), მაგრამ ეს შრომის ნაყოფი გადადის კაპიტალისტის ხელში, ხოლო თვით „კაპიტალის“, ნიეტის შემქმნელს თავისი შრომის ნაყოფიდან რჩება მხოლოდ „მცირედი შრომის ფასი“. ავტორი პირდაპირ მიუდგა თავისი შრომის თეორიით ზედმეტი ღირებუ-

¹⁾ გრ. თარხან-მოურავი: „ჩვენი სოღარობის მიზეზი“, „დროება“, № 6, 1870 წ.

ლების თეორიას და თითქმის სწორი განმარტება მოგვცა „შრომის ხელფასისა“, რომ იგი არის მცირედი ნაწილი შრომის მთელი რეზულტატისა, ან კაპიტალისა. ჩვენი ავტორი ნათლად ხედავს, რომ კაპიტალი გროვდება მცირედი ნაწილის ხელში, „დიდი ნაწილი საზოგადოებისა კი რჩება ცარიელ შრომის იმედით“. ეს ეკონომიური დებულებები სრულიად ახალს თეორიებს წარმოადგენდნენ ჩვენი მაშინდელი აზროვნებისათვის. რასაკვირველია, ჩვენს პუბლიცისტს, თუ ავიღებთ მსოფლიო ეკონომიურ ლიტერატურას, არაერთად ახალი აზრი არ გამოუთქვამს. მაგრამ ჩვენი საზოგადოებისათვის იგი აუცილებლად ახალი, უჩვეულო იყო. აქ საინტერესოა არა გრ. თარხან-მოურავის ორიგინალობა, საინტერესოა სწორედ ის წყარო, თუ საიდან შეითვისა და გადმოიღო თავისი შრომის თეორიები ჩვენმა ავტორმა.

ჩვენ ვფიქრობთ, რომ გრ. თარხან-მოურავის ეკონომიური თეორიების მასაზრდოებელი წყარო სჩქევს ევროპის უტოპიური სოციალიზმის იმ ნაკადიდან, რომელმაც შეითვისა რიკარდოს შრომის ღირებულების თეორია და საგრძნობლად განავითარა იგი სოციალისტური მიმართულებით (ე. ტომსონი, თ. გოდსკინი, გრეი და სხვ.¹). ამ უტოპისტებმა უყოყმანოდ მიიღეს რიკარდოს ეკონომიური დებულება, შრომის ღირებულების თეორია, და შეუთანხმეს იგი დიდი უტოპისტების სოციალისტურ იდეებს, განსაკუთრებით კი ოვენის სოციალისტურ სისტემას, და თანაგრძნობით ეკიდებოდნენ სოციალისტური კონუნების (თემების) დაარსებას. „შრომა არის ერთადერთი წყარო ღირებულებისა“, — ამტკიცებდა ინგლისის დიდი ეკონომისტი დ. რიკარდო. ამას უკრიტიკოდ იზიარებდნენ ზემოდასახელებული უტოპისტები. მაგრამ იქ, სადაც რიკარდომ დასვა წერილი და კაპიტალისტური საზოგადოება სრულიად ნორმალურ მოვლენად დასახა, უტოპისტებმა გახსნეს ბრწყალები და ნათლად აღნიშნეს მთელი „უსამართლობა“ კაპიტალისტური ეკონომიკისა. შრომის ღირებულების თეორიის ლოლიკური განგრძობა იყო ის სწავლა, რომელიც წამოაყენეს უტოპისტებმა: „მუშის უფლება შრომის სრულს ნაყოფზე“ (право рабочего на полный продукт труда); თუ შრომა ჰქმნის ყოველსავე ღირებულებას, ეს ღი-

¹) რასაკვირველია, აქ ჩვენ იმისი თქმა არ გვინდა, რომ გრ. თარხან-მოურავი არ განიცდიდა გავლენას ევროპის სხვა სოციალისტი მწერლებისა, მაგ. ლუი ბლანის, ლასალის და ბრაუნელ სხვათა.

რებულება უნდა ეკუთვნოდეს იმას, ვისი შრომაც მასზე არის და-
ხარჯული. მეუბნები, სრული ბატონი უნდა იყოს თავისი დახარჯული
შრომისა, — ამტკიცებდენ აღნიშნული უტოპისტები. კაპიტალისტურ
წყობილებაში ეს შრომის ღირებულება და შრომის უფლების
სამართლიანობა დაარღვეულია, უარყოფილია, მამასადამე, ეს წყობი-
ლება არ არის ნორმალური, სამართლიანი. იგი არ შეესაბამება შრო-
მის ღირებულების თეორიას, ამიტომ უარყოფილ უნდა იქნეს ეს
(კაპიტალისტური) წყობილება და სრულს უფლებაში აღდგენილი
შრომის თეორიები და უფლებები: კაპიტალიზმის ნაცვლად უნდა
შეიქმნეს ახალი, „შრომის უფლებაზე“ აგებული, წყობილება.

როგორც მკითხველი ხედავს, რიკარდოს შრომის ღირებულებ-
ის თეორია სოციალისტებმა ახალი სოციალისტური მიმართულებით
გაავითარეს და სრულიად ახალი მეთოლოგიური აზრი მისცეს მას.
რიკარდოსათვის ეს ფორმულა იყო თეორიული კანონი, რომელიც
მოქმედებს კაპიტალისტური მეურნეობის პირობებში; უტოპისტები
კი ამტკიცებდენ, რომ ეს სწორი თეორია დარღვეულია კაპიტალის-
ტურ მეურნეობაში, რადგან საქონელს ჰქმნის მეშის შრომა, ხოლო
ამ შრომის ნაყოფს ითვისებს პაჩაზიტი კაპიტალისტი. ამიტომ სა-
ჭიროა დაწესება ისეთი საზოგადოებრივი წყობილებისა, სადაც გან-
ხორციელებული იქნება ეს სწორი და სამართლიანი თეორია. ამრი-
გად, რიკარდოს თეორიული კანონი უტოპისტების
ხელში გადაიქცა, ერთის მხრით, კაპიტალისტური მე-
ურნეობის კრიტიკის იარაღად, მეორეს მხრით კი —
მოწოდებად სოციალისტური წყობილების განხორ-
ციელებისათვის, სადაც სრულის მთლიანობით აღ-
დგენილი იქნება შრომის ღირებულებისა და უფლე-
ბის თეორია. „ყოველ ადამიანს აქვს უდავო უფლება ყველა მას-
ზე, სწერდა ბრეი, რაც მას შეუქმნია თავისი პატიოსნური შრომით“.
კაპიტალისტური წყობილება არღვევს ამ ზნეობით კანონს, სოცია-
ლისტური კი სავსებით ანხორციელებს¹⁾. ასეთია ამ უტოპისტების
თეორია.

ჩვენ ვფიქრობთ, რომ ჩვენი ავტორიც, გრ. თარხან-მოურავიც,
ამ უტოპისტების დიდი გავლენის ქვეშ იდგა და იგივე სავსებით

¹⁾ Рубин: „История экономической мысли“, гл. 130 — 35, აგრეთვე
В. Святловский: „История социализма“, 1924 წ.

იზიარებდა მათ „შრომის ღირებულებისა და შრომის უფლების“ თეორიებს. ჩვენ უკვე დავინახეთ, თუ როგორ აკრიტიკებდა იგი, აღნიშნული უტოპისტების მსგავსად, კაპიტალისტურ შეურწეობას, სადაც შრომა და შრომის ნაყოფი დაშორებული, დაცილებულია ერთიმეორეს, სადაც ერთი — პროლეტარი — შრომობს, ხოლო მეორე — კაპიტალისტი — სარგებლობს, ითვისებს სხვისი შრომის ნაყოფს. ახლა ყური ვათხოვოთ და გავეცნოთ ავტორის „შრომის ღირებულების თეორიასაც“. 1869 წელს გამოქვეყნებულ ვრცელ წერილში ასოციაციების შესახებ იგი შემდეგს წერდა¹⁾:

„მე ვგონებ, რომ ყოველი ნივთი არის ქმნილება შრომისა. თუმცა ბევრი ჩვენგანი მოპატებულს სიმდიდრეს ხედავს მხოლოდ ვერცხლში და ოქროში, მაგრამ ჩვენ უნდა ვსთქვათ, რომ ნამდვილი სიმდიდრე როგორც კაცისა, ისე ხალხისა მდგომარეობს საკუთრად შრომაში. თული არის მხოლოდ შეამავალი ნივთი, თუ შეიძლება ასე ვთქვათ, რომლითაც ვშოულობთ ჩვენ ამა თუ იმ ნივთს პირველ საჭიროებისა და სხვა. საკუთრად ფული არ უმატებს არაფერ სიმდიდრეს ხალხს, თუ ხალხის შრომა არ არის მოძრაობაში — სიმდიდრე ხალხისა მდგომარეობს მომატებულ გონების გახსნაში, სხვა და სხვა საჭიროების ნივთების მოპოვებაში“²⁾.

ჩვენ იმ ნივთს კი არ უნდა ვაფასებდეთ, რომელიც გავაკეთეთ, ჩვენ უნდა დავაფასოთ მხოლოდ ის შრომა, რომელიც საჭიროა ნივთის გასაყეთებლად, მისთვის რომ ჩვენ ნივთის შექმნა არ შეგვიძლიან; ნივთს გვაძლევს თვითონ ბუნება; ჩვენ უცვლით მხოლოდ ფორმას ყოველ ნივთს, რომელიც საჭიროა მოსახმარებლად. მაგალითად, როგორ უნდა შექმნას კაცმა სკამი? კაცი იღებს მხოლოდ რომელსამე ხეს, რომელიც თავისუფლად იზრდება მინდორში ან ტყეში, ხერხავს, სთლის და შემდეგ მიაწვებს ერთმანეთზე რამდენსამე ნაჭერს და დასასრულ გამოყავს სკამი. მაშა-

1) ვრ. თარხან-მოურავი: „საჭიროა ჩვენთვის ურთიერთის შემწეობა, თუ არა?“ გაზ. „დროება“ №№ 20, 21, 22, 23, 24, 1869 წ. აგრეთვე მისივე სტატია 1868 წ. „დროების“ მე-44 ნომერში.

2) „დროება“, № 22, 1869 წ.

სადამე, ნიეთის დაფასების დროს ჩვენ მხედველობაში უნდა გვქონდეს მხოლოდ შრომა¹⁾. (ხაზი ჩვენისაა.)

აქ მოყვანილი ციტატიდან სრულიად საფუძვლიანად დასკვნის მკითხველი, რომ ჩვენი პუბლიცისტი შრომის ღირებულების თეორიაზე სდგას და თუმცა ბუნდოვანად, მაგრამ მაინც გადაჭრით აღიარებს, რომ შრომა არის ღირებულების ერთადერთი წყარო.

ამრიგად, ეკონომიური თეორიების საკითხში და კაპიტალიზმის კრიტიკის დროს თარხან-მოურავი სავსებით დგას აღნიშნული უტოპიური სოციალისტების თეორიულ ნიადაგზე და იგი მასთანავე სავსებით იზიარებს იმ დებულებას, რომ მუშას უნდა ჰქონდეს სრული უფლება თავისი შრომის ნაყოფზე.

მაგრამ არა მარტო ეკონომიური დებულებები აქვს ნასესხები ჩვენს ავტორს ევროპის უტოპიური სოციალისტებისაგან, არამედ მისი შეხედულებაც საზოგადოებრივ განვითარებაზე წმინდა წყლის უტოპიურია. ავტორს არ ესმის საზოგადოებრივი განვითარების კანონები, მან არ იცის, რომ საზოგადოებრივ წყობილებას აქვს თავისი ობიექტიური კანონები, რომელნიც თავიანთი შინაგანი ლოგიკური ძალით მოქმედებენ საზოგადოებრივ განვითარებაზე, რომ საზოგადოება მიმდინარეობს თავისი შინაგანი კანონების მიხედვით. ავტორი ამის საწინააღმდეგო პოზიციაზე სდგას; მას სწამს, რომ შეგნებას, გონიერულ მოქმედებას შეუძლია გადამჭრელი როლი მიეანიჭოთ საზოგადოების განვითარების საქმეში და საზოგადოების ცხოვრება იმ გეზით მიემართოთ, რომელსაც ჩვენი უმაღლესად განვითარებული გონება გვიკარნახებს. ამიტომ არის, რომ ჩვენი ავტორი იმუშავეს ახალ პროექტებსა და გეგმებს საქართველოს საზოგადოებრივი წყობილების ახალ საფუძველზე გადასაცემად; მას სწამს, რომ თუ საზოგადოება შეიგნებს მისი პროექტის უპირატესობას და საფუძვლიანობას არსებულ წყობილებასთან შედარებით, მაშინ ადვილად ავცდებით სილარიბეს, კაპიტალიზმს და პირდაპირ „სოციალისტურ“ საფუძვლებზე მოვაწყობთ ჩვენს ცხოვრებას. აქაც ჩვენი ავტორი ქუდმოხდილი სდგას ევროპის უტოპიური სოციალიზმის გავლენის ქვეშ. მკითხველი ნათლად შეამჩნევს, რომ თარხან-მოურავის „ეკონომიზმი“ თავდაყირა სდგას. მას სწამს ეკონომიური მხარის დიდი მნიშვნელობა საზოგადოებრივ ცხოვრებაში, მაგ-

1) „დროება“, № 22, 1869 წ.

რამ ფიქრობს, რომ ამ ეკონომიური ფაქტორის მოქმედება თავის მხრით დამოკიდებულია „გონების მოქმედებაზე“. არა ეკონომიკის ზეგავლენით იქმნება „გონიერება“ თვისი შესაფერისი პროგრამით, არამედ თვით „გონიერება“, შეგნება ჰქმნის თავის შესაფერის ეკონომიკას. მარქსისტული მატერიალისტური ფილოსოფია გვეუბნება: მდგომარეობა ჰქმნის შეგნებასო; უტოპიური სოციალიზმი-კი გვიმტკიცებდა: შეგნება ჰქმნის მდგომარეობასო.

თარხან-მოურავი ამ უკანასკნელ თეორიას იზიარებს და სრულიად შეგნებულად იმუშავეს პროექტს საქართველოს (რომელიც ის იყო გამოდიოდა ბატონყმური ურთიერთობის ნაჰუჭიდან) ახალ ეკონომიურ და სოციალურ საფუძვლებზე გადასაყვანად, კაპიტალისტური ეკონომიკის გვერდის ავლით. ბუნებრივია, რომ მას, როგორც უტოპისტების მიმდევარს, არ ესმოდა ის ურყევი სოციოლოგიური დებულება, რომ კაპიტალისტური წყობილება არის ისტორიულად აუცილებელი წყობილება საზოგადოებრივი ცხოვრებისა: იგი კაპიტალიზმში ისტორიულ უსამართლობას ხედავდა და არა ისტორიულ აუცილებლობას. ამიტომ თარხან-მოურავი სერიოზულად შეუდგა საქართველოსათვის ასოციაციებისა და შეერთებული შრომის პროექტების შემუშავებას. მისი წერილები ასოციაციებზე სერიოზულად და მოფიქრებულად დაწერილი სტატიებია; მაგრამ ამ პროექტების განხორცილება კი ვერ შეაჩერებდა საქართველოში კაპიტალიზმის განვითარებას.

ზევით გაკვრით გაეიკანით ავტორის სოციალური გეგმები და სოციალ-ეკონომიური თეორიები. ამ თეორიების მიხედვით, ავტორი აშენებდა შემდეგ ეკონომიურ დებულებებს: „კაცობრიობის ყოველმხრივი წარმატება მოითხოვს, რომ შედეგი შრომისა იყვეს მომავლისათვის სასარგებლო... საზოგადოებისათვის საკმაო არ არის ქონება გამამდიდრებელ ელემენტებისა; ესენი არიან მხოლოდ საშუალებანი, რომელთაც კაცი ანუ საზოგადოება მიაღწევს უმაღლეს განძრახვამდინ. გარდა ამ ელემენტებისა, საჭიროა აგრეთვე იმათი გონიერული მოხმარება. ჩვენ თუ გვაქვს კაპიტალი—შრომა და მიწა, უნდა ვეცადოთ, რომ ეს ელემენტები გამდიდრებისა მოვიხმაროთ ისე, რომ ყოველი ჩვენი მოქმედება, მოძრაობა გაამდიდრებდეს ნამდვილად როგორც ეკონომიურს, ისე გონებითი შესახვედრობაში“¹⁾.

¹⁾ თარხან-მოურავი: „ჩვენი სიღარიბის მიზეზები“, „დროება“, № 6, 1870 წ.

ავტორს განძრახვა ჰქონდა გამოერკვია ჩვენი ხალხის ეკონომიური მდგომარეობა, ნათელეყო, თუ რა მდგომარეობაშია საქართველოში შრომის და კაპიტალის საქმე, როგორ არაგონიერულად არის განხორციელებელი ქეშმარიტება „შრომისა და კაპიტალის შერტებული მოქმედების“ შესახებ ჩვენს სინამდვილეში. საუბედუროდ, მისი საინტერესო წერილების ეს მხარე სამუდამოდ დაკარგულია: წერილიდან „ჩვენი სიღარიბის მიზეზები“ სწორედ ის თავებია (V — VI) ამოგდებული ცენზორის მიერ, რომელიც ეხებოდა „საქართველოს ეხლანდელ მდგომარეობას“¹⁾, ხოლო წერილიდან: „გავლენა ცხოვრებისათვის ბრძოლისა საქართველოზედ“ მაოლოდ ვრცელი შესავალი დაიბეჭდა²⁾, დანარჩენი ნაწილი კი არ გამოქვეყნებულა, ალბათ, ცენზურული პირობების გამო.

სამაგიეროდ ჩვენ გვაქვს მისი ვრცელი წერილები ასოციაციების და მათი გავლენის შესახებ საზოგადოებრივი წარმატების საქმეზე.

1868 წელს „დროების“ ფურცლებზე ავტორი ამტკიცებდა, რომ „უასოციაციოთ არა თუ ჩვენში, არც ერთ ხალხის ცხოვრება არ შეიძლება“³⁾. კერძოდ საქართველოს შესახებ ის სწერს:

„ჩვენს ხალხში გაღვიძებულია ასოციაციების მოძრაობა... მე ვგონებ, რომ ჩვენს ხალხს არ გაუძნელდება ასოციაციების დაფუძნება და გავრცელება, თუ საზოგადოება ერთგულად მოეკიდება ამ საგანს“⁴⁾.

ჩვენს პუბლიცისტს კარგად ესმის, რომ ჩვენი ქვეყანა ეკონომიურად ჩამორჩენილია, ხოლო კულტურულად განუვითარებელი. მთელი მისი გულისყური და გეგმები მიქცეულია ჩვენი ეკონომიური აღორძინებისაკენ და ახალი, უფრო მაღალი სამეურნეო ფორმების შექმნისაკენ. ამიტომ არის, რომ ავტორი საქართველოს ერთადერთ ხსნას

1) „დროება“, № 8, 1870 წ.

2) „მნათობი“ (მარტის), 1872 წ., გვ. 116-136.

3) „დროება“, № 44, 1868 წ. ავტორი წერდა: „ერთის სიტყვით ასოციაციის ფორმა არის უკანასკნელი ნაბიჯი, რომელთანაც მიიწვეს კაცი, ეს არის საზოგადო კანონი ყოველი ხალხისა; მოკლეთა ესთქვათ — ასოციაციას აქვს თავის განზრახვით, რომ შერტებულის ღონისძიებით აღასრულონ რამდენიმე კაცებმა თავის აზრი, ან გაზრახვა შესახებ შრომისა, რომელსაც მისდევნენ ცხოვრებაში. — ყოველი ცვლილება, ყოველი ფაქტი, რომელიც მოხდა კაცობრიობის ცხოვრებაში, არის ნაყოფი ასოციაციისა“... (იქვე)

4) „დროება“, № 24, 1869 წ.

და ეკონომიური აღდგენის შესაძლებლობას ასოციაციებში ხელდას-
იგი წერს:

„ჩვენ ჯერ უნდა ვეცადოთ, რომ ხალხში გავრცელდეს ნივთი-
რებითი სიმდიდრე, რომელზედაც განსაკუთრებით არის დამოკიდე-
ბული გავრცელება როგორც ზნეობისა, ისე გონებისა. ჩვენ, ექვი
ალარ არის, უნდა მივმართოთ მთელი ჩვენი შეძლე-
ბა და ძალა იმისთანა საქმეს, რომლის საშუალები-
თაც გავიმაგრებთ ფეხს კაცობრიობის მოძრაობაში;
ამის გამო, ჩემის ფიქრით, დრო არის მივხედოთ სა-
სოფლო მეურნეობას; იქ, სადაც კაცის შეძლება ვერ
გასწვდება მამულის შემუშავებას, ვეცადოთ, რომ
მოვიპოვოთ ამხანაგი და შევერთებულები შრომით მოვ-
ყიდოთ ხელი უსაქიროების საქმეს“¹⁾ (ხაზი ჩე-
ნია. ს. ხ.)

აქედან მკითხველმა არ უნდა დაასკვნას, თითქმის ჩვენი ავ-
ტორი წინააღმდეგი იყოს სხვა ასოციაციების დაარსებისა, გარდა
სასოფლო-სამეურნეოსი. ავტორი მხედველობაში იღებს „გარე-
მოებებს“ და ამიტომ ერთგვარ მინიმუმ პროგრამას აყენებს „სოცია-
ლიზმის“ განხორციელებისათვის. ცოტა ქვევით იგი ამბობს:

„თუმცა ჩვენ ზევით ვსთქვით, რომ უნდა გავმართოთ საკუთ-
რად სასოფლო მეურნეობის ასოციაციები, მაგრამ არ უნდა დავი-
ვიწყოთ, რომ ზოგიერთი ამ გვარი ასოციაციები ჩვენთვის ეხ-
ლანდელ დროში შეუძლებელი იქნება და ამის მიზეზით
უნდა დავიწყოთ იმ ასოციაციების დაფუძნება, რომლებიც უფრო
შეეთანხმება ჩვენს სწავლას და გარემოებას. შემდეგ, როდესაც
გამოიკვლეებიან გარემოებები და შეგვეძლება შეუდ-
გეთ უფრო ძნელ საქმეს, მაშინ უნდა დავიწყოთ სხვა
ასოციაციების გამართვა“ (ხაზი ჩვენია. ს. ხ.).

ცხადია, თარხან-მოურავს მხედველობაში აქვს როგორც პოლი-
ტიკური მომენტი, ისე ჩვენი უკულტურობა, ხოლო სხვა ასოცია-
ციებში, ალბათ, გულისხმობს სოციალური წყობილებისაგან მიახ-
ლოების ცდას.

როგორ პრინციპებს უდებს სარჩულად თარხან-მოურავი თა-
ვის ასოციაციებს, როგორ „ეკონომიურ კეშმარიტებას“ ემსახურე-

¹⁾ „დროება“, № 21, 1869 წ.

ბიან მისი ასოციაციები? ამ საკითხს ნათელს მოჰყენს შემდეგი მისი სიტყვები:

„ნივთის დაფასების დროს ჩვენ მხედველობაში უნდა გვქონდეს მხოლოდ შრომა — ამ მიზეზით მეტი დივიდენტი უნდა ერგოს მხოლოდ შრომას, ვიდრე ფულს. ვისი შრომაც აკეთებს ნივთს ან ნაყავს მოიტანს, იმას უნდა ერგოს მომატებული დივიდენტიც. შრომის დაფასება ადვილი იქნება იმისთანა ასოციაციებში, რომლებიც ეკუთვნიან სასოფლო მეურნეობას. როდესაც ეს პრინციპი მიღებული იქნება, ე. ი. ფულის უფლება დაეცემა და ამის ადგილს დაიკერს შრომა, მაშინ ჩვენს ქვეყანაში არ იქნება ის ექსპლოატაცია, დამონაევება ღარიბი კაცებისა კაპიტალისტებისაგან, რომელსაც ხშირად ვხედავთ ევროპაში. შემდეგი ის უნდა იყოს, რომ ის ნაწილი საზოგადოებისა, რომელიც დაჩვეულია სხვის შრომით ცხოვრებასა, აღარ იქნება და უფრო სასარგებლო საქმეს მიჰმართავს ხელს; ეხლა კი ბევრს ვხედავთ, რომელთაც ჰყავთ დაჩაგრული მრავალი მუშა კაცი, რომლებსაც არ შეხედრიათ სიცოცხლეში იმისთანა ბედნიერი დღე, რომ მოეგროვებინათ საკმაო ფული და გამხდარიყვნენ კაპიტალისტებათ. მართლაც ასოციაციებში ფულს თუ მივეცით პირველი ადგილი და მეტი დივიდენტი, მაშინ, ექვი აღარ არის, იქნება ისევ ის დასასრული, რომელსაც ვხედავთ: დამონაევება უფულო და შრომის მოყვარე კაცებისა. მაშინ ასოციაცია შემწეობის მაგიერ ხალხს ავნებს, რადგანაც ასოციაციებში შეგროვდება საკუთრად ფული და ნამდვილი სასარგებლო შრომა უკან დაიწევს. ამას მოსდევს საზოგადო დაღარიბება და დამცირება“¹⁾ (ხაზი ჩვენია. ს. ხ.)

ასეთია ჩვენი ავტორის შრომის პრინციპის გაშუქება ასოციაციაში. აქ აღსანიშნავია თარხან-მოურავის ეკონომიური შეხედულება ფულზე. ფული, ავტორის აზრით, არის „შუამავალი ნივთი“, მაგრამ თუ შრომა ჰქმნის ღირებულებას, რატომ უნდა გამოიხატოს იგი (ღირებულება) ფულში და არა შრომის ერთეულში? ავტორს, როგორც უტოპიური სოციალიზმის მიმდევარს, არ ესმის, რომ საქონლის მეურნეობაში შრომის პროდუქციის ღირებულება თავის გამოხატულებას ფულში პოულობს.

¹⁾ „დროება“, № 22, 1869 წ.

უტოპისტებიც უარყოფდენ ფულს, მათ შესაძლებლად მიაჩნდათ საქონლის ღირებულების განსაზღვრა უშუალოდ შრომის ერთეულების მიხედვით (ტრუდოვიე ედინიცი). თვით ოვენიც სწერდა, რომ „ღირებულების ერთადერთ საზომს პრინციპში წარმოადგენს ადამიანის შრომა“ და აქედან დაასკვნიდა, რომ „აბსოლუტურად აუცილებელია ამ პრინციპის გატარება უშუალოდ მოქმედებაში“. აქედან წარმოსდგება ოვენის „შრომის ფულები“ და სხვა¹⁾. ჩვენი პუბლიცისტიც, რომელიც უტოპიური სოციალისტების თეორიის დიდ გაელენას განიცდის, ცდილობს თავის ასოციაციებში მოსპოს ფული და გააბატონოს შრომის პრინციპი. რასაკვირველია, კაპიტალისტური ურთიერთობის პირობებში ფულის მოსპობა განუხორციელებელი უტოპიაა, მაგრამ ოვენას და ჩვენი მწერლის ეკონომიურ პროგრამასაც ხომ ეს უტოპიზმი ახასიათებს.

ჩვენი ავტორი იმდენად გატაცებულია თავისი ასოციაციებით, რომ საქართველოს და მთელი კაცობრიობის ხსნის საშუალებად მხოლოდ ასოციაციები მიაჩნია. ასოციაცია ხელს შეუწყობს ჩვენი საზოგადოების არა მარტო ეკონომიურ დაწინაურებას, არამედ გონებრივ და ზნეობრივ ამაღლებასაც.

„...ასოციაცია არის საშუალება, რომლითაც შეიტყობს კაცი საზოგადო ნაკლულოვანებას და ღირსებას... ხალხში დროს მიმდინარეობით იხსნება და ვრცელდება ადამიანის შეხედულება საგანზე და ზნეობითი გაუმჯობესება. ასოციაციაში ყველას აქვს საზოგადო ინტერესი, რომელიც მოითხოვს საზოგადო შრომას, ეს შრომა აძლევს წევრს ცხოვრების ღონისძიებას, რადგანაც დარწმუნებულია, რომ მისი შრომა იქნება კეთილშობილად დაუფასებელი და მიეცემა დასაჩუქრება... როდესაც ამ გვარათ ხალხი შეიძენს ნივთიერებითი სიმდიდრეს, შექცეულია ზნეობითაც ამაღლდება.

„ჩვენს საზოგადოებას ბევრი არასფერს შეეწევა სასწავლებლები, თუ დაეაგდეთ უყურადღებოთ ჩვენი ეკონომიური მდგომარეობა. სასწავლებლები და მატერიალური მდგომარეობა ერთად უნდა მოდიოდენ... ასოციაციები მოსპობენ სიღარიბეს, უნდობლობას, რომელნიც ყოვენ შუაზე საზოგადოებას; როდესაც ასოციაციებში მიიღე-

¹⁾ რუბინის დასახელებული წიგნი, გვ. 332.


ბიან თავად-აზნაურობაც და გლეხკაცობაც, მაშინ, ეპეი არაფრისაა დაუხლოდებიან ერთმანეთს, შეიტყობენ და გაასწორობენ ნაკლებად ნაკლებად. როდესაც ჩვენში გაიხსნება ასოციაციები, სამუდამოთ მოასპობიან უსარგებლო ვაჭრები, რომელნიც არიან ჩვენსა და თაბრიკანტებს შუა¹⁾).

ასეთ დიდ როლს აკუთვნებს ჩვენი ავტორი ყოვლად შემძლე ასოციაციას. ეს ასოციაცია მას ჩვენი ხალხის მსხნელად მიაჩნია: გააძლიერებს მას მატერიალურად, აამაღლებს გონებრივად და ზნეობრივად, შეაჩვევს საზოგადოებრივ შრომას და გადაიყვანს უმაღლეს საზოგადოებრივ წყობილებაში. ასოციაცია, ავტორის აზრით, გადაარჩენს ქართველ ხალხს კაპიტალისტურ ციებ-ცხელებას და შექჟმნის საზოგადოებრივ ჰარმონიას.

ალსანიშნავია კიდევ ერთი ფაქტი: ჩვენს ავტორს კარგად ესმის, რომ კაპიტალიზმის ბატონობის პირობებში არსებობს კლასთა ბრძოლა კაპიტალისტებსა და პროლეტარებს შორის; კლასთა ბრძოლა არსებობს ევროპის პირობებში. თარხან-მოურავი ხანგასმით აღნიშნავს ამას, მაგრამ მას არ ესმის კლასთა ბრძოლის ისტორიული მნიშვნელობა და რევოლუციონური როლი საზოგადოებრივ წყობილების გარდაქმნის საქმეში, ისევე, როგორც არ ესმის პროლეტარიატის ისტორიულ-საზოგადოებრივი დანიშნულება სოციალიზმისათვის ბრძოლაში. იგი წინააღმდეგია კლასთა ბრძოლისა და ამიტომ თავის ასოციაციებში მოითხოვს მუშების და კაპიტალისტების, მიწის მშრომელთა და მეპატრონეთა შეთანხმებულ, შეერთებულ თანამშრომლობას. როგორც პირველ საკითხში (კლასთა ბრძოლა), ისე მეორე მომენტში ჩვენი ავტორი საესებით იმეორებს ევროპის უტოპისტების სამოღვაწეო პროგრამას. ცნობილია, რომ უტოპისტები წინააღმდეგნი იყვნენ რევოლუციების, კლასთა ბრძოლის: ისინი თავიანთ კომუნებში, ასოციაციებში, ფალანსტურებში მოუწოდებდნენ ყველას შეთანხმებული მოქმედებისაკენ. ჩვენი ავტორიც იმეორებს:

„ასოციაციის წევრათ უნდა მიიღებოდეს ყოველი კაცი, როგორც გლეხ-კაცობა, ისე თავად-აზნაურობა; ასოციაციაში წევრად არ უნდა იყოს განსაკუთრებით არც თავადი და აზნაური და არც გლეხ-კაცი. უამისოთ ჩვენს ხალხში იქნება ისევე ის განწყობილობა, რომელიც არსებობს ეხლაც ამ ორს შხარეს

1) „დროება“, № 24, 1869 წ.



შუა. როდესაც ასსოციაციაში მიიღებიან ერთი და მეორეც, მაშინ იმათს შუა გავრცელდება ერთობა, ნდობა, რომელნიც საჭირონი არიან ჩვენი ეკონომიური წარმატებისათვის. უკეთესათ გაიცნობენ ურთიერთის საჭიროებას, ექნებათ ერთი საზოგადო ინტერესი და ამით უფრო ადვილად და სწრაფად მიაღწევენ უკეთესი ცხოვრებამდინ და განათლებამდინ¹⁾ (ხაზი ჩვენია. ს. ხ.).

ცხადია, ჩვენი ავტორი არა კლასთა ბრძოლით და რევოლუციების გზით ცდილობს ცხოვრების გარდაქმნას ახალ საფუძვლებზე, არამედ კლასთა თანამშრომლობისა და მშვიდობიანობის საშუალებებით. ეს არის ევროპის უტოპიური სოციალიზმის შეთოდი და სოციალური პროგრამა. ამ საკითხშიაც ჩვენს ავტორს არ უღალატნია თავისი მასწავლებლებისათვის.

გრ. თარხან-მოურავის წერილების გაცნობის დროს არ შეიძლება არ აღინიშნოს ერთი საინტერესო მომენტიც, რომელიც დაკავშირებულია ეროვნულ საკითხთან: ამ შემთხვევაში ავტორს სახეში აქვს ეროვნული საკითხის არა პოლიტიკური მხარე, არამედ ეკონომიური.

საქართველოს ეკონომიური ცხოვრების შესწავლამ ავტორი იმ დასკვნამდე მიიყვანა, რომ საქართველოდან გააქვთ უმთავრესად ნედლი მასალა, ხოლო საზღვარგარეთიდან კი შემოაქვთ „დამზადებული ნივთები“. ასე, მაგ., თარხან-მოურავს მოჰყავს საინტერესო სტატისტიკური ცნობა, საიდანაც სჩანს, რომ 14 წლის განმავლობაში (1854-1867 წ. წ.) ამიერკავკასიაში შემოუტანიათ 80,353.657 მანეთის საქონელი, ხოლო აქედან გაუტანიათ 40.008.338 მანეთის.

„სჩანს, — დასძენს ავტორი, — რომ ჩვენ ყოველ წელიწადს უნდა დავამატოთ, ან გადავიხადოთ ვალი რიცხვით 2,874.675 მან. საქართველოში არ არის დაფუძნებული არსად ფაბრიკა, სადაც შეიძლება გავაქეთოთ ჩვენთვის საჭირო ნივთიერება და ამგვარად დავიცმაყოფილოთ ისევ ჩვენის შრომის რეზულტატით. უძველესია, ამ გვარის მიმდინარეობის გამო უცხო ქვეყნების ვაჭრობას ყოველთვის ექნება გავლენა ჩვენს ეკონომიურ ცხოვრებაზე. ყოველი საჭირო და გამოსადგარი ნივთი საზღვარ გარეთიდან უნდა მოვიტანოთ, მაშინ, რო-

¹⁾ „დროება“, № 21, 1869 წ.

დესაც ჩვენი ქვეყანა მოგვეცემს უკეთეს ნაყოფს, პატრონებსა და გლეხებს შუა აღმოჩნდება ურთიერთის შემწეობა და თუ საზოგადოებამ აღზარდა შთამომავალი და მოამზადა სასარგებლო წევრები, აღზარდა ისე, როგორც გვენულებიან ბუნებითი საგნები, მაშინ თავისთავად მოისპობიან სიღარიბეც და მოიმატებს შემოსავალიც ჩვენი მამულისა" ¹⁾.

ე. ი. ასოციაციის დაარსებას მოითხოვს ჩვენი ერის ეკონომიური მდგომარეობა, ხოლო ამ ასოციაციას მიზნად უნდა ჰქონდეს გაამრავლოს „ბუნებითი საგნები“ და გაათავისუფლოს ქართველი ხალხი საზღვარგარეთის ბაზრის გავლენისაგან, რადგან უცხოელებთან სავაჭრო ურთიერთობისაგან საქართველო, ამიერკავკასიის სხვა ერებთან ერთად, კარგავს წლიურად ზედმეტ 3 მილიონ მანეთს. ასოციაციების საშუალებით მოხდება ჩვენი ეკონომიური ცხოვრების ყოველმხრივი წარმატება და მისი სამეურნეო დამოუკიდებლობის მოპოვება, რაც შესაძლებელია საკუთარი ფაბრიკა-ქარხნების შექმნის გზით. ასეთია ჩვენი ავტორის ეკონომიური პოლიტიკის ძირითადი საფუძველი. ჩვენი პუბლიცისტი კარგად ხედავდა, რომ ჩვენ ფაბრიკა-ქარხნების მხრით მეტად ჩამორჩენილნი ვიყავით და სწორედ აქედან წარმოსდგებოდა ჩვენი ეკონომიური დამოკიდებულება უცხოეთის ვაჭრობაზე. განვითარება საკუთარი წარმოებისა აუცილებელია, ხოლო მისი შესრულება შესაძლებელია მხოლოდ და მხოლოდ ასოციაციის — ამხანაგობის — გზით. აქ უკვე ნათლად სჩანს ის ობიექტიური გარემოება, რომელმაც აიძულა ჩვენი ავტორი ასოციაციების პოლიტიკას დასდგომოდა: ავტორის სურდა ჩვენი ერის ყოველმხრივი ეკონომიური წარმატება; უკეთ რომ ვთქვათ, კაპიტალიზმის განვითარება უკაპიტალისტოდ და უპროლეტაროდ, კაპიტალისტური ეკონომიკა ბურჟუაზიული სოციალური ურთიერთობის გარეშე. მიუხედავად ავტორის ეკონომიური პროექტის ასოციაციური და უტოპიური ფორმისა, მისი არსებითი შინაარსი მაინც გასაგებია: აქ ასოციაციის ფორმებში იმალება კაპიტალისტური ეკონომიკის შინაარსი.

ჩვენში ასოციაციების პროექტების წამოყენებას თავიდანვე შეუდგენ გაზ. „დროების“ თანამშრომელნი. ამ მხრით საკითხის წამოყენებაში პირველობა არ ეკუთნის გრ. თარხან-მოურავს, მაგრამ

¹⁾ გრ. თარხან-მოურავი: „ჩვენი სიღარიბის მიზეზი“, „დროება“, № 8, 1870 წ.

მან ეს საკითხი უფრო გააღრმავა, დაასაბუთა მთელ რიგ სერიოზულ წერილებში და ამით იგი აუცილებლად იპყრობს მკვლევარის ყურადღებას.

ჩვენი ინტელიგენციის ასოციაციებისა და კოოპერაციების პროექტებით გატაცება სამოციანი წლების მეორე ნახევარში სრულიად ბუნებრივ მოვლენად უნდა ჩაითვალოს, თუ მხედველობაში მივიღებთ ჩვენი ცხოვრების მაშინდელ ეკონომიურ მდგომარეობას. ჩვენ უკვე აღვნიშნეთ, რომ 50 — 70-იან წლებში ჩვენი ეკონომიური ცხოვრება საგულისხმო ეკონომიურ პროცესებს განიცდიდა კაპიტალისტური მიმართულებით. ინტელიგენცია, მოწინავე რაზმი ახალი ცხოვრებისა, ყველაზე უფრო ღრმად გრძნობდა დაწყებულ პროცესს და ამიტომ სურდა ჩვენი ახალი ეკონომიური ცხოვრების დენა კოლექტიური ფორმებით მიემართა.

როგორც აღვნიშნეთ, მთელი რიგი მწერლებისა გაზ. „დროების“ ფურცლებზე, კანტიკუნტად ჟურნ. „საქართველოს მოამბეში“ აც (1863 წ.), დიდ ყურადღებას აქცევდნენ ასოციაციისა და კოოპერაციის ფორმებს. 1866 წ. დიმიტრი ბაქრაძე ვრცელ ნარკვევებში „ისტორიული მოძრაობა გაანათლებლისა“¹⁾, მეშვიდე თავში იხილავს პროლეტარიატის წარმოშობისა და მდგომარეობის საკითხს ევროპაში და მასთანვე ვრცლად არკვევს ასოციაციების მნიშვნელობას. ავტორი წერს: „იწყება კოოპერაციები ანუ ასოციაციები, რომელნიც ჩვენს დროს ვრცელდებიან მთელს ევროპაში და რომელზედაც მომავალს დიდი იმედი აქვს... უკანასკნელს დროვდე ამხანაგობის პრინციპი არ უტოლიათ საზოგადოდ იქ, სადაც უფრო საჭირო იყო, ესე იგი, დაბალი ხალხის შრომაში. ეს ნაკლუფანება უნდა შეავსოს კოოპერაციამ, იმან უნდა აღადგინოს შრომის სიმართლე, გაანთავისუფლოს იმ უღლისგან, რომელიც იმისათვის დაუდგია კაპიტალს; უნდა შესცვალოს ნივთიერებითი და ზნეობითი მდგომარეობა. თუ მუშა კაცს სურს იშრომოს, ჯერ მან ინსტრუმენტები ან იარაღი უნდა მოიპოვოს: იქონიოს მასალა; ამისთვის საჭიროა ადგილი, მაშინები; საჭიროა ღონის ძიება იმისის და იმის სახლობის გამოსაყვებათ: ეს ყოველივე მუშა ხალხს უნდა ქონდეს, ვიდრე იმის შრომა სარგებელს მოიგებდეს. ერთი სიტყვით მუშას უნდა კაპიტალი. უკაპიტალოთ

¹⁾ იხ. დიმიტრი ბაქრაძის წერილი: „ისტორიული მოძრაობა გაანათლებლისა“. გაზ. „დროება“, № 5, 13, 14, 15, 16, 17, 19, 20, 1866 წ.

ის ვერას გაარიგებს. რომელ მუშასაც კაპიტალი არა აქვს, ის უკუ-
ტალისტზედ არის დამოკიდებული. ჩვენ დროს კაპიტალისტებს სრუ-
ლებით ხელში უჭირავთ ყოველივე საქმე, ყოველივე შრომა. კაპიტა-
ლისტი მტერია მუშა ხალხისა. ეს არ უნდა იყოს. როდესაც მუშა
ასოციაციის შეამავლობას მიმართავს, მაშინ კაპიტალი დაჰკარგავს
თავის ძალას, შრომა მონაობისაგან გამოვა, თავისუფალი გახდება და
თვითონვე შეიძენს კაპიტალს... ამხანაგობას (ასოციაციას) დღეს თუ
ხეაღ ჩვენი ხალხიც უნდა შეუდგეს. უამისოდ ის ყოველთვის გაჭირ-
ვებაში იქნება. დროს განმავლობაში იმისი მდგომარეობა უფრო ცუ-
დათ წავა...¹⁾).

შემდეგ ავტორი ეღუარდ პეიფერის წიგნის („Об ассоциациях“)
მიხედვით იხილავს ასოციაციური მოძრაობის ისტორიას ინგლისში,
საფრანგეთში და გერმანიაში²⁾.

თუ ავტორის ზემოთყვანილ ციტატას კარგად დავაკვირდებით,
ნათლად დავინახავთ, რომ დ. ბაქრაძეს არ მოსწონს თანამედროვე
ფორმა და მდგომარეობა კაპიტალისტური სამეურნეო ურთიერთო-
ბისა და სურს იგი შესცვალოს ასოციაციური ფორმით, უკეთ: თვით
პროლეტარებიც გადააქციოს კაპიტალისტებად, შეჰქმნას უპროლე-
ტარო კაპიტალისტური წყობილება, უპროლეტარო კაპიტალიზმი.
ავტორი არ აყენებს პროექტს კაპიტალიზმის რადიკალურად გარ-
დაქმნის შესახებ; იგი მხოლოდ ფორმას უცვლის მას და ამრიგად
ცდილობს საზოგადოებრივი წყობილების გაწესრიგებას.

მეორე ავტორი, ბ. პეტრიაშვილი, მთელ რიგ წერილებში
ეხება ჩვენს ეკონომიურ მდგომარეობას და ასოციაციას აუცილებელ
საჭიროებად სცნობს ჩვენი წარმატების საქმისათვის. „ეს ამხანაგობა
(ასოციაცია) მიუცილებელი საჭიროებაა ეხლა ჩვენში, რადგანაც მარ-
ტო ამითლა შეგვიძლიან უბედურებისაგან გამოვსვლა“³⁾. საინტერესო
არის ავტორის არგუმენტები ინდუსტრიის სასარგებლოდ. იგი
წერს:

„ამას ისიც უნდა დაუმატოთ, რომ ჩვენ ჩვენი შეუძლებლობის,
ანუ სწორედ ვსთქვათ, უთავბოლოობის და დაუდევრობის გამოისო-

¹⁾ იხ. „დროება“, № 17, 1866 წ.

²⁾ იხ. „დროება“, № 19, 20, 1866 წ.

³⁾ ბ. პ. — შეილი (ბ. პეტრიაშვილი): „რატომ ჩვენ მდგომარეო-
ბაზე არასა ვფიქრობთ?“ გაზ. „დროება“, № 10, 1867 წ. ჩვენი აზრით,
ამ წერილის ავტორი უნდა იყოს პროფ. ვასილ (ბასილ) პეტრიაშვილი.

ბით ჩვენ ქვეყანაში ერთი ფაბრიკა არა გვაქვს, სადაც შეიძლება ჩვენი ზიწის და შრომის მოსავალი სასარგებლოდ და სახმარაოდ გადაკეთდეს. ამის გამო ბამბა მოგედის, ვაჭრებს სხვაგან მიაქვს, მატყლი აგრეთვე, აბრეშუმი აგრეთვე, ენდრო და სხვა მრავალი, რასაც ჩვენი ქვეყანა გვაძლევს, იქ სახმარაოდ მიაქვთ და უკან იმისი ნახევარიც აღარ გამოაქვთ, მაგრამ ათი იმ ფასათ კი. ეს, რასაკვირველია, ჩვენთვის მავნებელია პირველათ იმიტით, რომ ჩვენ გაყიდულ ნივთს ჩვენზედვე ჰყიდიან ერთი ოცათ და უფრო მეტათ და ამით ფულებზე ცარიელდება გვსომენ... ყველგან ესე მომხდარა, სადაც ფაბრიკები არა ყოფილა და სხვას დაახლოვებია; ვისაც მანუშაქტურული მუშაობა დაწესებული და გაჩაღებული არა აქვს, იმას სხვა მხარესთან ვაჭრობა, უეჭველათ, ძირს დასცემს და გააღარიბებს... თუ მანუშაქტურულ მუშაობას გავაჩენთ ჩვენში, წინ წავიწვეთ, თუ არა და ისევ სიღარიბეში ვიქნებით და თანდათან უკანაც წავალთ¹⁾.

ამ წერილიდან გარკვევით სჩანს, რომ ავტორს ესმოდა ფაბრიკისა და ქარხნების მნიშვნელობა საზოგადოებრივი ცხოვრების წარმატების საქმეში; ავტორმა იცის, რომ „საზოგადოთ ფაბრიკო ქვეყანა ღარიბია“ და ამიტომ იმუშავენს პროექტებს ფაბრიკა-ქარხნების გამრავლებისათვის ჩვენში. ამ შემთხვევაში ასოციაციას გადამკრედი მნიშვნელობა ენიჭება; ავტორი წერს: „ფაბრიკების გაჩენაც რომ ასოციაციის ძალზე არის დამოკიდებული, ასოციაციას რომ შეუძლიან იმათი გაკეთება, ესეც საეჭვო არ არის“²⁾. და ამ თავის დებულებას ბ. პეტრიაშვილი ასაბუთებს ეკონომისტ კერისა და ედ. ჰფეიფერის დებულებებით. უდავოა, რომ ავტორი, შეიძლება შეუფერხებლად, კაპიტალისტური ეკონომიკის ნიადაგზე სდგას და ახალი სამეურნეო წყობილების განვითარებას ასოციაციების ფორმებით ცდილობს, ე. ი. მასაც სურს ფაბრიკა-ქარხნები, კაპიტალისტური ეკონომიკა—გარეშე კაპიტალისტური სოციალური ურთიერთობისა. კაპიტალიზმი—უპროლეტარიატოდ, კაპიტალისტური წყობილების ეკონომიური საფუძვლები იმ სოციალური კლასის გარეშე, რომელიც მის დასაყრდენ ძალას წარმოადგენს,—ასეთი სახე მიიღო ჩვენში თეორიულად ახალი ეკონომიკის განვითარების აუცილებლობამ. და ამ ნიადაგზე იდგა მთელი რიგი მწერლებისა 60—70-იან წლებში, რომელთაც უხდებოდათ ჩვენი ეკონომიური ცხოვრებისა და მომავლის შესახებ წერა.

¹⁾ იგივე, „დროება“, № 9, 1867 წ.

²⁾ იგივე, „დროება“, № 10, 1867 წ.

უნდა აღინიშნოს შემდეგი: მიუხედავად იმისა, რომ ავტორი ფაბრიკა-ქარხნების პროგრამას აყენებს, შრომის მნიშვნელობას დიდ როლს ანიჭებს და გადაჭრით მოითხოვს გონივრული შრომის შემოღებას ჩვენში, მეორე თავის წერილში — „ამ დროების ქართვლები“ ¹⁾ — იგი წერს: „სიღარიბე უმეცრებაში გვიპყრობს და უმეცრება კიდევ სიღარიბეში, ერთი ერთმანეთის ძალით ჩვენ ამ გამოუვალ მდგომარეობაში ვართ. აქედან გამოსვლა არ არის შეუძლებელი, ჩვენ თუ ცოტაოდენ ხერხსა და ღონეს მოვიხმარებთ. ყველგან ხალხი შეძლებაში მიდის შრომით და ნაშრომის გაფრთხილებით, უშრომოდ და შრომის გაუფრთხილებლათ არცერთს ხალხში არავითარი წარმატება არ მოხდება და არ მომხდარა. ხალხის ცხოვრებაში ეს ორი მოვლენა შეადგენს მის წარმატების ძალას. ჩვენ კი ჯერჯერობით არც ერთი გვაქვს და არც მეორე“ ²⁾.

ბ. პეტრიაშვილის წერილებს აშკარად ატყვევია სოციალისტური აზროვნების გაჟღერება, იგი მიწის განსაზოგადოების და კოლექტიური დამუშავების მომხრეა. მიუხედავად ამისა, მისი სოციალისტური პრინციპები აღესილია კაპიტალისტური ეკონომიკის შინაარსით. ძალაუვნებურად მისი პროგრამა ბურჟუაზიულ შინაარსს იღებს.

გაზ „დროება“ და მისი თანამშრომლები თავიდანვე აქცევდნენ ყურადღებას ჩვენში კაპიტალისტური წყობილების დამყარების საქმეს; მათთვის აშკარა ხდებოდა, რომ საქართველოს ეკონომიური წყობილება კაპიტალიზმის გზით მიექანებოდა, მაგრამ მათ იცოდნენ, მეორე მხრით, ისიც, რომ კაპიტალიზმის განვითარება იწვევს სიმდიდრის გაფრცელებასთან ერთად სიღარიბის გაფრცელებასაც ხალხში; მაგრამ „დროებას“ სურდა პირველის (სიმდიდრის) გაფრცელება საქართველოში, ხოლო მეორესი (სიღარიბის) არსებითი წინააღმდეგი იყო. აქედან წარმოსდგა ასოციაციური და კოოპერატიული პროგრამების წამოყენება ჩვენი ინტელიგენციის მიერ 60-70-იან წლებში, ე. ი. კაპიტალიზმში უნდა განვითარებულიყო ასოციაციურ და კოოპერატიულ ფორმებში, მას უნდა შეექმნა მხოლოდ ხალხის სიმდიდრე და არა სიღარიბე; უკეთ: კაპიტალიზმში უპროლეტარიატოდ უნდა განვითარებულიყო ჩვენში. ყური ვათხოვოთ „დროების“ მოწინავეს, თუ რას

1) ბ. პეტრიაშვილი: „ამ დროების ქართველები“, გაზ „დროება“, № 20, 21, 22, 23, 24, 1866 წ.

2) „დროება“, № 22, 1866 წ.

წერს იგი პროლეტარიატისა და კაპიტალის შესახებ საჭირო დოკუმენტში: „ჯერ ჩვენ ხალხს არ გამოუცდია პროლეტარიატი, — წერს „დროება“ მოწინავე წერილში, — იმედი გვაქვს, არც ჩაეარდეს ამ მდგომარეობაში, თუ ის თავის კეთილდღეობისათვის ღონისძიებას მიიღებს¹⁾“. „დროებას“ იმედი აქვს, რომ შესაფერისი ღონისძიებით აიცდენს თავიდან „პროლეტარიატში ჩაცვენას“. მაგრამ წერილის ავტორი ნათლად ამჩნევს, რომ ჩვენი ეკონომიური ცხოვრება კაპიტალიზმის გზით მიემართება. იგი წერს: „ჩვენში კეთილდღიან რამდენიმე ფულის მქონე ბელნი პირნი მრავალი შრომით და მოღვაწეობით. ეს წესი თუ არ შეიცვალა, დიდს ენებას მისცემს ყველას. ხალხს გააღარიბებს. ახლავე ეხედავთ, რომ ამ სიღარიბის გაზრდა ედგევართ და რამდენისაზე დროს შემდეგ შექველათ პროლეტარიატში ჩაეცვივით. ჩვენ ყველანი ვალში ვართ, ამ ვალიდან ვერ გამოვდივართ²⁾. სად უნდა ვეძიოთ გამოსავალი, როგორი ფორმით უნდა გავავითაროთ ჩვენი ეკონომიური ცხოვრება?“. „დროებას“ რედაქტორს ამისათვის მხად აქვს გარკვეული პროგრამა. მოეუსმიოთ მას: „კაპიტალის შედგენა ამხანაგობით, სასოფლო ბანკები განათლებულს ქვეყნებში ჩვენ დროს უკეთესს საფუძველათ და უპირველესს ღონისძიებათ არის მიღებული საზოგადო კეთილ-დღეობისთვის“. გაცალცალკევებული ცხოვრების გამო „უფრო გაძლიერდა ევროპაში პროლეტარიატი ანუ უკიდურესი სიღარიბე, რომელიც ჯერ კიდევ ძალიან არის გავრცელებული და ტვირთათ აწევს ევროპას. იმისი მოსპობა შეუძლიან მხოლოდ ასოციაციას ანუ ამხანაგობას“ აი ამ ყოველად შემძლე ასოციაციების პროგრამა წამოაყენა ჩვენში „დროებას“. მაგრამ საინტერესოა, „დროებას“ აზრით, ვინ უნდა განახორციელოს ეს პროგრამა საქართველოში, ვინ უნდა იქნეს მისი წამომწყები? „დროება“ წერს: „ეს მოვალეობა აძევს ყველა მაზრებში ადგილობრივ მოხელეებს, რომელნიც მთავრობისაგან არიან დაყენებულნი; ის აძევს აგრეთვე მირთვის პოსტდენიკებს და აგრეთვე ყველას, ვისაც სწავლა აქვს მიღებული და ესმის საჭმის გარემოება. იმათ უნდა ჩააგონონ ხალხს, განუმარტონ, უჩვენონ მისახმარი ღონისძიება. ეს ღონისძიება ძნელი არა არის რა. დააწესონ ამხანაგობები, შეადგინონ კაპიტალები... მხოლოდ ამ გვარათ შეიძლება კეთილ დღეობის გავრცელება ხალხში. თუ არ ამხანა-

1) დროება № 25, 1866 წ. მოწინავე წერილი.

2) იქვე.

გობით, არაფერი არ მოხერხდება რა¹⁾. ნუ შევალთ „დროებას“ პროგრამის კრიტიკულად განხილვაში, ეს საჭირო არ არის. აღვნიშნოთ მხოლოდ, რომ მას ერთი მიზანი აქვს: კაპიტალიზმის განვითარებას ჩვენში ამხანაგური, ასოციაციების ფორმა მისცეს და ამით ჩვენი ხალხი გადაარჩინოს „პროლეტარიაში ჩაცვენას“, ე. ი. შეჭმნას უპროლეტარიატო კაპიტალიზმი. აღსანიშნავია აგრეთვე ის ფაქტიც, რომ „დროების“ მოწინავე მთავრობის მოხელეებსაც და თვით სახელმწიფო აპარატსაც იყენებს თავისი პროგრამის განხორციელების საქმეში. ესეც უტოპიზმი იყო, მაგრამ უტოპიზმი თავისი ცუდი მზარეობით.

ასოციაციური პოლიტიკის დამცველად „მნათობის“ თანამშრომლებიც გამოვიდნენ. საილუსტაციოდ ჩვენ მოვიყვანთ ერთ ადგილს. ინგილო-ჯანაშვილი „მნათობში“ წერდა: „რომ ეკონომიური ცხოვრება აფუჭუნდეს, გაიხსნას და ყველანი გარე მოიცვას, რომ ქართველმა კაცმა შრომა შეიყვაროს, უნდა გექონდეს კარგად გახსნილი ფაბრიკები და ზავოდები, რომ ხალხის მონაგარს მოთხოვნილება ჰქონდეს, იცოდეს, რომ იმისი შრომის ნაყოფი ღირსეულ ფასად გაიყიდება... მაშასადამე, რომ ჩვენი ქართველი ხალხი გამდიდრდეს და მზნეთა მუშაობდეს, საჭიროა: 1) გონიერული, ნაყოფიერი შრომა; 2) ფაბრიკები და ზავოდები, რომ ნაწარმოები შინგე ისყიდებოდეს, და რომ ჩვენი ნიადაგი არ ღარიბდებოდეს; 3) საჭიროა, რომ ღურგალი და ფეიქარი, მეცხვარე და მთესველი, მენაბდე და მებაღე ერთად დასახლდნენ, რომ ამათშივე იყოს მსყიდველიცა და გამსყიდველიც... მაშასადამე საჭიროა, რომ ერთი ასოციაცია მთესველისა იყოს, მეორე — მეძროხესი, მესამე — მეცხვარესი, მეოთხე — სახლის ამგებლისა, მეხუთე — ფეიქრისა, მეექვსე — მელვინესი, მეშვიდე — მეზავოდესი, მერვე — მეფაბრიკესი, და ყველაფერი ამათ ამხანაგობა ჰქონდეთ, რომ თავიანთი კირნახული ადგილობრივ ერთმანეთზე გასცვალონ, ყველაფერი ადგილობრივ იშოვებოდეს იმათშივე“...²⁾

ასეთი პროგრამა დაუპირისპირა ჩვენი იტელიგენციის საუკეთესო ნაწილმა კაპიტალისტური წყობილების განვითარებას ჩვენში: ინტელიგენცია აშკარად და ნათლად გრძნობდა კაპიტალისტური წყო-

1) „დროება“, № 25, 1866 წ.

2) ინგილო-ჯანაშვილი: „კაცთა განათლებამ უნდა მისცეს სახსარი ცხოვრების გაფაქიზებისა და სიმდიდრის მოპოვებისა“, ჟურ. „მნათობი“ (აპრილი), გვ. 56-60, 1869 წ.

ბილების მძიმე მშობიარობის ტკივილებს ჩვენს ნიადაგზე დატვირთვას ცდილობდა ჩვენი ეკონომიური განვითარებისთვის მშვიდობიანი და მიმზიდველი ფორმა — ასოციაციური სახე — მიეცა: ნაცვლად კაპიტალიზმისა თავისი კლასიური შინაარსითა და ეკონომიური წინააღმდეგობებით, საქართველოს ნიადაგზე უნდა ჩამოყალიბებულიყო ამახანაგობანი, კოოპერაციები, რომელნიც შეაჩერებდნენ პროლეტარიატის განვითარებას ჩვენში და ეკონომიურ წარმატებას ყველას სასარგებლოდ გახდიდნენ. ჩვენთვის უდავოა, რომ ეს ასოციაციური ეკონომიური პროგრამა ჩვენი ინტელიგენციის მოწინავე რაზმებმა სოციალისტური აზროვნების დიდი გავლენით შეითვისეს: როგორც ევროპის უტოპიური სოციალისტები და მათი ეპიგონები ლუი ბლანთან და ლასალთან ერთად, ისე რუსეთის სოციალისტებიც (ნ. ჩერნიშევსკი და სხვ.) დიდ იმედებს ამყარებდნენ ასოციაციებზე. ჩვენმა ინტელიგენციამ მიიღო ეს პროგრამა მთელი თავისი უტოპიური შინაარსით და მოინდომა ამ ფორმებით განვითარებინა ჩვენი ეკონომიური წარმატება. მაგრამ უტოპია უტოპიად დარჩა და ცხოვრებამ თავისი კალაპოტით იწყო დენა.

უნდა აღინიშნოს ისიც, რომ იმ პერიოდში ჩვენში არა მარტო სწერდნენ პრინციპიალურ წერილებს ასოციაციებისა და კოოპერაციების შესახებ, არამედ პრაქტიკულადაც შეუდგნენ ასოციაციების მოწყობას ჩვენში. ამის შესახებ „დროების“ ფურცლებზე საკმაოდ ბლომად მოიპოვება ცნობები. მაგრამ ამ „ასოციაციურ მოძრაობას“ თავისი მოწინააღმდეგენი და კრიტიკოსებიც ჰყავდა ჩვენში 70-იან წლებში. ამჟამად ბრიტანეთის მუზეუმში აღმოჩენილი გექტოგრაფიული გაზეთის „დროის“ (იხ. ქვევით დამატება). პირველ ნომერში მოთავსებული არის „ასოციაციურ მოძრაობის“ საწინააღმდეგო წერილი. ეს წერილი მოგვყავს საესებით:

ჩვენი ახალგაზრდობის სიყალბე.

„ჩვენ ახალგაზრდობას არ შეეძლო ყურადღება არ მიექცია ქვეყნის ცუდ ეკონომიურ მდგომარეობისათვის, ხალხის უმრავლესი ნაწილის სიღარიბესთვის, მის გაუნათლებლობისათვის და სხვა. კეთილნი და პატიოსანნი გულითა, აღზრდილნი ჟურნალურ ლიტერატურითა და საკუთარ მოაზრების შეუჩვენებლად, ისინი წინ დაუხედველათ სჯიან და სწყვეტენ ყოველ — საგანსა.

რათ არის ხალხი ამ ცუდ მდგომარეობაში, რისთვის უნდა იყოს ის და მისი შრომით სხვები რათ სარგებლობენ? და რით უნდა ვსაუბრობო? აი კითხვანი, რომელზედაც მათი გულკეთილობა პასუხით ეუბნება: ეს აღარ უნდა იყოს, უნდა მოვსპოთ ექსპლოატატორები! და მაშინ მისი მოაზრება იწყება თუ, როგორ მოვსპოთ ისინი, — მაგრამ აქვე ჩნდება მათი მსჯელობის შეცდომა. ისინი ვერ ხედავენ, რომ მარტო ექსპლოატატორების მოშორება როდის სძაბს თვით ექსპლოატაციას, როგორც საზოგადოებრივ წყობილებას.

როცა ისინი ცხოვრებაში შედიან უწინდელზე კვალსა აღგებიან. იმათ დროშაზე პირების გამოცვლა სწერია „მოვიშროთ ექსპლოატატორები“.

მაგალითად ვაქრები ტყავს ართმევენ კახეთის გლეხობას, გაყაროთ ვაქრები! ახალგაზრდობა... ¹⁾ იმ მებატონეებს, ეწვეა რომელთაც... ²⁾ და თავიანთი ღვინო გლეხებისგან ნაყიდიც თბილისში გასასაღებლად მოაქვთ — ვითომდა ეს წარმატების ნაბიჯია, ვითომდა ექსპლოატატორები მოშორებული არიან და ასოციაცია დაფუძნებულია. მაგრამ რა მნიშვნელობა აქვთ აქ მებატონეებს? განა წინანდლებისთანა ტყავის მძრობელნი არ არიან ისინი იმ გლეხების შესახებ, ვისგანაც ღვინოს ნაღდათ ყიდულობენ?

გორის მაზრაში იხსნება „ასოციაციური“ ყველის ქარხანა, შესავალი თანხა იმხელაა, რომ მარტო მდიდრებს შეეძლებათ შიგ მონაწილეობის მიღება. გლეხებს ნება ექნებათ ამ ქარხანაში რძის მოტანისა და გასაღებისა. რა იქნება ეს ქარხანა გლეხებისათვის, თუ არა „ასოციაციური გამტყავებელი“, რომელიც სერმოს შეერთებით უფრო გაძლიერდება? აი ამ ქარხნის დაარსებას ალტაცებით ტაშს უკრავს მოწინავე ქართული ლიტერატურა.

რა იქნება შემდეგში? წინანდელი ექსპლოატატორების ადგილს დაიკავს კეთილისაღმე მლტოლველი ქართველი ახალგაზრდობა! ძველებური სასტიკის სიტყვის და „შენის“ მაგივრათ გლეხი გაიგონებს გაზრდილურ სიტყვებსა და „თქვენის“, მაგრამ ჩვენ ღრმად ვეკუთხით, რომ გლეხის ეკონომიური მდგომარეობა იმითი გამოიყვალოს, რომ იმას ტყავს ართმევენ მისი გულითადი მეგობარი, და არა უმოწყალო ვაჭარი ³⁾.

¹⁾ სიტყვები ვერ ამოვიკითხეთ.

²⁾ სიტყვები ვერ ამოვიკითხეთ.

³⁾ იხ. „დროშა“, № 1, 1873 წ. ინახება ქარ. რევოლუციონერ მუზეუმში.

უნდა ვთქვათ, რომ აქ სამართლიანი კრიტიკა არის მოცემული იმ ასოციაციური მოძრაობისა, რომელმაც ჩვენს ცხოვრებაში ჯერ კიდევ 60-იან წლებში ჰპოვა თავისი პრინციპიალური დამცველი და პრაქტიკული მიმდევრები. ასოციაციური მოძრაობა იმ პერიოდში აუცილებლად კაპიტალისტური ურთიერთობის შინაარსს იღებდა. ეს კარგად ჰქონდა შეგნებული არალეგალური „დროშის“ თანამშრომელს, რომელიც თავის მხრივაც სოციალისტურ ნიადაგზე იდგა.

თ ა ვ ი მ ე მ ძ ვ ს ე

მოსე ქიქოძე და მისი წერილები საქართველოს
მოგაპალზე.

თარხან-მოურავივით, მოსე ქიქოძეც დაინტერესებულია ჩვენი ერის ეკონომიური განვითარებით; ისიც თარხან-მოურავივით დაინტერესებულია ჩვენი ხალხის მოპაველით და მისი წარმატების საკითხებით. მაგრამ ეკონომიური საკითხების გამოკვეთაში ეს ორი ჩვენი მწერალი აოსებთად განსხვავდება ერთმანეთისაგან: როგორც დაენახეთ, გრ. თარხან-მოურავის დასაყრდნობი ბაზა არის ევროპის უტოპიური სოციალიზმი და ისიც ამ სოციალიზმის საზომით იხილავს თანამედროვე ეკონომიურ საკითხებს. მოსე ქიქოძის ეკონომიური შეხედულებანი ეყრდნობა ჯონ-სტუარტ მილის ლიბერალურ სოციალისტურ მოძღვრებას. შეიძლება ითქვას, რომ მოსე ქიქოძე დამთავრებული რადიკალურ-დემოკრატიული მწერალია სოციალისტური ელფერით. მის ნაწერებში ჩვენ ვერ ვნახულობთ კაპიტალიზმის იმ მკვეთრ კრიტიკას, რომელიც ახასიათებს თარხან-მოურავის ეკონომიური ხასიათის წერილებს. წინააღმდეგ, იგი მომხრეა ჩვენში ვაჭრობა-მეურნეობის განვითარებისა, და ამ დებულებას იგი ადასტურებს როგორც ჩვენი ობიექტური ეკონომიური მდგომარეობით, ისე ევროპის ეკონომისტების მოსახრებებითაც. „რკინის გზების გაყვანა გვიმტკიცებს, — წერს ავტორი, — რომ ჩვენი საზოგადოებისათვის ახალი დრო მოსულა, ის დრო, როდესაც უნდა აუტილებლად შეირყეს საფუძველი ჩვენი საზოგადო ცხოვრებისა და დაიდგას ახალი საფეხური ახალი ცხოვრებისათვის. ეს გვიმტკიცებს, რომ საქართველოს აღარ შეუძლია დაკმაყოფილდეს იმ ცხოვრების წყაროებით, რომლითაც აქამდე კმაყოფილდებოდა. სჩანს, რომ საქართველოში უგრძნიათ სხვადასხვა მოთხოვნილებები, რომელთაც წინედ არ გრძნობდენ“¹).

¹) მ. ქიქოძე: „გზებისა და ჰოგიზების მნიშვნელობა“, „მნათობი“ (მარტი), გვ. 55, 1870 წ.

აღსანიშნავია ის ფაქტი, რომ მ. ქიქოძე ჯერ კიდევ 1869 წელს ამჩნევდა ჩვენში ახალი ეკონომიური ურთიერთობის შემოქრას, მაშინ როდესაც 90-იან წლებში ჩვენი ნაროდნიკები თავგამოდებით უარყოფდნენ კაპიტალიზმის არსებობას საქართველოში. მაგრამ ჩვენი ავტორი არა მარტო აღნიშნავს ახალი ფაქტორების შემოქრას ჩვენში, არამედ მას გარკვეული პროგრამაც აქვს კაპიტალიზმური ეკონომიკის განსავითარებლად. იგი წერს: „ჩვენ უნდა მოვიკიდოთ ხელი ხენას, თესვას, საქონლის მოშენებას, ვაჭრობას და სხვას. ჩვენში, რომ ფაბრიკები იყოს, რომლის ქონაც ძალიან ადვილია, და შემხადება ვიცოდეთ შეუმხადებელი მასალისა, ეს იქნებოდა ძლიერ სასარგებლო ჩვენი მცხოვრებთათვის“¹).

„პოლიტიკურ ეკონომიაში ჩვენ თითქმის ვერ შეგხვდებით იმ გვარს ქეშმარიტს წინადადებას, როგორაც შემდეგია: ის მხარე, საიდანაც გააქვს მასალები და მაგივრად შემოაქვს შეუმხადებელი (საქონელი), ის მხარე ღარიბდება, და რომელსაც შემოაქვს შეუმხადებელი და გააქვს შემხადებელი — მდიდრდება; პირველი მონათ ხდება და მეორე ბატონათ. ამის დასამტკიცებელს ფაქტებს ვხედავთ კალიფორნიაში, ჩილიში, სათათრეთში, ავსტრალიაში, სადაც არავითარი ხელოვნება (წარმოება) არ არის, საცა მარტო ხენისა და თესვის მეტი არა იციან რა. ჩვენშიც ხომ ასე არის ჩვენ არაფრის შემხადება არ შეგვიძლიან, არ გვაბადია არავითარი ფაბრიკები და ქარხნები, არა გვაქვს არავითარი ტექნიკური (ხელოვნური) ცოდნა“²). აი ამ მიზეზების გამო ვფიქრობთ, — დასძენს ავტორი, — რომ, ჩვენ თუ გვსურს რკინის გზის სასარგებლოდ მოხმარება, ჩვენი თვის აუცილებლად საჭიროა წინაგანი გზების გაკეთება და გაუმჯობესება, რომ ჩვენი ბუნების და მიწის ნაწარმოებისა ჩვენვე შეგვიძლოს შემუშავება და ყველა ჩვენთვის სახმარი ნივთების კეთება“³).

ეს წმინდა წყლის ბურჟუაზიულ-ეკონომიური პროგრამა არის; ის, რასაც ასოციაციების ფორმით გვაწვდიდა გრ. თარხან-მოურავი, მოსე ქიქოძის წერილებში აშკარად და გარკვევით არის გამოთქმუ-

¹) მ. ქიქოძე: „საქართველოს მომავალი“, „მნათობი“ (იანვარი), გვ. 53—56, 1870 წ.

²) მისივე: „გზების და ბოგირობის მნიშვნელობა“, „მნათობი“ (აპრილი), გვ. 56—57, 1870 წ.

³) მ. ქიქოძე: „გზებისა და ბოგირობის მნიშვნელობა“, „მნათობი“ (აპრილი), გვ. 82, 1870 წ.

ლი. ქიქოძე აყენებს ნაციონალური კაპიტალის განვითარების პროგრამას, რომელიც 1901 წელს განმეორებით წამოაყენა „ცნობის ფურცელში“ არ. ჯორჯაძემ. ავტორი გრძნობს, რომ რკინის გზის გაყვანის შემდეგ ჩვენში „უფრო სასტიკად დაეტყუებოდა ერთმანეთის ჩვენი ქვეყნის და უცხო ქვეყნის ინტერესები, უფრო გამოცოცხლდება ბრძოლა არსებობისათვის“ (გვ. 68) და სწორედ ამიტომ მოითხოვს ქიქოძე ნაციონალური კაპიტალის განვითარებას ჩვენში და ფაბრიკა-ქარხნების საშუალებით ეკონომიური აღორძინებას დაწყებას.

ასეთია მოსე ქიქოძის ეკონომიური პროგრამა: იგი წმინდა წყლის ბურთუხიული შინაარსისაა, მაშინდელი პირობებისათვის სრულიად პროგრესიულია და სასარგებლო ჩვენი წარმატებისათვის. მაგრამ კაპიტალიზმი მ. ქიქოძეს სურს უპროლეტარიატოდ, კაპიტალისტური წარმოების განვითარება — პროლეტარიატის განუვითარებლად. ერთი სიტყვით, ჩვენში უნდა გაჩაღდეს ფაბრიკა-ქარხნები, მაგრამ არ უნდა წარმოიშვას პროლეტარიტი — შრომის გამჟღავნებელი ელემენტი. ყური ვათხოვთ ავტორს. იგი წერს:

„ხალხის კეთილ-მდგომარეობას ჰყავს ერთი დიდი მტერი, რომელიც ჰლუპავს და აღშფოთებს იმას. ევროპის ხალხმა გამოსცადა და ეხლა ცეცხლის ამ მტრისაგან მიყენებულ ვაივაგლახს. მე ვლაპარაკობ პროლეტარიატობაზე (სიღარიბეზე). რისგან წარმოსდგება ეს და რაში მდგომარეობს? ეს კიწი წარმოსდგება ერთმანეთის დაუდევრობისაგან; ერთნაირი თავის მოყვარეობისაგან, რომელსაც ეძახიან ეგოიზმობას. ამისთანა თავის მოყვარენი ფიქრობენ მხოლოდ თავიანთ თავზე, მოძმეებზე კი ნაკლებ... (აქ ცენზორის მიერ ამოღებულია. ს. ხ.). ერთი მეტად მდიდრდება, მეორეს კი მეტად ნაკლები აქვს; ერთმა არ იცის რა უყოს თავის სიმდიდრეს და მაინც იმასვე მიეღწევის, მაგრამ ბრუდე გზით, მეორეს კი არ აქვს საუნჯე ლუკმა... (აქ ცენზორის მიერ ამოღებულია 5 პწკარი). ამ სახით ერთს ნამეტარიცა აქვს, მეორეს კი ისიც არა აქვს, რაც შეადგენს კაცის უმთავრესს საჭიროებას... (აქ ცენზორის მიერ ამოღებულია). ჩვენთვის დიდი ბედნიერება იქნება, რომ სიღარიბის აცილებას ეხლავე შეუდგეთ, მაგრამ ვის შეუძლია ეს საქმე იკისროს და ითავოს? ახალ თაობას, უმეტესად ნაბატონარებს. ვიტყვი ორიოდ სიტყვას, მეტი კი საფიქრე-

ბელი არ არის: გლეხები არ უნდა დააგდონ ღმერთად (აქ ცენზორის მიერ ამოღებულია). ვისაც ეს კარგად ესმის, ის ამის წინააღმდეგ არას იტყვის¹⁾ (ხაზი ჩვენი. ს. ხ.)

უნდა აღვნიშნოთ, რომ მოსე ქიქოძის განმარტება სილარიზის წარმოშობისა ჩამორჩება თარხან-მოურავის ეკონომიურ მოსაზრებებს. მაშინ, როდესაც თარხან-მოურავი სილარიზის მიზეზს ეკონომიურ ურთიერთობაში — შრომის და კაპიტალის (ქონების) განცალკევებაში — ხედავს, ქიქოძისათვის ამისი მიზეზი „ერთნაირ თავის მოყვარებაში“ მდგომარეობს: ერთი ხსნის წმინდა ეკონომიური ფაქტებით, მეორე კი — ფსიხოლოგიური მომენტებით. ეს სხე-ნაირი მიდგომა საკითხისადმი აიხსნება იმ „თეორიული წყაროებით“, რომლითაც სარგებლობდნენ ჩვენი პუბლიცისტები: თარხან-მოურავი „შრომის ღირებულების თეორიაზე“ იდგა და უტოპიური სოციალისტების საზომით არკვევდა საკითხს, ხოლო ქიქოძეს დასაყრდნობ მეცნიერულ ძალად ჰყავდა ლიბერალურ-პოლიტიკური ეკონომიის წარმომადგენელი ჯონ სტუარტ მილის სახით.

მაგრამ საინტერესოა არა მარტო ეს, არამედ ის გამოუვალი რკალიც, რომელშიაც მოექცა ჩვენი პუბლიცისტი: ერთის მხრით, იგი წარმოებისა და მრეწველობის განვითარებას მოითხოვს, მეორეს მხრით კი — პროლეტარიატის, მუშათა კლასის წარმოშობის წინააღმდეგია საქართველოს სინამდვილეში. ერთი სიტყვით, მოსე ქიქოძეს სურს კაპიტალისტური წყობილება უპროლეტარიატოდ. თარხან-მოურავი პრინციპიალურად ებძვის კაპიტალისტურ ეკონომიკას, თუმცა პრაქტიკულად მისი ასოციაციები ვერ ასცდებოდნენ კაპიტალისტური დაწესებულებების ბედს. მოსე ქიქოძე იზიარებს ჯონ სტუარტ მილის ლიბერალურ დებულებებს პოლიტიკურ ეკონომიაში და ამიტომ იგი კაპიტალიზმის შეკეთების, შელამაზების მომხრეა: თუ ევროპის სინამდვილისათვის ჯონ სტუარტ მილი მოითხოვდა კაპიტალისტებისა და მუშების შეთანხმებას განსაკუთრებულ ასოციაციებში, ქიქოძე ჩვენში, სადაც ჯერ კიდევ მცირერიცხოვანი არის მუშათა კლასის კადრი, ჯონ სტუარტ მილის ეკონომიურ მოსაზრებებს თავისებურ სახეს აძლევს და უპროლეტარო კაპიტალიზმს მოითხოვს.

საგულისხმოიერო ტრალიკული მდგომარეობა იქმნება ქართველი ინტელიგენციისათვის, და ეს ისტორიულად დამახასიათებელია მთე-

¹⁾ მ. ქიქოძე: „საქართველოს მომავალი“, „მნათობი“, № 1, გვ. 51—2, 1870 წ.

ლი ჩვენი მაშინდელი სოციალისტურად განწყობილი მოწინააღმდეგეებისა: მათ თითქოს ესმით ის დიდი ეკონომიური წარმატება, რომელიც მოაქვს ქვეყნისათვის ახალ ეკონომიკას, ინდუსტრიას, მის წინ არსებულ ნატურალურ მეთრეობასთან შედარებით; მათ ესმით, რომ ევროპის ეკონომიური დაწინაურება და კულტურული აყვავება იყო შედეგი მრეწველობის განვითარებისა, მაგრამ, მეორეს მხრით, მათ აშინებს ის „დიდი მტერი (პროლეტარიატობა), რომელიც ლუპავს ხალხის კეთილდღეობას ევროპაში“; მათ ყველაზე მეტად ეშინიათ ქართველი გლეხის გაპროლეტარებისა, მისი სამრეწველო მუშად გარდაქმნისა. „ჩვენთვის დიდი ბედნიერება იქნება, რომ სიღარიბის (გაპროლეტარების) აცილებას ეხლავე შეუდგეთ“, — წერს კიქოძე, და ამ დებულებაში გამოთქმულია მთელი ჩვენი მაშინდელი მოწინააღმდეგე ინტელიგენციის სურვილი და მისწრაფება. ამგვარ საწინააღმდეგო მდგომარეობაში იყო ჩაყენებული ჩვენი მეთაური ინტელიგენციის საგრძნობი ნაწილი ამ პერიოდში. ფორმალურად ამ წინააღმდეგობიდან გამოსავალი ინტელიგენციის ნაწილმა სოციალისტურ ფორმულებში ჰპოვა, ფაქტობრივად, არსებითად კი ეს „სოციალისტური ფორმულები“ უპროლეტარო კაპიტალიზმის განვითარებას მოითხოვდნენ ჩვენში. ის, რაც ამჟამად, გარკვევით და ნათლად არის გამოთქმული მოსკოვის კიქოძის საინტერესო წერილებში, სხვა პუბლიკისტების ნაწერებში ბუნდოვანი ფორმულებით არის დაფარული.

მაგრამ, თუ ჩვენს ავტორს ეშინია საქართველოში პროლეტარიატის წარმოშობის, სამაგიეროდ ევროპის სინამდვილისათვის, სადაც უკვე არსებობს მუშათა საკითხი, კიქოძეს გარკვეული გეგმები და რეცეპტები აქვს მუშათა საკითხის მოსაწესრიგებლად; მოსკოვის მნიშვნელობა ქართული სოციალისტური აზროვნების ევოლუციაში მით არის საყურადღებო, რომ მან 70-იან წლებში შემოიტანა ჩვენში ჯონ სტუარტ მილის ლიბერალური სოციალიზმის გეგმები¹⁾.

ჯონ სტუარტ მილის (1806 — 1873 წ.) ეკონომიური მოძღვრება

¹⁾ 1900 წლის შემდეგ კიქოძე მიემხრო სოც. დემოკრატიულ პარტიას, ხოლო 1912 წ. მისი კანდიდატურა წამოყენებულ იქნა ამავე პარტიის მიერ სახელმწიფო სათათბიროს არჩევნებში.

არსებითად გამოხატავს როგორც კლასიკური პოლიტიკური ეკონომიკის დარღვევის პროცესს, ისე პოლიტიკური და ეკონომიური ლიბერალიზმის იდეების კრიზისს. ის რწმენა, რომელიც შეიმუშავეს კლასიკური ეკონომიკის მამამთავრებმა, რომ კაპიტალისტური წყობილება ყველას ბედნიერებას და წარმატებას მოუტანდა, — არ გამართლდა, პირიქით, კაპიტალიზმის განვითარებამ გამოიწვია საერთო კრიზისები და საზოგადოების დიდი უმეტესობის გაღატაკება. მეორეს მხრით — პროლეტარიატის კლასობრივი ბრძოლის გაფართოვებამ და სოციალისტური აზროვნების კრიტიკამ ყველასათვის ნათელჰყო კაპიტალისტური ეკონომიკის არსებითი ბუნება. მილი აღიზარდა ასეთი საერთო კრიზისის პირობებში: მის ეკონომიურ და სოციალისტურ აზროვნებაზე გავლენა იქონიეს როგორც კაპიტალისტურ ურთიერთობაში შექმნილმა ობიექტიურმა მოვლენებმა, ისე უტოპიური სოციალიზმის მიერ კაპიტალისტური წყობილების კრიტიკამ. აქედან წარმოსდგა მილის ახალი სოციალისტური პოლიტიკური აზროვნება, რომელსაც შ. ჟიდიც ლიბერალურ სოციალიზმს უწოდებს¹⁾ და რომელიც გამოხატავდა ბურჟუაზიულ ლიბერალიზმზე უარის თქმას და სოციალისტური იდეებისაკენ გადახრას. არსებითად კი მილი ლიბერალიზმიდან სოციალიზმისაკენ მიმავალი გზის შუაზე შეჩერდა²⁾. მილი, არ უარყოფდა რა პრინციპიალურად სოციალიზმს, არსებით უფრადლებას აქცევდა სოციალურ რეფორმებს მუშათა კლასის მდგომარეობის გასაუმჯობესებლად. თვით სოციალიზმის პრობლემა მილს წამოყენებული აქვს უტოპიურ ფორმებში, მაგრამ უტოპიური სოციალისტებისაგან მაინც იმით განსხვავდება, რომ იცავს კაპიტალიზმის რეფორმის საჭიროებას სოციალისტური მიმართულებით. მილი სოციალური პოლიტიკის შემდეგ მნიშვნელოვან პროგრამას აყენებდა:

ა) დაქირავებული შრომის მოსპობა კოოპერატიული საწარმოო ასოციაციების საშუალებით,

ბ) მიწის რენტის სოციალიზაცია მიწაზე გადასახადის დაწესებით და

გ) შეზღუდვა სიმდიდრის უსწორმასწორობისა მემკვიდრეობის უფლების შეზღუდვით.

¹⁾ III. Жид: „История экономической мысли“, გვ. 215, 1918 წ.

²⁾ А. Рубин: „История экономической мысли“, გვ. 337, 1926 წ.

დაქირავებული შრომის რეჟიმი მიღს პიროვნების დამსახურებას
ლად მიაჩნია, ვინაიდან ის (რეჟიმი) სპობს პიროვნებაში ინტერესს
თავისი შრომის ნაყოფისადმი. ამიტომ, მიღის აზრით, საჭიროა ამ
დაქირავებული რეჟიმის შეცვლა „ისეთი ასოციაციის ფორმით, რო-
მელიც ბოლოს და ბოლოს გადაიქცევა გაბატონებულ ფორმად, თუ
კი კაცობრიობა პროგრესის გზით წაება, — არა ისეთი ფორმით, რომე-
ლიც ეხლა სუფევს წარმოების ხელმძღვანელ კაპიტალისტებსა და
მმართველობაში ყოველგვარ უფლებას მოკლებულ დაქირავებულთა
(მუშებს) შორის, არამედ თვით მუშების ურთიერთ-თანასწორობის
ასოციაციით, წარმოებაში შეტანილი საერთო კაპიტალითა და მუშე-
ბისაგან არჩეული მართველობის ხელმძღვანელობით, მაგრამ სანამ ეს
უმაღლესი ფორმა ასოციაციური წყობილებისა განხორციელდებოდეს,
მიღს შესაძლებლად მიაჩნია „დამოკიდებულება კაპიტალისტებსა
და მუშებს შორის ჩამოყალიბდეს შემდეგი ორი ფორმიდან ერთ-ერ-
თის სახით: „ზოგიერთს შემთხვევაში — მუშების დროებით ასოცია-
ციაში მწარმოებელთან ერთად და სხვა შემთხვევაში — ასოციაციებ-
ში თვით მუშათა შორის“¹⁾.

მიღის მთავარი მეცნიერული შრომა: „პოლიტიკური
ეკონომია“ 60-იან წლებში გადათარგმნა რუსულად ნ. ჩერნი-
შევსკიმ თავისი შენიშვნებით, რომლებშიაც ჩერნიშევსკი უფრო მკვეთ-
რად ანვითარებს მიღის სოციალისტურ ტენდენციებს.

აი ამ აზრების გადმონერგვას შეუდგა ჩვენში მოსე ქიქოძე.
იგი სარგებლობს ჩერნიშევსკის მიერ ნათარგმნი მიღის „პოლი-
ტიკური ეკონომიით“ და ცდილობს მუშათა და სოციალიზმის
პრობლემის გადაჭრას მიღის სოციალური პოლიტიკის საშუა-
ლებით.

ქიქოძე იმეორებს მიღის დებულებას და ამბობს: „პოლიტი-
კური ეკონომია გვიმტკიცებს, რომ შრომა მაშინ არის ნაყოფიერი,
როდესაც მშრომელის სარგებლობასთან არის შეერთებული, ესე იგი:
როცა მუშა დარწმუნებული არის, რომ თავისი ნაშრომით თვითონვე
ისარგებლებს“²⁾.

მაგრამ როგორი მდგომარეობაა დღეს შექმნილი ევროპაში
და რა გზით ცდილობენ მასწავლებლები (სოციალისტები) იქ წა-
მოჭრილი მუშათა საკითხის მოწესრიგებას? ქიქოძე წერს:

¹⁾ შ. მიღის დასახელებული შრომა, გვ. 217, 218, 399.

²⁾ შ. ქიქოძე: „საქართველოს მომავალი“, „მნათობი“ (იანვარი), გვ. 46 1770 წ.

„დასავლეთის ევროპის მდიდარ ქალაქებში მცხოვრების ერთი ნაწილი არის მდიდარი, აქვს კაპიტალები (თანხა), მეორე არის ღარიბი, იმათ არა გააჩნიათ რა თავიანთ ჯანისა და ღონის მეტი; პირველები ქირაობენ მეორეებს და აძლევენ დანიშნულ ქირას. თუმცა ეს უკანასკნელები იღებენ შრომის ფასს, მაგრამ მათ და პირველთ შორის დიდი უკმაყოფილება არის; თანხის პატრონები მუშებს ემღუროიან, მუშები თანხის პატრონებს. თანხის პატრონები იძახიან, რომ მუშები გულმოდგინენი არ არიანო, და შრომის ფასს ნაკლებს აძლევენ (უმცირებენ). დიდი ხანი არის, რაც ამაზედ ყურადღება მიაქციეს მასწავლებლებმა¹⁾. აი, როგორ გარდაწყვიტეს ეს საქმე: თუ რომ ჰსურთ ფულის პატრონებს, რომ მუშებმა იმათი კაპიტალი (თანხა) სინდისიანად აწარმოონ, იმათ, კაპიტალისტებმა, შემოსავალშიაც წილი უნდა დაუდონო მუშებს და არ დააჯერონო მართო ქირას. ეს აზრი მეტად საფუძვლიანი არის. რა საკვირველია, რომ, როდესაც მუშას მართო აღთქმულ ქირას, ისიც ნაკლებს, ვაძლევთ, მაშინ გულმოდგინეთ არ მოჰყიდებს ხელს თავის საქმეს. იმისთვის სულ ერთია: დაპირებულზედ მეტს ხომ არაუფრს მისცემენ. შემოსავალშიაც რომ ნაწილი დაუდონ, მაშინ კი უფრო სინდისიანად მოიქცევა: მუშა იფიქრებს, მოვიგებ; იმდენად უფრო მეტი მერგება...²⁾

ასე სწყვეტდა, მილის აზრების ზეგავლენით, მ. ქიქოძე მუშათა საკითხს. ეს იყო შედეგი ოპორტუნიტული ლიბერალურ-სოციალისტური ტენდენციების გავლენისა. მაგრამ მ. ქიქოძისა და მილის მუშათა საკითხის მოწესრიგების პროექტს ჩვენში გამოუჩნდა თავისი მოწინააღმდეგე მეორე სოციალისტური სისტემის მიმდევრის ნიკ. ნიკოლაძის სახით. ნიკოლაძემ „დროების“ ფურცლებზე გააჩია ქიქოძის წერილი: „სარგებლობაში წილის დადების“ შესახებ იგი ამბობს:

„ეს არც საფუძვლიანი აზრია და არც სწავლულებს (სოციალისტებს. ს. ხ.) გადაუწყვეტიათ. საქმე აი როგორ იყო: როცა სწავლულები (სოციალისტები. ს. ხ.) ამტკიცებდნენ, რომ ხალხის სიმდიდრის შეტენაში თანხა უნდა ეკუთვნოდეს მშრომლებს და არა მშრომლები — თანხას, მაშინ, რასაკვირველია, იმათ (სოციალისტებს ს. ხ.)

¹⁾ ე. ი. სოციალისტებმა. ცენზურული პირობების გამო ჩვენი პუბლიცისტები ხშირად ხმარობდნენ სოციალისტების ნაცვლად მასწავლებლებს, ხოლო სოციალისტების ნაცვლად — პატიოსან მიმართულებას.

²⁾ მ. ქიქოძე: „საქართველოს მომავალი“, „მნათობი“, გვ. 46-47.

პირველ საბუთად ის მოყავთ, რომ თავის საკუთარი სარგებლობისათვის კაცი უფრო გულმოდგენით იმუშაებს, მინემ სხვისთვისა, ეს რომ ზოგიერთებმა თანხის პატრონებმა (კაპიტალისტებმა. ს. ხ.) გაიგეს, იმათ მოინდომეს სწავლულების (სოციალისტების) დედა-აზრის დარღვევა მით, რომ მცირე რამ წილი დაედვათ მუშებისათვის. ასე მოიქცენ ზოგიერთი ფაბრიკანტები¹⁾ (ხაზი ჩვენია. ს. ხ.).

აღსანიშნავია ის ფაქტი, რომ ნიკოლაძეს კარგად ესმოდა, საიდან მომდინარეობდა დებულება მუშებისათვის „სარგებლობაში წილის დადების“ შესახებ. მან იცოდა, რომ ასეთი პრინციპი მხოლოდ ფაბრიკანტების ინტერესებს ემსახურება და იგი არსებითად დამახინჯებაა დიდი სოციალური პროგრამისა. ნიკოლაძე აკრიტიკებს ასეთს პროექტებს „ნამდვილი სწავლულების“ შეხედულებათა საზომით. იგი წერს:

„რასაკვირველია, რომ იმ პოლიტიკო-ეკონომებს, რომელთაც მაინც და მაინც პატრონების მხარე უჭირავთ, ეს „სარგებლობაში წილის დადება“ დიდ რამეთ მიაჩნიათ. ისინი კიდევაც სწერენ, რომ ამის მეტი არა აკლდათ რა მუშებს და რაკი პატრონები იმათ მოგებაში წილს დაუდებენ, მუშებიც სრულიად ბედნიერნი იქნებიან და შრომაც მშვენიერათ დაიჯილდოვდებაო. მაგრამ „მნათობის“ პუბლიცისტს (ე. ი. მ. ქიქოძეს) უნდა სცოდნოდა, რომ ნამდვილი სწავლულები (სოციალისტები. ს. ხ.) ამ „წილის დადებას“ მასხარობას და კომედიას უძახიან და ამბობენ, რომ „წილი მუშებს მართლა მაშინ ექნებოდათ დადებული, ანგარიშიც და საქმის წარმოებაც რომ მათ ხელში იყოსო და მოგების ასის თავი კი არა, ცოტათი უფრო ხელმოსაკიდებელი რამ ეძლეოდადესო. ნამდვილი სწავლულები (სოციალისტები) იმასაცა ამტკიცებენ, რომ მინემ თვითონ მშრომელს არ ექნება ხელში შრომის იარაღი, და სხვათა შორის თანხაც, მანამდის მათი შრომის ნაყოფი სხვისი გამოსადეგი იქნებაო²⁾ (ხაზი ჩვენია. ს. ხ.).

ამგვარი სახით შეეტაკა ერთიმეორეს ჩვენში ორი სხვადასხვა

1) იხ. ნ. ნიკოლაძის ზელმოუწერელი წერილი; „დროება“, № 20, 1870 წ.

2) „დროება“, № 20, 1870 წ.

სახის სოციალისტური სისტემა: ოპორტუნიტულ - ლიბერალურ მოსე ქიქოძისა, რომელიც ჯონ სტუარტ მილის დებულებებს ეყრდნობოდა, და რადიკალურ-სოციალისტური — ნიკოლაძისა, რომელიც ევროპისა და რუსეთის სოციალისტური წყაროებიდან მომდინარეობდა. ა. ჯორჯაძე თავის ინტელიგენციის მასალებში, გაკვრით ეხება ამ კამათს და წერს: „მართლაც უსაფუძვლოდ აუხირდა მაშინ ნიკოლაძე მოსე ქიქოძეს, მით უმეტესად, რომ, როგორც ქვემოთ დავინახავთ, თვითონაც აღიარებდა სოციალისტურ აზრებს“¹⁾.

ჯორჯაძეს ვერ გაუგია ნიკოლაძესა და ქიქოძეს შორის წარმოებული კამათის ძირითადი აზრი: აქ კამათია არა თვით სოციალიზმის დასაცავად ან მის საწინააღმდეგოდ, არამედ იმის შესახებ, თუ რომელი სოციალისტური სისტემა უფრო სწორედ სკრის მუშათა საკითხს, რომელი მათგანი უფრო მიზანშეწონილია და სასარგებლო. მუშათა საკითხის გამო წარმოებული კამათის ღერძი უმთავრესად ამ საკითხის გარშემო ტრიალებს.

მ. ქიქოძემ არ დასტოვა ნიკოლაძის წერილი²⁾ უყურადღებოდ და „მნათობის“ ფურცლებზე მკაცრი კრიტიკით უპასუხა. ამ საპასუხო წერილში უფრო ნათლად და გარკვევით გამოსთქვა თავისი შეხედულებანი მუშათა საკითხზე და გაავითარა ის აზრი, თუ უბრალო ასოციაციებისაგან როგორ წარმოსდგება სხვა უფრო მაღალი ფორმის მუშათა ასოციაციები. მ. ქიქოძე შემდეგნაირად უპასუხებს ნიკოლაძეს:

„ეხლა მომისმინეთ, უფალო, თუ რა ჰქონდათ მსწავლულებს (სოციალისტებს. ს. ხ.) სახეში, როდესაც მშრომელის მდგომარეობის გაწელავათებაზედ ლაპარაკობდნენ ანუ სჯიდნენ. იმათ სურდათ, რომ თანხა მუშების კუთვნილება ყოფილიყო და არა მუშები — თანხისა, როგორც თქვენცა ბრძანებთ. როგორ ჰფიქრობთ, გენიოსო. როგორი სახით შეიძლებოდა, რომ ეს მომხდარიყო? რა სახით შეიძლებოდა, რომ ეხსნათ მუშები დამოკიდებულებისაგან. რა გზით შეიძლებოდა, რომ თანხა შეეძინათ მუშებს, და დამოკიდებულებისაგან გამოსულიყვნენ?... (აქ ცენზორის მიერ ამოღებულია. ს. ხ.). მსწავლულებმა (სოციალისტებმა. ს. ხ.) ამ სამსო

¹⁾ არ. ჯორჯაძე, ტ. 5, გვ. 155.

²⁾ ნიკოლაძის წერილი ზელმოუწერელი დაიბეჭდა „დროებაში“ (1870 წ.)

მხოლოდ ერთი გონივრული საშუალება გამონახეს, რომ მუშები დამოკიდებულებისაგან გამოეხსნათ და თვით ისინი გაეხადნათ თანხის პატრონებათ. ამათ ყური მიაქციეს ასოციაციას, ამხანაგობას. ამხანაგობა, თუ მოიხსენებ, გენიოსო, შეიძლება ორნაირი: 1) თვით მუშებს შორის და 2) მუშებსა და თანხის პატრონების შორის. უკანასკნელი გვარი ამხანაგობისა, ჩემო მეცნიერო ბატონო, შეიძლება მაშინ, როდესაც თანხის პატრონები მუშებს არა მარტო ქირას აძლევენ, არამედ წილს უდებენ ნაწარმოების მოგებაში. ყურადღება მიაქციეთ და მოისმინეთ შემდეგი, რომლისგანაც წყინობთ, რომ წილის დადება მონაგებში (არა ისეთი, როგორიც თქვენ გვაჩვენეთ. ეს... ფაბრიკანტებისაგან ჩადენილი) საფუძვლიანიც არის და ნამდვილი მსწავლულებიც (სოციალისტებიც) ამ საშუალებას უცქეროდენ, როგორც უკეთეს და უფრო მოხერხებულ საშუალებას, რომ მუშებისათვის მიენიჭებიათ დამოუკიდებლობა 1). (ხაზი ჩენია. ს. ხ.).

როგორც მკითხველიც დაინახადა, მ. ქიქოძე არსებითათი იზიარებს მილის მოსაზრებებს, იგი იცნობს მილს ჩერნიშევსკის თარგმანიდან და მისივე შენიშვნებით. მაგრამ ქიქოძე მარტო სადღეისო ასოციაციების ფორმებზე არ ჩერდება: მას სწამს, რომ კაცობრიობის პროგრესი შეუძლებელი იქნება და მომავალში მუშა საე-სებით ვანთავისუფლდება ყოველგვარი ჩაგვრისაგან. აქაც ჩენი ავტორი მილის არგუმენტებით ებოძვის თავის მოწინააღმდეგეს. ქიქოძეს მოჰყავს მილის შემდეგი სიტყვები:

„რასაკვირველია, როდესაც კაცობრიობა უფრო წინ წავა, მაშინ უწყველია, ამ გვარად საქმის დაქერა აღარ იქნება; მაშინ იქნება სხვა ფორმა მუშების ასოციაციებისათვის. იმათვე ხელში იქნება მაშინ თანხაც და საქმის გამგეობაც“ (მილის სიტყვებია). აქედან გამოდის, რომ წილის დადება არის ძლიერ საფუძვლიანი აზრი და მსწავლულებიც (სოციალისტებიც) უყურებდენ ამას, როგორც კარგს და მოხერხებულ საშუალებას. თქვენ კი ამბობთ, რომ არც საფუძვლიანი აზრიაო, და არც მსწავლულებს გადაუწყვეტიათო (ხაზი ავტორისა).

1) მ. ქიქოძე: „სუსტი კუთის ამყობა“, „მნათობი“, № 1, გვ. 6—7, 1871 წ.

„თუ გსურთ, უფ. კრიტიკოსო, უფრო დაწვრილებით გაეგოთ ეს საქმე, იხილეთ მილის თხუზულება, მეორე ტომი, გვ. 291 და ჩაიკითხეთ ბოლომდე“.

ცოტა ქვევით ავტორი დაასკვნის: „...მუშების განთავისუფლებისათვის თანხის პატრონების დამოკიდებულებისაგან და ნამუშევარში წილის დადება კარგი საშუალება არის და ამ საშუალებას ეხლაც ხმარობენ და კიდევაც იხმარებენ, სანამდის ამ სახით მუშები თავის თავს არ უშველიან იქამდის, რომ შეეძლოთ თავის საქმის დაქერა, თავის თანხის ქონა“¹⁾.

ჩვენ საკმაოდ ვრცლად გავაცანით მკითხველს მ. ქიქოძის იმ წერილების შინაარსი, რომელშიაც ავტორი ეხება მუშათა საკითხს და მასთან დაკავშირებულ ასოციაციებს. ჩვენ დავინახეთ, რომ ჩვენი პუბლიცისტი უმთავრესად ჯონ სტუარტ მილის გავლენის ქვეშ იდგა და მისი ლიბერალურ-სოციალისტური ტენდენციების გადმონერგვა სურდა ჩვენში.

¹⁾ მოსე ქიქოძე: „სუსტი ჰკუის ამაყობა“, „მნათობი“, № 1, გვ. 9, 1871 წ.

თ ა ვ ი მ ე შ ვ ი დ ე .

ნიკო ნიკოლაძე — სოციალისტი.

ამ თავში ჩვენ ვეხებით სამოციანი წლების ჩვენ საზოგადო მოღვაწეთა ერთ თვალსაჩინო წევრს, ახლად ფეხადგმული კულტურის მეთაურს, ნიკო ნიკოლაძეს. თანამედროვე ახალი თაობა ნიკოლაძეს ყურმოყვრით იცნობს, უკეთ: სულ ვერ იცნობს. მის წინ არსებული თაობა ნიკოლაძეს იცნობდა ფოთის მოღვაწეობით და ორი-ოდე უმნიშვნელო პოლიტიკური ხასიათის წერილით. მაგრამ ამით არ ამოიწურება ნიკოლაძის სახელი და მისი მნიშვნელობა ქართული საზოგადოებრივი აზროვნების ისტორიაში: ნიკოლაძეს ჰქონდა თავისი ბრწყინვალე დღეები და ერთ დროს იგი ჩვენ კულტურულ თაობას წინ მიუძღვოდა, ახალი იდეებითა და მისწრაფებებით შეიარაღებული¹⁾. დღეს თუ მას „ფრთებდაჰრილ არწივს“ უწოდებენ, იყო

¹⁾ იმის საილუსტრაციოდ, თუ როგორ აფასებდა 70-იანი წლების ინტელიგენცია ნ. ნიკოლაძეს, ჩვენ მოვიყვანთ ილია ჭავჭავაძის ერთ გამოუქვეყნებელ კერძო წერილს. ქვემოთ მრავალი წერილი სრულ გაუგებრობაზე იყო აღმოცენებული: 1872 თუ 1873 წ. ნიკოლაძეს მოუთავსებია „დროებაში“ წერილი, რომელშიც იგი აღნიშნავდა საზღვარგარეთ წასვლას. ილია ჭავჭავაძეს, რომელიც იმ დროს პეტერბურგში იყო, ამ წერილის შინაარსი სხვანაირად გაუგია და 6 დეკემბრის (1872 — 3 წლებში) თარიღით იგი სწერს ნ. ნიკოლაძეს:

„შეა ნიკო! წავიკითხე შენი გამოსალმება, წავიკითხე, მაგრამ წაკითხული აქამდისაც არ მიჯერა. ნუ თუ მართლა შენ დაჰსწერ ის, რასაც შენი არ უსახელო სახელი აწერია ქვეშ? ნუთუ მართლა შეუშინდი ქიანლებს და იმათს ბზუილზე გადრთხი? მე იმდენად შენ პატივსაც გცემ, რომ იმის დაჯერება არ მინდა, რასაც შენ ფრცხვანაირებით გეაჯერებ. არ დავიჯერებ, რომ შენისთანა საიმედო კაცი მაგისთანა სულმოკლეობამ დაიბრიყვოს. მე მაგონია, რომ ეგ ფელეტონი წუთიერის მღელვარების შედეგია და არა დამჯდარის გონიერების დასკვნა. წუთიერის მღელვარებით გატაცება შენისთანა მდულარე კაცის თვისებაა. მარტო ამით თუ გავამართლებ შენს ფელეტონს, თორემ სხვა გასამართლებელი არა აქვს რა.

ვის ესალმები და რას ესალმები? სად მიხვალ, სად? იქით, ამბობს შენი ფელეტონი, საცა უკეთესი ცხოვრებააო. არა, ერთი მითხარი, მაგას ლუარსაბ თათ-

დრო, როდესაც ნიკოლაძე არწივისებური სიმღერით შლიდა ფოთებს ჩვენი აზროვნების პორიზონტზე. ნიკო ნიკოლაძის სახელი დაკავშირებულია იმ თაობასთან, რომელიც ჩვენში ბატონყმობის მოსპობის შემდეგ გამოვიდა სამოღვაწეოდ და რომლის წინაშე სრულიად ახალი ძირითადი ამოცანები წამოიჭრა გადასაწყვეტად. არცერთ მაშინდელ ჩვენ მოღვაწეთაგანს არ უგრძნია ეპოქის სული ისე, როგორც ნიკოლაძემ იგრძნო. არავის არ შემოუტანია ჩვენში იმდენი პროგრესიული და ევროპული აზრი (ამ სიტყვის კულტურული მნიშვნელობით), რამდენიც შემოიტანა ნ. ნიკოლაძემ.

საუცხოვო პუბლიცისტი, ევროპულად განათლებული ინტელიგენტი, უაღრესად მცოდნე ევროპისა და რუსეთის საზოგადოებრივი მოძრაობისა და ახალი აზროვნებისა, თვით აქტიური მონაწილე რუსეთის სამოციანის წლების პირველი სტუდენტური მოძრაობისა, დიდი ტემპერამენტის მქონე, პრაქტიკოსი და მასთანვე იდეალისტი — ნიკო ნიკოლაძე რალაც არაჩვეულებრივად მიმზიდველი პროფილით

ქარბიძე კი ვერ იხანდა. ვითომ რა არის მანდ საკვირველი? არაფერი გარდა ერთისა: მანდ საკვირველი ის არის, რომ შენისთანა კაცი ბრძოლას ექცევა და თბილ ოთახში აპირობს გადაგორ-გადმოგორებას. მერე იცი რა კბილი ჩაეარდება იმ რახშს, რომელშიაც შენ ფალავანად გვევლებოდი ყველას, ვინც კი შენი თანაზიარი იყო. ჯერ რიგიანი ბრძოლაც არ გამართულა და შენ კი ეხლავე გინდა თავს უშველო. ეგ ევრაფერი ძალგულოვანებაა. განა წინადვე არ იცოდი, რომ მაგ გზაზე, რომელსაც შენ დაადგე, ათასი ვაივაგლახი, ბეზლი, ცილი, ლანძღვა და თრევა დაგხვდებოდა ჯილდოთ შენის შრომისა და მოღვაწეობისა? ეგ ამბავი არ ახალია, ძველია. ვითომ რად გიკვირს რომ მოსალოდნელი მოვიდა და რად არ გიხარიან, რომ იმოდენა ძალი გქონია, რომ მკვდრებიც კი ააყაყანე. მეტი რა გინდა? ძალიან ჰყარსო, სჩივი შენ. მძოფრი ყოველთვისა ყარს და მაშინ უფრო, როცა სადგის წასჩნელეტ. დავიჯგრო, რომ ეს ყოველი შენ წინადვე არ გცოდნოდეს? და თუ იცოდი, ესეთი მოულოდნელი რა დაგხვდა მაგ უმადურს ეკლიანს გზაზედ, რომ როგორც მზადალი ისე გაგაფიხო? ექცევი რას და ვისა? შენს ქვეყანას, შენს შრომას, შენს მეგობრებს და თანამოზიარეთა. ნუ თუ ეაკობა იყოს ეგე? რას შერები, რას? შენ მაგითი ისეთს სირცხვილს იდებ თავზედ, რომ ველარაფრით ჩამოირეცხავ შემდეგში. პირმოთნეობაში თუ ჩამომართმევ, და მე შენ პატივსაცემი როგორც ნიკიერს, რიგიანს, გამბედავს და დაუშრომელს მოღვაწესა, როგორც კაცსა, რომელზედაც კაცურ-კაცის თვალი იმედით შეჩერდებოდა და რომელთანაც დამეგობრება და ერთად უღელში შებმა სახარბიელია.

თუმცა ჩვენ „შემთხვევის გამო სხვისა და სხვისა“ ერთმანეთი ისე არ გაგვიცნია, რომ სული სულში გაგვეყაროს, მაგრამ იმდენად კი გიცნობ, რომ არ დავიჯგრო იგი ცილი, რასაც შენს თავს ეგრე მოურიდებლად და წინდაუხედავად შენვე სწამებ. ვითომ შენ ეგ იყო, რასაც შენი ფელეტონი, შენდა საუბე-

სდგას ჩვენი 60-იანი წლების საზოგადოებრივი აზროვნების პირი ზონტზე.

ამ თავში ჩვენ ვიხილავთ ნიკოლაძის აზროვნების მხოლოდ ერთს მხარეს — მის სოციალისტურ მიდრეკილებას: ამ მხრიდან ნიკოლაძის მნიშვნელობა ჩვენში აუცილებლად ხაზგასმით უნდა აღინიშნოს.

ეს ხარკვევი საესებით დაწერილი გვექონდა, როდესაც შემთხვევა მოგვეცა გავცნობოდით ნ. ნიკოლაძის წერილებს ჰერცენის 1865 წ. „კოლოკოლ“-ში. დრო ნებას არ გვაძლევდა ჩვენი ნარკვევის ტეხნიკა დაგვერღვია და ამიტომ იძულებული ვართ ნიკოლაძის ამ საინტერესო წერილს ჩვენი მკითხველი აქ გავაცნოთ. ნ. ნიკოლაძის წერილიდან („Освобождение крестьян в Грузии“¹⁾) გვანტერესებს სწორედ ის ადგილი, სადაც ავტორი სოციალური და ეროვნული საკითხის შეუღლებას ცდილობს. საინტერესო არის საკითხი, თუ ერთ-ერთი საუკეთესო წარმომადგენელი ახალი თაობის ქართველი

დღემოდ, ამბობს! არა და ათასჯერ არა! შენ ჩემს თვალში მაინც ისეთი კაცი ხარ რომლის გულშიც კაცი, თუ მონახავს, მადანს იპოვის — და ამის გამო აი რას ვთხოვ:

თუ მართლა გიყვარს ის, რისთვისაც ვერგე თამამად და უშინზრად იღწვოდდი, თუ ის ყოველივერი, რითაც შენ მოსაწონი ხარ, ქარის მოტანილი არ არის, ნუ აღასრულებ მას, რასაც გეოქადი. დარჩი მაგ უბედურს ქვეყანაში; მაგრე სამარცხენოთ ბოლოს ნუ მოუღებ მას, რაც ვერგე რიგინად შენ თითონვე დაიწყე. დარჩი და იზრომე, — და მხოლოდ ის გკონდეს ზსოვნაში, რომ მარტო უბედურთ უნდათ შეველა და არა ეის სხვას; კელავ მოჰკიდე ხელი შენს პატოიასანს საქმეს და შენ, ჩვენს მოძმეს, ცოტადნად წაბარბაცებულს ეპატიებთ წუთიერ სისუსტეს და სულმოკლეობას და თვით შენს შეურაცმყოფელს ფელეტონს დავიწყებას მიცემთ. თუ ამას არ იქმ, მაშინ გეტყვი: ეჰ, ქარის მოტანილი ყოფილხარ და დეე ქარმავე წაგიღოს; ვეტყვით ამას, მაგრამ გულში კი ერთი ძარლუი ჩაგვწყდება.

თუ შენ ისევ ის სკანდელი ხარ, როგორიც იყავი, მაშინ მიხედები რა სურვილი და რა გრძნობა მაწერიანებს ამ წერილსა. დასასრულ ამასაც გეტყვი, რომ ქართველი გამოსაღმების დროსაც ერთს მშვენიერს სიტყვას ხმარობს: „გამარჯვებითო“. მაგრამ ამ საღამს გამოთხოვებისას თავის დღეში არ აღირსებს მას, ვინც ზრდილიდამ გარბის: იმას „მშვიდობითო“ ეტყვიან. მსურს, რომ შენ ისე მოიქცე, რომ შეგვეძლოს შენთვის თქმა: „გამარჯვებით“ და არა „მშვიდობით“.

ეს წერილი ნათლად ამტკიცებს, თუ როგორ აფასებდენ ნ. ნიკოლაძეს 60-70-იან წლებში ქართველი ინტელიგენციის საუკეთესო წარმომადგენელი. მაგრამ ილია ჭავჭავაძის წერილი გარკვევით ახასიათებს თვით ილია ჭავჭავაძეს: იგი 1872 — 3 წლებშიც რადიკალურად იყო განწყობილი და ჯერდში ედგა ახალი პირობებისათვის მებრძოლ მოწინავე ახალგაზრდობას.

¹⁾ „Розакоп“, № 198 და 199, 1865 წ.

ინტელიგენციისა როგორი ფორმებით უკავშირებდა ერთმანეთს ეროვნულსა და სოციალურ პრობლემებს. დღეს ეს პრობლემა ერთ-ერთ საინტერესო პრობლემად გადაქცეულა ქართული საზოგადოებისათვის. ენახოთ, რას ფიქრობდა ამის შესახებ ნ. ნიკოლაძე 60 წლის წინათ.

თავისი წერილის მეორე ნაწილში ნიკოლაძე აღნიშნავს, რომ უკანასკნელ ხანებში „ქართველი ხალხი ყოველ დღე სულ უფრო და უფრო იმსკვალება თავისი ნაციონალური დამოუკიდებლობის იდეებით“ და თავის მხრით ამ საკითხის შესახებ წერს:

„ჩვენ გამოვსატყვამთ მხოლოდ იმ აზრს, რომ ამ იდეის (ი. ი. ნაციონალური დამოუკიდებლობის) განვითარებას, ჩვენის აზრით, შეუძლია მნიშვნელოვანი და შეიძლება მიტად დიდი უბედურება მოუტანოს ქართველი ხალხის მატერიალურ და გონებრივ განვითარების საქმეს. იმაზედაც რომ არ ვილაპარაკოთ, რომ ნაციონალური მისწრაფებების ზედმეტ გადაქარბებას შეუძლია მიიყვანოს საქართველო იმ სასაქლოზე, სადაც სულ ახლა ხანში ტყავი გააძვრეს პოლონეთს და სადაც გამოსწუწნის მთელი სისხლი ჩერკეზებს, ჩვენ გვგონია, რომ არავითარ ექვს არ უნდა იწვევდეს ის, რომ გამარჯვების შემთხვევაშიაც, მაგალითად, სამეგრელოს ისტორიის განმეორების შემთხვევაში და საფრანგეთისა თუ ინგლისის (ჩვენთვის სულ ერთია) ზედამხედველობის მოპოვების დროსაც, საქართველო აუცილებლათ წააგებს დიდი ხნის განმავლობაში ყველა თავის შანსებს სათანადოთ გადასაწყვეტად მისთვის საინტერესო საკითხის წესიერ და გონივრულ საზოგადოებრივ წყობილების შესახებ. იმ შემთხვევაშიაც კი, თუ ევროპის სახელმწიფოები აიყვანდნენ საქართველოს თავიანთ საკუთარ და მასთანვე შინაურ პროვინციის ხარისხამდე, მაშინაც კი საქართველო წაგებული (осталась бы с носом) დარჩებოდა და მოიგებდა მხოლოდ პოლიტიკური წყობილების მხრით. მაგრამ ასეთი შემთხვევის წარმოდგენა არსებითად შეუძლებელია. ათასი მაგალითები გვარწმუნებენ იმაში, რომ ევროპის სახელმწიფოები იმ წამშივე შეუდგებიან საქართველოს განათლებას ალეირის მსგავსად და მის ექსპლოატაციას ინდოჩინეთის მსგავსად. ეს იქნებოდა ნაციონალურ მისწრაფებათა ბედნიერად დამთავრების პირობებში. თუ საით მიიყვართ უბედურ შემთხვევას და თუ რამდენი შანსებია მის სასარგებლოდ და საწინააღმდეგოდ—ეს ყველას კარგად ესმის... ჩვენი აზრი რუსეთის მართველობის უპირატესობის შესახებ ევროპიულ-

ზე „კოლოკოლის“ ქართველ მკითხველს ეჩვენება არა იმდენად ერეტიკულად, რამდენათაც უაზროდ. რომ გამოვიყვანოთ იგი (მკითხველი) გაუგებრობიდან, ვიტყვიტ რამდენიმე სიტყვას ჩვენი დასკვნების საფუძვლიანობის დასაცავად.

ჩვენ რელიგიურათ დარწმუნებულნი ვართ, რომ ერთადერთი ფორმა საზოგადოებრივი და სახელმწიფოებრივი წყობილებისა, რომელსაც შეუძლია ნამდვილი სარგებლობა მოუტანოს საქართველოს, არის თემობრივი (инщинное) განაწილება მიწის და ყველა სხვა საკუთრებისა და თემობრივი ორგანიზაცია როგორც სახალხო შრომისა, ისე სახელმწიფოებრივი მმართველობისა. ეს დაწესებულებანი სწორედ იმიტომ მოუტანენ სარგებლობას საქართველოს, რომ ისინი, ყველაზე უფრო, ვიდრე სხვა რომელიმე, უწყობენ ხელს, შეძლების და გვარად, ხალხის კეთილდღეობის სრულს განვითარებას, რაც თავის მხრით ხელს უწყობს ხალხის გონებრივ და ზნეობრივ განვითარებას. ყველა ამასში ჩვენ ექვი იოტის ოდენათაც არ გვეპარება. მაშასადამე, ღრმად დარწმუნებულნი ასეთი სახელმწიფოებრივი წყობილების უდიდეს სარგებლიანობაში, ჩვენ უნდა ვცდილობდეთ, რაც შეიძლება უახლეს დროში შემოვიღოთ იგი (თემობრივი წყობილება) საქართველოში; ამიტომ უნდა ვიფიქროთ იმაზე, რომელ პირობებში უფრო ადრე მივაღწევთ ჩვენს იდეალს, ევროპის მფარველობის თუ რუსეთის ბატონობის პირობებში?

ჩვენის აზრით, იდეალი უკეთესი სახელმწიფოებრივი და საზოგადოებრივი წყობილებისა ყველაზე უფრო ადრე შეიძლება მიღწეულ იქნეს რუსეთში, იმიტომ რომ ძირითადი პრინციპი ამ წყობილებისა, თემობრივობა (инщинность) შენახულია რუსეთის ხალხში შესაძლებელი სისრულით. ჩვენ სრულიადაც არ ვიღებთ რუსეთის თემს ჩვენს იდეალად, მაგრამ ის ათასჯერ უფრო ახლოს სდგას საზოგადოებრივი წყობილების ჩვენს გაგებასთან, ვიდრე რომელიმე ინდივიდუალიზმის პრინციპი, რომელიც დასავლეთ ევროპაში ბატონობს. მაგრამ აქაც უნდა შევნიშნოთ: ჩვენ არ ვფიქრობთ, რომ დასავლეთი

ევროპა თავის ცხოვრებაში დახვს და მას არ შეუძლია უკეთესად მოეწყოს სლავიანური ან რომელიმე სხვა ელემენტის დაუხმარებლად; ამ შემთხვევაში გვაპატიონ „კოლოკოლ“-ის დიდთ პატივცემულმა გამომცემლებმა, რომ ჩვენ საცსებით არ ვიზიარებთ მათ უსასოებას თანამედროვე ევროპის არევ-დარევის შესახებ. წინააღმდეგ მათი აზრისა, ჩვენ დარწმუნებულნი ვართ, რომ ევროპა მაინც გაიტანს თავისას და მაინც მიაღწევს იმ იდეალამდე, რომელიც, თეორიულად მაინც, საცსებით ვერ შეუმუშავებიათ მის (ევროპის) მოაზროვნეებს. მაგრამ ევროპის მუშაობა მეტის-მეტად ძნელია და, რაც უმთავრესია, მას მოუხდება ჯერ კიდევ დიდხანს ბრძოლა, მაშინ, როდესაც რუსეთი, ჩვენის აზრით და „კოლოკოლ“-ის გამომცემელთა აზრითაც, თუ საცსებით არ არი განთავისუფლებული მუშაობის სიძნელისაგან, ეს მუშაობა მისთვის მაინც შეუდარებელი უფრო ადვილია და მიიყვანს სასურველ დონემდე უფრო ადრე, ვიდრე თანამედროვე ევროპიული მოძრაობა. ამ მოსაზრებით, ჩვენ ვფიქრობთ, რომ, დაუკავშირებოდა რა თავის ბედს, თუ გინდა თანამედროვე რუსეთის ბედს, საქართველო ადრე მიაღწევდა თავის მდგომარეობის უკეთეს შესაძლებელ წყობილებამდე, ვიდრე რომელიმე ევროპიული ნაციის კავშირში და მთარეველობაში მყოფი...

„სხვა საქმეა, რუსეთის სახალხო წყობილების ძირითადი პრინციპი — თემი — რომ არსებულიყო საქართველოში, მაშინ პოლიტიკური ორგანიზაციის გაუმჯობესება, თუ გინდ ევროპის მსგავსად, არა თუ არ შეაფერხებდა ქართული სახალხო წყობილების განვითარებას, პირიქით, ხელს შეუწყობდა სხვაზე უფრო ადრე. მაგრამ თემობრივი პრინციპების არ აოსებობის პირობებში ევროპულ „თავისუფლება“-ს მხოლოდ შეუძლია გაანვითაროს შეუსაბამოდ ხალხის განსახლურულ ნაწილში ბურჟუაზიული მიდრეკილებანი, და მასთანავე შექმნას პროლეტარიატი, რაც შეუძლებელია მოხდეს რუსეთის მთარეველობის ქვეშ, თუ კი საქართველოში მოისურვებენ ცოტათი მაინც იფიქრონ თავიანთ თავზე და ისარგებლონ რუსეთის ხალხის მაგალითებით.

„აი რატომ ვფიქრობთ ჩვენ, რომ არ იქნებოდა ცუდი საქართველოს ნაციონალური მისწრაფებანი გადაგვედო გვერდზე და თვით რუსეთის განახლების მოლოდინში გაგვეცნო ქართველი ხალხისთვის ძირითადი პრინციპები როგორც რუსეთის თემობრივი მიწის მფლობელობისა, ისე მთელი საერთო-სოციალური წყობილებისა“¹⁾.

¹⁾ Рао Нели: „Освобождение крестьян в Грузии“, თურ. „Колокол“, № 199, 1865 წ.

ამ ერცლად მოყვანილ ციტატაში, რომელიც თავისთავად საინტერესოა ქართველი ინტელიგენციის სოციალ-პოლიტიკური იდეალების შესასწავლად 60-იან წლებში, რამოდენიმე მომენტი უნდა აღინიშნოს:

ა) 60-იანი წლების პირველ ნახევარში ნიკოლაძე გარკვევით იდგა რუსეთის ნაროდნიკული იდეოლოგიის პოზიციაზე; შემდეგ იგი ნაწილობრივ განთავისუფლდა ამ იდეოლოგიისაგან და ევროპის სოციალისტებისაქენ მიმართა თავისი გეზი.

ბ) იგი არ იზიარებდა პერცენის და მისი „კოლოკოლის“ შეხედულებას ევროპის განვითარებაზე და უფრო ჩერნიშევსკის ხაზისაქენ იბრებოდა;

გ) 60-იან წლებში ჩვენი ინტელიგენციის წრეებში გამოცოცხლებულა იდეა საქართველოს დამოუკიდებლობის აღდგენისა¹⁾;

დ) ნიკოლაძე ცდილობდა ქართული ნაციონალური პრობლემის მოწესრიგების საქმე დაეკავშირებინა ახალი სოციალური წყობილების განხორციელების შესაძლებლობისათვის; იგი ფიქრობდა, რომ რუსეთში, თუმცაბრძოლი წყობილების გამო, ადრე დამყარდება სასურველი წესწყობილება, და ამით საქართველოც ადრე მიაღწევს სრულ სოციალურ განთავისუფლებას;

ე) ნიკოლაძე უარყოფდა მხოლოდ პოლიტიკურ თავისუფლებას საქართველოსათვის და არსებით ყურადღებას აქცევდა საქართველოს სოციალური განთავისუფლების საქმეს;

ვ) იგი მოითხოვდა ქართველი ინტელიგენციისაგან ნაციონალური ბრძოლის გვერდზე გადადებას და სოციალური ბრძოლის შინაარსის პირველ რიგში წამოყენებას.

ეს მომენტი არ არის მარტო ნიკოლაძის სოფლმხედველობის დამახასიათებელი. ასეთი ძირითადი დებულებებით ხელმძღვანელობდნენ 70-იან წლებში რუსეთში მომუშავე ქართველი ნაროდნიკებიც. მაგრამ ნიკოლაძემ მათი სამოღვაწეო პროგრამა ერთი ათეული წლით ადრე მოხაზა.

მაგრამ ეროვნული პრობლემისა და რუსული თემის დაკავშირების საკითხი მეტად საინტერესოა არის. სხვა ფორმით აქ სდგას იგივე საკითხი, რაც ასე მძლავრად აღელვებს ქართველ ინტელიგენციას და ქართველ ხალხს. ეს დიდი პრობლემა ეროვნული თავისუფ-

1) ამის შესახებ იხ. ჩვენი: „ქართველი ინტელიგენციის პროფილი“.

ლების დაუღლებიან სოციალური საკითხის მოწესრიგებასთან, რუსეთის სიძინს, ჩვენმა ახალი თაობის ინტელიგენციამ ჯერ კიდევ თავისი მოღვაწეობის გარიჟრაჟზე წამოაყენა. ისტორიულად ამ საკითხმა მრავალგვარი ცვლილება განიცადა და დღეს, კომუნისტური პარტიის ხელმძღვანელობით, სხვაგვარ ისტორიულ პირობებში, თავისებური განსახიერება ჰპოვა. სოციოლოგიურად ნიკოლაძის დასაყრდენი ბაზა ყალბ ნიადაგზე იყო აგებული: ნიკოლაძე მაშინ უაღრესად დარწმუნებული იყო, რომ თემური წყობილება არის ერთადერთი საფუძველი სოციალისტური წყობილების დასამკვიდრებლად. ხოლო კაპიტალიზმი წარმოადგენს სრულიად მიუღებელსა და არასასურველ წყობილებას რუსეთის სინამდვილისათვის. აქედან გამომდინარეობდა ნიკოლაძის პროგრამული ხაზი: რუსეთმა გვერდი უნდა აუხვიოს კაპიტალისტურ წყობილებას და გლეხის და თემის საშუალებით განახორციელოს სასურველი წესწყობილება.

მაგრამ ასეთი იდეოლოგია იყო უტოპიური და ძირშივე შემცდარი: კაპიტალიზმი იმ პერიოდშივე არღვევდა რუსეთის პატრიარქალურ წყობილებას და მისი განვითარება რუსეთსა და საქართველოში უაღრესად პროგრესიულ მოვლენას წარმოადგენდა, ხოლო თემური წყობილება თავისი ძირითადი საფუძვლებით სრულიად აღარ შეესაბამებოდა თანამედროვე კულტურის შინაარსს და იგი სასიკვდილოდ იყო განწირული. ამიტომ ნიკოლაძის პრინციპიალურად სწორი ხაზი არსებითად, მაშინდელ პირობებში, ყალბ საფუძველს ეყრდნობოდა და ამიტომ მისი პროგრამა დამარცხდა. დღევანდელ პირობებში იგივე საკითხი სულ სხვაგვარ საფუძვლებს ეყრდნობა და სხვაგვარ ისტორიულ ეპოქაში ისმის. თანამედროვეობიექტურ პირობებში კაპიტალიზმი აღარ არის პროგრესიული ფაქტორი: იგი უკვე ლაშობის პერიოდში არის შესული, ხოლო რუსეთში ძირმონძალი პატრიარქალური თემი კი არ წარმოადგენს სოციალიზმის დასაყრდნობ ძალას, არამედ სახელმწიფოებრივად განმტკიცებული რევოლუციონური პროლეტარიატი, რომელსაც ხელთ უპყრია მთელი რუსეთის ცხოვრების ეკონომიური საფუძვლები. ამიტომ არის სრული გარანტია იმისა, რომ ასეთი პროგრამა სწორია და იგი მტკიცე სოციოლოგიურ საფუძვლებს ეყრდნობა.

ნიკოლაძის დამსახურება ქართული საზოგადოებრივი აზროვნების წინაშე იმაშია, რომ მან ამ სამოცდაათი წლის წინათ პირველმა

წამოაყენა საკითხი ეროვნულისა და სოციალური მომენტების შეუღლების აუცილებლობის შესახებ, მაგრამ მისი განხორციელების საქმე ყალბს საფუძვლებზე ააშენა და ამიტომ ეს პროექტი დამარცხდა მაშინდელ პირობებში.

მაგრამ დაფუძრუნდეთ შემდეგ წლებში ნიკოლაძის სოციალ-პოლიტიკური აზროვნების და სოციალისტური პრინციპების შესწავლას.

ხვეით ნაწილობრივ უკვე გავიცანით ნიკოლაძის საზოგადოებრივი ხასიათის მოსაზრებანი ჩვენი ცხოვრების ვითარებისა და 1861 წ. გამოსული თაობის შესახებ.

ნიკოლაძემ პირველმა აღნიშნა ამ თაობის გამოსვლის დიდი ისტორიული მნიშვნელობა, მაგრამ მან პირველმავე აღნიშნა ამ თაობის სამოღვაწეო პროგრამის უარყოფითი მხარეებიც. თქვენ, — ეუბნებოდა ნიკოლაძე 1861 წ. გამოსულ ინტელიგენციას, — წრფელი გულით ებრძოდით ბატონყმობას, წრფელი გულით გასურდათ ყმების განთავისუფლება ჩვენში. მაგრამ მომავალი ცხოვრების შესახებ თქვენ არ გქონდათ სწორი თეორიული შეხედულება შემუშავებული და არც მომზადდებულნი იყავით პრაქტიკულად ახალი ცხოვრების საშენებლადო. მაგრამ რაში უნდა გამოხატულიყო, თვით ნიკოლაძის აზრით, ჩვენი ცხოვრების ახალი პროგრამის შინაარსი? უკეთ: როგორი გზით უნდა ემოღვაწნა ინტელიგენციას, როგორი საშუალებანი და პროგრამა უნდა წამოეყენებია მას ჩვენი ცხოვრების ასაყვავებლად და დასაწინაურებლად? რას ითხოვდა შექმნილი ობიექტური მდგომარეობა ინტელიგენციისაგან, რაში გამოიხატებოდა ჩვენი ცხოვრების ახალი ამოცანები?

აქ სიტყვა უნდა დაეუთმოთ ისევ ნიკოლაძეს. მისი ვრცელი წერილი „ახალი ახალგაზრდობა“ აუცილებლად პროგრამული წერილია იმ ინტელიგენციისა, რომელსაც სურდა საქართველოს ეკონომიური და საზოგადოებრივი ცხოვრების განვითარებისათვის ახალი ფორმები და ახალი შინაარსი მიეცა. ამ წერილში იგი წერდა:

„ახალმა მეცნიერებამ ჩვენში მარტო ცალი ფეხი შემოადგა. ის შემოვიდა ჩვენში მარტო თავისი ტექნიკური მხრით, შემოვიდა რკინის გზით, ტელეგრაფით, ცეცხლის გემით და სხვ. იმან გაიმარჯვა მით, რომ ყველასთვის უძევო და ცხადი შეიქნა, რომ ვერაფერი თოხარიკი, ვერაფერი ხარი, კამბეჩი ვერ იმოქმედებდა იმდენს, როგორც ერთი უბრალო ორთქლ-მაველა. ეს აზრი ჩაიჭრა ხალხის ტვინში. უწინდელ დროში

რომ ეს საქმე მომხდარიყო, ორთქლმავალს სასწაულებას მიაწერდნენ და იტყოდნენ, აი ბატონო, ილია წინასწარმეტყველი რომ ზეცას ცეცხლის ეტლით ავიდაო, ეს ყოფილა თურმეო. მაგრამ დღეს ყველა ხედავს, რომ ორთქლმავალი კაცის ხელით გაკეთებულია, კაცის გონიერი გამოგონილია, და ყველამ იცის, რომ მამა აბრამს ის არ ჰქონია და მამა იაკობი აქლემებით დაიარებოდა. ეს დიდი საქმეა, ეს გარემოება ბევრ ცრუ მორწმუნებას სპობს და მოსპობს ხალხის ტვინში და ღრმად შესცვლის მის აზრს და მოქმედებას. მაგრამ არის ისეთი მხარე თანამედროვე მეცნიერებისა, რომელსაც ჯერ ჩვენში ფეხი არ შემოუღვამს. თანამედროვე მეცნიერების მთელი ნახევარი¹⁾, ის ნახევარი, რომელიც საზოგადოების ცხოვრებას შეისწავლის და მისი გაუმჯობესების გზებს იკვლევს, ჯერ არ მოჩვენებია ჩვენ საზოგადოებას. ის მხარე მეტი-მეტად შესანიშნავია და გავლენიანი. ეს სწავლა პრაქტიკულად გამოსადეგია ჩვენი საზოგადოებისათვის, მით, მაგალითად, რომ გვიჩვენებს, რამდენი უსარგებლო ვაგლახის აცილება, რამდენი მძიმე გაჭირვების გვერდით ახვევა, რამდენი ხეირიანი ძველის გამოყენება შეიძლება, გონივრულათ რომ იყოს გაწყობილი საზოგადოების ცხოვრება. ეს სწავლა ამტკიცებს, რომ საზოგადოებრივი წესიც კაცის ხელით შექმნილა, რომ ის ათასჯერ შეცვლილა და ნელ-ნელა გაუმჯობესებულა, რომ კაცობრიობას ბედით როდი დაჰყოლია ამ ქვეყანაზე ტანჯვა და უსარგებლო გაჭირვება, რომ სიღარიბე კაცის უმეცნეობის შედეგია, რომ კაცობრიობა ერთ დროს ისეთნაირად გაიწყობს თავის ცხოვრებას, რომ არავინ სხვას ტვირთათ არ აწევს, სხვისი შრომით არ რჩებოდეს, სხვას სიცოცხლეს არ უჭირვებდეს და ძალისა და გვარათ ტვირთს უადვილებდეს. ერთმანეთში განხეთქილების და წინააღმდეგობის მაგიერ ეს სწავლა აბრსებს საზოგადოებრივ გარმონიას, გონიერ ერთმანეთობას, შეერთებულ შრომას და ძმურ ცხოვრებას. ბევრი ამ სწავლის აზრებთაგან ცხოვრებაში შევიდა, განხორციელდა, გამოდგა და გაძლიერდა. სხვების რიგიც მალე მოვა

¹⁾ ავტორს მხედველობაში აქვს სოციალიზმი.

და ნამეტნათ შორს არც ის დროა, როცა მთელი ეს მეცნიერება საზოგადოებრივი ცხოვრების ხელმძღვანელ სწავლათ შეიქნება.

„აი, ამ სწავლას (ე. ი. სოციალიზმს. ს. ხ.) უნდა მოთხოვოს ჩვენმა ახალმა თაობამ ის საშუალება და იარაღი, რომლითაც საბოლოოდ უნდა დაიმხოვს ჩვენი ცხოვრების ძველებური კილო და ჩვენი ძველი თაობის უკანასკნელი ნაესაყუდი. როგორც რკინის გზა ანტონ კათალიკოზის ფილოსოფიას ბოლოს უღებს და უმოწყალოთ სრესს, ისე საზოგადოებრივი ბედნიერების ნაყოფის შემოტანით ბოლო უნდა მოუღოს ჩვენმა თაობამ მამაკაცურ უხეირო ჩვეულებებს და განწყობილებას. ჩვენმა ახალმა თაობამ ეს მეცნიერება რომ ისწავლოს და მისი დასკვნები და მაგალითები გაახორციელოს და ეხლანდელი ჩვენი ცხოვრების ყვავილები გვერდში ამოუყენოს, ბრმებიც კი დაინახავენ, რომ ძველმა ცხოვრებამ ბარგი უნდა აიკრას და სამარისკენ გაემგზავროს, როგორც ბარგი ააქრევენ ნეტარ ხსენებულ ანტონ კათალიკოზს. მაშინ, უკველია, ახალი მეცნიერება იმ სარგებლობას მოიტანს, რომელსაც უნდა ელოდეს მისგან თანამედროვე კაცობრიობა, და ჩვენთვის ეს მით უფრო აუცილებელია, რომ ჩვენ ისტორიულ ცხოვრებას, ჩვენ მდგომარეობას და ეხლანდელ გარემოებას ჩვენი ხალხისათვის არც იარაღი და არც იმედი დაუტოვებია, ერთის მეტი — მეცნიერების ნაყოფის გონიერათ მოხმარებით ფეხზე წამოდგომა და უმჯობესი მომავლის დამზადება და მოპოვება. რაც არ დაგვიტოვა ჩვენ წარსულმა ცხოვრებამ, რაც მოგვტაცა ძველი თაობის ბრმა ძალამ, ის უნდა ვეძიოთ ჩვენ მეცნიერებაში და მისი ძალით და დახმარებით უნდა გავამზადოთ მომავალი ბედი ჩვენი ქვეყნისა“¹). (ხაზი ჩვენი. ს. ხ.)

ამ ამონაწერში ნათლად ჩანს ნიკოლაძის საზოგადოებრივი პროგრესების ფიზიონომია; ნათლად ჩანს მისი სამოღვაწეო პროგრამის შინაარსი და მიმართულება²). ავტორი გარკვევით აღნიშნავს, რომ

¹) ნ. სკანდელი (ნ. ნიკოლაძე): „ახალი ახალგაზრდობა“, ჟურნ. „კრებული“, № 1, გვ. 303—07, 1873 წ.

²) ჯერ კიდევ 60-იანი წლების პირველ ნახევარში, მისივე განცხადებით, იგი დათხოვნილ იქნა თავისი სოციალისტური ტენდენციური წერილებისათვის ერთ-ერთი ფრანგული გაზეთის რედაქციიდან, რომელშიაც ახალგაზრდა ნიკოლაძე მონაწილეობას იღებდა. („Бессе“, № 10, გვ. 163, 1907 წ.).

ბატონუმობის მოსპობის შემდეგ საქართველოში აშკარად შემოიჭრა ახალი მეცნიერება და ახალი ტექნიკა, მაგრამ ეს მეცნიერება და ტექნიკა ცალმხრივია იმდენად, რამდენადაც ის არ ემსახურება „საზოგადოებრივ პარმონიას, გონიერ ერთმანეთობას, შეერთებულ შრომას და ძმურ ცხოვრებას“. ჩვენმა ახალმა თაობამ თავის სამოღვაწეო პროგრამაში ის უნდა განიხილოს, რასაც იძლევა თანამედროვე სოციალისტური მეცნიერება, რომლის გამოყენებასაც შეუძლია დიდი პრაქტიკული ნაყოფი მოუტანოს ჩვენს ხალხს. ჩვენ უნდა გამოვიყენოთ ამ მეცნიერების (სოციალიზმის) ნაყოფი და გონიერულად მოვაწყუთ საზოგადოებრივი ცხოვრება, — ასე მსჯელობდა ნიკოლაძე.

ვინც დაკვირვებით წაიკითხავს ნიკოლაძის წერილს, იგი ნათლად დაინახავს უტოპიური სოციალიზმის გავლენას მის აზროვნებაზე. ნიკოლაძე საესებით დარწმუნებულია იმაში, რომ სწორი მეცნიერების შეთვისებით ჩვენ შევძლებთ პრაქტიკულად „უსარგებლო ვაივა-გლაზის აცილებას, მძიმე გაკვირების გვერდის ახვევას“, ე. ი. კაპიტალისტური ცხოვრების განვითარების ნაცვლად საზოგადოებრივი პარმონიის განმტკიცებას ჩვენში. გონება და მეცნიერება ნიკოლაძის თვალში ყოვლის შემძლებელ ძალად გამხდარა. თუ ჩვენი ახალგაზრდობა შეიარაღდება ამ მეცნიერებით (სოციალიზმით) და გონიერულად გამოიყენებს მის დასკვნას, ჩვენი ცხოვრებაც სასურველ კალაპოტში ჩადგება და დაემატება ახალი ფორმები ცხოვრებისაო. აქ ნათლად ჩანს უტოპიური მეცნიერების გავლენა ნიკოლაძეზე.

აქ, რასაც ვიცვლი, არ შეეუდგებით ნიკოლაძესთან კამათს იმის შესახებ, შესაძლებელია თუ არა გონების მიხედვით საზოგადოებრივი ცხოვრების გარდაქმნა, თუ ამისათვის შესაფერისად მომზადებული არ არის ეკონომიური ცხოვრება და სოციალური პირობები. ჩვენი ისტორიული ცხოვრების განვითარებამ დაამტკიცა, რომ როგორი პროგრამებიც გინდა ეთხზათ ჩვენს მოწინავე ინტელიგენტებს, უტოპიური სოციალიზმის ზეგავლენით, საქართველოს მომავალი ცხოვრების შესახებ, საქართველოს ცხოვრება მაინც თავისი ბუნებრივი გზით უნდა განვითარებულიყო, ე. ი. ფეოდალური წყობილებიდან საქართველოს გზა აუცილებლად კაპიტალისტური ურთიერთობისაკენ უნდა წასულიყო. და ეს მართლაც ასე მოხდა. ისტორიული ცხოვრების ფარგლებს ვერავითარი „გონიერული პროგრამით“ ვერ გადაახტებით. ეკონომიურ ცხოვრებას აქვს თავისი კანონი, ლოლიკა, რომელიც, ბოლოს და ბოლოს, იმორჩილებს ყოველ-

გვარ „გონიერულ პროგრამას“ და თავისი ინტერესების მიხედვით ამუშავენ მას. რამდენიმე ხნის განმავლობაში ნიკო ნიკოლაძე უშედეგოდად ჩვენს ახალთაობას სოციალიზმის გზით სიარულს, მაგრამ თვით ცხოვრების ინტერესებმა ჩაითრიეს ნიკოლაძე თავის მორევში და მისი სამოღვაწეო გეგმები კაპიტალისტური ეკონომიკის ინტერესებს დაუშორჩილეს. მაგრამ ისტორიული ფაქტია, რომ ნიკოლაძეს ჩვენში ერთ დროს დიდი პროექტები ასულდგმულებდა, დიდი მიზნები აცოცხლებდა.

ჩვენის აზრით, ნიკოლაძე იმ პერიოდში (70-იან წლები) როგორც ევროპის უტოპიური სოციალიზმის, ისე ნაროდნიკული აზროვნების დიდ გავლენას განიცდიდა. ერთ წერილში იგი სწერს რუსეთის მიმართულებაზე:

„მართალია, ეს დახმარება და ყველა ეს კეთილი დაწყებულება ჯერჯერობით მაინც ნამდვილს და შესანიშნავს სიკეთეს და ტვირთის შემსუბუქებას ვერ მისცემს რუსეთელ ხალხს. მისი მდგომარეობა ამისთანა კერძობითი კეთილ მოქმედებით და დახმარებით ვერ გაკეთდება და მისი ბედი ისე ადვილად და წვრილმანით ვერ შეიცვლება... მაგრამ ამ წერილმან, კერძობით დახმარებას, რომელიც ცოტაოდნათ ამსუბუქებს ხალხის გასაჭირს და ტვირთს და ერთ ნამცეცა სინათლეს და იმედს ჰბადებს მის გულში და გონებაში, ის ნამდვილი და ძვირფასი სარგებლობა მოაქვს რომ ხალხი ცნობილობს კეთილად განძრახულს პირებს, გრძნობს, რომ იმათ მისი დახმარება სურთ, რომ იმათს მათზე დანდობა, მათი ხმარება და გამოყენება შეუძლია. იმათ იმ პატიოსანს მიმართულებას¹⁾ რომელსაც ეს პირები ემსახურებიან, და რომელშიაც მდგომარეობს რუსეთის მომავლია იმედი, შეეძინება, ხალხის სიჰვატია თუ არა, პატივისცემა მაინც, და მოვა ის დროც, როცა ესვე ხალხში მიმართულებას უფრო მტკიცედ დაენდობა და მას მოითხოვს უკეთესი ბედის და განწყობილების დაარსებას... აი მართო მაშინ, როცა ეხლანდელი კერძობითი კეთილ მოქმედების მაგიერ, საზოგადო დანიშნულებები მიიღებიან ხალხის მდგომარეობის გაუქვობისებისათვის, ეს მიმართულება (სოციალისტური. ს. ხ.) ნამდვილ თავის ღირსებას და ძალას გამოიჩენს...

„ეს მით უფრო შესაძლებელი და თითქმის აუცილებელი საქმეა,

¹⁾ ე. ი. სოციალისტურ, ნაროდნიკულ მიმართულებას.



რომ ამ მიმართულებას (სოციალიზმს. ს. ხ.) და რუსეთელს ხალხს შუა ბევრი შემაერთებელი კავშირია ისეთი, როგორიც სხვა ქვეყნებში უფრო იშვიათად და ძნელად მოიპოვება. ამ მიმართულების უმთავრესი პრინციპი — შეერთებული, ამხანაგური შრომის და ცხოვრების გამართვა — ათასი წლობით არსებობს რუსეთელ ხალხში, რომელსაც მიწა-წყლის საზოგადოებრივი მფლობელობა (общинное землевладение) და ამხანაგობრივი (артель) საქმის წაყვანა ძელებშიაც გამდგარი აქვს. მართალია, რომ ეს ორივე განწყობილება, ეს ლანდელ მდგომარეობაში, ნამეტნათ შემოძველებულია და ბევრში არ ეთანხმება თანამედროვე მეცნიერებისაგან გამოკვლეულ მოთხოვნილებებს, მაგრამ მსგავსის, ნაცნობის გაუმჯობესება და გადაკეთება უფრო ადვილია, ვინემ ხალხში სრულიად უცნობი, გაუგებარი და ძნელად ასახსნელი პრინციპების შემოღება და გავრცელება, და რაც უფრო მეტი დახმარება და გონიერი ხელმძღვანელობა მიეცემა რუსეთში იმ ამხანაგობებს, რომელნიც რუსეთის ხალხს თავისთავად დაუარსებია, რაც უფრო მეტი პრაქტიკული მხრით დაუახლოვდებიან ამ ხალხს ახალ მიმართულების პირები¹⁾, მით უფრო და უფრო გაადვილდება რუსეთის გონებითი გახსნის საქმე, მით უფრო დაახლოვდება ის დრო, როცა ამ გახსნას განიერი გზა მიეცემა და მის წინ ეს ლანდელი დაბრკოლება და წინააღმდეგობა მოიშორება...²⁾ (ხაზი ჩენია. ს. ხ.).

ნ. ნიკოლაძე თავდაპირველად 60-იანი წლების რუსეთის ბუმბერაზის ნ. ჩერნიშევსკის გავლენას განიცდიდა. ის მაღალი და რევოლუციონური აზრები, რომელსაც ჩერნიშევსკი ქადაგებდა „სოვრემენიკის“ ფურცლებიდან, სტუდენტობაშივე ხიბლავდა და იტაცებდა ნიკოლაძეს³⁾. მაგრამ თვით ჩერნიშევსკის აზროვნება გაქვნილი

¹⁾ სოციალისტები, ნაროდნიკები.

²⁾ ნ. სკანდელი (ნიკოლაძე): „რუსეთის ცხოვრება“. ჟურ. „კრებული“, № 5, გვ. 381 — 84, 1873 წ.

³⁾ ბოროზდინის მოგონებების შენიშვნებში ნიკოლაძე წერდა 1907 წ.: „ჩემი მიმართულება ჩამოყალიბდა ჩემი ეროპაში წასვლამდე. ის გამოირკვა 1862 — 63 წლებში მომხდარი მოვლენებით და უმთავრესად პოლონეთის აჯანყებით, და მთავრითავე დეტალებში ჰერცენის მოძღვრების სრულიად საწინააღმდეგო იყო. ამის შესახებ „კოლმედიში“ იყო ფორმალური განცხადებანი სწორედ ჩემს სტატიებში“ (იხ. „Вилое“, № 10, 1907 წ.) ზევით უკვე გავიხილეთ ეს.

იყო სალი მატერიალისტური და რეალისტური შეხედულებით. ჩერნიშევსკი არასოდეს არ მისულა რუსეთის „ობშჩინისა“ და რუსეთის გლეხის ისეთ იდეალიზაციამდე, როგორც ეს ემჩნეოდათ ჰერცენსა და ბაკუნინს¹⁾.

ჩერნიშევსკი საცხებით დარწმუნებული იყო, რომ რუსეთის თემიდან მეურნეობის უმაღლესი ფორმა განვითარდებოდა, მაგრამ ეს მოხდებოდა მაშინ, როცა ასეთი უმაღლესი ფორმა წინასწარ განხორციელდებოდა ევროპაში, ე. ი. ევროპაში განხორციელებული სოციალისტური წყობილება დახმარებას გაუწევდა რუსეთის თემს უმაღლეს სამეურნეო ფორმაზე გადასასვლელად²⁾. ნიკოლაძე ჩერნიშევსკის სკოლის წიწაფე იყო, და მას არ შეეძლო არ დაენახა რუსეთის თემის ჩამორჩენილობა და შეუსაბამობა თანამედროვე მეცნიერების მიხედვებთან. ნიკოლაძეს სწამდა ევროპის დაწინაურება, მისი ტეხნიკა, ოკინის გზები, კულტურა და სხვ. იგი არ გაიძახოდა ჰერცენივით, ევროპა დაღუპა. ნიკოლაძე არა მარტო რუსეთის თემში, არამედ ევროპის ტეხნიკასა და კულტურაშიც ხედავდა პროგრესის ფაქტორებს, მაგრამ ამ ფაქტორების შესაფერისად მიხმარება და საზოგადო განვითარების საფუძვლებზე მოწყობა შეუძლია მხოლოდ და მხოლოდ თანამედროვე მეცნიერებას. ამიტომ იყო, რომ იგი მოიაზრებდა რუსეთის თემისა და არტელის გადაკეთებას „თანამედროვე მეცნიერების“ მიხედვით.

მაგრამ რუსეთის ნაროდნიკული იდეოლოგიის გავლენის ქვეშ დიდხანს არ რჩება ნიკოლაძე. ევროპის სოციალისტურმა აზროვნებამ მასზე დადი გავლენა მოახდინა და დაახლოვებით 1868-9 წლებიდან იგი ცდილობს ნაროდნიკული აზროვნება შეუთანხმოს ევროპის სოციალისტურ სისტემებს. ზემოთყვანილი წერილი (1873 წ.) ამას ნათლად ამტკიცებს; ამ წერილს უკვე აშინებია ევროპის სოციალისტური აზროვნების დიდი გავლენა. უნდა აღინიშნოს ისიც, რომ ნიკოლაძე 70-იან წლებში დიდ ყურადღებას აქცევდა პოლიტიკურ ბრძოლას და პოლიტიკური თავისუფლების მოპოვებას. ამითაც იგი საკმაოდ განსხვავდებოდა 70-იანი წლების რევოლუციონერი ნაროდნიკებისაგან. 1873 წ. ნიკოლაძეს პარიზში გაიუჟცია არალეგალურად ქართული სოციალური გაზეთი „დროშა“. (იხ. ქვემოთ დამატება³⁾). ამ გაზეთში

¹⁾ К. Пажитнов: „Развитие социалистических идей в России“, т. I.

²⁾ იქვე. ³⁾ ამ ნაშრომის მეორე წიგნში.

მოთავსებული წერილებიდანაც ნათლად სჩანს ნიკოლაძის პროგრამული ხაზი 70-იან წლებში. იგი არ იწყნარებს ნაროდნიკების პოლიტიკას და ლავროვის ჟურნალ „Вперед“-ის შესახებ სწერს: „ეს ჟურნალი რუსულმა წრემ უნდა გამოსცეს, რომელსაც სოციალური მიმართულება აქვს და პოლიტიკური კითხვების უწინ სოციალური საგნების გამოკვლევა უნდა. ჩვენ კარგად არ გვცემის იმ კაცების აზრი, რომელნიც ამ ორ კითხვებს აცალკავებენ, თითქო ერთ უმეოროთ შეიძლებაოდეს“ (იხ. „დროშა“, № 1). აქ ნათლად სჩანს, თუ საით იხრება ნიკოლაძის სამოღვაწეო პროგრამა: მას აღარ აკმაყოფილებს ნაროდნიკების აპოლიტიციზმი და პოლიტიკურ მომენტს დიდ ყურადღებას აქცევს.

ნიკოლაძე 70-იან წლებში საუკეთესო მცოდნე იყო საერთაშორისო მდგომარეობისა, ევროპის მუშათა და სოციალისტური მოძრაობისა: მის წერილებს ნათლად ამჩნევია ის დიდი ცოდნა ევროპის ცხოვრებისა, რომლითაც აღჭურვილი იყო ამ წერილების ავტორი. ნიკოლაძე კარგად ამჩნევდა იმ კლასთა ბრძოლას, რომელიც კაპიტალისტურ ევროპაში სწარმოებდა; ის კარგად ხედავდა, რა დიდი გავლენა მოიპოვეს სოციალისტებმა ევროპის საზოგადოებრივ ცხოვრებაში და როგორ მწვავედ იდგა საზოგადოების წინაშე სოციალური საკითხები.

ზევით ჩვენ უკვე დავინახეთ ნიკოლაძის საერთო სიმპატიები პარიზის კომუნისადმი და ის მწვავე სულისკვეთება, რომელიც განიცადა ჩვენმა პუბლიცისტმა პარიზში ყოფნის დროს 1872 წელს. მეტი არ იქნება გავიცნოთ მისი შეხედულებანი და მოსაზრებანი სოციალური მოძრაობის შესახებ პარიზის კომუნის დამარცხების შემდეგ. აქ ნათლად დავინახავთ ნიკოლაძის „რევოლუციონურ რადიკალიზმს“. 1872-73 წლებში საფრანგეთში ყოფნის დროს ჩვენი ავტორი ეწვია ცნობილ სოციალისტს ლუი ბლანს, რომელთანაც მეტად საინტერესო კამათი ჰქონდა სოციალური საკითხების შესახებ.

ნ. ნიკოლაძე პირადად იცნობდა როგორც რუსეთის, ისე ევროპის ზოგიერთ ცნობილ სოციალისტებს. ნ. ჩერნიშევსკის იგი სტუდენტობის დროს გაეცნო ლენინგრადში¹⁾ და მისდამი პატივისცემა და სიმპატიები ბოლომდე შერჩა ჩვენს პუბლიცისტს. ლუი ბლან-

¹⁾ იხ. ამის შესახებ ნ. ნიკოლაძის მოგონებანი 60-იან წლებზე. ჟურ. „აბალი კავკასიონი“.

თან მას მიწერ-მოწერაც ჰქონდა. ამჟამად ჩვენ ხელთ არის წერილი ლუი ბლანისა ნიკოლაძისადმი. ეს წერილი ჯერ არსად არ ყოფილა გამოქვეყნებული. აი ისიც:

ბ. ნ. ნიკოლაძეს

პარიზი, 96, რივოლის ქუჩა

20 მაისი, 1875

ბატონო,

უდიდესი ყურადღებით წავიკითხე წიგნი, რომელიც თქვენ კეილი ინებეთ და მომიტანეთ ამ დილას ¹⁾. არ ვიცი, იქნება საფრანგეთის პრესამ ერთობ მკაცრად ჩასთვალოს თქვენი მსჯელობა მის შესახებ; ერთი კი უეჭვოა, რომ თქვენი წიგნი ისეთი წიგნების რიცხვს ეკუთვნის, რომელიც უნდა წაიკითხოს და კარგს იხამს, რომ მოიფიქროს ყოველმა ფრანგმა კურნალისტმა.

მაილეთ, ბატონო, ჩემი მადლობა და ნება მომეცით დავუთოო მას ჩემი მოლოცვა.

Louis Blanc. ²⁾

ახლა მოვისმინოთ ლუი ბლანისა და ნ. ნიკოლაძის კამათიც.

„წარმოიდგინეთ, რომ ჩემს თვალში ეხლანდელი (1873) თქვენი (საფრანგეთის) ისტორია სწორედ ისე იხატება, როგორც 1848 წლის ამბები. — ეუბნება ნიკოლაძე ლუი ბლანს. — მას აქვთ, რაც ბოროტში ნაციონალური კრება შეგროვდა, თითოეული თქვენი ისტორიის ნაბიჯი მე 1848-1851 ამბებს მახსენებს. ნაციონალურმა კრებამ, ეხლაც, როგორც მაშინ, პარიელი ხალხი საგანგებოთ გააქეზა, საბრძოლველად გამოითხოვა და დაამარცხა, დააუძლურა. უმჯობესი თქვენი პარტიის წევრები, ისინი, რომელნიც მის ნაშედილ ძალას, მკლავს შეადგენდნენ, დახვრიტეს ან დაატუსაღეს. მოძრავი, აქტიური მუშა ხალხის უმჯობესი ნაწილი ამოკლესილია და დაკარგეს. იარაღი მობოქვს და შეინახეს. ამით პარიელი ხალხი, რომელიც მონარქიულებს რესპუბლიკის მომხრეთა და ბურჟუაზიის მიჯნადად, საბრძოლველად გამოსვლას ვეღარ გაბედავს, ის დღეს პოლიტიკურათ აღარ არსებობს. გამარჯვების შემდეგ ატყდა ბრძოლა კრებასა და აღმასრულებელ უფლების (ტიერს) შუა, როგორც უწინ კრების და ნაპოლენის შუა; როგორც უწინ,

¹⁾ წერილში აღნიშნული წიგნის სათაურია: N. Nikoladze. „La presse de la décadence“, Paris. 1875.

²⁾ წერილის დედანი ნ. ნიკოლაძის არქივში ინახება.

დღესაც უპირატესობა კლერიკალურ მიმართულებას უძღვროს, უფროსობა მონარხიელებს ჩააბარეს, პრეტენზიებით ყოველგან მონარხიელები დანიშნეს, ყველა გავლენიანი ადგილები მონარხიელებს დაურიგეს. ფოსტა, ტელეგრაფი, შინაგანი საქმეების სამინისტრო, ერთი სიტყვით, ყველაფერი, რაც ქვეყანაში ძალას და იარაღს შეადგენს — მონარხიელებს აქვთ თავიანთ ხელში. ხალხი დამშეული და დასჯილია, დებუტატები და სამსახურის ან პატივის მაძიებელი პირები დაბნეულათ — ლაქიებსავე ელიან ბატონის მობრძანებას, რომ პენსიები და შემოსავლიანი ადგილები დაირიგონ. სწავლას, ახალგაზრდობის აღზრდას, საზოგადო ყრილობებს, წერა-ბეჭდვას ლაგამი აქვს აღებული. თქვენ, დებუტატებს, სიტყვის ამოღების უფლებას არ გაძლევენ. როგორ გგონიათ, რა შედეგი უნდა ქონდეს ამაგებს? თუ კი ერთი და იმავე გარემოებიდან ყოველთვის ერთი და იგივე შედეგი გამოდის, ცხადი არ არის, განა, რომ თქვენი მდგომარეობა მეტის-მეტად საშიში და საძნელოა? ¹⁾

ასე აგვიწერს ავტორი იმ საერთო პოლიტიკურ მდგომარეობას, რომელიც შეიქმნა, მისი აზრით, კომუნის დამარცხების შემდეგ საფრანგეთში. სად არის გამოსავალი ამ მდგომარეობიდან, რა გზას უნდა დაადგეს სოციალისტური პარტია? ლუი ბლანი იმ მოსაზრებას იცავს, რომ დღევანდელ პირობებში საჭიროა სოციალისტური პარტიის შეთანხმება რესპუბლიკანურ (გამზეტას) პარტიასთან. ნიკოლაძეს არ მოსწონს ასეთი პოლიტიკური ხაზი და დაასკვნის:

„როგორც 1848 წელში, ეხლაც რესპუბლიკანელმა (გამზეტას) პარტიამ, გაიმარჯვა თუ არა, თავისი ძალა დაივიწყა და სხვისას ტრფობა დაუწყო. გამზეტამ, იმის მაგიერ, რომ ხალხის ენერგია აღედგინა და მკრთალი მოწინააღმდეგენი (მონარქისტები) კარგა ლახითიანათ აელაგმა, იმათი გულის დაშოშმანება მოინდომა. დღეს ლუი ბლანი (სოციალისტი) გამზეტას გვერდში უნდა უდგეს? თქვენი მდგომარეობის ტრალიზმიც ამაში მდგომარეობს. იმაზე უარესი რაღა იქნება, რომ თქვენი პარტიის (სოციალისტების) წინამძღოლი, ის, ვისი გავლენა თქვენ თითონ უნდა აამაღლოთ, ხალხს ეუბნება „საზოგადოებრივი“ (სოციალიზმის) კითხვა არ არსებობსო. მოგწონთ თქვენ ის? კარგი შედეგი უნდა ჰქონდეს ამათ ხალხის გრძნობაზე? როგორ გგონიათ? ²⁾

¹⁾ ნ. სკანდელი (ნ. ნიკოლაძე): „სხვათა შორის“ (ნაგრძნობი და გავლენილი), თავი XII: საუბარი ლუი ბლანთან, ქსრ. „ქრე ბ უ ლ ი“, № 4, გვ. 216-218, 1873 წ.

²⁾ იქვე, გვ. 219 — 220.

ნიკოლაძე დარწმუნებული იყო, რომ თუ სოციალისტები საფრანგულ დაიპყრდნენ რესპუბლიკანებთან, პარიზის მშრომელი ხალხი იგებდა ამას, ვერ მიხვდებოდა ძირითად განსხვავებას ამ ორ პარტიის შორის. მეორე მხრით, ნიკოლაძე არ კმაყოფილდებოდა უბრალო რესპუბლიკანური პროგრამით და „საზოგადოებრივი კითხვის“ წამოყენებას მოითხოვდა. ლუი ბლანის პოლიტიკა კი აქეთვე არ იყო მიმართული. იგი არ აიარალებდა ხალხს, არ მიუძღვებოდა წინ გადაჭრელი ბრძოლისაკენ. მშვიდობიანი გზით ფონს გასვლა შეუძლებელია, საჭიროა რადიკალური ზომები. ნიკოლაძე განაგრძობს:

„... როცა თქვენი მოწინააღმდეგენი შეგამჩნევენ, რომ კანონიერი გზით და იარაღით იმარჯვებთ, ისინი ამ გზას და იარაღს ხელიდან გამოგაცილიან..... ერთი სიტყვით ყოველ კანონიერ იარაღს თქვენ ხელად გამოგაცილიან, რომ უკანონო მოქმედებაზე (ე. ი. რევოლუციონურ გამოსვლებზე) გამოგიწვიონ და ამოგელიტონ, და ამ გამოწვევის (რევოლუციის) დროს თქვენ ნიადაგ უიარაღონი, დაუმზადებელი და დასუსტებული გამოდიხართ“¹⁾.

სრულიად სამართლიანად შენიშნავს ნიკოლაძის ამ დიალოგის შესახებ არ. ჯორჯაძე, როდესაც სწერს: „ნ. ნიკოლაძე ლუი ბლანთან საუბარში სოციალისტურ რესპუბლიკის მომხრეთ გამოიყურება და მასთან მისი რესპუბლიკანობა მკაცრი რევოლუციონური ელფერისაა. რასაც მალავდა (?) ჩვენში, სადაც გამოსადეგი პირობები არ იყო ამ გვარ აზროვნების განვითარებისათვის, ფართოდ გაიფურჩქნა პარიზის თავისუფალ ატმოსფერაში“²⁾.

თავისი სოციალისტური მიდრეკილება ნ. ნიკოლაძემ გამოაშკარავა აგრეთვე იმ კამათში, რომელიც სწარმოებდა ბანკის საკითხის გარშემო 1875 — 76 წლებში პასა და ი. ჭავჭავაძეს შორის. არ. ჯორჯაძე თავის „ინტელიგენციის მასალებში“ დიდ მნიშვნელობას აძლევს ამ კამათს ჩვენი საზოგადოებრივი აზროვნების დიფერენციაციის ისტორიაში. იგი სწერს: „ჭავჭავაძისა და ნიკოლაძის შეტაკება ბანკის ნიადაგზე არის დასაწყისი მესამოციანების გაყოფისა. ეს არის, ერთი მხრით, ახალი აზრის დიფერენციაციის დასაწყისი, მეორე მხრით კი — დასაწყისი მესამოციანების დაკნინებისა და დარღვევისა“³⁾.

¹⁾ იქვე, გვ. 225.

²⁾ ა. ჯორჯაძე: ტ. V, გვ. 180, 1914 წ.

³⁾ იქვე, გვ. 180.

არ. ჯორჯაძის ეს შეხედულებანი არ არის სწორი. ჩვენ არ გვესმის, რატომ ბანკის გარშემო ატეხილი კამათით (1876 წ.) იწყება დიფერენციაცია სამოციანებისა, და არა უფრო ადრე? ფაქტია, რომ სოციალისტური მიდრეკილება უფრო ადრე შემოიჭრა ჩვენს ლიტერატურაში, ფაქტია ისიც, რომ ნიკო ნიკოლაძე სწორედ ამ საზომით აკრიტიკებდა ჯერ კიდევ 1873 წელს 1861 წელს გამოსული თაობის პროგრამას; ისიც ფაქტია, რომ სამოციანი „ნაროდნიკულად“ განწყობილი ან. ფურცელაძე თავიდანვე არ ეთანხმებოდა და ეკამათებოდა ახალი თაობის ინტელიგენციას. ჩვენის აზრით, მეორე დიფერენციაცია ქართველი ინტელიგენციისა მაშინ დაიწყო, როდესაც კელაე დაისვა ახალი საკითხი: როგორი გზით უნდა განვითარებულიყო საქართველოს საზოგადოებრივი ცხოვრება. პირველი მნიშვნელოვანი შეტაკება ინტელიგენციის ოჯახში მოხდა 1861 წელს. ამ შეტაკების მთავარ საკითხს წარმოადგენდა ბატონყმობა და ძველი საზოგადოებრივი წყობილება. ფაქტიურად ეს შეტაკება თავად-აზნაურობის წინააღმდეგ დაიწყო კონკაძემ და დაასრულა ილია ჭავჭავაძემ. ამ შეტაკებაში რეაქციონერი ინტელიგენცია დაუპირისპირდა პროგრესიულ-რადიკალურ ინტელიგენციას. მეორე შემთხვევაში დიფერენციაცია ხდება თვით ახალი თაობის ინტელიგენტთა შორის, როდესაც საკითხი შეეხო საქართველოს მომავალს, მის სოციალ-პოლიტიკურ წყობილებას; ლიბერალურ-დემოკრატიულ მიმდინარეობასთან ერთად აქ ისახება სოციალისტურად განწყობილი ინტელიგენციის კადრიც (იხ. ზევით). ეს არის არა სამოციანების დიფერენციაციის დასაწყისი, არამედ კიდევ ახალი მიმდინარეობის აღმოცენება ჩვენს ლიტერატურაში და ინტელიგენციის ბანაკში. ეს ახალი მიმდინარეობა ლიბერალურ-სოციალისტური და ნაროდნიკული მიდრეკილებისა იყო. ამიტომ, ჩვენ შემცდარად მიგვაჩნია აზრი არ. ჯორჯაძისა, რომელიც „მესამოციანების“ დიფერენციაციის დასაწყისს სრულიად ხელოვნურად ბანკის გარშემო დაწყებულ კამათში ხედავს და სრულიად ანგარიშს არ უწყევს იმ მნიშვნელოვან დიფერენციაციას, რომელიც ამ დრომდე მოხდა ჩვენი ინტელიგენციის ოჯახში.

მაგრამ ბანკის გარშემო გამართულ კამათს ის მნიშვნელობა ჰქონდა, რომ აქ ნიკოლაძემ ერთხელ კიდევ გამოაშკარავე თავისი სოციალისტური პრინციპები, ხოლო ილია ჭავჭავაძემ — თავისი ბურჟუაზიული მიდრეკილება. ამიტომ მართალია იგივე არ. ჯორჯაძე, როდესაც წერს ილიაზე: „ჭავჭავაძე... აღნიშნულ დიალოგებში (ბან-

კის გარშემო კამათში) გულქვა, სენტიმენტალობას მოკლებული, მშვენიერი ლოლიკით და კანონიერებით აღჭურვილი, ჰაზბურგელი ჰინანის ტი უფროა, ვიდრე ჩვენებური საზოგადო მოღვაწე (?). აქ კიდევ საგულისხმო ის არის, რომ ჰავეკავაძე პრინციპიალურ მოსაზრებას ემყარებოდა თავის პოზიციის გასამაგრებლად. ეს პრინციპი აღებ-მიცემობის და ვაქრობის თავისუფლების პრინციპია. ეს დედა-აზრია ბურჟუაზიულ ეკონომისტებისა¹⁾.

ნიკოლაძე ერთ-ერთ თავის საპასუხო წერილში არკვევს, რომ მეცხრამეტე საუკუნეში ეკონომიურ საკითხებში ორ მიმართულებას შორის სწარმოებდა კამათი: ერთის მხრით იდგენ ბურჟუაზიული მიმდინარეობის წარმომადგენელი, როპელნიც აღიარებდენ აღებ-მიცემობის და ვაქრობის თავისუფლებას, ხოლო მეორეს მხრით მას უპირისპირდებოდა „საზოგადოებრივი“ (სოციალისტური) მიმართულება.

ავტორი სწერს: „ეკონომიურ და საზოგადოებრივ მეცნიერებაში ორი უმთავრესი მიმართულება იყო ამ ჩვენს საუკუნეში. ამ ორს მიმართულებებს შუა მთელი ორმოცი წლის განმავლობაში დაუცხრომელი ბრძოლა იყო ატეხილი. პირველი მიმართულება, რომელსაც ჰქვია „ბურჟუაზიული“ და რომლის წარმომადგენელი იყო ჟან-ბაპტისტ-სე, ამტკიცებდა, რომ ქვეყანაზე ყველაფერი კარგად მიდის, ოღონდ ნურც საზოგადოება, ნურც მთავრობა ნუ გაერევა ეკონომიურ საქმეებშიო. ამის საწინააღმდეგოდ ის მიმართულება, რომელსაც ჰქვია „საზოგადოებრივი“ (სოციალისტური), ამბობს, საზოგადოება შესდგება ცალ-ცალკე პირებისაგან და თავის საკუთარი სარგებლობისათვის მთელი საზოგადოება უნდა ცდილობდეს, რომ არც ერთი მისი წევრი არ დაიჩაგროს, არ წახდეს, სწორეთ ისე, როგორც კაცი თითოეულ თავის თითს ან სხეულის ნაწილს უფრთხილდება“²⁾.

ნ. ნიკოლაძე უარყოფს ი. ჰავეკავაძის ბურჟუაზიულ მიმართულებას და სწერს: „მე ყოველთვის, ყოველგან ყველაფერში ვებრძოდი ამ მიმართულებას იმიტომ, რომ ვეკუთვნი „საზოგადოებრივ“ (სოციალისტურ. ს. ხ.) მიმართულებას, რომელმაც მეცნიერებაში კი ბანია სრულებით დაამარცხა ბურჟუაზიული მიმართულება“³⁾.

ამრიგად, ბანკის გარშემო გამართულ კამათში ნიკოლაძე „სა-

¹⁾ არ. ჯორჯაძე, ტ. V, გვ. 174.

²⁾ ნ. ნიკოლაძე: „მრუდე გამოსარჩლება“, „დროება“, № 47, 1876 წ.

³⁾ იქვე.

ზოგადოებრივ“ (სოციალისტურ) ნიადაგზე დგას და ამ საფუძველზე ნებს ილია ჭავჭავაძის ბურჟუაზიულ „პროექტს“. ბანკი ნიკოლაძეს სურს არა ალბ-მიცემობის გასაჩილებლად, არამედ მის მოსასპობლად. ავტორი განმარტავს თავის საზოგადოებრივ მოსახრებებს:

„ცხოვრება — ბრძოლაა, რომელშიაც დაიარაღებული კაცი იმარჯვებს დაუიარაღებელზე. საზოგადოება უნდა სცდილობდეს, რომ თუ ამ ბრძოლის მოშლა ან გარმონიის გამართვა ჯერ-ჯერობით არ შეიძლება, ბრძოლა ისე მიიწივს მიდიოდეს, რომ ყოველი მებრძოლი ერთნაირად იყო დაიარაღებული. რა ჰქნას ეხლა სოფლის მყიდველმა, როცა იმას თევზის ყიდვა სჭირია, თუ არ დაეთანხმა იმ ვაჭარს, რომელიც დამალვ თევზს ძვირად ჰყიდის? ეს თავისუფლება კი არაა — ცარცვაა. ამისათვის საზოგადოებამ უნდა გაიმართოს თავისი საკუთარი დუქნები, რომ ვაჭრობა მარტო საქონლის მოტანაში და ხარჯის ალბაში მდგომარეობდეს... საზოგადოდ მეცნიერებამ გამოიგონა საზოგადოებრივი ბანკები სწორედ იმისათვის, რომ დაარღვიოს ალბ-მიცემობის თავისუფლება იმ ვაჭბატონებისა, რომელნიც ხალხს სცარცვავდნენ და არა იმისათვის, რომ ვაჭბატონებს ხელი გაუწყოს თავისუფალ გლეჯაში და ცარცვაში“¹⁾ (ხაზი ჩვენი: ს. ხ.).

ზევით ნიკოლაძე სწერს:

„ვეფიქრობთ, თუ ჭავჭავაძეს და ბ. ლოლობერიძეს ამ საგანზე შეედგინათ ცალკე წერილი მამულების გამოყიდვაზე სახლის-კაცების, მეზობლების ან გლეხების შეერთებით, დაეწესებინათ მთელი სოფლის ან უბნის მცხოვრებლების დამოკიდებულება ბანკთან, უფრო ხანგრძლივი და გაწვირლმანებული ნდობა დაეარსებიათ ნათესავებისათვის და მშობელთათვის, და ენახავდით მაშინ უცხო ქვეყნელებს დარჩებოდათ ჩვენი მამულები, თუ ჩვენებურებს, ურიას — თუ ქრისტიანს. ამას ხომ მაინც ვერ იტყვის ჭავჭავაძე, რომ გლეხები სიხარულით არ ყიდულობდნენ მიწებს ყოველთვის, როცა ფასის განაწილება და რამოდენიმე წლის ვადით გადახდა შეეძლოთ?“²⁾ ქვევით: „გაუადვილოთ სახლის კაცებს და გლეხებს ფულების გადახდა, გაუადვილოთ გადასახადი ცალ-ცალკე თითოეულ კაცზე, გაუადვი-

¹⁾ ნიკოლაძე: „მრუდე გამოსარჩლება.“ „დროება“, № 47, 1876 წ.

²⁾ იქვე.

ლოთ სოფლებს ან უბნებს ამხანაგობების შედგენა და ამხანაგობით მამულის ყიდვა, და ენახოთ მაშინ, ვინ უფრო მეტს ფასს მისცემს, გარეშე პირი, თუ მეზობლები¹⁾.

ნიკოლაძე ბანკს, — ამ უძლიერეს საეაქრო დაწესებულებას, — მიზნად უსახავდა ვაჭრობის თავისუფლების მოსპობას და სოფლად ამხანაგობების დაარსებას, ე. ი. ერთგვარ „სოციალისტურ“ გეგმებს, სწორედ ისეთს, როგორსაც იცავდენ ევროპაში სახელმწიფოებრივი სოციალიზმის ზოგიერთი მიმდევრები. ბანკის ფუნქცია, ნიკოლაძის კონცეპციით, არა ვაჭრობა-მრეწველობის გაფართოებაშია, არამედ თავისუფალი ვაჭრობის მოსპობაში, ამხანაგობების შედგენაში. აქედან ნათელია, რა დანიშნულებას და შინაარსს აძლევდა ნიკოლაძე საბანკო საქმეს ჩვენში. მაგრამ იმ ხანებში ხომ თავად-აზნაურობა აარსებდა ჩვენში ბანკს თავისი ინტერესებისათვის. განა შესაძლებელი იყო სოციალისტური პრინციპის შეგუება თავად-აზნაურულ ბანკთან, მაშასადამე, მთელს თავად-აზნაურობასთან? რა იყო საერთო რეაქციონურ წოდებასა და „სოციალისტურ საბანკო პრინციპებს შორის“?

როგორ ახერხებდა ნიკოლაძე ამ ორი საწინააღმდეგო კატეგორიის შეერთებასა და შეთანხმებას? ან იქნებ მას სხვა სოციალური კლასი ჰყავდა მხედველობაში, როდესაც საბანკო საქმეს თავის „სოციალისტურ პრინციპებს“ უდებდა სარჩელად?

ცხადია, ნიკოლაძეს მიზნად არ ჰქონდა დასახული თავად-აზნაურობის, როგორც წოდების, ფეხზე წამოყენება და მისი ეკონომიურად გაძლიერება. მას, როგორც უტოპისტს, არ ესმოდა წოდებათა შორის ბრძოლის მნიშვნელობა; მისი მიზანი იყო ამხანაგობის შექმნა და ამ გზით აცილება კაპიტალისტური ეკონომიკის განვითარებისა და მისი შედეგების. სწორედ ამ მიზნით ცდილობდა ნ. ნიკოლაძე შეერიგებია წოდებები ჩვენში და მშვიდობიანი ურთიერთობა, თანასწორობა ჩამოეგდო მათ შორის. ასეთი პროგრამის შესრულებაში უდიდესი როლი უნდა ეთამაშა იმ საბანკო პოლიტიკას, რომელსაც იმ პერიოდში იცავდა ნიკოლაძე. ასეთი არის პრინციპული საფუძვლები ნიკოლაძის პროგრამისა: იგი მშვიდობიან ამხანაგობათა შექმნის გზით ერის გაერთიანებაზე ფიქრობს. მაგრამ ერთი პრინციპი, მეორეა მისი ცხოვრებაში გატარება, რეალურ სინამდ-

¹⁾ იგივე, „დროება“, № 47, 1876 წ.

ვილში განხორციელება. მას აზინებს ჩვენი საზოგადოების ხალხის პროლეტარად გადაქცევა; ეს რომ არ მოხდეს, საჭიროა შესაფერისი საბანკო პოლიტიკის წარმოება, გარკვეული საადგილ-მამულო პროექტის წამოყენება.

აქ არის დასმული ტრალიკული საკითხი ნიკოლადისათვის, რომელიც ააშკარავებს მის სოციალისტურ პრინციპსა და პრაქტიკულ საქმიანობას შორის არსებულ გადუვალ წინააღმდეგობას. პრაქტიკულად ნიკოლადის საბანკო პროექტი არ სცილდება იმ სოციალური კლასის ინტერესებს, რომელსაც ქვეყნადის პოლიტიკაც ემსახურებოდა. ეს არის თავად-აზნაურობა, ეკონომიურად გაღატაკებისა და დეკადანსის გზაზე შემდგარი რეაქციონური წოდება. ილია ქვეყნადი ამ წოდების ინტერესებს უფარდებს ბურჟუაზიის აღებ-მიცემობის და ეაქრობის თავისუფლების პრინციპს, ნიკოლადე კი „სოციალისტური“ საბანკო პოლიტიკით ცდილობს მათ დახმარებას. ყური ვათხოვოთ ნიკოლადის არგუმენტაციებს. იგი სწერს:

„მაგრამ რადგანაც (თავად-აზნაურთა წოდების) გამიჯვნის დაბოლოვებამდე ჩვენს თავად-აზნაურობას ტყავი გასძვრებოდა უბედურობის გამო, საჭირო იყო ჩვენში ისეთი ბანკის გამართვა, რომელშიაც საადგილ-მამულო პრინციპი შეზავებული ყოფილიყო ერთიერთობის ნდობის ბანკის პრინციპთან¹⁾. ან კიდევ: „თუ თავად-აზნაურობას ეკონომიურად არ დაეცხმარეთ, მამულები დარჩებათ მოსულებს; უცხო ქვეყნების მყიდველ-გამყიდველებს, რომელნიც ან ჩამოგვესიძებიან და ხალხს გაყვლეფენ, ან და მოსულნი ჩვენი ადგილ-მამულით ივაქრებენ, ჩვენს საზოგადოებას და ხალხს პროლეტარად გადააქცევენ“²⁾.

ნიკოლადის არგუმენტაციები ნათელი და გარკვეულია. თავად-აზნაურობის ეკონომიურად დაცემასთან („ტყავის გაძრობა“) ერთად აქ წამოყენებულია ეროვნული მომენტიც. ამრიგად, ნიკოლადის „სოციალისტური პროექტი“ პრაქტიკულად ემსახურებოდა თავად-აზნაურობის ინტერესებს. უკეთ: სოციალისტური პრინციპი და პრაქტიკული ინტერესი აქ დაშორებულია ერთიმეორეს. ეს ფაქტი ნათ-

¹⁾ „დროება“, № 35, 1876 წ.

²⁾ იქვე.

ლად ააშკარავებს ნიკოლაძის სოციალისტური მიდრეკილების კრიზისების დასაწყისს. აღსანიშნავია შემდეგი ფაქტი: როგორც დიხი ნახეთ, ევროპის პირობებში საზოგადოებრივ (სოციალიზმის) საკითხს ნიკოლაძე უკავშირებს მუშათა კლასის ინტერესებს. იქ იგი ნათლად ამჩნევს კლასთა ბრძოლასა და სოციალური ბრძოლის კლასობრივ შინაარსს¹). საქართველოს სინამდვილეში 1876 წ. ნიკოლაძე კლასთა ბრძოლას თითქმის ვერ ხედავს და არ ერიდება „სოციალისტური პრინციპი“ გამოიყენოს თავად-აზნაურობის ინტერესების დასაცავად. ასეთი გაორება ნიჭიერი და დიდად განვითარებული პუბლიცისტისა დამახასიათებელ მოწინააღმდეგე უნდა ჩაითვალოს ჩვენი საზოგადოებრივი აზროვნების ისტორიაში.

ეს ფაქტი გარკვევით და უდავოდ ამტკიცებს იმას, რომ 60—70-იანი წლების ჩვენმა ინტელიგენციამ სოციალიზმი გარეგანი ფორმით შეითვისა, ხოლო მისი (სოციალიზმის) არსებითი სოციალური შინაარსი ფაქტიურად ვერ გასცილდა მაშინდელი ჩვენი ეკონომიური და საზოგადოებრივი ურთიერთობის პირობებს. ფორმა სხვა არის, მისი არსებითი შინაარსი სხვა²).

¹) არალეგალური „დროშის“ ფურცლებზე იგი სწერდა: „ლონდონში და საზოგადოთ ინგლისში ეჭლა ძლიერ შესანიშნავი მოძრაობაა იმ მიზნით, რომ შემდეგი საზოგადო ამოჩრეცების დროს ინგლისში პარლამენტისთვის მუშების მხრით რამოდენიმე დეპუტატი დაინიშნოს. ამ საქმისთვის თვით მუშებს რამდენიმე კომიტეტი შეუდგენიათ, და ლონდონში პირველ კანდიდატათ გამოჩენილი ანტიკატორი თჯერი გამოდის. ამას სოციალისტური შინაართულება აქვს, და მისი გავლენა ძლიერ შესანიშნავია ინგლისის მუშებზე“. (იხ. „დროშა“, პ. 3, 1873 წ. ინაბეზა რეფლუქციის მუხებში).

²) ჩვენთვის უდავოა ის დებულება, რომ ნიკოლაძის პრინციპებს იმ პერიოდში სარჩელად არ ედგა თავად-აზნაურობის წოდების, როგორც ასეთის, ინტერესების დაცვა. მისი მიზანი უფრო საერთო და ჭეშანიური იყო. მაგრამ როდესაც ნიკოლაძემ ამ თავისი სოციალური პროგრამის ცხოვრებაში გატარება მოინდომა, ე. ი. საბანკო საქმის გამოყენება სცადა თავისი პროგრამის განსაზოციელებლად, აქ აშკარა გაბდა გარდუვალი წინააღმდეგობა მიზნებსა და სინამდვილეს, ოცნებასა და ცხოვრებას შორის. ნიკოლაძეს არ ჰყავდა შესაფერისი სოციალური კლასი, რომ მას დაერწმუნებოდა და მისი საშუალებით ემოქმედნა. ერთადერთი წრე, ერთადერთი საზოგადოებრივი მოქმედი ძალა თავად-აზნაურობა იყო და ამ წოდებას ჰქონდა დაპყრობილი ჩვენი ცხოვრების ყოველი მნიშვნელოვანი დარგი და მის გარეშე შეუძლებელი იყო მუშაობა და პრაქტიკული მოღვაწეობა. ნიკოლაძე იძულებული შეიქნა, სარბიელის უქონლობის გამო, ამ საზოგადოებრივი ძალისათვის მიემართა და იქ შეეტანა თავისი ახალი აზრი. მაგრამ რადგან ამ წრესა და ნიკოლაძის იდეალებს შო-

მრავალშრიც საინტერესოა ნიკოლაძის სოციალ-პოლიტიკური აზროვნების ევოლუციის შესწავლა 1876 — 78 წლების შემდეგ. სამწუხაროდ, ამ წერილის ფარგლები და შინაარსი ამის ნებას არ გვაძლევენ, მაგრამ ორიოდ ცნობით მაინც საჭიროა ამ დიდი პიროვნების სოციალურ მისწრაფებათა ევოლუციის შინაარსის და ფორმების მოხაზვა.

ჩვენი საკმაოდ გავიცანით ნიკოლაძის სოციალისტური მრწამსის შინაარსი. ლუი ბლანთან საუბრის დროს (1872 წ.) იგი გარკვევით დგას სოციალური რესპუბლიკის ნიადაგზე და მიითხოვს „მეშა ხალხის“, რევოლუციონერების დარაჯმავს გადასჭრელი ბრძოლისათვის. 1879 — 82 წლების ნიკოლაძის ეს რევოლუციონური უტოპიზმი ევლარ ხიბლავს. მისი აზროვნება პრაქტიკული პოლიტიკის გზით მუშაულობდა, მაგრამ მაინც განსაკუთრებულად საინტერესო ფორმებს იღებს. მას კვლავ აქვს კავშირი და ნაცნობობა რუსეთის ნაპოლეონებთან. ერთ დოოა მას „ნაპოლეონი ეოლიას“ რედაქტორად ეპატიებოდნენ, მაგრამ ნიკოლაძე არ დათანხმდა, რადგან იგი წინააღმდეგი იყო ტერორისტული ტაქტიკის და რევოლუციონური მოქმედების. მისი პოლიტიკური ხახი იმ დროს რუსეთის მთავრობასთან მშვიდობიანი მორიგებისაკენ იყო მიმართული. ამ ნხრით ნი-

კოლაძე გარდაუდებული უფსკრული აღმოჩნდა, ნიკოლაძე დამარცხდა პრაქტიკულად: იცნება სძლია სინამდვილემ. ასეთი ტრადიციული ბედი იყო ნაყოფი ჩვენი საზოგადოებრივი ცხოვრების განვითარებლობისა, ჩვენი საწარმოო ძალების და სოციალური კლასების დაუდუღებლობისა. განა ასეთივე ბედი არ ეწია მეორე ჩვენს პუბლიცისტ-სოციალისტ ან. ფურცელაძეს; განა ისიც თავად-აზნაურულ ბანკებში არ ტრიალებდა და არ უთხზავდა პროექტებს ამავე ბანკებს, მიუხედავად თავისი პრინციპიანადი წინააღმდეგობისა ამ წოდებისა და ამ ბანკებისადმი? ცხადია, რომ ანტილიბერალიზმ, რადიკალურად განწყობილმა, ვერ ნახა შესაფერისი ნიადაგი და, სამწუხაროდ, თავისი ენერგია იქით მიმართა, სადაც მეტი მოძრაობა იყო. აქ მართაა ლიბერალურ-უტოპიური სოციალიზმის დამარცხების უმთავრესი მიზეზები.

ნიკოლაძეს იმ პერიოდში სურდა დაეცა გლეხის ინტერესებიც და თავდაზნაურებისაც, მისი მიზანი იყო ორივე ეს წოდება დაეკმაყოფილებინა მიწით, შეთანხმებული და მშვიდობიანი საბანკო პოლიტიკით; მაგრამ როგორ შეიძლებოდა ამ პოლიტიკის სისწორით ცხოვრებაში გატარება? ძირითადი შინაარსი იმ უთანხმოებისა, რომელიც წოდებათა შორის არსებობდა საქართველოში, მიწის საკითხში გამოიხატებოდა; მიწა დაგროვილი იყო თავდა-აზნაურების ხელში, ხოლო გლეხობა უმიწოდ იყო დარჩენილი. განა აქედან ცხადი არ არის, რომ სწორი აკრარული პროგრამის შემუშავება შეიძლებოდა მხოლოდ იმ შინაარსით, რომელიც მოითხოვდა მიწების ხელახლად გადანაწილებას წოდებათა შორ-

კოლაძე დაუახლოვდა რუსეთის ნაროდნიკების იმ მემარჯვენე მიმდრეწობას (მიხაილოვსკი, კრივენკო, ვ. ვორონცოვი), რომელიც რუსეთის ხსნას ხედავდა რეაქციონურ მთავრობასა, რეაქციონურ ერთობასა და სოფლის თემში და რომელიც 90-იან წლებში ლეგალური ნაროდნიკობის სახით გაბატონდა რუსეთში (იხ. ქვევით მე-2 განყოფილება). აღსანიშნავია სწორედ ეს მომენტი ნიკოლაძის სოციალ-პოლიტიკურ აზროვნებაში, სწორედ ის, რომ ნიკოლაძე რუსეთის რეაქციონური მთავრობის, თემისა და არტელების შეთანხმებული თანამშრომლობის საშუალებით ცდილობდა რუსეთის ხალხის ხსნას და ეკონომიურად წარმატებას. ცნობილია ნიკოლაძის როლი იმ ისტორიულ მოლაპარაკებაში, რომელიც წარმოებდა რუსეთის რეაქციონურ მთავრობასა და რევოლუციონურ პარტიას „ნაროდნია ვოლის“ შორის. ამ მოლაპარაკებაში ნიკოლაძეს მონაწილეობა რაიმე პირადი ინტერესებისათვის არ მიუღია, მას ალაპარაკებდა პრინციპიალური საფუძვლები და გარკვეული პოლიტიკურა ხაზი. თავისი სამოქმედო პროგრამა მან წინასწარ შეუთანხმა ნ. მიხაილოვსკისა და კრივენკოს მოსაზრებებს¹⁾. როგორია ნიკოლაძის პრინციპიალური მოსაზრებანი? ქართველი ინტელიგენციის სოციალ-პოლიტიკური აზროვნების დასახასიათებლად საინტერესოა ვერცლად გაეცნოთ ეს მოსაზრებანი.

1882 წელს ჩვენში ცნობილ ბოროზდინს, რომელიც თანამშრომლობდა რუსეთის რეაქციონურ ორგანიზაციაში („Священникъ дружина“), მოლაპარაკება ჰქონდა ნიკოლაძესთან „ნაროდნია ვოლის“ პარტიასთან შეამდგომლობის შესახებ. ნიკოლაძემ არ

რის, თანახმად ეკონომიური საჭიროებებისა? ნიკოლაძე ასეთს რადიკალურს გარდაწვევტამდე ვერ მივიდა, სამაგიეროდ მან ყურადღება მეორე მომენტს მიაქცია: იგი ნათლად ამჩნევდა ჩვენში კაპიტალისტური აღებ-მიცემობის განვითარებას და თავად-აზნაურობის მიწების უცხო ტომების ხელში გადასვლას (იხ. ზევით მისი ციტატა). ნიკოლაძემაც თავისი საბანკო პოლიტიკა ამ უცხო ტომების ეკონომიური ბატონობის წინააღმდეგ მიმართა; მას სურდა შეგნით შეეთანხმებია წოდებები ურთიერთდამამარცხ ბანკის საშუალებით, ურთიერთ ნდობაზე აგებული პოლიტიკის გზით. ბანკს უნდა გადაეჩინა მიწების უცხო ხელში გადასვლა და გაენაწილებია იგი (მიწა) ქართველთა შორის. აქაც ნაციონალურმა მომენტმა დაამარცხა ნიკოლაძის სოციალისტური პრინციპი.

¹⁾ როგორც ქვევით დავინახავთ, კრივენკოც და მიხაილოვსკიც მოითხოვდნ თვითმპყრობელობასთან შეთანხმებას გარკვეული ნაროდნიკული სოციალისტების წინადაგზე.

იკოდა, საიდან იყო გამოგზავნილი ბოროზდინი, მაგრამ ამჟამად ჩვენთვის საინტერესოა არა ისტორია ამ ფაქტისა, არამედ თვითნაკოლადის სოციალ-პოლიტიკური აზრები. ბოროზდინი თავის მეშუარეობაში გადმოგვცემს: „გაზეთის შესახებ მოლაპარაკებების დროს შევსახე X.-ში (ნ. ნიკოლაძეში) პიროვნება, რომელსაც თვითმპყრობელობა მიაჩნდა ერთად-ერთ ძალად, რომელსაც შეუძლია გამოიყენოს ჩვენი სამშობლო თანამედროვე გასაქირიდან, მაგრამ მასთანავე იგი (ნიკოლაძე) მოითხოვდა მისგან (თვითმპყრობელობისგან) ყველაზე უფრო ენერგიულ დახმარებას რუსული სოციალიზმისათვის, სახელდობრ, წახალისებას ხალხის ეკონომიურ ცხოვრებაში არსებული ორი ბუნებრივი ფაქტორის — არტელის და თემის¹⁾. თავის „მემუარში“, რომელიც ნიკოლაძეს ბოროზდინისათვის გადაუცია 1882 წელს, იგი სწერს: „თვითმპყრობელობას შეუძლია სათავეში ჩაუდგეს მოძრაობას, აიღოს ყველაფერი, რაც-კი გონიერი და განსაზოგციელებელია სოციალურ მოძღვრებებში და მათი განხორციელება მიანდოს ხალხისათვის გულწრფელად და უანგაროდ თავდადებულ ახალგაზრდა ენტუზიასტებს, რომელნიც, მოკლებულნი არიან რა ხალხის სასარგებლოდ პრაქტიკული მოქმედების შესაძლებლობას, იღუპებიან ხელისუფლებასთან მშათა ბრძოლაში (იგულისხმება „ნაროდნაია ვოლიას“ ტერორისტული მოღვაწეობა). განხორციელება იმ (სოციალური) მოძღვრების მრავალი ნაწილისა, რომლებიც უახლოვდებიან ხალხის სოფლმხედველობის ისტორიულად შემუშავებულ სულისა და ხასიათს, — ხალხისა, რომელმაც დღემდე შეინარჩუნა არტელი და თემი, — ეჭვი არ არის, გააუმჯობესებს მის მატერიალურ მდგომარეობას და დაიხსნის მას კულაკებისა და ექსპლოატატორებისაგან.

„ყველა ამის შესასრულებლად საჭიროა: ა) სრული ამნისტია, ბ) შეუზღუდავი ასპარეზი ახალგაზრდობის მოქმედებისთვის — წერილობითი და სიტყვიერი პროპაგანდის გზით, გ) საზოგადოებრივი თვითმოქმედების სფეროს გაფართოება და, უმთავრესად, დ) მთავრობის მტკიცე გადაწყვეტილება — სათავეში ჩაუდგეს აზრობა თანამედროვე მოძრაობას და გამოიყენოს ამ მოძრაობის ყოველი გონიერი მხარე თვითმპყრობელური ხელისუფლების სასარგებლოდ და სადიდებლად“²⁾.

¹⁾ Записка К. А. Бородинна с примечаниями Николадзе, „Былое“, № 10, გვ. 138, 1907 წ.

²⁾ იქვე, გვ. 142—3.

ასეთს ჩიხში მოექცა ჩვენი პუბლიცისტი აღნიშნულ პერიოდში. მაგრამ ეს მოვლენა მარტო ნიკოლაძის სოციალ-პოლიტიკურ პოზიციას ნებას არ ახასიათებს; ასეთსავე ჩიხში მოგმწყვდია 80—90-იან წლებში მეტად საგრძნობი ნაწილი რუსეთის ნაროდნიკებისა: 70-იანი წლების რევოლუციონური მოძრაობის მონაწილენი — ჩერნიშევსკისა და ლავროვის მოწაფენი, ჟელიაბოვისა და სახელოვანი „Земля и Воля“-ს თანამებრძოლნი, — ერთი ათეული წლის შემდეგ რუსეთის თვითმპყრობელობასთან თანამშრომლობას მოითხოვდნენ რუსეთის სოციალისტური იდეების განსახორციელებლად. 70-იანი წლების მიწურულების რუსულ ტერორისტულ იაკობინიზმს 90-იან წლებში მოჰყვა ლეგალური ნაროდნიკობა, რომელმაც თავისი სამოღვაწეო პროგრამიდან საგსებით ამოშალა რევოლუციონური ტაქტიკა და შეგნება. ასეთს გადაგვარების გზას დაადგა რუსული სოციალიზმის — ნაროდნიკობის — ერთი მიმდინარეობა. ნიკოლაძეც ქუდმოხდილი შეჰყვა რუს ნაროდნიკებს ამ ჩიხში. ჩვენმა 60-იანი წლების სოციალიზმამაც ღრმა მნიშვნელობის კრიზისი განიცადა: „სოციალური რესპუბლიკის“, მაშასადამე, პარიზის რევოლუციონური კომუნარების თავყანისმცემლის ნიკოლაძის ძველი აზროვნება 80-იან წლებში ლეგალურმა სახელმწიფოებრივმა სოციალიზმმა შესცვალა. მაგრამ ეს სახელმწიფოებრივი სოციალიზმის თეორია, დაყრდნობილი არტელსა და თემურ წყობილებაზე, თავის სამოღვაწეო ასპარეზს იმუშავებდა არა ბუერეზიულ ევროპაში, არამედ თვითმპყრობელობის არტახებით შებოროკილ რუსეთში ¹⁾.

ნიკოლაძის სოციალისტური და პოლიტიკური აზროვნების ევოლუციის გასაცნობად ²⁾ საინტერესოა კიდევ ერთი მისი წერილი,

¹⁾ აქ უნდა შევნიშნოთ შემდეგი: თვით ნ. ნიკოლაძე თავის „მოგონებაში“, რომელიც გამოქვეყნდა 1906 წ., სწერს, რომ იგი 1882 წ. მოქმედებდა მიხაილესკისა და ს. კრივენკოს კარნახით. მათივე ზეგავლენით იქნა შემუშავებული მთავრობასთან მოსალაპარაკებელი პროგრამაც; თვითონ-ვე (ნიკოლაძე) პირადად ამ „პროგრამის“ შეხატარს არ იხიარებდა (იხ. Н. Николадзе: Освобождение Н. Г. Чернышевского“, გვრ. „Билос“, 1906 წ. სექტემბრის წიგნი). ჩვენ ვფიქრობთ, ნიკოლაძის პოლიტიკა იმ პერიოდში სწორედ იმ ხაზით მიმდინარეობდა, რომელიც ჩვენ აღვნიშნეთ და ამაში გამოიხატა სწორედ ნ. მიხაილესკის დიდი გავლენა მასზე. ნ. მიხაილესკის აზროვნებას იმ პერიოდში მკითხველი გაეცნობა ამ ნაშრომის მეორე წიგნის შესაძენი თავიდან.

²⁾ ნიკოლაძის სოციალისტური აზროვნების დასახასიათებლად საინტერესოა მასალას იძლევა მისი წერილი: „Луи Блан и Гамбетта“, რომელიც მოთავსებული იყო გვრ. „Отечественные записки“-ს 1883 წლის № 1-ში. სამწუხაროდ, ამ წერილს ამჟამად აქ ვერ შევებებით.

მოთავსებული 1894 წ. ჟურ. „მოამბეში“. აქ უნდა აღინიშნოს, რომ 16 წლის განმავლობაში იგი თავის ძალ-ღონეს რუსულ პრესას ანდომებდა; ჟორდანიას თქმით, ნ. ნიკოლაძე 1879 წლიდან ქართულ ჟურნალ-გაზეთებს ჩამოშორდა და მხოლოდ 1894 წელს მოიბრუნა პირი „მოამბის“ საშუალებით¹⁾.

ნიკოლაძის წერილი საინტერესოა მით, რომ იგი დასკვნას უკეთებს თავის პრაქტიკულ ბურჟუაზიულ საქმიანობას და ხაზგასმით აღნიშნავს მრეწველობის მნიშვნელობას ერის ცხოვრებაში. ნიკოლაძე სწერს:

„მრეწველობის უქონლობა ცხადია უდიდესი ნიშანია ქვეყნის ჩამოქვეითების და უკან ჩამორჩენის. ამ ქვეყნის ბედში არავითარი ცვლილება არ მოხდება თვალსაჩინო, არც ქონებრივი, არც საზოგადო, არც პოლიტიკური მხრივ, სანამ ის მრეწველობის საშუალებით ეკონომიური მონობისაგან არ დაიხსნის თავს უცხოეთის ხელიდან. აიღეთ რომელიც გსურდეთ, იმ ერის ისტორია, ყოველგან ცხადიათ დაინახავთ, რომ მისი აღორძინება, მისი ქონებრივი სიფხიზლე, მისი განვითარება, ალემ-მიცემობა, მრეწველობის ზედ დართული შიდეგი და ნაყოფი ყოფილა. თვით ისეთი ქვეყანა რომ გავიხსენოთ, რომელიც ნიადაგ პოლიტიკურად დამოუკიდებელი, თავისუფალი ყოფილა, მაგ., ჩერნოგორია, იმისი მდგომარეობაც აგვიხსნის, რომ ეს თავისუფლება ნამდვილი მონობაა: პოლიტიკურად მთავრის მონაა და ეკონომიურად უცხოეთის მრეწველობისა. სადაც მრეწველობა არ არსებობს, და საცა, მაშასადამე, ალემ-მიცემობა, ვაჭრობა თანდათან უფრო და უფრო აუძლურებს ხალხს და ქვეყანას, იქ უმეტესი ნაწილი ერისა ნიადაგ დაბალი მუშაა დაწინაურებული უცხოეთისა... სენ-სიმონი და მისი მოწაფე ოგიუსტ-კონტი მთელი კაცობრიობის განვითარების ისტორიას სამ ნაწილად, სამ საფეხურად ჰყოფენ. მათი სწავლით ყველა ერმა აუცილებლად შემდეგი სამი სტადია უნდა გაიაროს, ერთი მეორის შემდეგ: მხედრული, მრეწველი და საზოგადოებრივი. ვინც ამათ ნაწერებს გადაიკითხავს და მას ჩვენ მდგომარეობას შეადარებს, ის დარწმუნდება, რომ ჩვენი ქვეყანა დღეს თავიდან ბოლომდინ, კიდის კიდემდე ჯერაც პირველ სტადიას,

¹⁾ ნ. ჟორდანია: „ქართული პრესა“, გვ. 72, 1900 წ.

მხედრულ წესწყობილებას, ვერ ასცილებია, ვერ და მოსთხოვებია. როცა ევროპა საფუძვლიანად იწუნებს და აღმჯობესებს თავის მრეწველ-წყობილებას იმ აზრით, რომ მესამე უმაღლეს სტადიაზე შედგას ფეხი და საზოგადოებრივი წესი გააწყოს (ხაზი ჩვენია. ს.ხ.), ჩვენ კიდევ ის გვაქვს სანატრელი და საძიებელი, რომ იქნება როდისმე მხედრული წყობის შემუსვრა და მრეწველობის დაარსება გვეღირსოსო¹⁾.

ამ წერილიდან სჩანს, რომ ნიკოლაძეს სავსებით თავი გაუთავისუფლებია ძველი ნაროდნიკული, რუსული უტოპიზმისაგან და სასწორო ევროპის უტოპისტებისაგან, სენ-სიმონიზისაგან გადაუხრია: სენ-სიმონის თეორიით ცდილობს იგი დაასაბუთოს მრეწველობის განვითარების აუცილებლობა ჩვენში, ხოლო მრეწველობის განვითარებას თავისთავად მოჰყვება მესამე უდიდესი საფეხური — „საზოგადოებრივი წესის განწყობა“. ჩვენ კარგად ვიცნობთ, თუ როგორ ესმოდა თვით სენ-სიმონს „საზოგადოებრივი წესის განწყობა“: იგი მომხრე იყო წარმოების სახელმწიფოს ხელში გადასვლისა და მოწესრიგებისა, მაგრამ სრულიად არ ცდილობდა თანამედროვე კლასების მოსპობას; წინააღმდეგ, მისი პროგრამა მიმართული იყო მრეწველობასა და მუშების შეერთებული თანამშრომლობისაგან მოწესრიგებულს წარმოებაში²⁾, ე. ი. სენ-სიმონი არ სპობდა იმ სოციალურ საფუძვლებს, რომელზედაც არის აგებული თანამედროვე კაპიტალისტური მრეწველობა. ამ კონცეპციას იზიარებს 1894წ. ნიკოლაძე: აქედან ჩანს, რომ 1894 წ. ნიკოლაძე არ გამოსთხოვებია „სოციალიზმს“, თუმცა მისი „სოციალიზმი“ განსაკუთრებულ სახეს და ფორმას იღებს. იგი გადაჭრით და გაბედულად მოითხოვს ჩვენში კაპიტალისტური წყობილების განვითარებას. ნაროდნიკული აზრებით გატაცების პერიოდში, 1865 წელს, იგი ასეთ დებულებას არ აცნობდა: მას კიდევაც ეშინოდა კაპიტალიზმის განვითარებისა ჩვენში. მაგრამ „ისტორიამ“ ძირიანად შესცვალა მისი აზრები და იგი უფრო პრაქტიკულ ნიადაგზე დააყენა; მისი მომავლის გეგმაც ერთგვარი მოწესრიგებული კაპიტალიზმია, სენ-სიმონისებური სამრეწველო ასოციაცია.

ასეთია ნიკო ნიკოლაძის სოციალისტური აზროვნების უმთავრესი ეტაპები.

70-იან წლებში სოციალიზმი ჩვენში შეიძლებოდა საგრძნობ

¹⁾ ვერ. „მოამბე“, № 8, გვ. 128 — 29, 1894 წ. ნიკოლაძის წერილი.

ძალად გადაქცეულიყო მხოლოდ იმ შემთხვევაში, თუ ამისათვის ნიადაგი იქნებოდა მზად: ეკონომიური პირობები და სოციალური კლასი. 60 — 70-იან წლებში საქართველო ფაქტიურად გარდამავალი პერიოდის პირობებში იმყოფებოდა. ასეთს პირობებში, რასაკვირველია, არ შეიძლებოდა არსებულიყო მკვეთრად ჩამოყალიბებული კლასობრივი ბრძოლა პროლეტარიატსა და ბურჟუაზიას შორის. ამიტომ ცხადზე უცხადესია, რომ სოციალიზმის პრინციპებს ჩვენში არა ჰქონდა სოციალურად დასაყრდნობი ბაზა, ნათლად გამოკვეთილი კლასობრივი საფუძველი. ამიტომ ევროპიდან და რუსეთიდან შემოტანილი სოციალისტური პრინციპი ძალაუვნებურად ემორჩილებოდა ადგილობრივ სოციალურ პირობებს და ამ პირობების ზეგავლენით მეტად საგრძნობ ცვლილებებს განიცდიდა: ჩვენი ცხოვრების გარემოება და სოციალური საჭიროებანი თავისი ინტერესების მიხედვით ამუშავებდნენ უცხო ნიადაგიდან შემოტანილ სოციალისტურ აზროვნებას.

ნიკოლაძის სოციალისტურმა აზროვნებამაც ეს ცვლილებები განიცადა. ერთ დროს რევოლუციონერად და სოციალისტურად განწყობილი ქართველი პუბლიცისტი ბოლოს დაემორჩილა „ცხოვრების დენას“. საქართველოს მკაცრმა სინამდვილემ თავისი მოითხოვა; ძველი არწივი ფრთებშეკვეცილი დაეშვა მშობლიურ ნიადაგზე; სოციალიზმი ლიბერალურმა აზროვნებამ დაჰფარა, რევოლუციონიზმი — ბუჟუაზიულ — ოპორტუნიისტულმა სულიერმა განწყობილებამ; ძველი ფორმის თეორიები და პრინციპები პრაქტიკული პროგრამის შინაარსით აივსო: ნიკოლაძის სოციალისტური პრინციპები ჩვენი ცხოვრების პრაქტიკულმა პირობებმა დაამარცხა.

ჩვენი საზოგადოება ნიკო ნიკოლაძეს უფრო იცნობს, როგორც ლიბერალურ პროგრესისტ მოღვაწეს, ვიდრე სოციალისტსა და რევოლუციონერს. მაგრამ ეს სრულიადაც არ ნიშნავს იმას, თითქოს ნიკოლაძემ თავისი ვალი არ მოიხადა ჩვენი ისტორიის წინაშე და, ევროპისა და რუსეთის სოციალისტური პრინციპებით დატვირთულმა, არ შემოაღო ჩვენი ცხოვრების შემოსასვლელი კიშკარი. რა ეუყოს, რომ ამ სოციალისტური ტვირთის ზიდვა მან სათანადოდ ვერ შესძლო: ამაში დამნაშავეა არა ნიკოლაძე, არამედ ჩვენი ისტორია და ჩვენი ცხოვრების განუვითარებლობა: ნიკოლაძე საკმაოდ აღესილი იყო რევოლუციონური შეგნებითა და სოციალისტური პრინციპებით, მაგრამ ჩვენი ცხოვრების უღმობელომა პირობებმა განტვირთეს იგი ამ დიდი ბარგისაგან; მკაცრი ცხოვრება უფრო ძლიერი გამოდგა, ვიდრე ნიკოლაძის პრინციპები და თეორია.

თ ა ვ ი მ ე რ ვ ი

ანტონ ფურცელაძის სოციალისტური წერილები.

სამოციანი წლების ჩვენ საზოგადო მოღვაწეთა შორის ერთი თვალსაჩინო ადგილი აუცილებლად ანტონ ფურცელაძესაც ეკუთვნის¹⁾. თუმცა თავისი ნიჭით იგი ვერ შეედრება ნიკოლაძეს, მაგრამ თავისი ლიტერატურული მოღვაწეობის მრავალფეროვნებით შედარებით მაღლა სდგას ნიკოლაძეზე. ან. ფურცელაძე მრავალმხრივი მოღვაწეა: იგი დრამატურგიც არის და იმავე დროს პრაქტიკული მოღვაწეც, პოეტიც და პუბლიცისტიც, ბელეტრისტიც და პარტიული მომუშავეც, კრიტიკოსიც და ისტორიკოსიც, ბანკირიც და რედაქტორიც. ერთ პიროვნებაში ამდენი სხვადასხვა მხარის თავის მოყრა ჩვენი საერთო ცხოვრების დამახასიათებელია: ჩვენს მწერლებს არა ჰქონდათ არჩეული ერთი გარკვეული პროფესია, ისინი თავიანთ ნიჭსა და ცოდნას ერთი გარკვეული მიმართულებით არ ამუშავებდენ, მათ იტაცებდა მრავალფეროვნება და ყოველმხრივობა. კულტურული

¹⁾ ან. ფურცელაძის შესახებ ქართულ ლიტერატურაში სხვადასხვა აზრია გავრცელებული; ისტორიული სისწორით მისი სოციალ-პოლიტიკური სოფლმშენებელობა ჯერ არ ყოფილა დაფასებული, არ. ჯორჯაძემ თავის ინტელიგენციის მასალებში ვერ გამოიჩინა მიუდგომლობა და არსებითად დამოწმებდა ამ მოწინააღმდეგეთა დებულებებს, რომლებთანაც კამათი უხდებოდა ან. ფურცელაძეს. ცნობილია, რომ 1863 წელს, როდესაც გამოვიდა პირველად ილია ქაქუაშაძის ჟურნალი „საქართველოს მოამბე“, ანტონ ფურცელაძემ მის წინააღმდეგ გაილაშქრა (იხ. ქერელი ბექას წერილები 1863 წ. „ცისკრის“ მარტისა და ივლისის ნომრებში). ეს ფაქტი საბუთს აძლევს ჯორჯაძეს მკაცრად მოეპყროს ან. ფურცელაძეს და გაჰკიცხოს მისი „ტაქტიკა“, მაგრამ ამ „გაკიცხვის“ დროს ჯორჯაძეს გამოეპარა ან. ფურცელაძის სოციალ-პოლიტიკური სოფლმშენებელობა და მისი ძირითადი საფუძვლები. რასაკვირველია, 1861-63 წლებში მომხდარი შეტაკების დროს ან. ფურცელაძის ადგილი იყო ახალი თაობის რიგში, „საქართველოს მოამბის“ ბანაკში, და არა დრომოკმეულ „ცისკრის“ ორგანოში. მიუ-

ძალების უქონლობის გამო ჩვენი მწერალი იძულებული ხდება ყოველ ფურცელზე აწარმოოს ბრძოლა, ყოველი მიმართულებით დახარჯოს თავისი ცოდნა და შემოქმედება. ანტონ ფურცელაძეც ვერ ასცდა ამ საერთო პირობებს და მანაც თავისი ცოდნა და შემოქმედება მრავალი მიმართულებით სცადა.

ამ ნარკვევში გვაინტერესებს, რასაკვირველია, ანტონ ფურცელაძის სოციალ-პოლიტიკური იდეალები და უმთავრესად კი სოციალისტური შინაარსის ის გეგმები, რომლითაც ის საქართველოს ეკონომიური წყობილების მოწესრიგებას ცდილობდა¹⁾.

ამ ნარკვევის შესავალში ჩვენ აღვნიშნეთ, რომ ანტონ ფურცელაძე არის ერთგვარი გარდამავალი ხიდი ჩვენში ლიბერალური სოციალიზმიდან წერილბურჟუაზიულ — ნაროდნიკული სოციალიზმისაკენ. ეს არის ერთი დამახასიათებელი თვისება ანტონ ფურცელაძის პოლიტიკური აზროვნებისა, უკეთ: მასში თავმოყრილია ელემენტები

ხედავად ამისა, ანტონ ფურცელაძეს არ უღალატნია თავისი პრინციპებისათვის და „ცისკარის“ საშუალებით შემოაქონდა ჩვენში რადიკალური და დემოკრატიული აზრები. აღსანიშნავია, რომ ან. ფურცელაძემ 1863 წ. ქვეყლი ბეჭდის ფსევდონიმით პირველად ჩვენს ლიტერატურაში გააჩნია დ. კონქაძის „სურამის ციხე“ და აღნიშნა მისი დიდი მნიშვნელობა. ან. ფურცელაძე სწერდა: „სურამის ციხე“ დასაცა ზარი, დაუბადა ტანში ქრუანტელი სიძველისა და სიცრუის მქადაგებლებსა, აღმღერია სისხლი, დაასია ესენი დაწინაურებულ აზრების პატრონებზე. პატარა ხანს შეშინებული კონსერვატორები გამოვიდნენ ისევ ასპარეზზე და დასცეს თავის საყვირი; აშალას თავის თანამოძმე და მომხრე ხალხის მიაგებეს დაფნის გვირგვინი... ქვემოელ ცქეთიმე წერეთელს (მამია გიორგი წერეთლისა. ს. ხ.), ბერიძეს, რჩეულოვს და სხვა ამგვარ უნიჭოს და კონსერვატორს მწერლებს“ (იხ. ქვეყლი ბეჭდის წერილი „ცისკარში“. № 1, გვ. 115 — 16, 1863 წ.). ან. ფურცელაძე დაახლოებით 1867 წლამდე სწერდა „ცისკარის“ ფურცლებზე და იცავდა თავის რადიკალურ სოფლმხედველობას. ბილოს მან „დროებაში“ სცადა თანამშრომლობის დაწყება, მაგრამ, უთანხმოების გამო, თავი დაანება მას და 1869 წლიდან ჟურნ. „მნათობის“ უახლოესი თანამშრომელი გახდა. 1873 წლიდან იგი „გუთნის დედის“ რედაქტორი და უახლოესი თანამშრომელი იყო. თავისი პროგრესულ-რადიკალური აზროვნებით ან. ფურცელაძემ უკვე 60-იანი წლების დასაწყისიდან გაილაშქრა ძველი თაობის დახასეხებული აზროვნების წინააღმდეგ.

1) ჩვენ ამ ნაშრომში არ ვეხებით ან. ფურცელაძის მხატვრულ ნაწერებს. მისი დემოკრატიზმი და სიყვარული ხალხისადმი ნათლად არის გამოხატული მთელს რიც მის ნაწერებში. მოთხრობა „ჟაი მართალთა“ იმ მხრით არის საინტერესო, რომ ავტორმა მოინდომა ქართული „სოციალისტების“ ტიპი დაეხატა და პარიზის კომუნისაკენ გაესტუმრებინა. როგორც გადმოგვცემენ, ამ მოთხრობაში ან. ფურცელაძემ ირთი ქართველი: ცნობილი ნაროდნიკი მ. ყიფიანი და მარიამ კერესელიძე აიღო ტიპებად.

როგორც უტოპიური სოციალიზმისა, ისე ნაროდნიკული აზროვნებისა ერთის მხრით, იგი თითქოს ითავისუფლებს თავს ევროპის სტოლიზმის გავლენისაგან და გადადის ნაროდნიკულ ნიადაგზე, მეორეს მხრით კი იგი ჩვენში არც ინდუსტრიის განვითარების საჭიროებას უარყოფს და ამით ლალატობს ნაროდნიკულ პრინციპებს. იგი გარკვევით აყენებს მიწის განსაზოგადოების პროგრამას, მიწის სოციალიზაციის პროგრამას, მაგრამ იმავე დროს არ ერიდება თეორიული და პრაქტიკული არგუმენტაციებით დაიცვას მრეწველობის საჭიროება და კაპიტალისტური ინდუსტრიის განვითარების პროექტიც-კი წამოაყენოს. თუ სწორია ჩვენი დებულება, რომ საქართველოში ევროპული და უტოპიური სოციალისტური სისტემების ქვეშ თავს აფარებდა ახლადწარმოშობილი ბურჟუაზიული ინტელიგენცია, რომელიც ფაქტიურად საქართველოსთვის უპროლეტარო კაპიტალიზმის განვითარების პროგრამას აყენებდა, ამ მხრით ანტ. ფურცელაძე სამოციანი და სამოცდაათიანი წლების ქართული ლიბერალური სოციალიზმის ტიპური წარმომადგენელია. მაგრამ ფურცელაძე საინტერესოა იმ მხრითაც, რომ იგი უკრიტიკოდ იღებს რუსული ნაროდნიკების მიწის განსაზოგადოების პროექტს და ამასთანავე ნაროდნიკული პარტიის ჩამოყალიბებაში აქტიურ მონაწილეობას იღებს.

ანტ. ფურცელაძის პოლიტიკური მოღვაწეობის სწორედ დამახასიათებელია ის ფაქტი, რომ სამოციანი წლების ჩვენ მოღვაწეთა რიგებიდან მან პირველმა, და შეიძლება ერთადერთმა, მიიღო მონაწილეობა საქართველოში გარკვეული მრწამსის მატარებელი რევოლუციონური პარტიის ჩამოყალიბების საქმეში... 70-იანი წლების საზოგადო მოღვაწე და ბელეტრისტი-ნაროდნიკი სოფრომ მგალობლიშვილი თავის მოგონებებში გადმოგვცემს:

„1873 წლიდან ქ. გორში დაარსდა სოციალ-რევოლუციონური (ხალხოსნური) საიდუმლო წრე, რომელმაც მიზნად დაისახა გაეცნო ხალხისათვის მთავრობის მავნე წეს-წყობილება, ჩაეხედებინა გლეხობა თავის ცხოვრებაში, დაერწმუნებია იგი, რომ უმამულოდ მისი განთავისუფლება ძველ ბატონ ყმობაზე უარესი იყო, რომ ამ გარემოებამ გლეხი უფრო ყურ-მოქრილი ყმა გახადა ნაბატონარისა. ამ განზრახვით მაშინ ჩვენ არალეგალური წიგნაკები ვთარგმნეთ, ვავრცელებდით და უკითხავდით ხალხსა. ანტონ ფურცელაძე, რომელიც მაშინ ტფილისში იყო და მუშა ხელოსანთა შორის მუშაობდა ეგნატე იოსელიანთან და ზაქარია ჭიჭინაძესთან ერთად, გახდა გორის წრის სუ-

ლი და გული. ერთად ვმუშაობდით და ვცდილობდით, მშვენიერად, სტამბა სოფ. ტყვიავში, არა ლეგალური წიგნაკების საბეჭდოდ, ტყვიაველი მღვდელის ვასილ სამადაშვილის ბინაზე. ამან იცოდა ასოთ ამწყობობა და ბეჭედა „მნათობის“ რედაქციიდან. საბეჭდავი ხელის მანქანა და ასოები „მნათობის“ რედაქციიდან, რომელიც იმ ხანებში დაიხურა, მოგვაწოდეს. საქმე ასატრიალებლად იყო მომდგარი, მაგრამ გვიჯაშუშეს, და ეს დაწყობილება ჩაგვეშალა. მღვდელი სამადაშვილი და ჩვენ ციხეში ჩავსვეს“¹⁾.

ვინაიდან ჩვენ ამ ნაწილში არ ვეხებით ფართოდ რევოლუციონური პარტიების პრაქტიკულ მოღვაწეობას, არამედ უმთავრესად გვიანტერესებს სოციალისტური აზროვნების ევოლუცია ჩვენში, ამიტომ ფართოდ არ განვიხილავთ ანტ. ფურცელაძის მუშაობას აღნიშნულ პარტიაში. საკმარისია იმ ცნობის მოყვანაც, რომ იგი პრაქტიკულად მონაწილეობას იღებდა გარკვეული რევოლუციონური პარტიის რიგებში, როგორც ერთ-ერთი მისი ხელმძღვანელი. მაგრამ ანტოა ფურცელაძე არა მარტო პრაქტიკულად, არამედ ლიტერატურის საშუალებითაც აგრძელებდა ჩვენში სოციალისტურ აზრებს²⁾.

ამ მხრით საინტერესოა ორი მისი წერილი: „ჩვენი სალტოლველო“ (1871 წ.), რომელშიაც მოთხრობილია ევროპის უტოპიური სოციალისტების (ოგენის, სენ-სიმონის, ფურიეს, ბაბიოფის, ლუი ბლანის, პრუდონის) მოძღვრებათა შინაარსი, და „მამულის საერთო მფლობელობა“, რომელიც მოთავსებული იყო 1874 წლის „გუთნის დედა“-ში (№ 9, 10 და 11).

პირველ წერილში ავტორი არ იძლევა მარტო სოციალისტური სისტემების ისტორიას, იქ იგი თავის საკუთარ პრინციპიალურ შეხედულებებსაც გვამცნევს საზოგადოებრივი ცხოვრების შესახებ. აღსანიშნავია ის ფაქტი, რომ რუსეთში პირველად დასავლეთ ევროპის სოციალისტურ მოძღვრებათა ისტორიას შეეხო ვლ. მილიუტინი 1847 წ. „ოტჩეტსტვენი ზაპისკის“ ფურცლებზე, სადაც მოთავსებული იყო მისი საყურადღებო წერილი: „პროლეტარები და პაუპერიზმი“³⁾.

1) სოფრომ მგალობლიშვილი: „მოგონებანი“, „ქართული სიტყვა“, № 16, 1924 წ. აგრეთვე მისივე „სოციალ-რევოლუციონური მოძრაობა საქართველოში 1870 წ. — 80 წ.“, ფურ. „რევოლუციის მატყანე“, № 4 — 5, 1924 წ.

2) ზევით ჩვენ ჟამს გავცდებით ან. ფურცელაძის შეხედულებას ლასალის თეორიაზე (იხ. გვ. 103 — 108).

3) Пажитнов: „Развитие социалистических идей в России“, ტ. 1, გვ. 51.

საქართველოში ამ როლის შესრულება წილად ხვდა ანტონ ფურცელაძეს 1871 წ., როდესაც ის შეეცადა ქართველი მკითხველი საზოგადოებისათვის გაეცნო ევროპის უტოპიური სოციალისტების სისტემები ფურცელაძე იმ დროის სოციალ-ეკონომიური მდგომარეობის შესახებ აღნიშნულ წერილში წერდა:

„კაცის ცხოვრება იმავე დასაწყისიდან დადგა იმ ბრუდე გზაზედ, რომ ძალმომრეობა, მოტყუება და სხვის ოფლით ცხოვრება შეიქმნა პირველი უნჯი კაცისა. ამან დაჰბადა ის წესი, რომ ასე უწყალოდ დატრიალდა ზოგიერთების ხელში აუტანელი ქონება და ზოგიერთი კი დარჩნენ სრულიად უბინოთ და უსაზრო; და ეს მდგომარეობა და უთანასწორობა ისე მრავლდება თვით უგანათლებულესს ქვეყნებში, რომ თუ მეცნიერება არ შეუდგა ამის თავდარიგს, კაცობრიობას რიგიანი ბოლო არ მიაღწის... მეტის-მეტმა ეკონომიურმა და საზოგადოებრივმა უწყესობამ დაჰბადა ის საშინელი უბინაო და მშიერი ხალხი, რომელსაც ეხედავთ ჩვენ დასავლეთს ევროპაში“¹).

უნდა აღინიშნოს, რომ ანტონ ფურცელაძე ამ წერილში თანამედროვე სოციალ-ეკონომიური წყობილების ახსნაში ვერ შეედრება გრ. თარხან-მოურავის და „დროების“ თანამშრომლის შეხედულებებს. ფურცელაძეს ამ მიმოხილვაში არა აქვს გარკვეული ეკონომიური კონცეპტია. უნდა ითქვას ისიც, რომ მისი თერმინოლოგია და პროლეტარიატის სოციალ-ეკონომიური მდგომარეობის ახსნა არ არის გარკვეული. მიუხედავად ამისა, ანტონ ფურცელაძე სხვებზე არა ნაკლებად წერდა და ქადაგებდა სოციალისტური პრინციპების შესახებ.

სად უნდა ვეძიოთ გამოსავალი ასეთი უკულმართი სოციალ-ეკონომიური წყობილებიდან? რას ფიქრობენ ამის შესახებ დაწინაურებული ევროპის მოაზრენი? ანტონ ფურცელაძე ვრცლად იხილავს სოციალისტური აზროვნების ვითარებას ევროპაში; იგი წერს:

„განათლებულს ქვეყნებში დიდი ხანია შესდგომიან საქმისა, შრომისა და საცხოვრებლის საზოგადოებაში თანასწორ განაწილების გამოცვლევას. ყველა (?) ეკონომისტები ჰხედავენ საცხოვრებლის და საქმის ურიგოდ განაწილებას, მაგრამ სხვა და სხვა საგნებში ეკონომისტთა შორის მოხდა უთანხმოება. დაწინაურებული მოაზრებები (ავტორის მხედველობაში ჰყავს სოციალისტები) ამტკიცებენ, რომ ეხლან-

¹) ანტ. ფურცელაძე: „ჩვენის საღთო ღვთაო“, ჟურნ. „მნათობი“ (მთისი), 1871 წ. გვ. 98.

დელი ხალხის ეკონომიური მდგომარეობა სრულებით შესაწავნად არ არის და უნდა საძირკვლიანად მოითხაროს და ახალ ეკონომიური მდგომარეობა დაწესდეს. უფრო დავარდნილი (?) მოაზრებები (ე. ი. ბუჩუაშვილი) ამტკიცებენ, რომ ეხლანდელი ეკონომიური მდგომარეობა სამართლიანია და ცვლილება უნდა მხოლოდ ზოგიერთ მეტისმეტად თვალში საცემს უწესოებათაო...

„ამ გვარის (უწესო) მდგომარეობის მოსასპობლად დაიწყეს წერა და ქადაგება მრავალთ მოაზრობებში (სოციალისტებში), რომელთ სიტყვა და ქადაგება შემძლებელის ხალხისა და ევროპის მმართველობასათვის არის ჯერაც აქამდის ამაო. მაგრამ ამათმა (სოციალისტების) სწავლამ აგრძნობია მუშას და სხვა გაჭირვებულ ხალხს თავისი უსამართლო მდგომარეობა და თან და თან თავს აღებინებს იმათ“¹⁾

შემდეგ ავტორი ქართველ მკითხველებს აცნობს ოვენის, ფურიეს, ბაბიოფის, სენ-სიმონის, პრუდონისა და ლუი ბლანის სოციალისტური სისტემების შინაარსს.

აქ საინტერესოა მოვიყვანოთ ავტორის ზოგიერთი შეხედულება უტოპიური სოციალიზმის მამამთავრებზე. რობერტ ოვენს ფურცელაძე ეხება ვრცლად და, სხვათა შორის, წერს:

„ოვენმა ნიუ-ლენერგში მოსპო თავისი ქცევით სიღარიბე, სიზარმაცე, უშვერება, სიბრიაყე, სალახანაობა, ქურდობა, ავაზაკობა, ჩხუბი და გინება და სხვა ბოროტებანი, რომელნიც მკვიდრად იყვნენ აქაურს მცხოვრებლებში დანერგილნი. ამ ბოროტების ნაცვლად დაჰბადა იმან აქ, ამ წამხდარს და დაცემულს ხალხში, მხნეობა და ბეჯითობა საქმეში, ზომიერი და პატიოსნური ყოფა-ქცევა, ძმური სიყვარული, კეთილი ცხოვრება, ზრდილობა და სხვა მრავალი სიკეთენი, ერთის სიტყვით იმ გვარი ცხოვრება, რომელიც გამოისახვის შემდეგის რუსთაველის სიტყვებში: „თხა და მგელი ერთად სძოვდეს“.

გადმოგვცემს რა ოვენის მოძღვრების შინაარსს, ავტორი განაგრძობს:

„სხვათა შორის ოვენი ჰქადაგებდა, რომ რადგან თვით კაცზედ არ არის დამოკიდებული იმისი სიცუდე და სიკარგე, იმის ღირსება და უღირსეულობა, ამის გამო არ უნდა იყვეს უმცროს-უფროსობა

¹⁾ ან. ფურცელაძე: „ჩვენი საღტოლველო“, თბილ. „მნათობი“, 1871 წ. (მანისი), გვ. 98 — 99.

არც ხარისხით, არც კუთით, არც ქონებით და სხვ. მხოლოდ ქმრისა და თანასწორულს ცხოვრებაში შეუძლიანთ კაცთ ტბილად და ბედნიერად ცხოვრება... რობერტ ოვენმა ამ თვისის სწავლით შეიძინა მრავალი მტერი, რომელნიც სცდილობდნენ, რომ ყოველი ჩიჩქი მოეცხოთ იმისა და მისი სწავლისათვის და თქმა აღარ უნდა, რომ უშვერსა და ანგარების მოყვარე ხალხში იმან სრულებით დაჰკარგა ყოველი ღირსება. მაგრამ იმისი სწავლა არ დარჩა უნაყოფოთ და რაც ხანი გადის — იმდენი უფრო ჰპოვებს მიმდევრებს¹⁾.

ფურიეს მოძღვრების დახასიათებას ავტორი წინ უმძღვარებს თავის შეხედულებას; იგი წერს:

„ეხლანდელი მდგომარეობა, როგორც მე ზემოთაც ვსთქვი, არის იმ გვარი მდგომარეობა, რომ თითქმის მომეტებული ნაწილი ხალხისა ან სულ უსაქმურად არის, ან ამისთანა საკმეხედა სდგას, რომელიც არავის სასარგებლო არ არის, ან ცხოვრებენ სხვის კისერზედ და სხვის ოფლით. მაშასადამე, სიღარიბეც აუცილებელი უნდა იყოს, რადგან არ არის საკმაო მუშა ხელი, რომ საკმაო საზრდო გამოიტანონ ჩვენი ბუნებიდან. ამის გარდა ბევრს კაცს სრულებათაც არა აქვს იმ საქმის ხალისი და ნიჭი, რომელზედაც სდგას, და აქვს სხვა საქმის ნიჭი და ხალისი. ამასთან თითქმის ყველას ნიადაგ ერთს საქმეზედ დგომით მობეზრებული აქვთ საქმე და მეტადრე თუ ეს საქმე მალე მოსაწყენიც არის. ან კიდევ ზოგი კაცი სულ იმ გვარს საქმეს ადგია, სადაც ან უნდა მარტო სხეულით უნდა იმუშაოს, ან მარტო გონებით.

„ამის გულისათვის ფურიე ამბობს, რომ ახალ წესდებულებაში ყოველი კაცი უნდა ადგეს იმ საქმეს, რომელიც საჭიროა, როგორც დღევანდელი, ისე ხვალისდელი კაცის ცხოვრებისათვის. ყველა უნდა აკეთებდეს იმ საქმეს, რომლისაც ნიჭი და ხალისი აქვს. ამასთან უნდა ყოველ კაცს ხშირად ეცვლებოდეს საქმე, რომ ერთს საქმეზედ დგომით ან გონებით არ დაჩლუნგდეს, ან სხეულით არ მოუძღოოდეს, რომ კაცი ხან გონების სამუშაოს ადგეს, ხან სხეულისას“²⁾.

სენ-სიმონის შესახებ ავტორი წერს:

„ამ სიღარიბესა და შევიწროებაში იმან (სენ-სიმონმა) დაიწყო გამოკვლევა, თუ რაში მდგომარეობდა უბედურება სიღარიბისა და

¹⁾ ან. ფურცელაძე: „ჩვენი საღატოლელო“, ჟურნ. „მნათობი“, 1871 წ. (მაისი), გვ. 100—102.

²⁾ იქვე, 103.

რითი უნდა გამოღსნილიყვნენ აქედან ღარიბები. ამან ის ანაზღაურა, რომ უბედურებიდან გამოსასვლელად ერთი ღონეა, რომ უსაქმური აზრები იყვეს, ერთი მეორეს კისერზედ არ აწვეს, ყველა სასარგებლო საქმეზე იყვეს და იღვეს ყველგან ძმური თანასწორობა ქონებასა და წოდებაში. ის ამტკიცებდა, რომ ეხლანდელი ქრისტიანები აღარ აღგანან ნაჰდელის ქრისტეს, რომელიც ჰქადაგებდა ძმობასა და თანასწორობას, როგორც ქონებაში, აგრეთვე წოდებაში. ამ სენ-სიმონმა თავისი სწავლით ბევრში გახსნა და გაუადვილა ეხლანდელ მუშებს ასსოციაციების დაწყობილების გზა და აღსრულებაში მოიყვანა¹⁾.

ქვევით ავტორი ეხება პრუდონსა და ლუი ბლანს და დაასკვნის: „ამავე აზრების შემუშავებამ დაჰბადა წესი სამუშაო ასსოციაციებისა (ამხანაგობებისა), რომელიც ასე ვრცელდება მთელს ევროპაში“²⁾.

რასაკვირველია, ჩვენ ეს ციტატები იმისათვის არ მოგვიყვანია, რომ მკითხველს გავაცნოთ უტოპიური სოციალისტების მოძღვრება: ამ ციტატებით მკითხველი ვერ გაიცნობს უტოპიურ სოციალიზმს. ჩვენი მიზანი სულ სხვა არის: ჩვენ გვინდა ვუჩვენოთ მკითხველს, თუ როგორ იდგამდა ჩვენი ფეხს სოციალისტური აზროვნები და რა სახით უხსნიდნენ ჩვენი მოწინავე პირები ევროპის სოციალისტურ მოძღვრებას ჩვენს საზოგადოებას. ის, რის შესახებაც ესაუბრებოდა მკითხველ საზოგადოებას ანტ. ფურცელაძე 1871 წ. თავის წერილებში, ახალი ხილი იყო ქართველი საზოგადოებრივი აზროვნებისათვის: ჩვენმა მკითხველმა საზოგადოებამ მხოლოდ გაკვრით მოისმინა ნ. ინაშვილის წერილებიდან სოციალიზმის და მისი მეთაურების მოძღვრებათა შინაარსი. აქ კი ფურცელაძე ვრცელ წერილში ახასიათებს სოციალისტურ სისტემებს და უხსნის მკითხველს მათ დადებით მხარეებს. ავტორს ერთი მთავარი მიზანი აქვს დასახული — დააოწმუნოს ჩვენი საზოგადოება ახალი მოძღვრების სიდიადესა და სიმშვენიერეში, ევროპის ახალი მოძღვრების სარგებლიანობაში. ფურცელაძე დაასკვნის: „აი რა გზაზედა სდგას ევროპის საუკეთესო (ავტორი გულისხმობს სოციალისტებს) მეცნიერნი და რასა სცდილობს რიგიანი სწავლა. რიგიანი სწავლა არ სჯერდება მარტო იმას, რაც

¹⁾ ან. ფურცელაძე: „ჩვენი სალტოლველო“, ჟურნ. „მნათობი“, 1871 წ. (მაისი), გვ. 105.

²⁾ იქვე, გვ. 105.

დღეს არის, რიგიანი სწავლა სცდილობს ყოველივე ძველსავე გვერდის დაჭუტუნოს (?) და ახალი კარგი დაჰბადოს¹⁾.

როგორი არის თვით ავტორის შეხედულება? მომხრეა თუ არა იგი „ცხოვრების საძირკვლიანად შეცვლისა?“ იმავე წერილში ანტონ ფურცელაძე წერს:

„მძლავრისა, ოსტატისა, უსინდისო, გაუმადლარისა და დაუნდობელის ხალხით ქვეყანა სავსეა. არა თუ თითო საზოგადოების წევრთა შორის მოქმედებს ეს ყველანი მოვლინება, თვით სახელმწიფოების შორისაც ეს მოვლინება ისე ჩვეულებრივია, რომ ძვირად თუ ვისმე ეხამუშება ესა. ძნელი საფიქრებელია, რომ ხალხი უმანკო, მტრედებათ იქნეს იმ მდგომარეობაში, რომელშიაც ვხედავთ ეხლა ჩვენს ქვეყანას. არც ეს არის დასაჯერებელი, რომ მარტო თვითოეულს კაცხედ იყვეს დამოკიდებული კაცობრიობის ბედნიერება. კაცობრიობა მხოლოდ მაშინ იქნება ბედნიერი, როდესაც იმისთანა წესი და ადათი დატრიალდება კაცის ცხოვრებაში, რომ ერთს აღარ ექნება ღონე მეორეს გაცარცვისა, ან მოტყუებისა, როდესაც ყველა კაცი იქნება მტკიცედ ჩაყენებული თავის სიმართლეში და არ იქნება საჭიროება სხვისი სიმართლის დარღვევისა; როდესაც დარწმუნებული იქნება, რომ თვით შრომას და ღვაწლს ვერავინ წარსტაცებს და წაართმევს და ვერავინ მოატყუებს, მაშინ არავისათვის საჭირო არ იქნება სხვისი ცარცვა, მოტყუება და სხვის კისერზედ წოლა. ამ გვარ წესს კიდევ შეუძლია დაჰბადოს იმ გვარნი კაცნი, რომელნიც შეიქნებიან ღირსად დამცველნი კაცის სიმართლისა და არ დაბრკოლდებიან არავითარის გარემოების წინ კაცთა წარმატებისათვის. ამ გვარი წესი აცნობებს თან და თან ყველა კაცს ამ გვარი ცხოვრების სარგებლობას და მაშინ ყველა ასწონავს და იცნობს, რომ ამის სიმართლე მაშინ იქნება დაცული, როდესაც ეს თითონაც დაიცავს სხვის სიმართლეს“²⁾ (ხაზი ჩვენია. ს. ხ.).

აქ ანტონ ფურცელაძე თავის სოციალისტურ შეხედულებას გამოისტუმრებს. მართალია, ეს სოციალისტური მოსახრებანი არ არის

¹⁾ ან. ფურცელაძე: „ჩვენი სალტოლელო“, ტურნ. „მნათობი“, 1871 წ. (მაისი), გვ. 106.

²⁾ იქვე, გვ. 97.

გარკვეულ სახეებში ჩამოყალიბებული, მართლია, ჩვენი ავტორის თერმინოლოგია მოიცოქლებს, მაგრამ მაინც უდაოდ უნდა ჩაითვალოს ის, რომ ანტონ ფურცელაძე სოციალისტურ ნიადაგზე სდგას და არ მოსწონს არსებული კაპიტალისტური წესწყობილება. ანტონ ფურცელაძე თავისი სოციალისტური კონცეპციების შემუშავების დროს აუცილებლად განიცდის უტოპიური სოციალისტების დიდ გავლენას. არ, ჯორჯაძეს ვერ გაუგია სისწორით ფურცელაძის შეხედულებანი და ფიქრობს, ფურცელაძე უტოპიური სოციალისტების მოძღვრებას არ იღებს მთლიანად. ეს არ არის მართალი. ის სიტყვები ფურცელაძისა, რომელსაც ეყრდნობა ჯორჯაძე ¹⁾, არსებითად არ შეეხება მხოლოდ უტოპიურ სოციალიზმს. ფურცელაძეს მხედველობაში ჰქონდა ევროპა, მთლიანად აღებული თავისი წყობილებით და სხვადასხვა სახის მოძღვრებით. ფურცელაძე წერდა: „დიდი სიფრთხილე გვმართებს ჩვენ, რომ არ შევიქნეთ ბრმა მონა ევროპის ბაძვაში. იქ როგორც ბევრი კარგია, ისე ბევრი ცუდია * ²⁾. პირველ შემთხვევაში ავტორს მხედველობაში აქვს სოციალისტური მოძღვრება, ხოლო მეორე შემთხვევაში ევროპის ეკონომიური წყობილობის საფუძველზე აღმოცენებული უსამართლობანი. ფურცელაძე პირდაპირ მოგვიწოდებს შევითვისოთ ევროპის სოციალისტური მოძღვრება და გავყვეთ მის გზას. იგი უკმაყოფილოა, რომ „ჩვენ ჯერ-ჯერობით ევროპის ცუდი მხარის შეტი არა მიგვიღია რა და სიკეთე მისი მხოლოდ ქირად გვესპის და ან არა გვეჯერა, სასაცილოდა და სათაკილოდ მიგვაჩნია“ ³⁾. ამიტომ ავტორი გარკვევით მიგვითითებს: მიბაძეთ ევროპის დაწინაურებულ პირებს და გადმოინერგეთ იქიდან ჩვენში მათი სოციალური სისტემებიო:

„ზემოთ მოყვანილ მაგალითებიდან მკითხველი ნახავს, რომ ჩვენ (საქართველოს) სწავლას და ცხოვრებას უნდა საფუძვლიანად შედგომა და საძირკველიანად შეცელა. ამისათვის გვმართებს დიდი მხნეობა და სიმარჯვე. ანგელოზობა, მტრედობა ჩვენთვის გამოუსადეგარია. ბავშვობიდან უნდა გამოვიდეთ, თუ გვინდა, რომ ჩვენს ცხოვრებას ბოლო არ შეეღოს“ ⁴⁾.

¹⁾ ჯორჯაძე. ტ. V, გვ. 155.

²⁾ ა. ფურცელაძის წერილი, გვ. 106

³⁾ იქვე, გვერდი 107.

⁴⁾ იქვე.

ჩვენი ცხოვრების „საძირკელიანად შეცვლის“ საქმეში, ფურცელადის მოსაზრებით, დიდ დახმარებას გაგვიწევს ევროპის სოციალისტების სწავლა და მოძღვრება. მათი სოციალისტური სისტემების მიბაძვით ჩვენ შევძლებთ ჩვენი ცხოვრების საფუძვლიანად შეცვლას და გაუმჯობესებას.

აქაც ანტონ ფურცელაძე უტოპიური სოციალიზმის გავლენის ქვეშ არის. რაციონალისტურად ცხოვრების მოწყობისა და გაუმჯობესების ცდა უტოპიური სოციალისტების თეორიის დამახასიათებელია. ფურცელაძეც სავსებით იზიარებს რაციონალისტურ თეორიას. იგი წერს: „სწავლამ უნდა გაუხსნას და გაუღვიძოს კაცს გონება, სწავლამ და გამოცდილებამ უნდა დაანახოს კაცს გაჭირვება და გაჭირვებისაგან გამოსხნის ღონის ძიება“¹⁾. თუ ნამდვილ სწავლას შესაფერისად შევითვისებთ და მის დასკვნებს საფუძვლიანად გავატარებთ ცხოვრებაში, ამით ჩვენ კაცობრიობას ვიხსნით სიღატაკისაგან და გავანთავისუფლებთ პიროვნებას ყოველგვარ მონობისაგან.

ასე აზროვნობს ჩვენი ავტორი. მან არ იცის, რომ საზოგადოებრივ ცხოვრებას განვითარების კანონები აქვს, რომელთა გარდაქმნა და ძლევა „რაციონალიზმის“ საშუალებით შეუძლებელია. ისტორიული საზოგადოებრივი ცხოვრება ვითარდება თავისი შინაგანი კანონების ძალით და როგორი პროექტებიც არ უნდა იმუშავოს საზოგადოებრივი ცხოვრების გარდასაქმნელად მოაზროვნემ, იგი (ცხოვრება) მაინც თავისი გზით იწყებს დენას. ფურცელადის აზროვნებით კი შესაძლებელია, მაგ., ბატონქმური ურთიერთობიდან პირდაპირ სოციალისტურ წყობილებაში გადასვლა, თუ ხელთ გვექნება შესაფერი სოციალური პროექტი და თუ მოვისურვებთ მისი საშუალებით ცხოვრების გარდაქმნას. ჩვენმა ავტორმა კარგად იცის, რომ კაცობრიობის მოწინავე პირები (ქრისტი, მოციქულები, მიუნცერი და სხვ.) დიდი ხნიდან ცდილობდნენ ცხოვრების სამართლიან საფუძვლებზე მოწყობას, მაგრამ მათ ვერ მიაღწიეს თავიანთ მიზანს; ამის უმთავრესი მიზეზი იყო ის, რომ მათ არ იცოდნენ თანამედროვე მეცნიერება და თვითონ პროექტებს რელიგიის საფუძვლებზე აშენებდნენ. საზოგადოებრივი ცხოვრების გარდაქმნა კი შესაძლებელია მტკიცედ განსაზღვრული მეცნიერული დასკვნების მიხედვით. „ამ გვარსავე (ფიზიკის, ქიმიის, ფიზიოლოგიის და სხვ.) სამეცნიერო

¹⁾ ან. ფურცელადის წერილი, გვ. 90.

საფუძველსა ჰსაქიროებდა სწავლა ხალხთა სიმართლის აღდგენისა, მშობისა, ერთობისა და თანასწორობისა, და არა ბუნების გარეშე ძალაზე (ე. ი. რელიგიაზე. ს. ხ.) დამყარდნულ ქადაგებაზე. ამ გვარ აზრზედ დაადგნენ მხოლოდ ბოლოს, მეტადრე როცა დაუწყეს შემუშავება პოლიტიკურ ეკონომიას, როცა მიეცა ძალა და დაუწყეს მეცნიერული გამოკვლევა სოცოლოგიას, ანუ საზოგადოებათა მეცნიერებას. აი, ავ მეცნიერებათ გვიჩვენეს, რომ უმთავრესი კაცის დამლუპვარი უთანასწორობისა და მდიდარ-ღარიბობის დამბადი გახდა ის წესი, როდესაც კაცმა უწყო დასაკუთრება ბუნების მონიჭებლობათა და მეტადრე ისა, როდესაც ეს საკუთრება გარდაიქცა საშეიღწეილო სამკვიდროებათ. დღეს, რასაკვირველია, შესდგომიან ამის დარღვევას და იმ გვარათ დაწყობას, რომ აღარ იყვეს უსეები, იმდენად მაინც, რამდენათაც ამას ჰსაქიროებს ხალხის თანასწორობა ცხოვრებასა და წოდებაებში¹⁾ (ხაზი ჩვენი. ს. ხ.)

თავის მეორე წერილში („მამულის საერთო მფლობელობა“, გვ. „გუთნის დედა“, 1874 წ.) ან. ფურცელაძემ გარკვეული პროექტი წამოაყენა „საქართველოს ცხოვრების საძირკვლიანად შეცვლის შესახებ“. ამ პროექტის მთავარი შინაარსი მიწის განსაზოგადობაა. აქაც ფურცელაძე ვრცლად აკრიტიკებს კაპიტალისტურ წყობილებას და არკვევს მის უფარგის მხარეებს.

კაპიტალისტური წყობილების კრიტიკა ერთ-ერთი დამახასიათებელი მომენტი ჩვენი 60-იანი და 70-იანი წლების „ლიბერალ-სოციალისტების“ აზროვნებისა; საერთოდ უნდა ითქვას, რომ კაპიტალისტური წყობილების კრიტიკაც გამოსავალი წერტილია თანამედროვე სოციალისტური სისტემებისათვის: თანამედროვე სოციალიზმი, უტოპიური თუ მეცნიერული, კაპიტალიზმის კრიტიკაზე აშენებს თავის სოციალისტურ სისტემას. ჩვენი „უტოპისტებიც“ ამ კრიტიკიდან გამოდიან. ამიტომ მეტი არ იქნება ერთხელ კიდევ გავიცნოთ ფურცელაძის შეხედულება (კრიტიკა) თანამედროვე კაპიტალისტურ წყობილებაზე²⁾.

¹⁾ ან. ფურცელაძე: „მამულის საერთო მფლობელობა“, გვ. 20. დაწერილია 1874 წ. (იხ. „გუთნის დედა“, № 9, 10 და 11. 1874 წ.).

²⁾ საინტერესოა ან. ფურცელაძის მეორე ციკატა, რომელშიაც იგი წოდების ღირებულების საზომით აკრიტიკებს კაპიტალისტურ ურთიერთობას. აქ ვკითხულობთ: „შემძლებლების ექსპლუატაცია არის უსამართლო ჯერ იმიტ, რომ გაპირ-

ჩვენს ავტორს კარგად აქვს შეთვისებული სამეურნეო ფორმათა განვითარების ისტორია. მან იცის, რომ პირველყოფილი წყობილება შესცვალა მონობამ; ამ უკანასკნელს მოჰყვა ბატონყმობა, ფეოდალური საზოგადოებრივი წყობილება. ბატონყმურ წყობილებას კი სცვლის კაპიტალისტური ურთიერთობა.

„ევროპის ხალხმა, რომელნიც არიან კაცობრიობის ყოველი გონებით მოძრაობის თავსა, იგრძნეს ამისი (ბატონ-ყმობის) სიმძიმეც, აღელვდნენ, გაინძრნენ და მოშალეს ბატონ-ყმობა. მაგრამ რაკი უფლება არ დაიჭირა თვითონ ამ ხალხმა, ანუ ეერ მოახერხა ამ წყობილების მოხმარება, მისცა ხელთა უფლება ისევე ძველს თავის გამგეებს, რომელთაც აღიარეს სრული პირადი თავისუფლება კაცთა, მისცეს ძალა შეძლების, აღიარეს ბატონათ ქონება, ანუ, უკეთ ესთქვათ, კაპიტალსა. ქონების დასაცველად დასდეს მკვიდრი კანონები, აქ იწყო სრული თავისი ძალის გამოჩენა ქონებამ. რასაკვირველია, რაკი ხალხმა არ დაიჭირა ძალა ხელთ, არ დასდო ისედაი წესი, რომ ერთმანეთზედ ამაღლება და ერთმანეთის გამორჩენა შეუძლებელი ყოფილიყო შემდეგ და უფლების მქონე კაცთ ისარგებლეს ამით და დასდევს ისეთი წესი (კაპიტალიზმი), რომელმაც გადააქარბა მონობაც და ბატონობაც. ეს წესი არის ბატონობა ქონებისა, ანუ, უკეთა ესთქვათ,

ვებულებს სწოვემ თავისი სარგებლით უკანასკნელს ტერინსა და ხელთ იპერენ იმათს ჯანს, იმათს შრომას, როდესაც თვითონ არაერთარი შრომა არ მიუძღვით თავიანთი ფულები სარგებლების აღებაში, მაშინ, როდესაც ფული, კაპიტალი, საქონელი ჰქონდა მხოლოდ იმითი, რომ ისინი არიან შრომის ნაყოფნი. რასაც არ ადევს შრომა, არცა აქვს ფასი. მაშასადამე, ვისაც უშრომნია, ნაყოფიც იმისი უნდა იყვეს. მაგრამ აქ რას ვხედავთ? ლარიზნი შრომობენ, მაშასადამე, ჰხადებენ შრომის ნაყოფს, და ამ ნაყოფით მსარგებლობენ მდიდრები, რომელნიც თავის ფულში, რომელიც ეგრეთვე შეუძენიათ ამავე ღარიბთა შრომით, ართმევენ სარგებელში, ესე იგი უშრომლათ, იმათს ნაშრომსა და ნაღვაწს, რომ კვლად ამავე იმათის ნაღვაწით და ნაშრომით, ისარგებლონ იმათივე შრომით, ესე იგი იყოლიონ ნიადაგშიათ და რჩებოდნენ ნიადაგ თვით უშრომლათ სხვების შრომით“. („გუთნის დედა“, № 6, 1875 წ. მეთაური წერილი: „სასარგებლონი არიან ხალხისათვის სასოფლო-სამეურნეო ბანკები თუ არა?“).

ეს შრომის ღირებულების თეორია და მისი საშომით კრიტიკა კაპიტალისტური წყობილებისა ახალი მოტივი იყო იმ პერიოდში ანტონ ფურცელაძის პუბლიცისტისათვის. როგორც ზევით დავინახეთ, ამ თეორიას გადაჭრით იცავდა ჩვენში გრ. თარხან-მოურავი, რომელიც ევროპის უტოპიური სოციალისტების ნიადაგზე იდგა.

კაპიტალისა. ქონება და კაპიტალი დატრიალდა ზოგიერთების ხელში... „რაც ხანი გადის იმდენი სარჩო, მამულები და ქონება გადის ხალხის ხელიდან და ტრიალდება თითო ოროლა კაცის ხელში. რაკი სიმდიდრე შედის სრულს თავის ძალაში, მაშინ ჩნდება ბრძოლა ქონების პატრონთა შორისაც და ძლევა, რალა თქმა უნდა, რჩება კიდევ დიდი ქონების პატრონს, დანარჩენი შემძლე კაცის სარჩოც თან და თან გადადის უფრო და უფრო იმათზე შემძლეთა ხელში და ღარიბი ხალხის რიცხვს თან და თან ემატება, და თითო ოროლა მდიდარნი უფრო და უფრო მდიდრდებიან.

„მომეტებული ნაწილი ხალხისა დარჩა უსახსროთ, უღონისძიებოდ, არა აქვს საკუთარი სამუშაო. ამის გამო უნდა მიმართონ იმათ სამუშაოთ შეძლების მქონე კაცთა. შეძლების მქონე კაცთ უკირავთ მუშა ხალხი, მაგრამ იმდენი კი არა, რამდენიც მოხოვნელი მუშა ხელია. ამასთან ამ შეძლების კაცთა გაიჩინეს მაშინაც, რომელიც თითონ აკეთებს ასი და ათასი კაცის საქმეს; მაშასადამე, ეს აიყვანს მხოლოდ იმდენსა, რამდენიც ამას (კაპიტალისტს) უკირს; სხვები (მუშები) რჩებიან უმუშაოთ, ულუკმა პუროთ.... ფულისა და სხვა შეძლების პატრონისათვის პირველი საზრუნველი ის არის, რომ მუშა კაცი აქციოს სრულს თავის ქონებათა და მონათ, სწუწნის იმის ჯანსა და ღონეს, მინამ შეუძლია იმას ამის საქმეს კეთება; რაკი აღარ შეიძლებს და სხვები მრავალნი თხოულობენ ამის (მუშის) ადგილს, მაშინ იმათ (მუშებს) აიყვანს და დაუწყებს ახლა ამათ ჯანს და ღონეს წოვასა. ამ გეარს მდიდართაგან ხალხის წუწვნას ეწევა თან და თან ახალ-ახალი მაშინების მოგონება და შემოღება, რომელნიც უფრო და უფრო ამცირებენ მუშა ხალხის საჭიროებას ქარხნებში და მამულებში. მაშასადამე, ქონების პატრონს დღევანდელი წესი არ აიძულებს, რომ დაზოგოს ხალხი, მისცეს იმოდენა მაინც სამუშაო ფასი, რომ იმას ნახევარ მაძლრითაც შეეძლოს თავისი შენახვა: იმას (კაპიტალისტს) აქვს კანონად მხოლოდ გაძლიერება თავისი სარჩოსი და ქონებისა, და რამდენიც უფრო და რამდენადაც უფრო ხანგრძლივ და იაფად ამუ-

შავებს მუშებს, იმდენი უფრო გაიზრდება ამის წინააღმდეგ და შეძენა¹⁾. (ხახი ჩვენი).

მკითხველი დამეთანხმება, რომ მოყვანილ კრიტიკაში ანტ. ფურცელაძე კაპიტალისტური ეკონომიკისა და სოციალური ურთიერთობის გარკვეულ სურათს იძლევა. მას კარგად ესმის, რომ კაპიტალისტური ურთიერთობის პროცესში, ერთის მხრით, ხდება კაპიტალის (ქონების — ავტორის ტერმინოლოგიით) კონცენტრაცია მცირეთა ხელში, ხოლო მეორეს მხრით, — ასიათასეული მცხოვრების პროლეტარიზაცია; მას ესმის, რომ პროლეტარს თავისი ფიზიკური ენერგიის მეტი არაფერი გააჩნია, რომ კაპიტალისტი არ აძლევს მუშას თავისი შრომის სრულ ღირებულებას, რომ კაპიტალისტის მიერ ქონების გაზრდა ხდება მუშა-ხალხის ექსპლუატაციის საშუალებით. ეს ფაქტები მოწმობს, რომ ფურცელაძე საკმაოდ იცნობდა დასავლეთ ევროპის ეკონომიურ და სოციალისტურ ლიტერატურასაც და შეიძლება მარქსის ეკონომიურ მოძღვრებასაც, რომლის „კაპიტალი“ რუსულად 1872 წელს გამოვიდა²⁾.

¹⁾ ანტ. ფურცელაძის წიგნაკი: „მამულის საერთო მფლობელობა“, გვ. 7 — 11, ან „გუთნის დედა“, 1874 წ. № 9, 10 და 11.

²⁾ რასაკვირველია, იმის კატეგორიულად მტკიცება, რომ ან. ფურცელაძე იცნობდა მარქსის კაპიტალს აღნიშნულ პერიოდში, ძნელია. მაგრამ რამდენიმე საბუთი მაინც საბაბს გვაძლევს ამაში დავუკვირანდეთ: რამდენადაც შეგვეძლო დავკვირებოდით, 1872 წლამდე ან. ფურცელაძე არ ეხება შრომის ღირებულების თეორიას და კაპიტალისტური წყობილების კრიტიკის დროსაც მოიკოტლებს. 1873 წლიდან მისი წერილები „გუთნის დედა“-ში მიგვითითებენ ავტორის თეორიულ გადახრას შრომის ღირებულებისაკენ. 1875 წ. იგი სწერს:

„ჩვენ ძველი ეკონომიური სკოლის მიმდევარნი გვეუბნებიან, რომ ფასის (ღირებულების. ს. ხ.) საძირკველი არიან მოთხოვნილება და გასაღება (спрос и предложение)... ჩვენ ვამბობთ, რომ მოთხოვნილება და გასაღება აბრუნებენ ფასს და არ არიან თვითონ ფასის საძირკველი. ჩვენ ვამბობთ, რომ ამ ფასის ბრუნვაში (აწვე-დაწვევაში) აქვს ძალა ყველა მოთხოვნილებას კი არა, მხოლოდ შემძლებელს მოთხოვნილებას. ფასის საძირკველი, თვით ფასი არის საჭმეხედ მოხმარებული შრომა, კაცის ხელი და გონება. არ იშრომა კაცმა, არ არის ნაყოფიერი, თუნდა რომ მილიონი მოთხოვნიელი იყვეს. ყოველს ერთი დროს და მეცადინეობის შრომას აქვს ერთი ფასი, რასაც არ ადევს კაცის შრომა, ის არ არის ფასიანი“ (იხ. „გუთნის დედა“, № 9, 1875 წ. წერილი: „ბანკების მნიშვნელობა“).

ფულის შესახებ ავტორი სწერს: „ფული არის შრომა მუშა ხელისა, ფულით გადაჭებული, ანუ გადაჭებული იმგვარ ნივთით, რომელიც არცა ცედება

მაგრამ ეს ფაქტი ნათლად მოწმობს იმასაც, რომ ჩვენი ავტორი ალარ ურიგდება თეორიულად ევროპაში შექმნილ კაპიტალისტურ ურთიერთობას და იგი დამღუპველად მიაჩნია ხალხისათვის, აქედან გამომდინარეობს მისი მიწის განსაზოგადოების პროექტიც.

როგორი მდგომარეობაა შექმნილი ჩვენში, ფურცელაძის აზრით? „მართალია, წერს ავტორი, — ამ უკანასკნელამდის (ე. ი. კაპიტალისტურ წყობილებამდე) ჩვენში ჯერ საკმე არ მისულა, რადგან ჯერ არც ხალხი გამრავლებულა ჩვენში ისე და არც ქონება დატრიალებულა ასე უწყალოთ თითო-ორეულის ხელში; მაგრამ ჩვენც ამ კვალს ვადგივართ და თითქმის სხეებზედ უფრო ადრე, რადგან ჩვენში უფრო ადრე დამკვიდრდა მამულების და ქონების დასაკუთრება, და ამ მამულებისა და სხვა ქონების საშვილის-შვილო დამკვიდრება, რომელიც ზემოთაც უჩვენეთ მკითხველებს, იყო პირველი მიზეზი ამ გვარი უსწორობისა და მომეტებული ნაწილი ხალხის უბედურებისა“¹).

მაგრამ ეს რომ არ მოხდეს, რომ არ განვითარდეს ჩვენში კაპიტალისტური ურთიერთობა, რომელიც გაველევს სოფლის გლეხობას, გაზდის მას უმიწაწყლო ბოვანოდ, ხოლო, მეორეს მხრით, გაამდიდრებს მამულის და ქონების პატრონების მკირეოდენ რიცხვს, ამი-

არცა ფუჭდება. ფული, როგორც ვიცით, გადაქცეულა შრომის ექსპლიატ. რაკი ახლა ეს ვერაფერცლები იღებენ ფულის სახეს, ამის გამო ესენიც, ცხადი საქმეა, ჰადებიან შრომის ექსპლიატორს. „ჩვენ ვიცით, რომ ფასი არის შრომა, ამის გამო ფული იმდენად არის ნაშრომის ფასი, რამდენათაც ეს ფული შეიცავს შრომას“ (№ 10). ადვილი შესაძლებელია, რომ ეს შრომის ღირსებულების თეორიები ფურცელაძემ მარქსის „კაპიტალი“-დან ამოიღო და თავის ებუ რად შეითვისა.

1) ანტ. ფურცელაძე: „მამულის საერთო მფლობელობა“, გვ. 12. თავის მეორე წერილში ან. ფურცელაძე წერდა იმავე საკითხის შესახებ:

„წინა წერილში მოხსენებულთ ჩვენი გაზრდილების მიზეზთა უნდა დაერთოთ კიდევ ისა, რომ რამდენიც გვიხლოვდება ევროპიული ცივილიზაცია, იმდენი უფრო მხოქმედებს ის ჩვენზედ როგორც დამნაგრაჟი მოვლინება. თქმა ალარ უნდა, ამ ცივილიზაციისა, რომ კარგი მხარე მხოქმედებდა ჩვენზედ და შემოდოვებს ჩვენში იმასი სიკეთე, ჩვენ ის ვი ვერ დაგვაგრაჟადა, დიდს წარმატებას მოგვემდგა, რათგან ჩვენი გონების გარემოება არ არის უცხო თავის ფიზიოლოგიური წყობილებით ამ მოვლინებათათვის. მაგრამ გვაგრაჟეს ჩვენ ისა, რომ ამ ცივილიზაციის ჩვენამდის მოდის და ჩვენ გვებება მხოლოდ ცუდი მხარენი, რათგან ცუდი უფრო ადვილი მისაღებია და ამასთან პირველ ეამად სასიამოვნოცა, ვიდრემ კარგი. სხვათა შორის ამ ევროპის ცივილიზაციის ცუდი მხარის მიბადება ჩვენში გადაღვიძა მრავალი მოთხენილებანი, მეტადრე მაღალს და შეუთანა წოდებაზეში

სათვის საჭიროა მიწების განსაზოგადოება, მათი სოციალიზაცია, ავტორი ვრცლად იხილავს იმ შედეგებს, რომელიც შეიძლება გავლენას იქონიოს სათვის მოპყვეს ჩვენი მიმდრევი აზრისათვის განაწილებასა და კაპიტალისტური ურთიერთობის განვითარებას. ჩვენ აქ არ მოვიყვანთ ფურცელაძის არგუმენტაციებს, ვიტყვით მხოლოდ, რომ ფურცელაძე ამ წერილში წვრილი მესაკუთრე გლეხების ინტერესების საზომით უყურებს საკითხს და სწორედ აქ სჩანს მისი ნაროდნიკული გადახრა, მისი წვრილ-ბურჟუაზიული მიდრეკილება. ფურცელაძე ამ შემთხვევაში, როგორც ნაროდნიკი, ნათლად ხედავდა, ევროპაში კაპიტალისტურმა განვითარებამ როგორ გაანადგურა წვრილი მეურნე და ხელოსანი, როგორ ჩაითრია ისინი ერთიან კაპიტალისტურ ურთიერთობაში და გალატაკების გზაზე დააყენა. ფურცელაძეს ეშინია სოფლის გლეხობის გაპროლეტარებისა და ამიტომ ის რუსეთის ნაროდნიკებისაგან და ბარონ პაქტაუზენისაგან ნასესხები მიწის მოწყვრების პროექტით ცდილობს ამ უბედურების თავიდან აცდენას.

„აქ მთელი ის ხალხი, სადაც არის დაცული საერთო მფლო-

საიდამაც ედება დაბალს საზოგადოებასაც; მაგრამ ეს მოთხოვნილებანი ვერა ჰქმნა ყოფილდებიან ჩვენი უშეგრებისა და უმეცობისა გამო. მოთხოვნილებანი თანდათან მმეტულობენ, და სწავლა ჩვენი არის იმავე გარემოებაში, რაშიაც იყო მამა თარგამოსის დროს. ყველა, რაც ძალი და ღონეა იწვეს, რომ დიდ მდიდრადჯულს ცხოვრებაში და კობტარუწაობაში უკან არავის ჩამორჩეს, და საზრდოს შეძენის საზსარი კი არაიწინ იყის და ვერც არაიწინაგანა სწავლობს. ამას ყველას მოსდევს მარად ცალები და ცარცვა ადგილ მამულისა (იხ. ჟურ. „გუთნის დედა“, № 17, 1873 წ. წერილი: „სასოფლო წერილები“).

1) ჩვენი ავტორს გარკვევით აქვს წარმოყენებული ბაღის თვითმართველობის გეგმები, მიუხედავად იმისა, რომ თავისი მიწის სათემო მფლობელობის პროექტის განხორციელების საქმეს ადმინისტრაციასა და მმართველობას ანდობდა (იხ. ქვევით). ფურცელაძემ მაინც წამოაყენა გარკვეული საზით ბაღისთვის მართველობის იდეა. იგი წერდა: „ყოველი ეს გარემოებანი თხოვლობენ საძირკვლიანათ შეცვლას ჩვენი ცხოვრებისას, თუ გვინდა, რომ ჩვენი მეურნეობა წავიდეს იმ გზაზე, რომელიც მინიჭებს ნამდვილს ბედნიერებას ხალხს და ჩამოაგდებს აუღს აბალ ცხოვრებისას. ჩვენი ეკონომიური და გონებითი მდგომარეობა ისეა ერთმანეთზედ გადაბლართული, რომ ორივეს ცვლილება ერთათ უნდა დაიწყოს... იქ, სადაც ბაღი არის ნიადაგ სხვების ხრუნვის ქვეშ, და თვითონ ფერო მიგდებულა თავის საკუთარ საქმეებზედ, იქ ყოველთვის დაცემულა და გახრიოცებულა ბაღი; სადაც ბაღი თვითონ ყოფილა თავის საქმეების თაოსანი და საქმის მხრუნველი, იქ ბაღი ყოველთვის ყოფილა დაწინაურებული და წარმატებაში“ („გუთნის დედა“, № 17, 1873 წ.).

ბელობა, თავის დღეში არ დარჩება უსარჩოვოდ და ექნება ყოველთვის ცხოვრების სახსარი. აქ იგივე მაშინები, რომელნიც დღეს მდიდრების ხელში ჰლუპავენ ღარიბ ხალხს, დაემორჩილებათ მუშაობაში ხალხს და ამით შეუსუმბუტებენ ამით ცხოვრებას და შრომას. ამ გვარი წესით წავა წარმატებაში სასოფლო მეურნეობაც და ასწევს ერთი ათად და ერთი ასათ ხალხის კეთილ დღეობასა. თუ არ იქნება ჩვენში ამ გვარი წყობილება, რომელიც ეხლა ავწერეთ, ან იმ გვარი წყობილება მაინცა მამულების მფლობელობისა, რომელიც არის რუსეთის მრავალ სოფლებში და რომლებიც აგრეთვე ჩვენ ავწერეთ ზემოთ, სასოფლო მეურნეობის სახალხო საბოლოო შეუძლებელია და უნდა დაეცეს, და წავა წარმატებაში მხოლოდ დიდი შეძლების პატრონთა მეურნეობა, რომელნიც მოუღებენ ბოლოს წვრილ მეურნეობას და წვრილ მამულების პატრონს¹⁾.

ვიმეორებთ: აქ ანტონ ფურცელაძე მეტყველებს, როგორც წვრილი მესაკუთრის იდეოლოგი, როგორც დამცველი წვრილი გლეხობისა და მისი სამეურნეო ინტერესებისა²⁾. მაგრამ, თუ ამ გლეხური იდეოლოგიის სოციალურ საშოის ჩვენი წვრილი მესაკუთრე გლეხი

¹⁾ „გუთნის დედა“ № 17, 1873 წ., გვ. 30 — 32.

²⁾ როგორც ქვეით დავინახავთ უფრო ვრცლად, ჩვენ ქართველი ნაროდნიკების სოციალურ საფუძვლებს ვეძებთ ჩვენი წვრილი მესაკუთრის ეკონომიურ წყობასა და ინტერესებში. მონანიების გრძნობებით შეპყრობილი ქართველი ინტელიგენტი დიდად ჩააფიქრა ქართველი გლეხის ეკონომიურმა მდგომარეობამ და განსაკუთრებით კაპიტალისტური ურთიერთობის განვითარების შიშმა; აქედან წარმოსდგა ის, რომ ჩვენი ნაროდნიკული ინტელიგენცია ცდილობდა შემაფერხებელი ედგელი აღეშარათა კაპიტალისტური წარმოების განვითარებისათვის და დაეცვა ჩვენი გლეხის, როგორც წვრილი მესაკუთრის, ინტერესები. ჩვენი ავტორის ერთ წერილში პირდაპირ ვკითხულობთ:

„აქამდის ჩვენი სასიხარულო ის იყო, რომ თითქმის არა გვეყენდა პროლეტარი. მაგრამ ახლა თუ გავიხედვით კარგათ მომავალში და ჩავაქცერდით იმ გარემოებათა, რომელშიაც ჩვენ თანდათან ვცვივდებით, ჩვენში პროლეტარი კი არა, და პაუპერიზმიც აღვიღებელია. მე არას ვიტყვი ამაზედ, რომ მცირე, მამულის პატრონთა ნაჰმეენი დარჩნენ უმამულოთა; არას ვიტყვი ეგრეთვე იმაზედ, რომ სხვათა თუმცა მიეცა ნადელი, მაგრამ ეს ნადელი უნდა შესყიდონ კაი რიგიანი ფასითა, რომელსაც მოუნდება ვალად აღება და რომლისაც გადაბდას ძვირათ თუ შესძლებს ვინმე, და ამათი ნადელი უნდა დარჩეს მოვალეებსა; მე მხოლოდ გიჩვენებთ, გარეშე ამისა, სხვა მიზეზებზედ, რომელთაც უძევებელია მოსდევს პროლეტარი და პაუპერიზმი. ... მომეტებულს ნაწილს ჩვენი მამულის მეპატრონეთ გლეხთა თუ თავად-აზნაურთა ჰმართებთ იმდენა ვალი, რომ ამათი მამულები არ აღუვათა ამ

წარმოადგენდა, თეორიულად მიწის განსახოგადოების დებულებები ჩვენმა ავტორმა რუსეთის ნაროდნიკებისაგან ისესხა. დღეს უკვე ფაქტია, რომ რუსეთის „ობშჩინა“ რუსეთის სოციალისტური აზროვნებისათვის პრუსიის კონსერვატორმა ბარონ ჰაკტჰაუზენმა აღმოაჩინა 1843 წ. უკეთ რომ ვთქვათ, მან პირველმა დაუთქვია რუსეთის თემის ეკონომიური სტრუქტურა დასავლეთ ევროპის უტოპიური სოციალიზმის იდეებს¹⁾. შემდეგ ნაროდნიკულმა სოციალიზმმა თავისი გამოსავალი წერტილი ჰაკტჰაუზენის მიერ აღმოჩენილ თემში დაინახა. ჩვენი ავტორიც უხვად სარგებლობს თავის წიგნში (გვ. 21-26) ჰაკტჰაუზენის ცნობებით და დასკვნებით რუსეთის თემის შესახებ და, როგორც ზევით დავინახეთ, ჩვენშიც საკიროდ მიაჩნია მიწის ასეთივე განსახოგადოების შემოღება. საბოლოო დასკვნით ჩვენი ავტორი რუსეთის ნაროდნიკული ინტელიგენციის (ჩერნიშევსკი, პერცენი და სხვ.) გავლენის ქვეშ დგება და მისი არგუმენტაცია (მიწის საკითხში აღნიშნული მწერლების თეორიულ მოსაზრებებს ეყრდნობა).

ვალსა. მომეტებული ნაწილი ამ მამულების შემოსავლისა მიდის ვალების სარგებელში და რამდენიც ხანი გადის, იმდენი მოკლების მაგივრად, ემატებათ ამ ვალებსა. უმკველია, თუ ეს გარემოებანი და სახოგადო დაწყობილებანი არ შეიცვალნენ, დღეს იქნება თუ ხვალ წაეა ჩვენი ხელიდამ, და ჩვენ ვნახათ ჩვენს თავს ამ ჩვენს მამულში, რომელისაც ყოველი ნაბიჯი არის მორწყული მამაპაპის სისხლით, იმაზედ უარეს მდგომარეობაში, რომელშიაც არის დღეს ირლანდელი და სხვა ზოგიერთი დასავლელი ევროპისა და ინგლისეთის პროლეტარი—პაუპერები. იპაურს უმამულო ხალხს კიდევ აქვს გზა რამე ღონის ძიებით, შიგა და შიგ შაინც არ მოიკლას თავი შიმშილითა; მიჰმართავს ქარხნებს და სხვა სამუშაო ადგილთა. მაგრამ ჩვენ რა გვრჩება, თუ მამული ხელიდან გაუშვით?“ (იხ. „გუთნის დედა“, № 14, 1873 წ. ა. ფ.-ს წერილი: „სასოფლო წერილები“).

ეს წერილი მეტად საინტერესო გასაღებს გვაძლევს იმ იდეოლოგიის სოციალური ფესვების გამოსაცნობად, რომელსაც ეყრდნობოდა აღნიშნულ პერიოდში ან. ფურცელაძე და მთელი პლეიადა ქართველი ნაროდნიკებისა.

¹⁾ Пажитнов: „Развитие социалистических идей в России“, ტ I, გვ. 72.

²⁾ ჩვენი, ზოგიერთი ძველი ლიტერატორის გადმოცემით, ანტონ ფურცელაძეს პრუდონის მიმდევართა რიცხვში ათავსებდნენ. ყოველ შემთხვევაში ერთი აშკარაა, რომ ჩვენი ავტორი არ იზიარებდა პრუდონის წვრილ-ბურჟუაზიულ უტოპიას ბანკების დიდი როლის შესახებ სილარიზის მოსპობის საქმეში. ფურცელაძე წერდა:

„ბანკებს არავითარი სასწაული არა აქვთ. ბანკები ყოველთვის იყვნენ, ყოფილან და იქნებიან ამგვარი წყობილებანი, რომელნიც სხვის ფულებს, რომელთაც მასესხი ანუ უკეთა ვთქვათ, ამ ბანკების თავი უპიროვნ, იზიდავენ თავისთან და სხვა გაპირებულის ფულებით მდიდრდებიან თვითონ და ამდიდრებენ

ამიტომ არის, რომ ანტონ ფურცელაძე თუ ერთი ფეხით ეწეოდა ნა-
უტოპიური სოციალიზმის ნიადაგზე სდგას, მეორე ფეხი რუსული ნა-
როდნიკული სოციალიზმის საფუძვლებზე აქვს დაყრდნობილი.

ამიტომ არის, რომ იგი არ არის ტიპიური რუსული ნაროდ-
ნიკული აზროვნების მიმდევარი. ეს განსაკუთრებით მტკიცდება იმ
დებულებით, რომელიც წამოაყენა მან ვაჭრობა-მრეწველობის შესა-
ხებ. შემცდარი იქნება, თუ ვიფიქრებთ, რომ ან. ფურცელაძეს არ
ესმოდა ვაჭრობა-მრეწველობის მნიშვნელობა ერის ცხოვრებაში. წინა-
აღმდეგ, 1769-71 წლებში დაწერილ წერილში იგი ხაზგასმით იცავს
იმ დებულებას, რომ მრეწველობა, ალღე-მიცემობა უდიდეს როლს
თამაშობს ერის ცხოვრების წარმატების საქმეში. „ჩვენს სალტო-
ლეველოში“ (1871) იგი წერს:

„ავიღოთ კიდევ აბრეშუმი და ბამბა, რომელნიც ჩვენში სიუხვით
ზოდიან. რაკი ჩვენ არ ვიცით არც ჩითებისა, არც ფარჩების ქსოვა და
იმათი შემზადება, მიდის სხვა ქვეყანაში ჩალის ფასად და მერმე გა-
მზადებულს სახმარისად ვღებულობთ თითქმის ოქროს წონად. ცოდ-
ნა რომ გვექონდეს და გვექონდეს ჩვენში ყოველივე
ჩვენი ნაყოფიერების გადასამზადებელი და გადასა-
ხალისებელი ქარხნები (ფაბრიკები), მაშინ ამ გე არ
სიძვირეს ჩვენ არ ვნახავდით, და არც მიწა მოგვი-
მცირდებოდა (?), რადგან ჯერ ერთი ესა, რომ დაგვრჩებოდა სხვა
ქვეყნებში გატანის ფასი, მერე იქიდან ისევ გამოტანის ფასი, გამ-
ტან-გამომტანების მოცდენის ფასი, ამ მოცდენის მოგების ფასი და
სხვ... შესამეც ესა, რომ რაკი სიაფე იქნებოდა, ჩვენ უფრო გამძღარნი და
უფრო შემოსილნი და შესუბუქებული (?) ვივლიდით ქვეყნებში და
სწავლისაც უფრო და უფრო მარჯვე დრო და შეძლება გვექნებოდა“¹⁾.

თავიანთ პატრონებსაც, სხვა ძალა ბანკებს არავითარი არა აქვთ რა: როგორც
ერთი კაცი ვერ განდიდრდება, რომ სხვებს სარჩო არ მოაკლდეთ და არ დალა-
რებდნენ, ისე ბანკი ვერ წავა წარმატებაში, თუ სხვებს არ მოაკლდათ ისა, რაც
ბანკს და ბანკის პატრონებს ემატებათ. მინამ ამ უბრალო აზრის და ბან-
კის ძალას მიხედობოდნენ, თვით უპირატესი პირნი ევროპაში იყვნენ იმ შეცდო-
მილებში, როგორც შედეგ და ეგონათ, რომ ბანკით განდიდრება არის რაღაც
სასწაული, რომელიც კბადებს კონებას და ამდიდრებს; თვით პროდონსაც კი
სჯეროდა ეს ძალა ბანკში, მაგრამ ბოლოს მიხედნენ, რაც ძალა ჰქონდა ბანკებს“.
(„გუთნის დედა“, № 1, 1875 წ.).

¹⁾ ანტ. ფურცელაძე (ზ. შოენიძე) „ჩვენი სალტოლელო“, ჟღერ. „მნათობი“
(მასი), გვ. 93 — 94, 1871 წ.

მეორე ადგილას, 70-იან წლებში დაწერილ წიგნაკში, იკვეთება ტორი სწერდა: „ყველა ამ ნათქვამებიდან ცხადია, დავარდნილია ხი, თუ უნდა რომ არ აღიგავოს პირისაგან ყოვლისა ქვეყნისა ამ სა- შინელს ჭუმსა, მაგრამ უფრო შეუწყნარებელს, ვიდრე სხვა რიგი ბრძოლაა, ეკონომიურ ბრძოლაში, უნდა იმან მედგრათ მოჰკი- დოს ხელი მექარხნობას, მრეწველობას, კომერციას და თან მიაყოლოს მიწათ-წალმართობა. უფრო კიდევ მეტი ყურადღება უნდა მიაქციოს „ვაჭრობა-მექარხ- ნეობა-მრეწველობას და ერიდოს მართო მიწის-წალ- მართობაზედ დანდობას, რომელსაც, როგორც ზევით უჩვენეთ, მოჰზდევს ერისათვის საშინელი ბოლო“¹⁾ (ხაზი ჩვენი. ს. ხ.)

მკითხველმა უნდა იცოდეს, რომ ასეთი ენით რუსეთის ნაროდ- ნიკები არ ლაპარაკობდნენ ვაჭრობა-მრეწველობის განვითარებისა და მნიშვნელობის შესახებ. მათი კონცეპცია მრეწველობისა და ვაჭრობის საკითხში დიდად გასხვავდებოდა ან. ფურცელაძის შეხედულებისაგან. ამიტომ ჩვენთვის ნათელი არის, რომ ან. ფურცელაძე არ არის ტი- პიური ნაროდნიკი: იგი აერთებს რუსულ ნაროდნიკულ თეორიასა და ევროპის უტოპიურ სოციალისტურ სისტემებს. აღსანიშნავია სწო- რედ ის გარემოება, რომ თუ ფურცელაძის გლეხური გატაცება და მიწის სოციალიზაციის პროგრამა აიხსნება რუსეთის ნაროდნიკებისა და რუსული სოციალიზმის გაელენით, საერთოდ მრეწველობის რო- ლის აღნიშვნაში მას დიდი სამსახური გაუწიეს, ევროპის სოციალის- ტებმა. ამიტომ ვამბობთ, რომ ანტონ ფურცელაძე არის ერთგვარი გარ- დამავალი ხიდი ჩვენი ლიბერალური სოციალიზმიდან ნაროდნიკული სოციალიზმისაკენ. აქ არის მასი ისტორიული დამსახურება და როლი.

როგორც მკითხველს ეხსოვება, ანტ. ფურცელაძე მრეწველობის როლის შესახებ აქ ამბობდა იმას, რასაც ამბობდნენ მისი თანამედრო- ვენი, განსაკუთრებით გრ. თარხან-მოურავი²⁾ და მოსე ქი- ქოძე³⁾. ჩვენ საკმაო ფაქტებით დავამტკიცეთ ზევით, რომ ჩვენი ინტელიგენციის საუკეთესო წარმომადგენელნი 60 – 70-იან წლებში

¹⁾ ანტ. ფურცელაძის: წიგნაკი: „კაცობრიობა და ხალხოსნობა“, გვ. 68.

²⁾ თარხან-მოურავი: „ჩვენი სიღარიბის მიზეზი“, გაზ. „დროება“, № 8, 1870 წ.

³⁾ მოსე ქიქოძე: წერილები „მნათობში“, 1870 — 71 წ.



სრულიად არ იყვნენ ჩვენში ვაქრობა-მრეწველობის განვითარების წინააღმდეგნი: მათ ეშინოდათ ვაქრობა-მრეწველობის იმ საშინელი ფორმებისა და შედეგების, რომელიც ამ ვაქრობა-მრეწველობამ მიიღო დასავლეთ ევროპაში, ამიტომ ჩვენი პუბლიცისტები ფაქტიურად უპროლეტარო კაპიტალიზმის განვითარებას მოითხოვდნენ ჩვენში; ეკონომიურად და სოციალურად ასეთი პროგრამის წამოყენება აშკარა უტოპია იყო. იმ ეპოქაში ვაქრობა-მრეწველობის განვითარება შესაძლებელი იყო მხოლოდ კაპიტალისტური ფორმებით და შინაარსით. მასთანავე ამ კაპიტალისტურ ეკონომიკაზე უნდა აღმოცენებულიყვნენ გარკვეული სოციალური კლასები — ბურჟუაზია და პროლეტარიატი, და ისეთივე საზოგადოებრივი ურთიერთობა უნდა დამკვიდრებულიყო მათ შორის, როგორიც არსებობდა ევროპის კონტინენტზე. მიიღებდნენ თუ არა ჩვენში ვაქრობა-მრეწველობა და სამეურნეო ცხოვრების სხვა დარგები ასოციაციის ფორმებს, ჩვენი ეკონომიკის არსებითი შინაარსი მაინც კაპიტალისტური სტრუქტურის მიხედვით განვითარდებოდა: ეკონომიურ ურთიერთობაში საკმეს სკრის არა ფორმა მეურნეობისა, არამედ მისი არსებითი შინაარსი. კიდევაც რომ განხორციელებულიყო „დროების“ თანამშრომლების, გრ. თარხან-მოურავის, მ. კიკოძის, ანტ. ფურცელაძის და სხვათა სამრეწველო ასოციაციების პროექტები, ფაქტიურად ეს ასოციაციები ნამდვილი კაპიტალისტური ურთიერთობის შინაარსს მიიღებდნენ და სწორედ ამ გზით შეუწყობდნენ ხელს ჩვენი ეკონომიკის განვითარებას. ვაქრობა-მრეწველობა, კომერცია, თუგინდ ასოციაციებისა და არტელების ფორმებში, რომელიც წამოაყენა მოწინავე ინტელიგენციამ 60—70-იან წლებში, არსებითად იყო ბურჟუაზიულ-რადიკალური ინტელიგენციის მოთხოვნა. ეს პროგრამა უაღრესად პროგრესიული და რევოლუციონური იყო ჩვენი მაშინდელი პირობებისათვის¹⁾.

¹⁾ 80-იან წლებში ილ. ჭავჭავაძემ ჩვენში გაამეფა მიწისა და გუთნის პოლიტიკა. 1882 წ. ერთ თავის მიმოხილვაში იგი წერდა:

„ისტორია მართო იმ ერს ეკითხება, რომელსაც მიწაზედ ფეხი უდგას და ხელი გუთანს უვლია. თავდაპირველი შემოქმედნი ეროვნებისა და ერის სიმდიდრისა მართო გუთანი და მიწა ყოფილა და იქნება კიდევ“ („ივერია“, № 7, 8, გვ. 281, 1882 წ.). მკითხველი დაგვეთანამეცა, რომ მიწისა და გუთნის ეკონომიური პოლიტიკის წამოყენება 80-იან წლებში არსებითად რადიკალური გადახვევა იყო იმ მნიშვნელოვანი სავაჭრო-სამრეწველო პლატფორმიდან, რომელიც წამოაყენა 60—70-იანელმა ჩვენმა ინტელი-

ანტონ ფურცელაძეც ვერ ასცდა ამ საერთო მდგომარეობას. იგი მოითხოვდა უპროლეტარო კაპიტალიზმის განვითარებას ჩვენში, ვაჭრობა-მრეწველობის გაჩაღებას კაპიტალისტური სოციალ-კლასობრივი ურთიერთობის განვითარების გარეშე. ეს, რასაკვირველია, უტოპია იყო, მაგრამ სწორედ ეს უტოპიური აზროვნება არის დამახასიათებელი ჩვენი 60—70-იანი წლების მოწინავე ინტელიგენციისა. აღსანიშნავია ანტონ ფურცელაძის ეკონომიურ-სოციალური აზროვნების გაორება: ერთის ხელით იგი კაპიტალიზმს აკრიტიკებდა, მეორე ხელით ვაჭრობა-მრეწველობის განვითარებას მოითხოვდა; კაპიტალისტური ეკონომიკა ერთის მხრით დამლუპველად მიაჩნდა ჩვენი ერისათვის, მეორეს მხრით — აუცილებელ საჭიროებად, თუმცა სხვა ფორმებით; ერთის მხრით იგი სოფლის წვრილ-მესაკუთრის ინტერესებს იცავდა, ებრძოდა კაპიტალისტებს და აყენებდა მიწის სოციალიზაციის პროექტს, მეორე მხრით — ვაჭრობა-მრეწველობის ინტერესების დამცველად გამოდიოდა და უპროლეტარო კაპიტალიზმის პროგრამას იცავდა.

ამ თავის თეორიას ან. ფურცელაძე არც 90-იან წლებში გამოთხოვებია. 1895 წ. გაზ. „ივერიაში“ მან გამოაქვეყნა ერთი თავისი წერილი („კაცობრიობა და ხალხოსნობა“), რომელიც დაწერილი იყო 70-იანი წლების დასაწყისში. ამ წერილის მთავარ დებულებას — ასოციაციური და შეერთებული შრომის აუცილებლობას — იგი უკლებლივ იცავს, ხოლო ახლა უფრო მევეთრად ანვითარებს ვაჭრობა-მრეწველობის განვითარების საჭიროებას ერის ცხოვრებაში. ეკონომიურ ფაქტორს ამ წერილში დიდი ადგილი აქვს დათმობილი. იგივე წერილი შეუსწორებლად იქნა გამოცემული 1906 წ. ცხადია, ავტორი არ ფიქრობდა რაიმე რადიკალური ცვლილების შეტანას იმ თეორიულ დებულებებში, რომელიც მან შეიმუშავა 60—70-იან წლებში. თვით ავტორი ამბობს, რომ ის „აზრის ყოველად შეუცვლელად“ აქვეყნებს თავის წიგნაკს, მაგრამ ჩვენთვის ცხადია, რომ ფურცელაძე რეალური ცხოვრების დენამ გადახარა თავისკენ

გენციამ, და მათ შორის ილია ჭავჭავაძეც. 80-იან წლებში ი. ჭავჭავაძემ საგრძნობლად დაახვეწა უკან ჩვენს ეკონომიურ აზროვნებასა და პოლიტიკას. მართლაც, ილია ჭავჭავაძე ამ პერიოდისათვის უკვე დაშორდა 60-იანი წლების რადიკალ-პროგრესიულ აზროვნებას და თავად-აზნაურული ლიბერალიზმის პროგრამის წამოყენებით დაკმაყოფილდა (იხ. ჩვენი „ინტელიგენციის პროფილი მე-XIX-ე საუკუნეში“).

და იგი ხაზგასმით აღნიშნავს ახალი კაპიტალისტური ფაქტორის მნიშვნელობას. ერთის მხრით იგი სწერს: „დღევანდელს წესებში ხალხის უმთავრეს ძლიერებას, როგორც მაშინაც უპასუხეს კენეს და ფიზიოკრატთა, სოფლის მოწოდებამათობა არ შეადგენს. უმთავრესი ძლიერება დღევანდელთა ერთა არის ვაჭრობა, მრეწველობა, მექარხნობა. ამ ბოლოსა და ბოლოს ხომ ცხადი საშვალებით ამტკიცებენ, რომ მარტო მეურნეობაზედ, მიწათა მოწოდებამათობაზედ დადგომა ჰლუპავს ხალხს, თუ ხელიდან გაუშვებს ვაჭრობა, მრეწველობა, მექარხნობა“ (გვ. 61) აქ აშკარა ბურჟუაზიული პროგრამა არის წამოყენებული, რადგან ვაჭრობა-მრეწველობის განვითარება კლასიურ საზოგადოებაში აშკარად ბურჟუაზიულ შინაარსს იღებს. მაგრამ ეს ხელს არ უშლის ან. ფურცელაძეს თავისი ასოციაციების თეორიაც დაიცვას. მეორე ადგილას იგი სწერს: „ამგვარად, როგორც ესენი, ეგრეთვე სხვა ათასი გარემოებანი ცხადათუჩვენებენ და უწყობენ კაცობრიობას ხელს შრომის შეერთებისა, ასოციაციების დამყარებისათვის. პირნი შეადგენენ ჯგუფს. ჯგუფნი საზოგადოებას, საზოგადოებანი ერს, ერნი კაცობრიობას. ყველა გაინაწილებს შრომას, ყველა მიიღებს თავისი შრომის ფასს, გარდა იმისა, რაც ყველამ უნდა გაიღოს საზოგადო საკმეთა წყობილებისა და პატრონობისათვის“ (გვ. 71). ცხადია, ჩვენი ავტორი 1895—1906 წლებში პირწმინდად იმეორებს იმ დებულებებს, რომელიც წამოაყენა 60—70-იან წლებში და მასთანვე იმავე წინააღმდეგობას განიცდის, რასაც განიცდიდა აღნიშნულ ეპოქაში: ვაჭრობა — მრეწველობის განვითარება და შეერთებული შრომის ასოციაცია აქაც ებრძვის ერთიმეორეს.

ჩვენი მწერლის ასეთი გაორება სწორედ ჩვენი მაშინდელი (60—70-იან) სოციალ-ეკონომიური პირობების გარდამავალი ხასიათით აიხსნება: ჩვენში უკვე დაირღვა ნატურალური მეურნეობა და ნიადაგი ეყრებოდა კაპიტალისტურ ეკონომიკას. ასეთი გარდამავალი პერიოდის პირობებში ინტელიგენციამ, აღზრდილმა ევროპისა და რუსეთის რადიკალ-სოციალისტურ აზროვნებაზე, ძალაუფლებურად ასახა თავის აზროვნებაში ჩვენი ცხოვრების ეს ახალი სოციალ-ეკონომიური გარემოება სრულიად სხვა ფორმით, ვიდრე ეს რეალურ სინამდვილეში ხდებოდა: იგი ვერ აღუდგა წინ კაპიტალიზმის განვითარებას ჩვენში, მაგრამ სურდა მისთვის მშვიდობიანი და ასოციაციური ფორმა მიეცა.

ასეთი განწყობილება ახასიათებს 60-იანი წლების მეორე ნახევრის და 70-იანი წლების პირველი ნახევრის ჩვენი მოწინავე პუბლიცისტების აზროვნებას. აი, ამ ნიადაგზე აღმოცენდა ჩვენში ლიბერალური უტოპიური სოციალიზმი.

მაგრამ ფურცელადის უტოპიზმი ერთობ შორს მიდის: იგი მართელობასაც აძლევს წინადადებას განახორციელოს ჩვენს სოფლებში მიწის საზოგადო წესი, ე. ი. შემოიღოს ჩვენში რუსეთის სათემო მართელობა. 1873 წ. „გუთნის დედის“ ფურცელებზე იგი წერდა:

„ამის გამო სასარგებლოთ სასოფლო მეურნეობის წარმატებისა, იმდენათ მაინც, რამდენათ ეხლანდელს მდგომარეობაში შესაძლებელია, აუცილებელი საჭიროება მოითხოვს, რომ ადმინისტრაცია, ესე იგი მმართველობა, გაერიოს ამ საქმეში და მოახდინოს რამდენიმე ცვლილება და დაწესება. ეს ცვლილება და წესები არიან... 6) თუ შეიძლება ერთბაშათ, თუ არა და ცოტ-ცოტათი მაინც ეცადნენ, რომ მამულები სოფლებში შეიქნეს საზოგადო სასოფლო საკუთრებათ, როგორც არის ეს რუსეთში. მხოლოდ დაყოფის დროს შემუშავებული მამულები დაიყონ შემუშავებულთა შორის. ვენახები ორმოცდა ათ წლამდის ეპიროთ გამშენებლებთა და შემდეგ დაიყოს შეფარდებით ვენახის პატრონებს შორის. კარგი ვენახები კარგის შემუშავებლების და ცუდი — ცუდი შემუშავებლების შორის. ამგვარი ხნიერება და შერჩევით დაყოფა არ დაუკარგავს მუშას ვენახისა და მამულის გაკეთების ხალისსა. ამგვარათ საზოგადოთ მამულების დადება, სხვა სიკეთეთა შორის, უშველის იმ საშინელს სიღიწროვესაც, რომელსაც ეხლა ითმენს სოფლის ხალხი“ („გუთნის დედა“, № 17, 1873 წ. ა. ფ-ს წერილი: „სასოფლო წერილები“).

უნდა აღინიშნოს ის ფაქტი, რომ ასეთი გეგმებით, „ნაროდნაია ვოლიას“ სახელოვანი პარტიის დაპარცხების შემდეგ, ხშირად მიმართავდნენ რუსეთის მემარჯვენე ნაროდნიკები რუსეთის მმართველებს: იკისრეთ და განახორციელეთ ჩვენი პროგრამაო. ნიკოლაძეც და 80-იანი წლების ჩვენი ნაროდნიკების ნაწილიც ვერ აცდნენ ასეთ უტოპიზმს. რუსეთის ხელისუფლების წინაშე მრავალჯერ მოიხარა ქედი ა. ჰერცენმაც. ამ სამწუხარო უტოპიზმს ნათლად განიცდის ან. ფურცელაძეც. ეს აიხსნება იმით, რომ მისი სოციალური სისტემა არ არის დამთავრებული, მკვიდრად გამოკვეთილი. იგი სხვადასხვა სისტემების ნაწეია. მაგრამ, რაც აღსანიშნავია, მას არა აქვს მკვეთრი

რევოლუციონური ტაქტიკა, იგი უმთავრესად მშვიდობიანი განვითარების მომხრეა და ასე ადვილად ვერ ურიგდება სოციალური ბრძოლის მკაცრ მეთოდებს. ეს ფაქტიც ნათლად ამტკიცებს ჩვენს დებულებას, რომ ან. ფურცელაძე ლიბერალური სოციალიზმიდან ნაროდნიკული სოციალიზმისაკენ გარდამავალ საფეხურს წარმოადგენს.

როგორც დავინახეთ, ანტონ ფურცელაძემ საგრძნობი მუშაობა აწარმოვა არალეგალურ ქართულ რევოლუციონურ ნაროდნიკულ პარტიის დასებში და მის მოღვაწეობაში. 1876—7 წლებში იგი პასუხისმგებელი იქნა მიცემული ამისათვის. ჩვენ კარგად ვიცით, რომ აღნიშნულ პერიოდში რუსეთის სოციალისტურ-ნაროდნიკულმა აზროვნებამ სავსებით გაითავისუფლა თავი პერცენის ლიბერალურ-ოპორტუნიისტული პოლიტიკისაგან და აშკარად შეითვისა რევოლუციონური თეორია, თავის ძირითად საფუძვლებში საწინააღმდეგო არსებული სახელმწიფოებრივი წყობილებისა და ეს თეორია არავითარ დათმობზე და ხელისუფლებასთან მორიგებაზე არ მიდიოდა: ასეთი იყო 70-იანი წლების ნაროდნიკული თეორიები. ამავე ხაზს ადგენ ქართველი ნაროდნიკებიც. ან. ფურცელაძემ სცადა ასეთი თეორიის შეთვისება და არალეგალურ რევოლუციონურ მუშაობაში მონაწილეობის მიღება, მაგრამ იმავე დროს (1873—75 წლებში) არ მოერიდა ლეგალურ პრესაში გამოეთქვა სრულიად მიუღებელი და პრინციპიალურად გაუმართლებელი შეხედულება მიწის განაზოგადოების განხორციელების საქმეში მართველობისა და ადმინისტრაციის გამოყენების შესახებ, ე. ი. რეაქციონური ხელისუფლების პოლიტიკურ-ადმინისტრატიული აპარატის დახმარების პოლიტიკა გაიზიარა. აქაც საგულისხმოა მერყეობა ან. ფურცელაძის რევოლუციონურ ტაქტიკასა და ოპორტუნიისტულ-ლიბერალურ პოლიტიკას შორის, აქაც იგი გაორებულია. განა ასეთი ყოფა არ ეწია 1789—83 წლებში ნ. მიხაილოვსკისაც, რომელიც, ერთი მხრით, სახელოვან „ნაროდნაია ვოლიას“ ტერორისტულ პარტიასთან თანამშრომლობდა, ხოლო, მეორეს მხრით, პროექტებს უზნავიდა რეაქციონურ მთავრობას, ჩვენი ნიკო ნიკოლაძის ხელით, მშვიდობიანი სოციალური თანამშრომლობის შესახებ?

ჩვენი საზოგადოებრივი აზროვნების ისტორიაში ანტონ ფურცელაძეს თვალსაჩინო ადგილი უჭირავს: იგი მრავალმხრივ მომზადებული და მრავალსახიანი მწერალი იყო. მან უკვე 60-იან წლებში შე-

ითვისა სოციალისტური აზროვნება და ამ იდეების ქადაგებას შეუდგა ჩვენში, როგორც სიტყვით, ისე წერილთა. მისი სოციალისტური აზრები გაფანტული არის სხვადასხვა წერილებსა და ჟურნალ-გაზეთებში. მისი სოციალისტური აზროვნების დამახასიათებელი ის არის, რომ იგი ცდილობს სხვადასხვა სოციალისტური თეორიები შეაერთოს, შეადლუოს: ნაწილს იგი სესხულობს 60-70-იანი წლების ნაროდნიკული იდეოლოგიიდან, ნაწილს კი ევროპის სოციალისტური სალაროდან.

როგორც სხვა იმდროინდელი ჩვენი სოციალისტი მწერლები, ან. ფურცელაძეც ვერ ასცდა წინააღმდეგობას; რეალურმა ცხოვრებამ თავისი გავლენა მოახდინა მის სოციალისტურ აზროვნებაზე და თავის შესაფერისად აამეტყველა. ზოგიერთი ფიქრობს, რომ ან. ფურცელაძე დამთავრებული ნაროდნიკი რევოლუციონერია. როგორც ზევით დავინახეთ, ეს არ არის სწორი: მთავრობასთან და ადმინისტრაციასაც თანამშრომლობის მოთხოვნა არ შეიძლება რევოლუციონერ ტაქტიკად იქნეს გამოცხადებული. ამ მხრით ან. ფურცელაძე ოპორტუნისტია. მაგრამ ჩვენი საზოგადოებრივი ცხოვრების პირობებმა და განუვითარებლობამ იგი მეორე მხრითაც გახადა ოპორტუნისტი. მან ვერ ნახა თავისი იდეებისა და თეორიებისათვის შესაფერისი სოციალური ფენა საქართველოში და ამიტომ იძულებული შეიქნა ისეთ წრეში ემოლვანა, რომელიც სრულიად არ ეგუებოდა მის მისწრაფებებს: მაღალი იდეებითა და მისწრაფებებით აღფრთოვანებულ მწერალს სრულიად არ დახვდა ნიადაგი მოჰადებულ და, მცირედი ზნის გამოკლებით, თავად-აზნაურთა წრეებში მოუხდა ტრიალი და მოღვაწეობა. ერთ თავის მოგონებაში ან. ფურცელაძე ხაზგასმით აღნიშნავს, თუ 60-იანი წლებიდანვე როგორ გაცხარებულ მუშაობას ეწეოდა იგი დიპლომატიური კუთვნიდან ერთად თავად-აზნაურული საბანკო საქმეების მოსაწყობად თავად-აზნაურთა წრეებში¹); იგი არ დაერიდა თავად-აზნაურული ბანკის დაარსების საქმეს, მიუხედავად იმისა, რომ პრინციპიალურად ბანკის წინააღმდეგაც²) იყო და თავად-აზნაურობასაც ებრძოდა. ასე დაიმონა ან. ფურცელაძე რეალურმა ცხოვრებამ და გახადა იგი შემგუებული პოლიტიკის, ოპორტუნის-

¹) ან. ნურცელაძე: „Наши общественные дела и участие в них Вахтанга Тулаева“, „Закавказье“, № 256, 257. 1911 წ. № 131, 132, 136, 138, 1912 წ.

²) იხ. „კუთხის დედა“, 1873 წ. აგრეთვე მისი წიგნაკი: „ბანკები, ფული და მათი მნიშვნელობა“, 1906 წ. გამოცემული.

ტული მიდრეკილების მწერლად; მისი პრინციპიალური ნაზი და პრაქტიკული საქმიანობა დასცილდა ერთიმეორეს: ცხოვრებამ დაამარცხა მისი პრინციპები, ბანკებისა და თავად-აზნაურობის უარყოფელი—პრაქტიკულად ორივე ამ მოვლენის სასარგებლოდ მუშაობდა და მოღვაწეობდა. ვინც ისტორიული საზომით განიხილავს საკითხს, მისთვის ამაში არ უნდა იყოს რამე მოულოდნელი: ცხოვრების რეალური ინტერესი უფრო მძლავრი არის, ვიდრე იდეოლოგიისა და ოცნების სამეფო. მაგრამ მარტო ანტონ ფურცელაძე შეიქნა ოპორტუნიستي, მარტო ის გაიზადა? გაითვალისწინეთ ჩვენი 60-იანი წლების რადიკალურ-დემოკრატიულად და სოციალისტურად მოაზროვნე მწერლების საერთო მოღვაწეობა და თქვენ დაინახავთ, რომ ყველა ისინი ბოლოს და ბოლოს ამა თუ იმ სახით დაემორჩილენ ცხოვრების დენას, მის პრაქტიკულ საჭიროებას. მაგრამ მათ შორის მაინც განსხვავებული სახით სდგას ანტონ ფურცელაძე: იგი თეორიაში ბოლომდე დარჩა უტოპისტ-სოციალისტი და პრაქტიკაში კი ოპორტუნიისტი, არსებულ პირობებთან შემთანხმებელი.

თ ა ვ ი მ ე ტ ხ რ ა

გუჩუაზიულ-უბოკიური სოციალიზმის მნიშვნე- ლობა ჩვენი საზოგადოებრივი აზროვნების ვითარებაში.

ქართული ლიბერალური სოციალიზმის ეპოქა, ჩვენის მოსაზრებით, განისაზღვრება 60-იანი წლების მეორე ნახევრით და 70-იანი წლების პირველი ნახევრით — დაახლოებით 1865 — 1876 წლებით. ამ პერიოდში წარმოშობილი, იგი გაიზარდა (განსაკუთრებით 1869 — 73 წლებში) და გადაგვარების გზასაც დაადგა. ფორმალურად ქართული ლიბერალური სოციალიზმი შესცვალა წვრილ-ბურჟუაზიულმა ნაროდნიკულმა მიმდინარეობამ, ხოლო სოციალურად მის გადაშენებას ხელი შეუწყო ამ უტოპიების შეუსაბამობამ ქართულ სინამდვილესთან. როგორც ზევით ვწერდით, სოციალიზმის ამ ფორმებს თავი შეაფარა ბურჟუაზიულად განწყობილმა ინტელიგენციამ. ამ ინტელიგენციამ შვედეთისა, რუსეთისა და, უმთავრესად, ევროპის უტოპიური და სხვა სოციალისტური სისტემები და მოისურვა მათი გადმოწერვა საქართველოს სინამდვილეში; მაგრამ ფაქტიურად ამ ფორმებს ინტელიგენციის აშკარა ბურჟუაზიული პროგრამა აფარებდა თავს. ჩვენს ინტელიგენციას სურდა საქონლის მეურნეობა უკაპიტალიზმოდ, უკეთ: კაპიტალიზმი შრომის ექსპლოატაციის გარეშე, უპროლეტაროდ. მას უფრო აშინებდა „პროლეტარიატში ჩაცდენა“, ვიდრე კაპიტალიზმის განვითარება. გადაიკითხეთ „დროების“ ზემოდასახელებული წერილები, გ. თარხან-მოურავის, მოსე ქიქოძის, ან. ფურცელაძის საპროგრამო სტატიები — და სავსებით დარწმუნდებით ამავში.

რადარა გარემოება უწყობდა ხელს ჩვენში ამ სახის სოციალისტური მიმდინარეობის წარმოშობას? აქ მხედველობაში მისაღებია

ორი უმთავრესი გარემოება. ამ საკითხს ჩვენ უკვე შევეხებოდეთ ნარკვევის შესავალში. უფრო ვრცლად გავარკვეოთ იგი:

პირველი გარემოება არის ჩვენი შინაგანი სოციალ-პოლიტიკური და ეკონომიური მდგომარეობა. ლიბერალური სოციალიზმი აღმოცენდა განსაზღვრულ ისტორიულ პერიოდში, როდესაც ხდებოდა გარდასვლა ძველი მეურნეობიდან კაპიტალისტურ მეურნეობაზე. ეკონომიურად ამ პერიოდში ხდებოდა კაპიტალისტური წყობილების მშობიარების პროცესები და ამ ღრმა მნიშვნელობის სოციალურ ტკივილებს არ შეეძლო თავისი გავლენა არ მოეხდინა ინტელიგენციის აზროვნებაზე. ფორმალურად ბატონყმური ურთიერთობა მოისპო 1864 წ., ხოლო ფაქტიურად იგი დიდი ხნიდან განიკდიდა რღვევის პროცესს რუსეთისა და ადგილობრივი სავაჭრო კაპიტალის ზეგავლენით. ბატონყმობის მოსპობის დღიდანვე ინტელიგენციის წინაშე აღიმართა რთული პრობლემა საქართველოს მომავლის შესახებ: რა გზით და რა ფორმებში უნდა ჩამოყალიბდეს საქართველოს სოციალ-ეკონომიური წყობილება ახალი რეფორმის შემდგომ, რომელი გზაა სასურველი საქართველოს განვითარებისა და აღორძინებისათვის? ეს საკითხები ჩვენი მაშინდელი სოციალ-ეკონომიური ცხოვრების უდიდეს პრობლემას წარმოადგენდნენ. ინტელიგენციამ ამ გარემოებას ძალაუვნებურად გაუწია ანგარიში, შეეცადა ამ პრობლემის თეორიულ დასაბუთებას.

არ უნდა დავივიწყოთ ის ღრმა მნიშვნელობის სოციალური ფაქტიც, რომ ჩვენი თავად-აზნაურული წოდების ეკონომიური და სოციალური დაცემა უკვე საგრძნობლად დაიწყო XIX-ე საუკუნის პირველ ნახევარში, ხოლო ორი ათეული წლის (1850-70) მანძილზე იგი ყველასათვის აშკარა გახდა. მაგრამ თავად-აზნაურობის ეს კრიზისი თავისთავად გამოწვეული იყო ჩვენში გამეფებული ძველი ეკონომიური წყობილების შერყევით, მისი საფუძვლების დარღვევით: მე-XIX-ე საუკუნის პირველ ნახევარში ჩვენში სავაჭრო კაპიტალის განვითარებამ დარღვევის პროცესი შეიტანა ძველ ნატურალურ სამეურნეო წყობილებაში, რასაც შედეგად თავად-აზნაურობის სოციალური დაცემის დაწყება მოჰყვა; 1865 წ. „კოლოკოლის“ ფურცლებზე ნიკოლაძემ ხაზგასმით აღნიშნა ჩვენი ბრწყინვალე წოდების დეკადანსის დასაწყისი: მაგრამ ამ პროცესს საუცხოვოდ გვისურათებს ერთი კორესპონდენცია, რომელიც გაზ. „დროებაში“ არის მოთავსებული. აქ ჩვენ ვკითხულობთ:

„როგორც მკითხველს ეხსოვება, სიღნაღელი სომხები წარმოადგენენ მფლობელს წოდებას; მამული, დედული, სახნავი, სათესი, ფული და ვეჯი, ერთის სიტყვით რასაც კი ცოტაოდენი ფასი მაინც აქვს, სულ იმათ ხელშია. იყვნენ ოდესმე თავადები: შეეძლოთ ცოტა ოდენი რამე, მაგრამ ეხლა, — ღმერთმა შეინახოსთ. ჩემი მტერი ნუ ჩავარდეს იმ ალაგას, რა ალაგშიაც ისინი ეხლა არიან ჩაცვივნულები. იმათ მამულ-დედულის, ქონება და ცოლის საყურეებიც სულ ვაქრებს აქვთ დაგირავებულები. უვალო თავადიც იმისთანა ძვირი სანახავია, როგორც შუა ზაფხულში თოვლი. საცინელს და მასთანვე დასაღონებელ დასანახავს წარმოგვიდგენს ჩვენებური თავადი, როცა სომეხს ფულსა ჰსთხოვს სასესხებლათ. შეჰხედეთ, როგორ ეღრიჯება, უცინის, ელაქუცება, რკალივით იკაკვება გაბერილ ვაქრის წინ, ოღონდ თუ-მანი თვეში მანეთად მასესხოსო! გარდა იმისა, რომ მამულს გირაოთ უწერს. სარგებელს წინ-და-წინვე თავნზე ჰკეცავს. თუკი ასეთს ალაგს ჩაცვივნულან „თავადები“, და „ყმარწვილები“, ამჟამი მამა-პაპითა და ჩამოშავლობით, რომლებშიაც ეს რამდენიმე საუკუნეა, რაც უსპეტაცესი და შეუმღვრეველი სისხლი მომდინარეობს, — მაშ იქაური გლეხები რაღა სანახავი იქნებიან? ისინი კიდევ ხომ სულ წყალ წაღებულები იქნებიან: დიახაც და მაგრე გახლამსთ“¹⁾.

არ უნდა იყოს სადავო ის, რომ თავად-ზნაურობის ღრმა სოციალ-ეკონომიური ხასიათის კრიზისი²⁾, ერთის მხრივ, და ახალი

¹⁾ იხ. „დროება“, № 15, 1872 წ. ა. კოკტას წერილი.

²⁾ ჩვენს მოწინავე ინტელიგენციას, აღზრდილს რუსეთისა და ევროპის სოციალისტურ-დემოკრატიულსა და პროგრესულს აზროვნებაზე, ცხადია, ვერ მოხიბლავდა ვერც ლუარსაბ თათქარიძის მდგომარეობა და ვერც საერთოდ თავად-აზნაურული ყოფა-ცხოვრება. ჩვენში, სამწუხაროდ, ილია ჭავჭავაძის აზროვნების შესახებ 60-იან წლებში მეტად ყალბი შეხედულებაა გავრცელებული; ამ შეხედულების მიხედვით, ილია ჭავჭავაძე არასოდეს არ ყოფილა არამეტუ თავად-აზნაურობის წინააღმდეგი, არამედ ბატონყმობის მოსაპობის მომხრეც; მას მხოლოდ სურდა ბატონყმობისათვის უფრო ღმობიერი და ჰუმანური ხასიათი მიეცაო. ეს შეხედულება არ შეესაბამება ისტორიულ სინამდვილეს და აშკარა გადამახინჯებაა იმ სოციალ-პოლიტიკური პროგრამის, რომელსაც ილია ჭავჭავაძე იზიარებდა 60-იან წლებში. ამ რადიკალურ-დემოკრატიული პროგრამის მთავარი კონტურები ჩვენ უკვე მოვხაზეთ ამ წიგნის ერთ-ერთ თავში (იხ. გვ. 69 — 76). ამჟამად ჩვენ ზღუთ არის ერთი მეტად საინტერესო დოკუმენტი: ილია ჭავჭავაძის „ნაწერებში“ აღმოჩენილი პატარა დაუმთავრებელი წერილი „ჩვენი საზოგადოების ფიზიოლოგია“, რომელიც დაწერილი უნდა იყოს 60-იანი წლების პირველ ხანებში, არა უგვიანეს „საქართველოს მოამბის“ გამოცემისა (1863 წ.). ამ შენიშ-

კაპიტალისტური ეკონომიკის მნიშვნელოვანი პროცესები უდიდეს გავლენას ახდენდნენ ჩვენი ინტელიგენციის აზროვნებაზე და მათს იდეოლოგიურს გადახრებზე. ჩვენი ცხოვრების ამ ობიექტური ეკონომიური და სოციალური პროცესების გარეშე ჩვენ ვერ ავხსნით ჩვენი ინტელიგენციის რადიკალურ-დემოკრატიულსა და სოციალისტურ მიდრეკილებებს.

მეორე გარემოება: ამ ძიების პროცესში ინტელიგენცია ძალაუნებურად მიაღწია სოციალიზმისა და კაპიტალიზმის საკითხებს; ამ შემთხვევაში ინტელიგენციაზე გავლენას ახდენდნენ საერთაშორისო მნიშვნელობის ფაქტორები. ჩვენს ინტელიგენციას იმ პერიოდში მოუხდა ანტონ კათალიკოზის კატეგორიების გავლენისაგან განთავისუფლება და ჩვენი პატრიარქალური სიეიწროვისაგან თავის დახსნა, როდესაც ევროპის კაპიტალიზმმა სავსებით გამოამჟღავნა თავისი უარყოფითი მხარეები, როდესაც კლასთა ბრძოლის გამწვავებამ და პროლეტარიატის რევოლუციონურმა ბრძოლამ ევროპაში უმაღლეს ხარისხს მიახწია; ეს ერთის მხრივ, ხოლო მეორე მხრივ — სოციალისტური აზროვნება და სოციალისტური თვალსაზრისით კაპიტალისტური ურთიერთობის კრიტიკა გადამჭრელ როლს თამაშობდა ევროპის და რუსეთის სოციალ-პოლიტიკური აზროვნების ვითარებაში. აქვე უნდა აღინიშნოს, რომ ბურჟუაზიული კლასიკური პოლი-

ვნაში ჩვენ მითითებულ მოგვყავს სრული ციტატა ამ წერილიდან, რომ იგი, ერთის მხრივ, გარკვევითა და ნათლად ახასიათებს ილ. ჭავჭავაძის რადიკალურ-დემოკრატიულ მოსწრაფებას, ხოლო მეორეს მხრივ ნათელ სურათს იძლევა იმის შესახებ, თუ საერთოდ როგორ უტკერდა ჩვენი მოწინავე ინტელიგენცია თავად-აზნაურობას, ამ წერილში ილია ჭავჭავაძე ამბობს:

„მომე საცხოვრებელია ეს ჩვენი ჭეყანა გონიერი კაცისათვის, იმ კაცისათვის, რომელიც თავის თავის გარეთაღ სხვაზედაცა ფიქრობს, სხვაზედაცა მსწუხს ის ჩვენი ფრთას ვერ გაშლის, სულს ვერ მოიბრუნებს. შევა დიდ-კაცის სახლში, თუ თითონ დიდი-კაცია — პატივი აქვს, ე. ი. კანონიერად გაუღიმებენ, კანონიერად ხელს ჩამოართმევენ, თუ პატარა კაცია, მაშინ წელს გაუშინჯავენ, კარგად იგრიხება თუ არა, თუ გაჭირდა თავს ისე დაუკრავს, რომ მუბალი მიწას დაჰკრას თუ არა; თავი მზეფეჭრიტისა აქვს თუ არა, როგორც მზეფეჭრიტე მზისაკენ მიბრუნდება, ისე თავიც იმისკენ უნდა მიბრუნდეს, ვინც ორი თუ სამი სტრიკონით თავად-აზნაურობის სიაში წინ არის მოხსენებული. ვინც ეს არ არის მოწყობილი და ავებული, ის იმათ ხელს არ მიჰსცემს. ის დიდ-კაცობა როგორც სხვაგან ისე ჩვენში სწორედ კუბოა, რომელიც გარედან ზაფერადით არის მოსილი და ბუზმენტებით გაბრწყინებული, მაგრამ ახსენით ის ბუზმენტები და ახადეთ თავი, შიგ ძელების და სულის და ზოოკის გაბრწყინების მეტს ვერას დაინახავთ. ისინი მართალია

ტიკური ეკონომია ამ პერიოდში უკვე საგრძნობ დეკადანსს განიცდიდა და ბურჟუაზიულად მოაზროვნე ეკონომისტები სოციალიზმისაკენ იხრებოდნენ (ჯონ სტუარტ მილი, კადეტერ-სოციალისტები).

არ უნდა დავივიწყოთ ერთი ისტორიულად ღრმა მნიშვნელობის ფაქტიც: ჩვენი 60-იანი წლების ახალი თაობის ინტელიგენცია თავისი შთამომავლობით იყო თავად-აზნაურული, ფეოდალური არისტოკრატის მემკვიდრე. მას გავლილი არ ჰქონდა ბურჟუაზიული სკოლა; იგი არ იყო აღზრდილი ბურჟუაზიული ურთიერთობის პირობებში. ამას დიდი მნიშვნელობა ჰქონდა ჩვენი ინტელიგენციის სოციალ-პოლიტიკური აზროვნების შემუშავების საქმეში. ახალი თაობის ინტელიგენცია, თავისი გენეალოგიით თავად-აზნაურული არისტოკრატის ამომავალი, ასე ადვილად და პირდაპირ ვერ შეითვისებდა დამთავრებულ ბურჟუაზიულ იდეოლოგიას. ვისაც სურს მოსძებნოს ჩვენი მაშინდელი ინტელიგენციის აზროვნების სოცოლოგიური საფუძვლები, მან აუცილებლად არსებითი ყურადღება უნდა მიაქციოს ჩვენ მიერ აღნიშნულ ამ ისტორიული მნიშვნელობის ფაქტსაც.

აი ასეთს მნიშვნელოვან ატმოსფეროში მოჰყვა ჩვენი რადიკალური ინტელიგენცია: გასაკვირი არ არის, თუ ამ ინტელიგენციამ საქართველოში დაწყებული ღრმა შინაარსის სოციალ-ეკონომიური ფაქტორების ზეგავლენით და ევროპისა და რუსეთის სოციალისტური მოძრაობის მიბაძვით ფორმალურად შეითვისა და მასთანვე თავისებური შინაარსით ააგო სოციალისტური ფორმულები. ჩვენი ინტელიგენცია კოლექტიური და ასოციაციების გზით ფიქრობდა საქართველოს მომავლის განვითარებას, არსებითად კი ამ კოლექტიურ-ასოციაციის ფორმებში გამოხვეული იყო ბურჟუაზიული შინაარსის პროგრამა. ჩვენი ინტელიგენცია არ უარყოფდა საერთოდ აღებ-მი-

ცხოვრებენ და შურსა მოჰკერიან ხოლმე ღარიბსა, რომელიც ოფლით შობს ლუკმასა, მხესთვის ვერ შეუფედნია იმიტომ, რომ თუ თავის საქმეს თვალი მოარიდა ზომილით სული ამოუტყა. მაგრამ ნუ გშურს, ღარიბო! შენი ძონძები, შენი ცრემლში ამომბალი ლეჟმა, გამხმარი პური ირჩიე იმათ ბრწყინვალეებასა. შენს ოფლით ჩამწვარ თვალებზედ და მზე მოკადებულ სახეზედ ის მაინცა ჩანს, რომ შენ მოცულა არა გქონია, რომ შენს კაცობაზედ გეფიქრნა, გონება გაგებსნა, გული გაგებოთ, იმათ ეგეტ არა ატყთ, იმათ მინის თვალებში ეტყობათ, რომ მოკალეობა...“ (აქ სწყდება წერილი. იხ. ილია ჭავჭავაძის თხზულებანი, ტ IV, გვ. 390 — 91, 1927 წ.) ასეთი შეზღუდულება თავად-აზნაურულ წოდებაზე ნათლად ააშკარავებს, თუ საით უნდა მივმართო მოწინავე ინტელიგენციას თავისი გულისყური, როგორი პროგრამები უნდა ეთხზა მას საქართველოს წარმატებისათვის.

ცემობისა და მრეწველობა-წარმოების განვითარების საჭიროებას, მაგრამ მას სურდა ეს ეკონომიური სამოღვაწეო პროგრამა კოლექტიური ფორმებით განვითარებია; უკეთ: მას სურდა საქონლის მეურნეობა შრომის ექსპლოატაციის გარეშე, ინდუსტრია — უპროლეტარიატოდ, კაპიტალიზმი — უკაპიტალიზმოდ, ეს იყო აბსტრაქტული, განუყენებელი წარმოდგენა კაპიტალისტური ურთიერთობისა. რეალურად კაპიტალისტური მეურნეობის განხორციელება შრომის ექსპლოატაციის გარეშე, მაშასადამე, შრომასა და კაპიტალსა, პროლეტარიატსა და ბურჟუაზიას შორის დამკვიდრებული ეკონომიური ურთიერთობის გარეშე, არ მომხდარა და არც შეიძლებოდა მომხდარიყო. კაპიტალიზმი უკვე გულისხმობს გარკვეულ ეკონომიურ შინაარსსა და გარკვეულ სოციალურ ურთიერთობას. ჩვენმა ინტელიგენციამ სოციალისტური აზროვნების ზეგავლენით მოისურვა ძველი სოციალური საფუძვლები გამოეცალა კაპიტალიზმისათვის და დაგვიხატა კაპიტალიზმის არსებობა კლასთა ურთიერთობის გარეშე. რასაკვირველია, ეს უტოპია იყო, მაგრამ ქართული სოციალისტური აზროვნების ევოლუციისთვის ამ „უტოპიურ წარმოდგენებსაც“ თავისი მნიშვნელობა ჰქონდა.

ბურჟუაზიული სოციალიზმი ჩვენში წმინდა ლიტერატურულ მოვლენას წარმოადგენდა. მას აღიარებდნენ ცალკე პირები ყოველგვარი ჯგუფების და პარტიების დამოუკიდებლად. ამ მხრივაც წერტილ-ბურჟუაზიული სოციალიზმი (ნაროდნიკული) დიდად განსხვავდება ჩვენი ბურჟუაზიული უტოპიზმისაგან. ნაროდნიკებმა ლიტერატურულ შრომასთან ერთად 70-იან წლებში მეტად მნიშვნელოვანი პრაქტიკულ-რევოლუციონური მუშაობაც გააჩადეს, მაგრამ ამაზე ქვევით.

ბურჟუაზიულმა სოციალიზმმა რა შემოიტანა ჩვენში ახალი?

ჩვენ აღვნიშნავთ უტოპიური სოციალისტების ლიტერატურული მოღვაწეობის მთავარ მომენტებს:

1. ჩვენში გამეფებულ სქოლასტიურ აზროვნებას ბურჟუაზიულმა სოციალიზმმა დაუპირისპირა რაციონალისტური და პოზიტიური აზროვნება. ანტონ კათალიკოზის კატეგორიები მან გაანადგურა თანამედროვე პოლიტიკური ეკონომიის, ბუნებისმეტყველების და სოციოლოგიის მეცნიერული დასკვნებით: ქართული საზოგადოებრივი აზროვნება გაათავისუფლა ღვთისმეტყველების, თეოლოგიის და ძირ-მომპალი რელიგიური გავლენისაგან და მისი განვითარება მოინდომა

თანამედროვე მეცნიერების საფუძვლებზე. ამ მხრივ მან გამოხატა მისი პოზიცია, როგორც ახალი თაობის პროგრამა განაგრძო, უფრო გააღრმავა იგი და მაგარი რგოლებით გადააჯაჭვა ქართული საზოგადოებრივი აზროვნების ვითარება რუსეთისა და ევროპის მეცნიერების მაშინდელ ვითარებას.

2. ამ უტოპიურ-ბუერკეზიულმა სოციალიზმმა ქართველ საზოგადოებას გააცნო ევროპაში შექმნილი ახალი სოციალ-ეკონომიური და პოლიტიკური წყობილება, ახალი სოციალური კლასები და მათ შორის არსებული კლასობრივი ბრძოლა, ევროპაში დაწყებული სოციალური და პოლიტიკური მოძრაობა, მუშათა კლასის ბრძოლა და ამ ბრძოლის შინაარსი და ფორმები.

3. ამ მიმდინარეობამ არა მარტო პირველად განმარტა ჩვენს პრესაში კაპიტალისტური ეკონომიკა და მის ნიადაგზე აღმოცენებული სოციალური ურთიერთობანი, არამედ პირველმა მოგვცა კაპიტალიზმის კრიტიკა (რასაც ირეველია, არა სრული) და დაახასიათა კაპიტალიზმის უარყოფითი მხარეები.

4. კაპიტალიზმის კრიტიკის დროს ინტელიგენცია სარგებლობდა ევროპის და რუსეთის (განსაკუთრებით ჩერნიშევსკის) უტოპიური და სხვა სოციალისტური სისტემების დასკვნებით. ინტელიგენციამ გააცნო ქართველ საზოგადოებას ევროპისა და რუსეთის სოციალისტური მიმდინარეობანი, მათი შინაარსი და ისტორია. მან პირველმა წამოაყენა ჩვენში მუშათა საკითხი და თავისებურად დაუკავშირა იგი სოციალიზმის პრობლემას. მანვე პირველმა აღნიშნა (არა მარქსისტულად) კლასთა ბრძოლის არსებობა ისტორიაში.

5. ამ ინტელიგენციის ნაწერებში პირველად ვხვდებით უტოპიური სოციალისტებისაგან ნასესხებ „შრომის ღირებულების თეორიის“ ელემენტებს, კაპიტალის მიერ შრომის ექსპლოატაციის აღნიშვნას და ფორმულის, რომელიც ამბობს: „მუშას აქვს სრული უფლება მიიღოს თავისი შრომის ნაყოფი“.

6. ამ ინტელიგენციამ წამოაყენა პიროვნების ყოველმხრივი განვითარების და ქალთა სრული განთავისუფლების პრობლემები და დააკავშირა მათი განხორციელების საქმე სოციალიზმთან.

7. მან პირველად წამოაყენა ჩვენში, ნაროდნიკულ მიმდინარეობასთან ერთად, მეურნეობის კოლექტიური ფორმების აუცილებლობა ჩვენი ეკონომიური წარმატებისათვის: არტელების, კოოპერა-

ციების და ასოციაციების პრინციპიალური დასაბუთება პირველად მათ ნაწარმოებში გვხვდება.

8. არ უნდა დავივიწყოთ მათი ცდები, ეროვნული საკითხი დაეკავშირებიათ ეკონომიური წარმატების საკითხთან და საერთოდ სოციალურ აზროვნებასთან. ეროვნული პრობლემის ეკონომიური საზომით გაშუქება სერიოზულად მოიწადინეს გრ. თარხან-მოურავმა და მ. ქიქოძემ, ხოლო ეროვნული საკითხი სოციალიზმის განხორციელების საქმეს გარკვევით და ორიგინალურად დაუკავშირა პირველად (1865 წ.) ნ. ნიკოლაძემ. ამ უკანასკნელის დამსახურება ქართველი სოციალისტური აზროვნების წინაშე იმაშიც გამოიხატება, რომ მან პირველმა აღიარა სოციალური მომენტის უპირატესობა ეროვნულ მომენტთან შედარებით. შემდგომ ეს თეორია განაგრძეს ქართველმა ნაროდნიკებმა და ისინიც საქართველოს ეროვნული მისწრაფებების განაღდებას რუსეთის 70-იანი წლების რევოლუციონური მოძრაობის პროგრამის განხორციელებაში ხედავდნენ.

მკითხველი დაგვეთანხმება, რომ 60 — 70-იანი წლებისათვის მეტად დიდი დამსახურება იყო ჩვენი საზოგადოებრივი აზროვნების წინმსწდრობის წინაშე იმ საკითხების წამოყენება და თავისებურად გადაჭრა, რომელნიც ჩვენ სტემატიურად ზემოთ აღვნიშნეთ.



ს ა რ ჩ ე ვ ი

ავტორისაგან



შ ე ს ა ვ ა ლ ი:

1. სოციალისტური აზროვნების უმთავრესი მომენტები რუსეთსა და საქართველოში	3— 32
II. ჩვენი ეკონომიკა მე-XIX-ე საუკუნის მეორე ნახევარში	33— 60

გ ა ნ ე უ ლ ე ზ ა პ ი რ ვ ე ლ ი:

თავი პირველი.

ბურჟუაზიულ-უტოპიური სოციალიზმის ხასიათი ევროპასა და ჩვენში	63— 64
---	--------

თავი მეორე.

ნო-იანი წლების ჩვენი ახალი თაობის ინტელიგენცია . . .	65— 80
--	--------

თავი მესამე.

გაზეთი „დროების“ სოციალისტური ტენდენციები:	
+ 1. მუშათა საკითხი და ჩვენი ინტელიგენცია	81
2. კაშათი ლასალის თეორიების გარშემო	96
+ 3. პირველი ინტერნაციონალი და ჩვენი ინტელი- გენცია	108
- 4. პარიზის კომუნა და ჩვენი ინტელიგენცია	115

თავი მეოთხე.

ნიკო ინაშვილი და ქალთა განთავისუფლების საკითხი .	127—141
--	---------

თავი მეხუთე.

გრ. თარხან-მოურავი და ასოციაციის თეორიები	143—168
---	---------

თავი მეექვსე.

მოსე ქიქოძე და მისი წერილები საქართველოს მომავალზე	169—180
--	---------

თავი მეშვიდე.

ნიკო ნიკოლაძე — სოციალისტი	181—212
--------------------------------------	---------

თავი მერვე.

ანტონ ფურცელაძის სოციალისტური წერილები	213—240
--	---------

თავი მეცხრე.

ბურჟუაზიულ-უტოპიური სოციალიზმის მნიშვნელობა ჩვენი საზოგადოებრივი აზროვნების ევოლუციაში	241—248
---	---------

მეორე ტომის შინაარსი:



1. წმრილ-ბურჟუაზიული სოციალიზმი ჩვენში.

თავი პირველი.

გლებთა ეკონომიური მდგომარეობა ბატონყმობის შემდეგ და ნაროდ-ნიკული მოღვაწეობის დასაწყისი 80-იან წლებში.

თავი მეორე.

70-იანი წლები და ნაროდნიკების რევოლუციონური მოღვაწეობა.

თავი მესამე.

80-იანი წლების ნაროდნიკობა:

1. გ. მაიაშვილი და მისი ნაროდნიკობის ხასიათი.
2. ეურ. ჟიმედისა ჯგუფი და უმთავრესი ნაროდნიკული მიმდინარეობანი 80-იან წლებში.
3. აგრარული საკითხი და ჩვენი ნაროდნიკები.
4. მუშათა საკითხი და ქართველი ნაროდნიკები.
5. ეროვნული საკითხი და ნაროდნიკები.
6. წერილები მარქსისა და მარქსიზმის გარშემო 80-იან წლებში.

თავი მეოთხე.

90-იანი წლები და ნაროდნიკული მოძრაობის კრიზისი.

თავი მეხუთე.

ნაროდნიკობის სოციალური საფუძვლები და მისი მნიშვნელობა.

2. მარქსიზმი საქართველოში.

თავი პირველი

ნიადაგის მზადება მარქსიზმისათვის ჩვენში.

თავი მეორე.

რევოლუციონური მარქსიზმის თეორია და პრაქტიკა.

თავი მესამე.

ბურჟუაზიული ინტელიგენციის მარქსისტულ მიმდინარეობასთან შეთანხმების ცდები.

თავი მეოთხე.

წმრილ-ბურჟუაზიული მიმდინარეობა 90-იანი წლების მარქსიზმში.

თავი მეხუთე.

90-იანი წლებიდან 1905 წლისაკენ.

პასი 2 მან

ეროვნული
ბიბლიოთეკა



სკოლისა, აკ. წერეთლის ქ. № 3. მთავლ. 956. ტირაჟი 3,000